

『永樂北藏』整理委員會

永樂北藏

綏裝書局

御製

天清地寧
風雨調均
烽警不作
化醇俗厚
外順內安
善際光明
大正統五
年十一月
十
陰陽和順
百穀常豐
禮教興行
一人皆慈
一統皆善
既往未
俱登正覺
七政明朗
萬類咸暢
子孝臣忠
物靡害災
九幽六道
日登正覺

大威德陀羅尼經卷第十五

器二

隋江天竺三藏法師闍那崛多等譯

復有別四種食行住處為食穢相為食行步
為食行淨為食於中何者行淨而為食若初
覓食求善根果願我得是處所願我得如是
行願我得如是發處願我得有如是時願我
得如是語願我得如是辯才願我得如是取
處願我得如是殘願我得如是劫壽餘殘彼
歡喜心而不和合以不和合故不得造作與
誰和合謂與惡道和合何者是惡道欲是惡

道瞋是惡道愚癡是惡道此極惡道者謂染
著處以染著故當有諸有若得諸有處是為
食也復有別四種食何等為四少愛離著取
鎖一切想是為四種食於中所有一切想食
者從無明生凡有見處即念於彼若有念處
即有渴愛若有愛處彼即墜下何者是下言
下者所謂為垢何者是垢貪欲是垢瞋恚是
垢愚癡是垢又言垢者所謂幻也又復垢者
所謂是魔何者為魔取我是魔何者取我謂
取他法何者取他謂執法也於中更無餘法

能令速入滿阿鼻脂如執我者言執我者是
作怨讎言作怨讎者是共鬪諍若鬪諍者彼
非我聲聞彼等乃至共如來鬪諍彼無別解
脫唯除值遇如來而共和合若值遇如來共
和合者彼等於無餘涅槃入般涅槃譬如
人有屋宅而有七門然彼丈夫於七門中有
種種食及諸果報諸調度等時彼丈夫有承
事者若奴若客若使者然彼惡口所欲使處
而不隨順彼人逼切訶責已彼承事者作如
是念言我走去即入宅內然彼丈夫見其入

已默無所言亦不憶念唯見在內是時內中
若食若飲將向外置將外置已彼等衆門皆
悉閉塞善作藏隱然彼癡人作如是念我已
走也我已走也彼住或時五夜或時六夜飢
渴逼切至彼門下觀視喚呼大叫揚聲復作
是言我在於此我在於此也然彼丈夫即告
彼言汝道何也彼復答言我今飢渴我在於
此時彼丈夫從彼出已與其飲食令得充飽
復語彼言我更當走時彼丈夫語彼人言汝
當莫走復作是念我要當走然彼人於後即

便逃走爾時丈夫亦不趣逐阿難如是如是
如來為諸眾生利益故安樂故而為說法於
彼之中有癡人輩作惡口者有走恐怖不受
如來佛菩提法彼等思念我已走也當至藏
處阿難如來所說藏處者是阿鼻脂大地獄
彼等被火所逼受大苦惱為火所然推曾叫
喚復作是言彼沙門瞿曇善說惡行還得惡
果唯願我等還當得值如來教法於彼之中
當如教住阿難如是發心得具足故地獄之
中諸眾生輩速得出離除滅渴愛以利智故

無有爭競阿致迦羅業比丘具足者還速墮
於阿鼻地獄何故名阿致迦羅也言阿致者
是摩致言摩致者是諂言諂者是幻言幻者
是惡念言惡念者是枳致耶多彼等以幻諂
曲具足故是故言作迦致迦何故言幻無有
身體故言幻也二至於幻處故言幻有慢處來
慢處去故言幻也以誑來誑去故名幻者彼
何所來彼何所去謂非去處作去非來處作
來是說第二食處以是故言命也復別有四
種食濁是食不濁是食海是食有頂是食何

以故言有頂爲食無有衆生從有頂處捨是身已生天人中多有叫喚已墮於阿鼻中盡一切善根故彼處捨身已具不善根故當墮阿鼻中作如是語已長老阿難白佛言世尊有何因緣彼阿鼻大地獄中捨是身已彼無有善根復無功德何故從彼生天人中佛告阿難言若有諸佛世尊出現世間爾時彼大地獄以光明照彼光明所觸味彼觀察已生愛念心生欣愛已從彼捨身出大地獄即生人中以七十七相中當應教示雖無諸佛如

來世尊出於世間然諸菩薩有得順忍者時諸菩薩等當得順忍於彼時中一千世界光明遍滿彼等受是光明觸味於觀察者即生愛喜彼等發心生喜愛已即時從彼大地獄處捨身當生人中雖復諸佛如來世尊不出世間亦非菩薩得順法忍但劫初盡乃至有地獄諸衆生輩若復畜生若閻羅世或天人彼等皆生光音天中所有地獄諸衆生等業未盡者彼等擲置於別世界地獄之中令盡彼業雖諸佛世尊不出世間亦諸菩薩於

諸法中不得順忍亦復無有劫燒之時但有諸天子往昔曾見諸佛世尊者彼等觀看大地獄中見諸衆生作諸惡事彼等當作如是之言南無彼世尊如來阿羅訶三藐三佛陀也然彼地獄衆生念彼如來曾聞是聲聞已心淨得如是心四二即便命終當生人中阿難亦有此因此緣所有彼處捨是身已當生人中言有頂食者是取著名字亦如織經迭相縛著故名爲食又何故名織經縛著從此至彼從彼至此於流轉中不出不迴是名織經義

故言食也復有四種別食作限梵行爲食得道爲食得財是爲食迷惑爲食以何義故以迷惑爲食以迷惑故名迷惑爲食言迷惑者謂分別以分別故心散亂不得解脫以不解脫故從此世流轉來向彼世流轉從彼世流轉向此世流轉已復轉猶如莎草猶如蘆根相縛相著不知自理不知他理亦復不知忘失本念不得自心牽取不實取不實已即滿惡趣生彼惡趣故言遠行也復以何義故言遠行也於先不信遠離沙門婆羅門是故生

惡處言遠行也彼言汝遠來者欲何所須彼
 即答言仁者輩我飢渴也即撲仰卧於鐵地
 上令大張口即取鐵丸內其口中彼等於時
 即便當受極大苦惱是故彼等言遠來食也
 亦言遠來也經暫時過言暫時暫時者隨幾
 時作不善業還爾所時爾所時受極苦惱故
 言暫時食言見者何言見者苦言苦者不善
 何者不善而無有善何者復無有善若諸佛
 世尊不值過故彼等不善丈夫言卒作事是
 故不善者也亦復不成開豫生處亦不能成

滅無明處雖常共住各相違背所言住者是
 塵言塵者是業是煩惱是渴愛然渴愛者牽
 取是故言食也復有別四種食破坑作各別
 想濁病無有處染著何者是無有處染著言
 無有處染著者是色於彼之中所染著處是
 名為食言無有者是受想行識於彼之處有
 所愛著是名為食也復有別四種食牢硬縛
 為食別離為食世間思為食發起為食於彼
 中何者是牢硬縛食言牢硬者謂極牢業牢
 已復牢業彼造作已當有和合何者和合謂

自身體和合諸骨和合筋依肉血生凡有生者彼名爲色然彼色者不從東方來不從南西北方來唯因業煩惱果報故彼無有相不可以我所見於彼之中無所取執言我體也從他來者還至他身當知此是凡夫所見是爲邪見言我身體以是故言我體也何者是更造作者作不喜處於中所有執著未來所得以生分別故即成他物以是故言如是我體有如是體攝取住持是故言取色也若無取者彼是邪見以無明行成就是色以其

色故有所造作受想行識識亦造作於造作處而生我想彼以爲色所縛受想行識以識色所縛故言爲縛受想行識所縛故名爲縛當作有物當得成就當作我所分別我所分別已復起分別分別所牽牽已復牽以有牽故言牢硬第二所縛其牢硬者謂三種縛欲縛憲縛癡縛彼牢硬縛纏者何者爲後言後者背面造業彼等諸業不現面前應先作者而於後作彼業已於後命終當有悔恨以有悔故無善命終不得好時至彼惡時即便

滅沒隨順司命以魔波旬隨意所作復言縛者謂相續不斷故言被縛也以是故言牢硬所縛此等四食所順眠處取愛味處彼是流轉流行不能越度攝取種種受生之處是故言食也復別有四種食無畏處恐怖相恐怖處無畏相懶惰者我者於彼之中所有此食無畏處有恐怖相言無畏者所謂涅槃言恐怖者謂得諸有得諸有者無有涅槃無般涅槃者彼即可言有諂曲也言諂曲者東方諸人輩言摩奴沙羅閻浮提人輩語言即彼瞿

耶尼人輩言阿伽奢也其鬱單越人輩彼無賊盜若當有者彼皆知醜此等四種是大賊也猶可治罰若此教中偷法賊者彼不可治何者法賊言法賊者如來法言不異不別若分別不分別法此合此不合如是之人名為自辯以自辯說言佛所說當知彼人於妄語中而作誹謗假使一切衆生成辟支佛有人謗毀種種訶責不實語中而作誹謗或有信者或不信者作分別行以自辯才演說諸法此名誹謗如來也假使誹謗爾所辟支者如

來所謗法之罪此重過彼若人作如是言我
毀戒也我毀佛也我毀法也我毀僧也若以
自辯置立言辭捨教師語者當知一切皆已
毀謗阿難此名法賊何以故安慰諸佛子已
捨佛語言以自辯才爲他解說此是佛語此
非佛語阿難若復有人於一切衆生所奪取
一切財寶及穀米等若復有人如來所說修
多羅中乃至一句等捨已或諸師所作或自
辯中自語言中意欲具滿如是人輩最爲大
賊名偷法也亦名壞法也阿難若有具足偷

法賊者彼於佛邊有清淨心及法僧中有清
淨心無有是處復應當知彼暫所聞諸修多
羅即生誹謗此合此不合此著此不著如是
彼人有不善根具足成就有智我慢彼捨身
已命終之後當生諸地獄中雖生人間得鈍
痙報語言蹇吃或復無舌或有兩舌或有少
舌或有塊舌當得硬舌當得缺舌無有滑利
語言之業當復墮落無節度中當得痙吃當
得失語喉中咽塞口中臭膿氣口生重舌或
得齒痛或復喉痛口如滿鑪得白羊口當得

舌濁當得惡色如被索縛當得減色無有醫
師為說藥法得瘼唾病或得乾病彼以如是
無善根故誹謗修多羅具足故有四種蟲生
舌根中口利如針於舌根中復生二蟲一名
不知足二名毗茶途呼是舌根中復生二蟲
一名阿輪吒蒲二名優婆斯那迦此等四蟲
常為彼作不淨面門以膿血故復於上下齒
行之中復有四種疽蟲出生上齒行中生一
疽蟲名曰娑都遮耶於下齒行中有一疽蟲
名曰阿菟那摩下齒行中復生二疽蟲一名

娑婆荼二名浮耶吒復於咽下邊生二疽蟲
一名波盧沙吒二名毗婆羅迦此等疽蟲被
彼食已住於面門譬如豬口上脣反出而覆
鼻孔有如是等不善事住若以自意測量佛
語以自語義安置建立是故阿難所有諸師
具足受持諸修多羅於彼之中欲求佛菩提
者莫缺莫少莫覆莫藏文句莊嚴教化衆人
令他建立阿難汝等應如是學阿難問言世
尊有何等法當淨道佛言阿難即此陀羅尼
法本若如來所說受持已當應正念當應正

行當應生智當善言辭復次阿難諸脩羅教
證四諦義此處言若有第一實諦彼處言阿
羅違耶尼阿難諸阿脩羅攝持有第二實諦
彼云毗羅荼婆荼阿難阿脩羅復第三攝持
當有實諦阿難彼云波梨尼師締多毗伽闍
呼者即為第四攝持當有實諦如來為諸阿
脩羅說而復言道也此四種實諦於九十世
間中於東方有一攝持一安置立南西北方
一相置立是故阿難於實諦中我說第二汝
應善受善思已應為他說阿難如此中定共

卷二

九

聖諦者彼覆鉢足夜又中言毗荼婆阿難若
此中言第二聖諦彼覆鉢足夜又中言阿盧
荼尸阿難若此中言第三聖諦彼覆鉢足夜
又中言毗梨毗迦阿難若此中言第四聖
諦彼覆鉢足夜又中言波荼盧訶阿難若有
諸衆生輩能知此等名字語言彼等當得疾
智利智若知此等語言者是等當知彼未受
胎當知種種印行阿難此四種實諦如來為
彼娑伽羅龍王所說為孫陀龍王為阿那婆
達多龍王為伊羅鉢多羅龍王為難陀跋難

陀龍王如來已說阿難若有如是言辭所作
 印中墮落之者彼等當如野干作鳴叫響復
 作鳴聲如毗羅梨此野休類殺人食取獸也彼等當受種
 種陰聚阿難彼等法賤以彼缺少故住於卑
 賤缺少之中無有牢固無明之中無有牢固
 我慢之中無有牢固流轉之中以是之故名
 為食也復別四種食阿婁哆侯婁多食阿羅
 訶謨訶都食宿忌利波食怨讎繫縛食有何
 因何緣而言怨讎縛食也言怨讎者有二十
 種何等為二十婦女怨讎丈夫怨讎生處所

怨讎起發怨讎無羞愧發起怨讎相欺誑怨
 讎兩破壞怨讎在國土怨讎墮落怨讎所聞
 怨讎為阿闍黎怨讎為和尚怨讎破戒怨讎
 捨為怨讎遠離朋友怨讎選擇利養歡喜朋
 黨怨讎相欺為怨讎望方怨讎王被驅怨讎
 遠離聚落為怨讎器二此等為二十種怨讎名為
 怨讎也阿難上虛空有諸風名曰毗嵐婆阿
 難彼毗嵐婆諸風等高九十九百千俱致由
 旬彼等諸風是何由旬是人間由旬復有幾
 許大由旬若人輩百千俱致由旬是彼風家

一由旬阿難如是由旬有六十八萬千俱致
由旬其毗嵐婆風高如所也阿難於毗嵐婆
上虛空之中復有諸風名曰尼僧何羅毗云
阿難彼等諸風如是牢硬若須彌山王在彼
處者彼等諸風能破壞之如散土一掬阿難
彼尼僧何羅諸風高二十百千俱致由旬阿
難大鐵圍山在彼處者雖不破散而擲置諸
方所有第二四洲天下上虛空中不可收風
等彼將大鐵圍山如是擲之從此向彼從彼
向此如乾樹葉亦不墮落爾時彼等諸風次

第來已少分觸地而於大鐵圍山上如少沙
墮彼大須彌山王峯聚破壞或百由旬大或
二百由旬大或三百由旬大聚皆吹破譬如
巧調象師取象縛勒一日令行四十由旬彼
象脚中擲置銅盤而彼象龍如是速行如是
四十由旬彼一銅盤不令墮地如是如是大
鐵圍山彼諸風吹擲置彼處從於彼處擲置
此處阿難彼諸風上於虛空中復有諸風名
曰阿鳩羅迦羅此云其作亂風上虛空中復
有諸風名曰上行阿難彼上行諸風高七十

一百千俱致由旬其上行諸風上虛空中復
 有諸風名曰婆吒三毗多那其婆吒三毗多
 那風上虛空中復有諸風名曰地奢目佉此云
 昉無量百千俱致由旬阿難彼諸風上虛空
 中復有諸風名曰須斯湊羅此云善住無量百千
 俱致由旬乃至略說其善住風上虛空中復
 有諸風名曰避荼那避荼那諸風上虛空中
 復有諸風名曰闍婆那輪陀那此云疾走其疾
 走淨諸風上虛空中復有諸風名曰毗多毗
 盧遮那其毗多毗盧遮那風上虛空中復有

諸風名曰富吒避陀那此云破略說如上應知
 復有諸風名伽帝尼避奢伽伽那揭波復有
 諸風名遏顛多悉湊帝迦復有諸風名阿迦
 奢毗奢毗迦多復有諸風名阿住枳羅復有
 諸風名避多博又復有諸風名施利伽摩復
 有諸風名伽多婁惡復有諸風名娑那帝囉
 那復有諸風名阿菟呵伽復有諸風名阿輸
 伽阿多羅復有諸風名波利延多施沙婆多
 阿難我於波利延多施沙婆多風晝夜說時
 亦不可盡阿難其波梨延多奢沙風等上虛

空中復有諸風名刪尼覆婆那復有風名曰
阿嵐婆婆蘇都此云發事阿難此風名字如來悉
知如彼名字已上所有風輪名者阿難復有
二十千種風輪如來所知普知數知此最後
風輪上有上非想非非想諸天於其中間中
間所有風名字乃至如來所知於彼非想非
非想天上虛空之中有六萬八百千俱致由
旬以上復有風輪名曰毗毗梨湊此云示於彼
最上復有風輪名曰首楞伽摩此云健行高六十
萬八百千俱致由旬彼上虛空中有水聚高

六十八百千俱致由旬如是數如是大小如
是作事中大千世界中如是水聚悉皆遍滿
復於此上復有地界厚六十八百千俱致由
旬彼處復有閻浮提無畏之處豐樂廣大甚
可愛樂於彼閻浮提中有七十百千諸城皆
悉無畏安隱豐樂意喜可樂多有人民充滿
於彼是諸人輩現在壽命九十九百千俱致
歲彼處現有如來說法名曰大燈明如來彼
世尊初會有四十百千俱致比丘眾然彼世
尊為於聲聞如是說法我於今者以劫濁時

出現於世汝等發勤精進以未得者應令得
之以未至者當令得至以未證者當令證故

大威德陀羅尼經卷第十五

第二

十三

音釋

趨丑刃切 坳徒古切 蹇吃乙蹇紀偃切 居
逐也 坳瓶也 蹇吃乙蹇紀偃切 居
蹇難希切 過烏葛切

大威德陀羅尼經卷第十六

器三

隋北天竺三藏法師闍那崛多等譯

阿難彼佛世尊有一大智比丘於聲聞眾中
最為第一名曰降勝猶如我今上座舍利弗
彼佛世尊有一神通比丘名曰寂行譬如我
今上座目犍連彼佛世尊有一侍者比丘名
曰善生譬如汝今為我侍者阿難我今於彼
一切比丘眾能稱名字一切比丘尼眾一切
優婆塞一切優婆夷亦能說其名字及彼世
尊如來阿羅訶三藐三佛陀所有法住乃至

永樂北藏

大威德陀羅尼經

第五〇册

彼佛世尊隨所住世未般涅槃九十五百千
俱致歲正法住世一日一夜彼佛世尊如來
阿羅訶三藐三佛陀般涅槃後六十一劫中
空過無佛即彼佛刹所說實諦如此處言苦
聖諦者彼處即言烏奢羅迦聖實諦若此處
言苦集聖諦者彼處即言婆蘇妬毗耶若
切聖實諦若此處言苦滅聖實諦者彼處即
言又耶何利他那聖實諦如此處言苦滅道
行聖實諦者彼處即言阿訶羅佛地妬聖實
諦阿難此等四種聖實諦我說彼聖諦彼說

我聖諦譬如我與汝對面共坐各各相知汝
今知我我亦知汝彼亦如是彼亦知我我亦
知彼如我念彼如彼念我阿難我若一劫若
百劫若干劫若百千劫若百千俱致劫若復
過彼無量諸世界一切世界之數及以無量
無邊若干諸佛佛悉能知佛眼無礙佛智無
礙於彼之處如來入涅槃者尚不可盡阿難
如來有如是智不可思議無有邊際阿難我
今當說是義為證知此故阿難所言風風者
有諸比丘欲有風者為彼等故方便而說此

義以是義故當成就如是大智此方便為名
字若如是者大智當不成就阿難若以世間
語言故說般涅槃我如是說時過百千俱致
劫說復過於彼阿難汝等當取實義於實義
中當勤方便莫為文字莊嚴莫共諍鬪莫共
相競言相諍競者皆是風也凡有怨讎皆從
競起為諍競者無有盡邊凡所諍競皆令墮
戒令墮三昧令墮智慧阿難如來涅槃之後
當來之世多有諸法師等彼自欲風謗教師
法彼等癡人縛在於彼色渴愛中於聲香味

觸法渴愛之中為欲風所縛阿難住渴愛中以欲縛故當向地獄為食因緣多作種種妄語阿難此食名破論師名從風起名為維陀義名怨讎本根也復有別四種食和合為食闇為食災怪為食業果報為食是故眾生得住壽命言和合食者處處和合言闇食者所謂聲鳴言災怪食者若不捨無明何者不捨無明謂住處不和合何者是業報食若未來處中欲求果報求果報者當無有施以此諍闍當名執著富伽羅者是等癡人當名增上

作復有別四種食如法所得為食施物為食梵本脫施法是為食一種食此等四種是名為食彼四種食中法施為最為勝為精為妙為無上為上上何故言法施為食為不生貪性故法施為食為不罵辱故法施為食何者為不貪器二性言不貪性者是不罵辱言不貪性者是無三所求言不貪性者於甚深諸修多羅如寶所說捨離非法不欲非法逼切於他言不罵辱者不罵辱佛菩提亦不誹謗云何不罵辱不誹謗如所聞法隨順受持精細非不精細為

自降伏故爲自寂靜故自般涅槃故比丘有十種事故如是修多羅罵毀誹謗何等爲十自言我是多聞我未曾聞如是等修多羅彼作是言此從誰來此非佛說我是持法人我本於先不聞是等彼以多聞慢故當誹謗此修多羅復次阿難雖復比丘不住如是多聞慢中但彼和尚阿闍黎等作如是言我等今者久行梵行我等未曾聞此彼從聞已還作是說復次阿難比丘不以多聞故住於我慢亦不隨和尚阿闍黎意故住於我慢但彼朋

友所共事者彼有多聞或彼朋友和尚阿闍黎亦復當有多聞久行梵行多人所讚亦有多人說彼名聞然彼等作如是言此非教師所說於彼之中我等不信彼不信樂故不生希有作如是言我等當作如是如尊者教於彼時聞當所尊重者彼命終已生驢胎中於彼之中魔王波旬作勤方便願作助護願諸婆羅門長者居士爲彼沙門造立寺舍彼造立已彼等當得供養飲食阿難彼中所有和尚阿闍黎尊重之者命終生驢胎者令彼負

重鞭杖捶打背負世間種種財具造立寺舍
阿難有是因緣於彼時間受驢報者遍滿寺
舍阿難於彼時間諸俗人輩作如是念我已
造寺我今已與世間果報我今已與世間負
乘財物果報今復應與守護之者即於彼寺
境界之中不遠之處於一界中於一寺內施
與女人及諸丈夫供養僧故阿難於彼之時
有諸癡人穢濁汙染沙門法者當作是念今
日檀主已與我等寺舍供給供養衆僧已與
奴婢今者彼等皆悉由我我於今者應取此

已隨我所用行非梵行遂向彼邊作如是語
我已得汝汝是我物我所語者隨我意不時
彼婦人而作是言如尊者意當作如是如汝
所言我不敢違隨爾心想阿難如是次第彼
等癡人於彼時中當有隨順滑利而行違背
禁戒於下賤中隨順而行是等即於彼處而
作僧奴或有即住彼中作比立身供養衆僧
如彼昔日奴婢供彼亦不悔彼下賤等事彼
等命終已生驢胎中爲他作乘如彼過去他
與作乘阿難汝可觀察於彼時中當尊重者

和尚阿闍黎還復為彼而作驢身極負重擔
以杖拷打彼等捨驢身已當生阿鼻大地獄
中阿難此等誹謗從和尚阿闍黎相傳教來
各各相承或從寺主知事各各相承當作增
長滿地獄事復次阿難是魔波旬於諸比丘
作是住持願此等修多羅不作光顯若有於
中勤求方便雖初勤求後還退失不復勤進
初安置已後不安置初勤方便於後當行欲
向他國或有病患或多事業彼以念諸業故
損失正念初正行已後不正行初發趣已後

不發趣既安置已還不安置我當欲信還復
不信於如此等修多羅處當欲勤求作究竟
業行即於是處心生厭離生厭離已求餘業
行彼等被魔作是住持以住持故而生瞋恚
生瞋恚已復當誹謗如是修多羅阿難誹謗
法者最為大惡阿難是故我告汝等我救汝
等若有智慧正梵行者為求此等諸修多羅
故或應當行若一由旬若百由旬若千由旬
若百千俱致由旬何以故阿難假使於一切
處有極苦惱亦應當行為欲求此陀羅尼法

本故阿難如來手者所謂此陀羅尼法本是
阿難正法手者所謂此陀羅尼法本是阿難
正法意者所謂此陀羅尼法本是阿難言世
父世父者此陀羅尼法本是言世間世間者
其智慧人凡所求者皆悉得之故不誹謗所
言智者若能求此陀羅尼法太是名智者此
陀羅尼法本爲於智者阿難若人發心求此
修多羅法本故於彼時中有障礙者阿難於
彼時中決作是念今此障礙是魔事也此是
魔業所起阿難以魔業故於未來世諸比丘

等當有誹謗如是修多羅阿難於後當來五
百歲中正法滅時此陀羅尼法本於彼北方
出現於世還復速滅有一比丘意欲修習自
餘諸比丘初欲修習此修多羅彼於後時復
不修習阿難爲此陀羅尼法本最後之時當
有誹謗阿難若有諸比丘等此修多羅至彼
手者或復耳聞彼等來世當得作佛如來已
知彼等已成就具足種諸善根阿難彼智者
於彼時中應作是念願種善根發是心已當
得涅槃阿難於彼智者正梵行者我付囑此

陀羅尼法本阿難於彼時間有諸比丘多求利養及與名聞以念利養及名聞故彼等勤求利養及與名聞聞此修多羅已而生疑悔復生疑惑彼等以墮疑惑中具足不信不信滿故即不受持何以故阿難於彼時中諸比丘輩多有愚癡少有意欲如於今時諸比丘輩若晝若夜意樂經行即於彼時飽飲食已於牀眠睡乃至日沒彼等比丘以被大小便逼切急故從重睡眠於牀起已放大小便大小便已還詣牀卧設當睡覺彼等當作滑利

談話談說國事論其利養說其男子婦人之事唯當愛樂種種言談亦當不念如法談話猶如劫賊羣隊之話當話戰鬥村落城邑市肆飲食衣服香鬘婦人姪女而作雜話防邏鎮戍話世間處及話自身如是等種種所不應話而作話也三從初夜話意專樂已方取睡眠以身重故或復展轉懶惰纏身以長夜中於深夜中還復睡眠以展脚足乃至第三更至於後夜彼於爾時從睡覺已依倚俗家為諸分別之所戲取應從此處當至某處應從

某處還至此處從彼處所應將某物彼等以
求果報故於日初分中當入村落城邑王家
市肆等處彼等入已於彼多種不淨之處作
犯戒已更復於彼不生止心而出去也阿難
於彼時中俗人白衣尚不如是於諸欲中而
重貪求彼癡人輩作如是言我是沙門釋種
之子作如是知彼等癡人至寺內已晝夜常
作是非善事彼等癡人當復何用如是等修
多羅及正思處若如來今者說三種業所有
讚歎彼等癡人於彼時中捨此三業皆已遠

離於三業中作勤方便求美飲食牀上卧眠
大小便業等此三業者所有眷屬彼共親近
已皆悉當墮地獄阿難汝諦觀彼諸癡丈夫
懈怠懶惰故如是等諸修多羅文句如來所
說當不受持亦不勤求亦不意樂誰是陀羅
尼法本所爲不知此義阿難譬如有人無力
少力無護助者亦無朋友無子無婦無倚著
處無有飲食苦惱壽命彼至空閑阿蘭若處
爲求食故負極重物彼求物時忽然遇值三
種大藏諸寶悉滿彼既見已生大恐怖捨彼

重擔即背馳走時復迴顧向後觀察觀已復
 觀作如是念莫復有人欲來害我阿難於汝
 意云何彼癡丈夫得彼大藏而更背走得為
 善不阿難白言不也世尊佛復告言如是如
 是阿難於彼時中諸比丘等聞如是諸修多
 羅已捨已背走生大恐怖當得墮落於大墮
 中若諸比丘作是方便勤求如是修多羅者
 於彼之處不生淨信當不用心彼等見已當
 作惡意欲作害想亦復不作勤劬不設最勝
 所須鋪具亦不與彼勝好衣服飲食湯藥等

及隨時恒鉢那鉢或復別與羹飲漿水彼逼
 切已當速捨背遠離而去見彼去已當生歡
 喜默然而住復作是言汝一去已願更莫來
 阿難如來見此義故為彼智者諸善丈夫當
 付囑如此陀羅尼法本乃至令不滅沒故阿
 難此法品名勝大將若有比丘於此法本中
 觀察者勤劬者彼當印護守護此修多羅法
 本故當得千偈陀羅尼之所利益阿難於此
 品中無穢濁偈應如是知阿難應莫生恐怖
 如披杖捶當應忍受勿生惱悔阿難我念往

昔於彼時中有一如來阿羅呵三藐三佛陀
名曰寂行然彼寂行如來應正徧知涅槃之
後有一比丘名勝身分彼人受持此陀羅尼
法本具足無缺時有一王名曰勝然彼勝王
從他人聞有一比丘名勝身分有陀羅尼法
本具足受持聞如來所說當能增長般若我
於今者應當往求爾時勝王遂即向彼勝身
分比丘之所到已頂禮其足而白彼言尊者
我聞大德有陀羅尼法本具足受持若尊者
不憚我欲諮問阿難時彼比丘為彼勝王說

此陀羅尼法本於彼會中五百衆生遠塵離
垢於諸法中得法眼淨爾時勝王即發無上
菩提之心從彼聞已即施比丘六萬具衣及
四種兵力於彼比丘兩手接足布身頂禮而
作是言善哉尊者於彼時中有八萬四千諸
衆生等見彼勝王布身頂禮彼等亦皆布身
頂禮咸作是言善哉尊者為王說陀羅尼法
本願莫停住於上虛空復有八十百千諸天
復作是言尊者大德願為勝王說是陀羅尼
法本莫暫停住時有一魔名曰怖畏即作是

念此陀羅尼法本若當至彼多人之所此即不善我於今者應當住持此比丘身尋即住持彼比丘身爾時勝王及四兵力并彼八萬四千諸衆及彼無量百千諸天即於晝夜伏地不起慇懃請之然彼比丘不許爲說爾時勝王過晝夜已即作是念如我今者應當如是如是承事今此比丘儻能與我此陀羅尼法本爾時恐怖魔王知彼勝王心所思念知已還作如是之願我今亦當不捨此比丘身

捫面及膝歸命頂禮彼比丘足圍繞三帀合十指掌在比丘前及八萬四千衆生之類亦復如是從伏而起捫面及膝合十指掌頂禮彼比丘足圍繞三帀合十指掌却住一面爾時勝王合掌已白彼比丘而作是言尊者我於今日更白尊者爲攝受我故受此夏中四月日請彼以魔王住持力故不許受請時彼比丘王三請已亦復不許時王向彼而問之曰尊者今欲詣何方所我等隨尊者至於彼處即報彼言隨我所之當有樂處阿難爾時

勝王即作是念我若於後比丘之所逼問至
三今者欲往何所坐夏若逼切已或有是處
儻不與我共相見也我應今者私令訪察隨
在何處我應詣彼爾時勝王共彼八萬四千
衆生頂禮彼足圍繞彼比丘三匝已而白彼
言尊者隨意所須我等皆爲給侍供奉作是
語已合十指掌背面而去離於比丘眼所不
見彼既去已勅令安置二十丈夫隨所去處
必奏我知乃至彼比丘住於彼處若干時節
彼王四部兵馬勢力往至彼處見彼比丘乃

與羹食時彼比丘即從彼處不語彼王移徙
而去至二十由旬外非勝王境而夏安居爾
時彼王守護比丘彼諸人輩見彼比丘去已
速報王知彼王聞已共四部衆兵馬勢力還
至彼處供養比丘經夏四月然彼比丘雖得
王供猶不爲王說佛所說乃至四句偈等雖
復如此王心不異唯於內心常作是念今日
應說明日應說今者應當作如是耶今者應
當與如是耶彼王既見過四月已白比丘言
尊者豈不憐納我等彼即答言我於今者不

能與汝應汝所作隨汝意作爾時彼王白比丘言隨尊者心安隱我住爾時勝王復作是念我於俗法已作供養我今應當於比丘所捨家出家爲此陀羅尼法本故即白比丘尊者我今意欲爲此陀羅尼法本棄捐王位捨家出家此陀羅尼世間希有我念意樂受持讀誦爾時彼比丘嘿然而住王復白言尊者有何意故而嘿然也彼復白言我於今日不遍尊者今決與我如是法施世間富伽羅希有事也尊者我意如是願仁家內爲受我食

彼答之曰若爾之者隨汝意作爾時勝王復作是念我於今者應自將此比丘而去於白法中多障礙故爾時彼王與四兵衆勢力圍繞比丘置令在前漸漸次第至已宮殿至宮殿已恭敬尊重以諸飲食供養彼已集諸宮內諸姝女等作如是言慎莫放逸當修習法我於今者此比丘邊捨家出家時彼勝王作是語已爾時彼處上虛空中無量諸天千數衆等即稱善哉善哉汝善丈夫如是應當修習善法說是語已彼姝女衆即大悲哭咸作

是言仁既出家我等今日亦隨出家所隨眷屬諸童子等亦復皆作如是言曰我等亦復隨父出家諸臣百官亦作是言我等今者隨王出家時彼勝王身有一息童子名曰勝持彼作是言我不出家當用出家竟作何事我今當知王之庫藏建立王事爾時勝王及以八萬四千眾捨家出家已如是承事彼之比丘行坐之中如是供養方始為說陀羅尼法本時彼勝王既出家已爾時怖魔哭泣悶絕背之而去阿難汝莫疑惑爾時彼王名

曰勝者為此陀羅尼法本因緣故捨愛妻子及其王位供給承事彼之比丘種種供具調伏彼魔未證菩提為菩提故出生精進求佛勝法及菩提分豈異人乎阿難汝莫作異見何以故爾時彼王名曰勝者我身是也時彼比丘者於今現在名曰薩波達多此云德是也於彼之時所有魔王名恐怖者彼即魔王波旬是也而於彼時彼勝王息名勝持者而不出家受王位者彼難陀比丘是也難陀比丘於彼時間恒請我等施諸飲食衣服卧具種

種等物皆悉與之請已皆悉供奉所須我於爾時爲彼八萬四千諸衆生輩爲讀誦陀羅尼法本故讀誦陀羅尼法本時彼所聞者彼等皆悉發心作願願同菩薩所生之處我等亦願於彼中生若仁當證阿耨多羅三藐三菩提時願我等輩亦爲仁者作其眷屬阿難我之所有此一千二百五十諸比丘等於彼之時此等是也在彼八萬四千衆生之數所有現在瞿多彌等五百比丘尼者當知彼時勝王宮內諸姝女輩是也彼時所有自餘諸

衆生輩四部兵馬勢力者今如來於摩伽陀國中所有人輩調伏者是也及伊羅鉢龍王并諸眷屬詣我所時調伏者是及上天時所有衆生彼等是也自餘所有衆生如來現在說法令得解脫彼皆證法及得果者得信利者是也如來世尊一切皆知往昔已曾供養諸佛若有於未來世後五百年中諸比丘輩心意喜樂如是甚深修多羅者彼等爾時一切爲勝王子孫次第是也何以故阿難彼時勝王於金葉上抄寫此陀羅尼法本置於衆

寶篋藏是法本王秘藏中若當有次第相承
王位得聞此已當種善根如是次第有八萬
四千諸王從秘藏中出此陀羅尼法本已受
持讀誦如來滅後藉彼善根於後五百歲中
以無餘涅槃中當般涅槃一切所有發菩提
心者彼等往昔因陀羅尼法本修諸善根因
緣力故彼於後時還復發心於彼之時如來
世尊亦曾念我彼慈行者從久遠來已攝我
等阿難應當精勤莫捨重擔阿難應當學我
往昔之行為欲受持佛正法故阿難如是學

者當有是食欲求白法不得虛誑阿難無有
彼法可虛誑者若黑若白我已往昔行極苦
行證佛菩提唯為汝等應廣受持莫令後悔
如是名為真實食者莫墮懈怠放逸之中阿
難如來所說食之事者是為欲也欲為一切
諸法根本是故如來所說法者名為食也阿
難誰有如是法者彼則無有具足違背之事
彼當欲斷違背事故復有四種食於真實中
違行為食離師宿住無所依止為食毀謗和
尚為食破戒者作布薩業為食於彼中何者

為破戒有十種破戒何等為十然生是為破
 戒凡所作業念護諸有是為破戒其心一向
 決定缺少是為犯戒一向起誹謗諍鬪是為
 破戒一向於戒磨觸初不了知後則分別憶
 追來果是為破戒一向決定汗比丘尼是為
 破戒一向決定有其諂曲是為破戒一向決
 定偷奪物利及與根本一向儻戲及造賊行
 是為破戒一向決定烏羅羅耶是為破戒烏羅耶者謂一向念種種戲樂也一向決定謨陀荼磨是為破
 戒謂一向作樂遊戲也一向決定波唎彌羅伽是為破

戒謂處處求衣一向決定烏迦邏哆毗奢羅是為
 破戒謂一向執著外道心廣遍作之一向求覓種種雜物是
 為破戒此等十種為破戒佛告阿難何者是
 無諍義言無諍義者是名一業是為一生又
 無諍義者名為非義又無諍義者名破諸有
 胎於上行趣復有一向器三五種破戒何等為五
 殺母殺父殺阿羅漢破和合僧於如來所惡
 心出血此等為五一向破戒爾時世尊作是
 語已長老阿難白佛言世尊若爾此五破戒
 十種破戒世尊有何等異有何勝劣有何差

別何緣是等名爲無間彼不得名也佛言阿難如來若說十五種皆無間者如來則不付囑教詔令尊重父母亦不付囑令使恭敬諸阿羅漢及諸衆僧亦不付囑供養如來此五種付囑中如來付囑何者所謂父母非諸羅漢亦非衆僧亦非如來所以者何夫僧者不可破壞衆僧牢固不動而住其阿羅漢自身已作歸依之處其如來者爲一切世間之所親友復次阿難但如此等名爲重法於彼之所應作尊重復次言破僧者謂破戒已毀謗

佛所教戒彼名爲破僧也以評論故名爲僧也彼等人輩於評論處不攝是數故非僧也彼等破戒何者不攝僧謂若有犯處若不犯處而不能知故彼自念言我住沙門法也如是思已亦不知念我如斬首忽復值遇多聞之人巧知律者方知自身狀如斬首彼等在空閑處毀謗自身嗚呼我身嗚呼我身失於善行非正師非正和尚非正朋友是惡知識嗚呼法王之教旣值遇已當復斷絕夫違背破壞此是我破此是我壞我於此處當無救

護我於今者當趣何方有能散壞憂愁箭處
在空閑時作如是言嗚呼佛陀善教說者嗚
呼達摩馱離欲者嗚呼僧伽善住諸行中者
我今已缺諸佛飛行我今已少諸三昧行我
今已缺佛之智慧我今已缺佛身解脫我已
缺少解脫知見我已現前惡處遊行善行之
中今已閉塞我當必死我當無有我當不渡
諸有流轉我今當聞不甜美聲墮地獄已我
身當然被獄卒逼我時叫喚當馳何方誰當
與我無恐無畏誰信者邊受取飲食彼等在

我前手執杖棒我當求及誰當瞻仰誰若復
獄卒若狗若鳥若鐵嘴口若執鉗者我所走
處隨其方面唯見恐怖見蘭若者當作如是
言嗚呼此為快樂而在空閑阿蘭若處無所
怖望而住其無心患亦無身病我等今者無
一吉祥我今少福如我今者共諸俗人受用
產業隨宜活命為佛出家應當欲樂沙門信
法今值破戒丈夫富伽羅輩我若親近入持
戒眾於彼之處當被憎馱當被分別若我彼
處住宿之者濡善比丘當見我已當觀察我

當瞻視我此從何也此是誰許此是誰也或
時持戒或時破戒我當彼時被他瞻視我時
慚愧卑下羞恥我時停弱在彼輩前我不娯
樂背面而迴譬如鴝猴於日出時從窠張口
觀察四方此無鳥也彼時夜出從夜出已所
應見者彼不能見唯見大山往詣彼處如是
去來遂便夜盡時鴝猴還未至窠中然彼復
有若鳥若鷹若鷄趨逐飛走彼恐怖已還求
闇處復觀諸處大恐怖已瞻鳥群隊如是如
是破戒比丘如彼鴝猴若在沙門衆僧之中

器三

十七

共布薩業若沙門業各各議論無俗人故彼
破戒者生大怖畏恐被驅逐畏人言道是人
在彼比丘衆中彼問夏臘不道多少亦不問
他不觀他面低頭視地而在彼坐若彼應說
我報何言當何所作也比丘散已彼隨後行
恐我出時有所言語如是破戒比丘於彼時
中從說欲中出已觀察四方譬如殊迦薄迦
多囉在稠闇處宿其若見濡弱比丘彼如是
說今此比丘如是彼中諸長老輩不得信彼
是人知己觀比丘衆於此之中誰是我例誰

與我等有如是者我當依住彼當住於此若復不得如是之者彼恐諸比丘逼切於已向

非道去而彼之處無有言道者無有說者汝當如是彼當如是阿難此是破戒比丘名如

亂也如飲殺毒飲何以故譬如將殺者最後與食最後與飲最後戴髮最後鼓聲如是如

是破戒比丘而信處受食而食如是如是如最後受食亦於後聞佛之音聲後聞法聲後聞僧聲後得人間住處此處捨身當墮阿鼻地獄阿難是故我語汝我告汝此所作業具

足成就一向行處阿難如彼之食攝出家者必應至彼阿鼻地獄

大威德陀羅尼經卷第十六

音釋

器三

十八

邏即佐切 馱馱徒覽切 儻與希同切 儻困弱也切 儻猴也切
 些將几切 儻與希同切 儻困弱也切 儻猴也切
 猴戶鈞切 儻與希同切 儻困弱也切 儻猴也切
 猴即儻也切 儻與希同切 儻困弱也切 儻猴也切

大威德陀羅尼經卷第十七

器四

隋北天竺三藏法師闍那崛多等譯

阿難復有四種食承事尊重者是為食摩訶羅所作業者是為食調戲是為食覆藏者是為食於中所有作摩訶羅業者是名為毒何者名毒所謂不自在何者名不自在墮不教示上氣不安隱不吉祥被抑怖畏被捨被棄故名不自在是為摩訶羅毒也又言摩訶羅者若有如是等果報滿足已及俗家諸業等復欲滿是沙門之業彼等捨家出家已見有

慚愧悔作惡者年少比丘訶責彼等而為示現不隨順法以幻惑法中令他歡喜種種語言中入在家色何者名為幻惑法言幻惑者謂在俗家時住放逸地所犯諸法彼等當皆悉示現然和尚阿闍黎告彼等言汝今已得出家莫作如是作是語已彼猶不悔是故和尚及阿闍黎欲棄捨彼等即作是念今者善哉今者快哉今者快賢我今前後久已厭棄所謂多有語言相似故捨妻子已來入佛教云何和尚及阿闍黎更復調伏訶責我等

應作如是應不作如是作是語故名不自在
又不自在者是謂破戒也既不自在即便破
戒者彼名無所希望亦名羸弱言羸弱者謂
摩訶羅雖持袈裟於沙門法中虛無所得空
食他食亦當不取他隨順事乃至獼猴威儀
之中依倚佛已說俗語法不隨王業此第一
摩訶羅力以如是摩訶羅力具足故向摩訶
羅地何者爲摩訶羅地謂地獄閻羅世是也
若有和尚及阿闍黎於彼邊作如法教示語
者爾時彼即不受復語和尚阿闍黎作如是

言我家所有足自活命何用汝邊衣食汝衣
食而更縛我我於今者不用汝教若自作終
無休悔若其不爾我更至他處豈當無有如
是不隨順教佛刹寬曠我已受持袈裟衣服
隨我意欲當至彼處阿難其摩訶羅有是難
受隨順教如是於諸梵行持戒行中捨遠戒
已行卑下中還復承事妻子眷屬此是第二
摩訶羅力其摩訶羅如是力具足至摩訶羅
行我之所說爲何緣故作如是說爲彼等故
因彼等故緣彼等故何者彼因何者彼緣謂

地獄畜生閻羅世故名因緣何者為緣所謂
為惱何者為惱所言惱者所謂無色何者無
色所謂無財何者無財所謂黃色衆生色非
正色金色不缺少不可拔濟於地獄聚中住
大地獄故言生於彼處譬如餘諸地獄輩有
立住者不得橫卧身壞命終已生於彼處生
彼處已故名攀緣為攀緣也以其先世不能
隨順食他信施是故言因和尚及阿闍黎所
不重教誨是故言因此是攀緣以攀緣故多
失諸法故名攀緣也以是因緣受地獄身意

持彼處故名攀緣也我昔者有何義以自作
惡業故當生惡處在地獄中口自唱言我我
也苦也極苦也彼等以自作業生是智相我
等先世不受正教棄捨正教故得最後法意
順彼是故如來說彼處年少之時不修學故
故名年少摩訶羅也三四得他教已三若彼若此若
輕若重當有當作如此等五種法具足故名
不受順法摩訶羅也彼無此法故當生大
熱惱地獄之中阿難又何因緣言摩訶羅也
以彼具足作摩訶羅法故名摩訶羅也何者

作摩訶羅法摩訶羅法有五種何等爲五於
苦行處懶惰懈怠被他訶責摩訶羅惡戾眼
視瞬摩訶羅橫有語言不作正說摩訶羅躡
坐低頭摩訶羅樂不正道行摩訶羅此等爲
五種摩訶羅復有五種摩訶羅何等爲五住
處不正行處斷絕不問自語非正方行於波
羅提木叉中不能正行此等五種摩訶羅垢
也復有五種摩訶羅垢何等爲五非時入村
落好毀訾他恒喜欲往他方之處好噉多食
勤向天祠及祭神處是爲五種摩訶羅垢復

有五種摩訶羅垢何等爲五所食殘餘不立
淨施所造食處不知護淨先已淨處而觸彼
淨處愛本生地隨自心行不可遮止是爲五
種摩訶羅垢此等具足五摩訶羅垢法當得
羸弱形體瘦悴被他棄捨言羸弱者作諸惡
法故名羸弱彼以穢濁而取塔物及衆僧物
若得若取三寶之物復至村落慈心與他是
食彼當至食行中言食行者當趣地獄畜生
閻羅世等故言食也當生種種陰聚決定成
就彼等以如是染著故名染欲垢瞋恚垢愚

癡垢至如是處而為彼等幻偽所牽言牽者
 謂無明也為於三界業煩惱所牽是故言牽
 取也復有四種食烏羅哆吒伊陀阿伽帝伽
 彌比此云此岸欲去者不去薩浮彌薩奴薩多羅拏此言彼岸婆適伽呵拏薩烏析底攝取名字而說娑制
 婆耶制婆弗利莫句也烏析帝此云如彼還爾如前所說
 爾後復所言俗人無有修作相續威儀若有具
 足成就威儀可得令彼坐布薩業所言初者
 未曾依倚彼應當說是故名為初未曾有故
 譬如丈夫當發如是心我於某處當作屋宅

為捍風雨故彼發心已然不造作時遇天雨
 走向於彼造屋宅處至彼處已還被苦厄阿
 難於汝意云何彼人為有利益為無利也阿
 難白言世尊無利益也佛言如是如是阿難
 若有人被俗家逼切已彼等作如是念我當
 出家彼等出家已還在俗家造作俗法阿難
 彼捨家出家已當作利益也非利益也阿難
 白言世尊彼作利益非無益也佛問言作何
 益也阿難答言於他人處得食而食而於其
 身無所乏少世尊今有如是作利益處佛言

阿難莫作是語阿難莫作是語當知是彼名
無利益若食他食已當至阿鼻大地獄中當
知如前後亦復爾阿難以是義故先行無明
作諸惡業彼於後時無明還滿今復入此佛
教之中捨家出家當養育身彼等如大函滿
復寫穀聚如先器四在俗後亦復還作前業先發
信心捨家出家已於後還悔我何所作也若
我捨家出家應所作者而不作耶阿難此食
大重行處滿足當滿驢趣滿自違背處滿惡
趣處滿野干地處阿難此等比立名不住戒

如鷓鴣在籠不細精行至於亂行有穢濁行
名向惡處向惡處者名為破壞為破壞者名
向三種破及有穢濁故名向惡破壞當作叫
喚彼作稱天於和尚及阿闍黎所當生貴重
恭敬之心彼得脫已心念勤求讀誦修習正
心當欲入於涅槃等五法具足是摩訶羅在
少年時應置教故譬如有丈夫走時復有一
人作如是言汝於今者欲何處走彼時即住
如是如是摩訶羅被他教示言如是作應如
是行彼即還作如是順事彼摩訶羅當言取

隨順也言破者佉那地也此云毗婆牟吒阿

提迦羅拏去聲此云波度陀鞞馱那去聲此

處毗復夜伽闍師哆此云高作阿難如來已

知如是諸法於未來世中當有年少摩訶羅

鞞法阿難彼等非善丈夫不正活命若於此

教中信心捨家出家已而起貢高當入娑他

浮陀中言娑他浮陀者當墮於阿陀浮陀地

獄中是故言娑他浮陀也言貢高者馳向不

善處謂村落中向非沙門所作諸法中何者

非沙門所作法阿難於未來世有諸比丘彼

等以取塔廟莊嚴之具取已莊嚴城邑村落

若於今者如來所說正攝威儀應入俗家彼

於後時種種調戲無正威儀或跳或擲至村

落中觀看諸鳥及蚊蟲等或觀流星於彼之

處而生愛喜樂於彼中當作勤劬彼等比丘

身壞命終定當墮落諸地獄中阿難我今與

汝骨肉兄弟所有如來所及袈裟衣

我不捨與亦不許與汝能用不阿難言不也

世尊佛復告言阿難我之所有衣鉢應捨施

者應當無有別異之人可捨施與唯除於汝

何以故汝爲如來侍者亦是兄弟共佛世尊
居住一處故阿難若爲如來凡有所施乃至
一線縷等彼天等世應好藏舉尊重供養阿
難若爲如來諸塔廟等施諸衣物而盜取者
彼當滿足非沙門法除作是心欲爲藏舉若
洗若滌若熏若香自餘諸事何以故彼等尊
重物所布施者云何戲笑而受用也阿難彼
等所有諸戲笑事必定當墮於苦逼中阿難
何者苦逼言苦逼者於鐵地獄中當被鎮壓
爾時世尊作如是神通令大地劈裂彼阿鼻

脂極大地獄忽來顯現眼前此地獄處建立
諸幢一切所有地獄衆生普皆集聚幢頭熾
然身體懸住彼等懸時有大鐵釧燒烙彼身
爾時世尊告長老阿難言汝見此等五百幢
頭極大猛火熾然一向如焰盛以不阿難白
言如是世尊佛言阿難此等衆生七於迦葉如
來阿羅訶三藐三佛陀世尊塔處取諸莊嚴
種種具已莊嚴村落城邑舍宅彼時所有破
戒之者若取如來塔上諸物今生此中阿難
於未來世我涅槃後有如是時如是三摩耶

有諸俗人信敬佛者為供養如來故若施諸蓋或幢或幡於我塔中用作莊嚴彼等沙門凡出家者從彼塔中取物造作蓋裝飾幢頭或於村落城邑舍宅而作端嚴當為糞穢之所汙染彼中所有或餘殘者或時自著或與他著彼等眾生身壞命終當生惡趣諸地獄及阿鼻大地獄中阿難有百千俱致幢頭從此教中捨是身已當生地獄彼等以取如來塔廟之物嚴飾幢故如是如是身在鐵幢而住阿難以此因緣如來故說阿難如來所有

若衣若鉢彼為無等世界為作支提世間無有堪受用者阿難如來所有欲供養者應著勝處合掌禮拜所得利益所有果報彼一切眾生於千劫中受不可盡阿難如來幢幡十指爪等合掌供養所說善根尚有爾許勝妙果報況復有為如來支提懸幡幢蓋阿難其如來禁戒三昧智慧解脫解脫知見無有邊際阿難是故如來支提之中所施物者汝等莫取如來不許如是之事如來所有支提物者彼應頂戴荷負供養阿難我非是彼摩醯

首羅天主之天如來殘華一切衆生不得取
著應當莊嚴如來支提不得以彼如來支提
裝飾之具而用莊嚴城邑村落阿難出家之
者於當來世有如是業有如是等非法之事
非是俗人所作事業所以者何阿難彼三摩
耶所有俗人當施衣服及諸供具而出家者
反盜支提供養之具而自受用阿難有如是
食當作怨仇非爲慈處阿難如來宣說所作
福事莊嚴之具修供養者將來獲福有如是
等裝飾之具自供養者如來說彼當墮地獄

何以故阿難誰有莊嚴供養訖已阿難彼等
於彼還自取用阿難彼等比丘於後世時依
佛出家已欲供養故或衣服等而自著用阿
難其釋子沙門等當有是食當復結集地獄
陰聚阿難誰所愛者豈不尊重而供養耶我
於彼時而爲彼等不作愛重若於彼時愛重
我者如來支提幢等諸物莊嚴之具應當守
護不得侵犯阿難當彼時白衣有是勝異非
同出家剃除鬚髮著袈裟者阿難於彼之時
出家之人多饒煩惱非諸俗人在家之者阿

難彼三摩耶時出家之人所作生活種種具
度如在家人譬如侍者若奴若僕或有水器
或復酥器或有脂器彼等觸已復還洗淨無
所揀擇自取受用阿難如是如是彼於後時
有出家者一切非善法中具足當行於俗人
所而作諂曲三四作出家垢彼等以意垢具足故
身壞命終次第當生於諸地獄中阿難此食
當破皮破皮已破肉破肉已破筋破筋已破
骨破骨已破髓阿難所言食者若於彼時令
墮非法行者彼名食也復有四種食捨勤精

進此由法寶不攝取故棄捨遠離不正威儀
故名爲食也所有語言彼還訓答如來語中
不正言說於中有疑此名爲食事尊重者是
名爲食言尊重者謂欲是也所言欲者謂不
正行復言欲者謂苦聖諦是也所有聖諦彼
少染著若少染著彼處無貪若無貪者此是
諸食斷處若有此等四種聖諦以聖諦順眠
者彼等貪欲順眠增長以順眠增長於三界
中隨順流轉故名爲流隨眠住處爲食此等
爲四種食也復有四種食觀察般若名爲

食呼喚法是名為食修正梵行是名為食住
 於障礙患中是名為食阿難如來所說患者
 謂不滿法想此四種患具足滿者當生三界
 此四種患有可除滅而有眷屬而諸眾生不
 能覺知唯除如來也五法具足能生食愛阿
 耶吒陀耶波梨拏摩多夜此云雖行布施弗
 婆若多夜此云於摩羅波羅余伽多夜此云
 故彼有八十戶疽蟲啖食故所以生飢此等
 四種食如此諸法以為眷屬言眷屬者若令
 勇猛或復發起故言眷屬又言眷屬者由被

他食由他活命為他利益由他缺少是故此
 食名為食也復有四種食依欲界為食依色
 界為食依無色界為食華中有四列名是為
 四種食復有四種食尼祇多舍羅為食此云
 食前為勝住處為食及棄捨鈎鈞為食淙著為
 食是為四種食復有四種食般遮多婆瑳為
 食此云五種阿那舍荼為食此云不諂慰提
 沙吒都利也為食此云相似淨信瞋恨為食
 於中所有淨信瞋恨食者此食具足沙門釋
 種子於今時中及未來世乃至正法滅時云

何淨信瞋恨爲食謂沙門釋種子輩諸沙門
釋子輩而自念言我是沙門彼等開示商道
彼等於商道中私竊覓勝而作商事勿令有
人知我復次何者是彼沙門釋種子販賣物
也謂販賣佛語以爲賣物及諸威儀以爲賣
物云何販賣佛語以爲賣物阿難諸沙門釋
種子作是念我當求法以此法故令他歡喜
願使有人請我與食彼人依倚糞穢法住糞
穢已勤覓如是佛菩提法彼人至彼俗人之
間作如是言如是應當思惟憶念以菩提法

如是出入息念應當憶念如是念處如是正
斷處如是諸神足處如是諸根如是諸力如
是菩提分如是八聖道分我能知此我於此
中身已得證若能思惟如是等法汝於彼時
當生光明或見害輪汝於彼時極須閉目若
閉眼已或有眼痛汝於彼時當應如是憶念
思惟此是魔業我應不久當得果證吾若來
已隨其所有還如是說如是沙門釋種子商
道方便彼去已後至空閑處作如是思惟我
於今者已生朋友當應隨時觀看親近彼過

夜已行狗道中非自威儀不正威儀行道路
中如是思惟我今應當作如是語我應此語
我應語彼不住正念不住諸根行狗行中彼
人行時所有正信諸天龍夜叉彼等見已戲
弄毀辱彼貪迷惑異觀而行彼人去時但感
自身以漫看故生瘡出血彼至村落若見信
家諸沙門釋種子所即往彼家入彼舍時除
其狗行作悉利伽羅野干之行譬如悉利伽
羅以飢渴逼求覓飲食遙見群羊心生恐怖
即便反擲遍行圍繞見是相已直以舒舌斷

舐而已或來或去其悉利伽羅忽得羊便即
捉羊項彼羊即便舉頭怖走至一千步猶懸
彼項譬如斛領垂頤以牙利故羊不能行即
便倒地時悉利伽羅隨欲所作時驅護羊人
或覺知者即便逼切悉利伽羅羊因得活如
是如是彼等比丘所至家處攝前語言後以
方便令作已事於彼舍中共語言已即便停
住示現身瘡於俗人所種種誑惑種種教示
彼應與我如來付囑汝病者所須彼即報言
汝明日來如已家無異得是言已便即出去

彼非善丈夫乃至所見皆悉諮覓彼後次第
還到彼舍到彼邊已隨身所須即從彼索俗
人見已便起恭敬請令彼坐示現忍相比丘
坐已彼俗人言尊者今日爲何所食我今作
何也阿難時彼俗人以信敬心請彼以意重
故即告彼言我長夜中以果報故恒被人誑
惑爲人所呵而問我言汝作何也汝得何也
汝今何證也雖然汝等俗人多有事業隨汝
所有若多若少而行布施得福無量彼即報
言如尊者說實如是耶時比丘報言我阿闍

黎和尚亦復如是示我道路今汝具足我住
於此十年勤求猶尚不能得是諸法如汝今
者於一夜中已得是法善哉丈夫汝今應當
生歡喜心汝今已得須陀洹果汝真是佛子
汝當亦應堪受一切衆生之所頂禮而汝今
者能爲我作最勝福田況復餘者若更有餘
善男子等非是沙門而似沙門彼等來已而
語汝言此不應也非佛所說汝勿信彼汝莫
放逸汝於今者真是須陀洹真是斯陀含阿
難是於彼時爲世間果報故爲糞除塗瘡讚

歎自身及說師法復為他人作如是說汝等亦應當作如是彼為諸俗人令歡喜故時彼俗人即作是念我實是須陀洹我於今者應供養師時俗人等於彼沙門即生歡喜便請比丘多與衣服飲食卧具湯藥種種諸物時彼此立既被請已作如是言如來曾說言從信邊應受非不信也若如是者我今應受彼如次第漸漸親近數數來往以數見故作漏語言如前彼亦爾作如是業常來俗家攝受白衣通相染愛捨離戒行在彼俗家作卑下

業阿難此是沙門釋子諸弟子等當有如是不淨行業減損上天及解脫果當滿地獄苦惡果報是惡比丘之所作者若更見餘沙門釋種子等不生信心亦不親近亦不供養亦不承事此亦如彼惡比丘者何假親近莫共語言因是事故損減信心戒行多聞施及般若皆悉損減損減已當墮於惡趣所謂於地獄畜生閻羅世是故阿難莫為貪故作如是諸惡行阿難如是次第如是因緣滅此法教阿難其詐聖者當住六月於後知已移行他

處彼惡比丘唯有如是所作方便諸惡沙門
釋種子等所在住處具惡方便汙染如來如
此法教閉甘露門捨佛菩提毀辱佛教不喜
法教當棄捨僧教阿難彼於如來法教作不
善事沉餘凡夫練行之者具足精進信行之
者阿難於彼時中以食故罵辱如來訶責毀
謗阿難云何以食故罵辱如來訶責毀謗是
惡比丘知此俗人於如來所有信心者故在
彼前毀辱如來却住一邊行詣彼所作如是
言此為非善非為正受此當知僧勝佛不如

也當供養僧當供養僧已即供養佛佛於聖
僧中非為外也彼時無智衆生受不正語故
如來曾說為瞿曇彌施衣具時瞿曇彌汝施
僧施僧已有大果報而施僧者我亦在中汝
可布施於聖僧中其瞿曇彌即施衆僧以供
養故即成波羅蜜三四如來曾說若有如是聞者
信者如是知者彼等即住天勝之處所謂施
僧成波羅蜜故若作異者此是顛倒汝莫作
二此義是一若供養僧即供養佛何處有一
何處有多若如來於僧外者不應坐布薩中

如來曾為衆僧說波羅提木又如來不為一人說波羅提木又如來既坐彼衆當知如來即入僧數阿難如是彼時於世間中唯有二寶佛及法寶一切所有佛法語言當於彼時皆悉棄捨所有僧寶於彼時中彼當無也唯有極大叫喚之聲阿難其彼最大叫喚滅已當惡運起於惡運時和合僧者唯在三年過三年已彼皆破壞既破壞已時有一比丘多聞持力年已老邁生來百歲當令是人入一朋黨作如是言我前聞說於惡運中無有大

僧名和合之者唯有空名如此空名應善受持阿難此大僧者最後得名阿難汝當觀察彼三摩耶唯有空名無和合行時有如是諸惡比丘彼等多有俗人及惡比丘共結朋黨互相佐助於惡運時入諸寺舍執持器仗捶打比丘阿難如是惡運世中所有僧衆諸沙門等自無力故唯當空有大僧之名阿難彼三摩耶無一比丘行梵行者彼布薩中各立制約汝等不得言有梵行若復言我行梵行者彼即斬首或時撻罰阿難如是次第於八

聖道當被誹謗彼等於彼布薩之中當共行
籌誰有梵行若言我有梵行者彼可取籌若
有自言我有梵行取籌之者彼惡比丘即不
共彼同布薩業阿難彼三摩耶有五百許比
丘作如是言我是梵行阿難彼等五百比丘
一夜之中皆悉斷命至夜曉已時城中王既
聞此事即大瞋忿捉彼所有三千比丘一時
斷命復作是聲號誰為城王捉得沙門將來
之者賜與金鬘彼於是時有貪眾生處處走
趣沙門釋子隨其所在諸有沙門釋種子處

或阿蘭若或復山林曠野之處皆悉詣彼處
處求覓當時諸寺山林靜處諸阿蘭若皆悉
空曠其諸弟子不知和尚去住之處亦不守
護依止侍者亦復不知阿闍黎處亦不守護
阿難其沙門釋種子於彼時間此間浮提內
甚大窄狹無走避處阿難當知彼時所有比
丘摩訶羅者彼王捉得皆悉奪命阿難唯有
金錢彼得度河阿難如是於彼三摩耶時有
五百比丘無金錢故為大水聚之所漂沒無
得度河阿難彼三摩耶時諸比丘等至北道

多刹尸羅城作和合住面向北觀觀看和尚
 及阿闍黎彼等各各議論作如是念我等今
 者可共彼王作大戰鬪彼三摩耶處處普方
 各各來者諸比丘眾爾時當有九十百千諸
 比丘等悉著鎧甲還向北方相隨而去共彼
 城王極相戰鬪如是阿難彼三摩耶布沙波
 祇此云王所居城中極為戰鬪阿難彼戰鬪
 處有三千許諸沙門眾皆悉為彼刀仗所害
 當時彼王被諸沙門之所逼切即便逃走為
 諸沙門之所奪命阿難如是彼王所有采女

及諸軍眾被彼三摩耶為彼沙門釋種子輩
 於半月中之所受用阿難彼三摩耶於荼蘇
 地此云當有一王名曰婆睺羅舒婆此云時
 彼王聞沙門釋子輩斫殺燈王斯有是處若
 彼等來必奪我位令我墮落及失四部兵時
 邊地王即來向彼布沙波祇城其釋種子輩
 因離彼城阿難如是彼三摩耶於北道中當
 最後見諸沙門等諸比丘等當還向彼特叉
 尸羅大城此云石城

大威德陀羅尼經卷第十七

音釋

瞬 舒閏切 目動也
 啞 子合切 齧也
 舐 神踞也 舐也
 頤 戶吾切 下垂皮也
 捍 侯竹切 抵也
 劈 普舉切 破也
 搥 也 瓜陟

呂

七

永樂北藏

大威德陀羅尼經

第五〇册

永樂北藏

大威德陀羅尼經

第五〇册

大威德陀羅尼經卷第十八

器五

隋北天竺三藏法師闍那崛多等譯

時彼城中所有人民皆悉聚集而作誓言今者不聽沙門釋種弟子入城爾時彼中復有於佛教中信行之者有淨心者作如是言佛出世難但令沙門釋種弟子入城還共此沙門釋子等打邊城王令我等勝以其逼切沙門釋種弟子輩於彼城中諸人眾等或作如是或作如是言論不定爾時魔波旬勤求方便願彼沙門釋種弟子莫令得入彼特叉尸

羅大城阿難若沙門釋種弟子得入特叉尸羅大城者於三年中諸沙門等應作城主阿難於彼時中魔王波旬化作大軍莊嚴畢已出特叉尸羅大城北門次第巡行復作是聲汝等好打沙門釋種弟子汝等急捉汝等當令墮落汝等令破諸沙門釋種弟子輩其諸沙門釋種弟子聞如是聲及見是相怖怕逃走不能在彼於前而住亦不能入特叉尸羅大城阿難如是彼三摩耶帝釋天王及四大天王并八萬諸天子速下閻浮提如來所有

支提之中有舍利者皆悉收取擎持而去阿
 難即於彼中淨居天等見阿蘭若空閑之處
 并諸塔廟及僧伽藍作如是言嗚呼嗚呼此
 釋迦牟尼法教於此破壞如是言嗚呼嗚呼此
 中當有淨信諸龍王等於一夜中遍闔浮提
 所有一切諸塔精舍皆悉收入龍宮殿中所
 有禪窟經行之處及阿蘭那一切所有彼三
 摩耶皆悉空曠無復人居其多馬王將其部
 伍來至逋沙波婆帝王所居城時沙門釋種
 諸弟子皆悉逃走時多馬王既知走已所有

加藍放火燒然何以故畏其沙門釋種諸弟
 子輩還復來歸住此處故於彼時中放火燒
 然即於彼時地居諸天當作是聲嗚呼此如
 來教於此破壞此如來教於此破壞其地居
 諸天作是聲已四天王天復作是聲復作大
 聲令遠處聞此五如來教於茲失耶二此如來教
 於斯破壞如是彼時一切諸天展轉相叫乃
 至梵世彼悉聞知沙門釋種諸弟子被苦逼
 切一切諸方各各馳走向拘睒彌王所居之
 城於彼而去時彼拘睒彌王即與沙門施彼

無畏及諸飲食彼三摩耶名最後食亦名最後沙門聚集亦名最後般遮之會此云五年大會彼三摩耶當有二十百千比丘聚集彼三摩耶四大佛塔隱沒不現以首陀婆諸天護故其帝釋天王不能收取於中舍利菩提道場轉法輪處及阿羅摩村塔此方特又尸羅大城之中所有法塔此四大塔於閻浮提中隱沒不現時拘睺彌國有一比丘名曰脩羅多此誑唯此一人是阿羅漢彼三摩耶復有第二比丘名曰尸梨沙迦此言頭者多學三藏時尸利

沙迦於布薩內在彼比丘大眾之前從座而起作如是言此大眾中頗有一比丘當依世尊學戒者不若有學者彼向我說作是語已時彼一切諸比丘眾皆悉默然如是再三復作是言若有依世尊戒學之者彼即應說第三五二第三亦復如是其脩羅多阿羅漢即告彼比丘僧言我學世尊戒我於今者是阿羅漢善得心解脫善得證知爾時脩羅多比丘即從座起合掌而住作如是言我即是彼如來世尊阿羅訶三藐三佛陀實學中學而我今

者無有憍慢我是阿羅漢阿難彼三摩耶彼

尸梨沙迦比丘之所有一比丘侍者名曰波

婆遮吒此言惡詭復有第二比丘名曰陀那婆羅

羅此言力復有第三比丘名曰何羅奴殊迦此言不

其脩羅多比丘作如是語已又作是言我

是世尊如來阿羅訶三藐三佛陀依教戒中

而修學也爾時彼等三惡比丘遂斷脩羅多

比丘命根所作三段彼三摩耶金剛手夜叉

時有一弟名曰難提牟佉此言鼓面雪山王中

復有一夜又名曰摩羅毗闍耶此言變勝當來彼

處其海龍王時有長子名曰摩訶毗盧遮那

此言大顯赫來彼處爾時海龍王長子取彼波婆

遮吒惡比丘身擊高三十由旬已然後擲放

憂悲啼哭向波吒羅弗多羅城而去將波吒

羅弗多羅城中大支提塔向已宮殿其難提

牟佉共摩羅毗闍夜叉同共殺彼二惡比丘

遂令斷命阿難如是之時一切世間大地震

動可怖可畏身毛皆豎無量百千一切諸天

於彼時中呻號啼哭大叫大喚作大憂惱其

尸梨沙迦惡比丘等共拘賤彌王即向北方

欲逼切婆睽奢波迦王因欲斷彼命其拘賤
彌王亦復斷彼尸梨沙迦惡比丘命時彼比
丘即墮阿鼻脂大地獄中阿難於此之時所
有比丘無供養者無貴重者無恭敬者無承
事者無羞無恥從於酒肆還至酒肆為酒椀
故阿難復有如是如來教中當生大惡阿難
此食還從沙門所來非從外道所來阿難如
是之食沙門釋種諸弟子輩具足成就增長
身聚阿難當知此等四食極為大若極為大
惡阿難何者是取我已於前所說因緣此等

因緣我已說訖阿難復有四種食不和合為
食高下不平等為食迷惑為食讚歎生趣為
食於中若有讚歎生趣食者彼則毀佛毀法
毀僧所以者何阿難如來應正遍知而不讚
歎說有生趣唯除一者發勤方便勝菩提中
者彼應勤教勸阿難除此一衆生已阿難若
有比丘不行大乘作如是念我今復欲取後
有生彼不得言我為教師所以者何阿難於
世間中發勤精進具足法者彼等一切如來
攝受聽為出家受具足戒阿難若有比丘為

第二比丘讚歎取生彼中勸化我等當作如是我等當復作此彼中取滅正本云欲取隨生處以為滅度得憍慢箭當得具足順入愚癡取卑賤身增長卑賤朋友知識卑賤諸趣彼長夜中當得五多食彼長夜中多生貪欲言多欲者所謂惡欲言惡欲者令其墮落何者墮落謂墮戒聚及阿鼻脂地獄之處復言多欲者多諸住宿多有貪性多覓歡欣於惡不善根中當得具足以貪不善根中瞋不善根中癡不善根中

當得具足復言多欲者饒諸煩惱被諸思念之所纏覆佛所讚教不受不行譬如惡馬不受鎧甲調御阿難如是如是彼不善丈夫當不隨順多不觀察住不正道阿難言不正道者若於無我法無眾生法如實不知說有我者如是名為非正道處不正觀察第二持法比丘欺詐降伏發覺說惡令彼憶念或破戒中或墮邪見或墮不正威儀中此等名為取不正道彼如是等不見事中於持法比丘所發覺令念又復何者為非正道謂住非正道

言不正道者謂遠離和尚及阿闍黎於諸罪中不知得失不知有殘及非殘者亦不巧知罪之與福第一罪中不知十處第二罪中不知三處第三罪中不知一處第四罪中不知罪處亦復不知堅牢之因不知不和合處七犯罪聚不知所起如來曾說五十七種犯罪之處第一罪中第二罪中六十九中第三罪中四十一中第四罪中九十九中不住諸法不和合行諸法出處別離之行彼悉不知亦不能知失沙門事不知初禪中十種智方便

不知第二禪中有三種障礙不知第三禪中二十五種作歡喜處不知起調戲不能了知第四禪中五種隨眠行處不知為彼作懈怠處不知比丘向飲食時當有十種失沙門法不知親近如是尊重巧知比丘欺教示者不知心有十種救護不能了知^五二十五種入村落事不知十種受乞食法不知受食有二十^六五過失諸想彼等不知十種心行不知與他戒法有五過患不知十種住於經行如是等分非善住處持非道已名為比丘不在正道

不順教師所有教法恒常犯罪食他國中所
 有信施阿難少有比丘見知此等所有事者
 或當知者阿難唯優波離比丘能知此等諸
 法諸事若承事者彼等亦知此等諸法阿難
 比丘此食不巧知者當令滿向阿鼻脂地獄
 阿難汝應觀察彼等自言我是持戒亦當不
 問他諸智比丘此等諸法能行知者阿難是
 故我告汝我今語汝若有比丘如是修多羅
 等文句莊嚴知出入者彼則名為智慧比丘
 為善欲者欲涅槃者欲求解脫於地獄中求

自樂者假令身盡肉血雖羸無力應詣彼處
 所以者何阿難寧住於人間雖羸無力當求
 如是諸勝妙法不用當受向惡道處阿難此
 食當損沙門之行是食分別品中今已說訖
 阿難如是言語有幾尼迦沙此云磨我如是
 言說因緣有十種尼迦沙何等為十為自許
 尼迦沙為他尼迦沙為自他尼迦沙邊境尼
 迦沙姓尼迦沙佛陀尼迦沙達摩尼迦沙僧
 伽尼迦沙持戒尼迦沙三摩提尼迦沙斷尼
 迦沙及詐聖尼迦沙歌詠者尼迦沙多尼迦

沙一分生處尼迦沙調柔尼迦沙比丘尼迦沙比丘尼尼迦沙此等爲十尼迦沙於中此比丘尼尼迦沙者彼二種因緣應作尼迦沙若比丘戒中清淨若墮大罪中此等二種應作尼迦沙法言尼迦沙者隨惡變悔一者欲沙門法亦不見他人雜種諸罪亦不可得義別說有比丘從罪起出及爲經營煩惱清淨故乃至身命因緣不得妄語比丘有如是者應作尼迦沙羯磨何者爲事事有五種不知淨業此是第一事不知善不知五種嚴熾義

利五口不知漏不知輩忍亦有離結界比丘具足此五種法當不得作尼迦沙羯磨作是語已長老阿難白佛言世尊頗有如是因緣若是等五法具足者比丘不可教示亦不可作尼迦沙法佛告言阿難有一因緣若一千比丘衆有一比丘欲發作尼迦沙羯磨彼別因緣不可作尼迦沙何者爲離一切衆事故不可得作尼迦沙若有比丘具隨順忍者彼亦不能作尼迦沙所以者何犯罪相者應知舉處若無罪相彼即是行處比丘具足此法

不能作尼迦沙阿難有五種尼迦沙處如來
所說假令比丘住一由旬或有比丘在此住
處應作尼迦沙於彼處亦應作尼迦沙何等
爲五若有比丘爲諸比丘所聞某甲比丘犯
某甲罪或有比丘爲彼比丘欲作尼迦沙羯
磨彼比丘先遣一朋友比丘往至彼處彼比
丘遣衆出河道然彼河道用繩度量以爲結
界或一榆闍那或半榆闍那彼朋友比丘令
出已住於彼繩界門彼等作量議已彼迦羅
中彼三摩耶中彼呼律多中令彼比丘住彼

繩境界中然彼各各別異契約今罪比丘至
彼界處彼等比丘令諸比丘作尼迦沙若一
榆闍那中若半榆闍那中所有繩頭安置者
面向彼處然彼繩頭若以脚大指若手指若
脚掌或踏或壓然彼等各各應當作如是言
大德等聽某甲比丘今在緹邊住犯某甲罪
如是我等今日爲彼作尼迦沙應如是作次
第因緣成就具足一榆闍那中間不令罪比
丘得見尼迦沙比丘不分別者作尼迦沙羯
磨比丘五法具足當作尼迦沙羯磨稱和尚

名作非義說無問自語建立惡義愚癡人故
如來所說愚癡之人應當捨離愚癡人者不
可令學應當遣住結界之中彼罪過人一因
緣不得著羯磨處攝住支提耶莊嚴中即於
是時其比丘舉罪已將比丘來教羯磨處墮
罪法中若比丘尼被舉者亦應入結界中然
彼比丘有朋友者彼來已應告彼言汝捨支
提迦莊嚴汝欲去者隨汝意欲若比丘被教
說中不巧知恐怖法者彼應告言若舉者若
未舉者應生歡喜復次阿難復有比丘雖不

說和尚名字非義緣故而說和尚作阿闍黎
名於法教說而不順行此第二法比丘具足
者當應堪作尼迦沙也復次阿難若有比丘
尼有事者受佛法已念教師法念欲學知而
彼比丘既不顛狂亦不散亂亦不瞋恚亦不
被賊捉亦復不為諸國王之所逼切入姪女
家行梵行眾應當遮斷以彼比丘不取佛教
及與僧法而不背彼若有比丘具足是法雖
念佛教如是非法行中心不毀壞若和尚若
阿闍黎欲益彼故應須教示汝當獨住阿闍

那也彼若答言我能住彼師主應言汝莫求
伴不得更覓第二之人而住彼處若作是言
我不能在彼師復語言佛法難遇隨汝去處
使善法增長於白法中當令滿足不得語言
汝應還俗所以者何我是一切天人世間教
師如來尚不作如是說令人還俗但以慈悲
教誨令不入僧中
阿難菩薩在家有何名也阿難菩薩在家無
有人能作名字者阿難而虛空中首陀婆娑
訶諸天來已作如是言此童子者極大端正

觀者無獸有大威德光明具足我於彼時有
是名字號大莊嚴大莊嚴者是為菩薩在宮
殿中諸天神等安立名字也而過去世然燈
如來安立名字者彼是如來捨家出家成阿
耨多羅三藐三菩提時安置名字號曰釋迦
牟尼也釋五以是義故天人世間知我如此婆伽
婆名曰釋迦牟尼名也成阿耨多羅三藐三
菩提既成佛已復有如是名字出生我亦不
曾念知如是若梵摩娑婆世界主若帝釋天
王及四大天王若復別有諸天子等若喚如

來名字者唯作是言是教師婆伽婆天人世
間爲見佛故我等可詣彼婆伽婆所作是語
已長老阿難作如是言世尊名婆伽婆者何
故名婆伽婆也佛告言阿難是爲讚歎如來
非如來名也阿難如來已滅諸有度衆和合
破煩惱聚故名婆伽婆也阿難復白言世尊
豈可人少智慧而非天也而人喚如來名字
也佛告阿難人少智慧非爲天也而非一切
何以故所有於身正見比丘彼爲命因緣終
亦不喚如來名字況復瞋罵而彼不信諸比

丘輩求活命道彼須臾時或二或三乃至第
四日五日十日二十日乃至百千日喚如來
名於如來所若虛若實毀罵如來意欲求過
阿難復白佛言世尊於是義中我少辯問佛
告言阿難應知是時隨意辯問阿難言世尊
若有於如來若實若不實毀罵若求誹謗或
復求過世尊此當得幾所罪聚世尊而彼實
語及不實者寧復平等俱獲罪耶佛言善哉
善哉阿難汝爲多人欲作利益故阿難汝爲
多人欲作安樂故而汝今問如來如是義是

故阿難我還問汝此義如汝所忍還當如是
為我解說阿難於汝意云何其布沙他羯磨
此云戒增長為誰作耶為販雞者為販豬者為當
為彼捨家出家者阿難答言世尊於中販雞
販豬等當作何世尊為勤方便修禪比丘等
說布沙他羯磨佛復告言阿難今者何因何
緣復問如來如此之義所以者何若有妄語
和合具者我不為說而實語者我為說之阿
難復白佛言世尊其破戒果報可無言乎佛
言阿難於中有可說阿難若破戒妄語罵毀

如來及誹謗佛彼乃至其身正分及非分中
所有毛孔還如是等百千歲於阿鼻脂大地
獄中受爾時長老阿難悲泣流淚而作是言
嗚呼如來大德嗚呼諸眾生輩墮極罪處爾
時長老阿難即從座起四支布地頂禮佛足
以口嗚足惟願世尊受我懺悔惟願修伽多
受我懺悔我或於如來所說名字行所作業
者雖尊重稱言南無婆伽婆而成毀罵南無
婆伽婆而作是已復為毀謗爾時長老阿難
頂禮佛足時上空中無量千數諸天子等稱

最善哉作是語已佛告長老阿難言汝阿難起就坐於是長老阿難從地而起以土全身而以兩手捧按世尊足而禮世尊拭面及膝却坐一面長老阿難坐一面已而自投淚爾時世尊告長老阿難言阿難汝勿悔惡阿難我不見汝若實若虛若毀罵佛若誹謗佛作是語已長老阿難白佛言世尊我有少分入白法中以是故我實不敢毀謗如來世尊我自思付不曾知見若實若虛罵辱毀謗如來世尊爾時世尊仰觀虛空仰觀虛空已爾時

虛空有八萬諸天子等在世尊前合掌恭敬爾時世尊告彼八萬諸天子言汝諸天子以何義故住於虛空為長老阿難稱最善哉爾時彼天眾中有首陀婆娑身天名曰摩醯奢婆囉集在彼會彼却住一面告彼諸天眾言如來世尊所問之義為汝等釋為我解乎彼等報言汝應解說如來所問汝既現前何須我輩爾時摩醯奢婆囉天子整理衣服偏袒右臂合掌向佛而作是言世尊我有所辯說修伽陀我有所辯說佛告彼言摩醯奢婆囉

汝當辯說佛作是語已摩醯首羅言世尊我
念往昔長老阿難前宿命申於五百生處世
尊我不曾見亦不曾聞長老阿難而作妄語
世尊我為長老阿難持如是未曾有法唯然
世尊我作如是念如是善藏如是善護世尊
如是衆生善覆藏口業者如是善護口業者
彼聞如是名字已即作是悔世尊是故我見
如是熾盛衆生已今故稱舉最上善哉作是
語已佛告摩醯奢婆囉天子言汝摩醯奢婆
囉汝少見也摩醯奢婆囉我念往昔九十一

劫已來而長老阿難於彼處生中不曾為妄
語故而作妄語於爾時衆中有五百比丘集
坐彼會彼等復為長老阿難稱最善哉爾時
長老阿難白佛言世尊若有比丘修持禁戒
未證果者若復戲笑或實不實隨所有處欲
誹謗罵辱如來世尊彼得幾所無福德聚當
生何所作是語已佛告長老阿難言阿難若
有比丘持禁戒者知犯罪處於智者邊當悔
作惡後更不作彼勤方便時勤精進時應得
須陀洹果若得斯陀含果若向證阿那含彼

等爲魔波旬見欲向證阿那含變化作佛如
來威儀來在其前彼人因即承事於彼彼人
當得二種果報以業報故若發舉時更復於
彼若實若不實意欲誹謗如來世尊彼身壞
已當墮阿鼻脂大地獄中隨說幾所語言還

若干歲於阿鼻脂大地獄中當受燒煮如來
說此語已彼時衆中有六十許諸比丘衆來
集會坐時六十許諸比丘衆從外道中所出
家者以得邪故吐大熱血彼因命終墮阿鼻
脂大地獄中爾時世尊即便微笑時長老阿

難整理衣服偏袒右肩右膝著地而白佛言
世尊如來阿羅訶三藐三佛陀所作微笑非
無因緣世尊有何因緣而現此微笑作是語
已佛告長老阿難言阿難此等六十許諸比丘
輩從外道中而出家者以得虛妄故向於如
來若實若非實毀謗罵辱彼等作如是念若
如來世尊作如是言於如來邊毀罵誹謗墮
地獄者無有是處彼等悔過亦無是處彼等
身壞命終即墮阿鼻脂大地獄中阿難問言
世尊彼等當於幾所時間而受燒煮佛言阿

器五

十四

難一一比丘當二萬歲中當受燒煮阿難是
 故我語汝等阿難汝可捨於非善當念諸善
 作大利益阿難當來世有諸比丘彼等聞是
 甚深所出修多羅已當作大不善根彼於後
 時如是修多羅當來彼前是等聞已而生輕
 笑作名字說所以者何彼等已多輕笑如來
 彼等自住下賤之業自知瘡已當言此非然
 也非如是也彼等身壞命終已當墮阿鼻脂
 大地獄中彼等身體節及非節分中隨所有
 毛彼等還復若干百千歲於大地獄中受極

燒煮作是語已長老阿難復白佛言世尊一
 一衆生有幾許毛作是語已佛告長老阿難
 言善哉善哉阿難人所有毛還有如許無毛
 者阿難若有饒毛彼於頭上有九十九百千
 俱致毛孔於彼九十九百千毛孔之中而不
 生毛亦不出毛阿難復問言世尊是何處所
 佛言謂脚足手掌之內口中及眉間除是以
 外有八萬四千毛孔阿難又除項中及兩足
 下不生毛處其間節及非節依倚毛孔者二
 十百千俱致阿難此等已為一一衆生若童

男若童女若婦人若丈夫我今已說若于毛孔作是語已長老阿難白佛言世尊何因緣故諸婦女人無有髭鬚於彼身中亦不遍滿諸毛等耶作是說已佛告阿難言阿難婦人饒欲彼以欲火燒毛孔故以被燒滅諸毛孔處譬如有人以炭火滿坑持草覆上於上種樹阿難於汝意云何彼樹能增長根不增長莖不增長葉不增長華不增長果不頗有如是諸樹影不能斷熱惱不阿難白言不也世尊佛告阿難言豈不種彼樹也阿難言種也

世尊佛言何故不與果實若葉若華何故不生何故不增長莖也阿難白佛言世尊此樹種已火坑熱故熏今蓋滅下有火界多饒乾燥半被燒燼云何當得增長根耶云何當得增長莖也況復生葉及與華果世尊彼亦心解而種彼樹根在空虛佛言如是如是阿難其婦女人多饒煩惱欲所惱故正節及節分生諸毛處而不增長所以者何以有欲火燒然其身阿難復言世尊豈可婦人多諸煩惱非丈夫也

大威德陀羅尼經卷第十八

音釋

五

十六

失辨切 𦉑
臣度切 豎
立也
私箭切 𦉑
與線同
蒲悶切 𦉑
也
拭也 𦉑

大威德陀羅尼經卷第十九

第二十同卷

器六

隋北天竺三藏法師闍那崛多等譯

佛告阿難此非正問雖然阿難我今為汝而
 作譬喻為明此義令汝知故阿難於汝意云
 何若於春末月中正熱惱時大火坑內鐵鏝
 擲中析一毛道以為百分取一滴水置彼鏝
 上阿難彼之水滴當滅盡不阿難報言世尊
 日之熱惱猶能盡滅況大火聚世尊我意觀
 察彼之水滴未至鐵上滴在虛空如是火熱
 尋時即盡佛告言阿難汝意分別寧以少水

永樂北藏

大威德陀羅尼經

第五〇册

滴此大火聚當可應滅阿難莫復分別未見
 實諦諸婦人等若干數人以受欲故令歡喜
 者阿難譬如有大沙聚針孔之中有一水滴
 墮此沙聚阿難於汝意云何彼一滴水能潤
 彼沙大聚以不可徹過不阿難白言不也世
 尊佛復告言阿難汝意分別此一滴水潤此
 沙聚可令徹過阿難汝莫分別若一婦人以
 千數丈夫受欲果報令知足者阿難譬如苗
 稼徧滿大地下諸種子於三月中極大旱熱
 阿難於汝意云何此之大地為渴以不阿難

言渴也世尊渴也修伽陀佛告言阿難若上
虛空蚊子飛行所放尾滴能令大地得潤澤
木又令生長大苗稼不一切藥草諸樹木等
若大地中一切水滿始從此岸至彼岸不阿
難言不也世尊佛告言阿難汝意分別寧以
蚊尿潤洽大地增長苗稼及諸藥草諸樹木
等并諸園林置一切水始從此岸復至彼岸
阿難汝莫分別若一婦人以千丈夫若百千
丈夫受欲果報令歡喜者阿難婦人無有二
法佈及慙者乃至半由旬地眼道之所及方

處追逐丈夫為多欲故阿難其婦女人三法
具足不知厭足而命終也何者為三自身莊
嚴於丈夫邊所受欲樂哀美言辭此為三種
阿難譬如丈夫身有癩病諸根純熟而被支
節及非節處有八萬四千瘡一一瘡門有八
萬四千疽蟲悉如針鋒兩頭有口彼等疽蟲
食不知足無須更時而得停住常於彼人所
有瘡處鑽刺啜食食已復食啜已復啜而彼
丈夫設有四手在火聚前爾時諸蟲更得火
熱以熱惱故復動馳走走已復走搔故復搔

阿難於汝意云何彼之丈夫為諸蟲所食敢
不阿難白言世尊我聞是已身毛皆豎況彼
丈夫蟲在其支節及非節處耶佛言阿難彼
丈夫為彼諸蟲之所食敢以四手搔自身體
時無有厭足然無有樂爾時瘡間以手搔刮
如是如是蟲更開張以蟲取味指甲頭搔瘡
瘡不止阿難於汝意云何彼之丈夫厭汗身
不以膿血臭穢厭惡不喜觀察之者亦不喜
見阿難白言如是婆伽婆如是修伽陀佛告
言如是如是阿難然其婦人多有煩惱可厭

可汗不喜觀察不喜親見婦人多欲常不知
足以愛欲故得復欲得更復欲得欲欲不止
常求常覓無知厭足阿難其婦女五疽蟲戶
而丈夫無此復次婦人五疽蟲戶在陰道中
其一蟲戶有八十蟲兩頭有口悉如針鋒
彼之疽蟲常惱彼女而食噉之令其動作動
已復行以彼令動是故名惱其婦女人此不
共法以業果報求欲方便發起欲行貪著丈
夫不知厭足阿難其白精道最為穢汗內空
不淨臭穢可惡阿難勿須親近如是女人亦

莫承事所以者何阿難無有如是不淨之坑
如女人者極大臭穢最為可惡於世間中如
爛狗屍阿難如爛狗屍不淨爛臭其青惡色
身體薄皮諸蟲所滿如臭酪漿而狗屍上復
天注雨然彼狗屍更復濕潤時彼諸蟲被雨
漬已轉更增動動已遍動處處普行行已復
行其雨復雨於彼方處有諸住人聞彼臭氣
阿難於汝意云何彼等丈夫取彼味不聞彼
氣不阿難言世尊我已聞彼即欲嘔吐況復
在彼地方住者世尊應當覆也修伽陀應當

覆也所以者何世尊如是彼爛狗屍最為臭
穢阿難於汝意云何若復有人於如是等爛
臭狗屍不淨膿血臭穢青惡之色身體薄皮
諸蟲所滿殘臭酪漿若取若持若抱若擎持
已豈彼丈夫應得他人歡喜供養禮事以不
或得恭敬或得尊重或得親近為得多人所
讚歎不阿難言不也婆伽婆不也修伽陀應
當遠離應不喜見應不親近應不讚歎世尊
如是丈夫應不須見何況有人而讚歎者所
以者何世尊如爛狗屍不淨臭穢青惡之色

身體薄皮諸蟲徧滿狀如殘酪懷裏擎舉佛
告言阿難如來如是許彼丈夫若爛狗屍不
淨膿血臭青惡色身體薄皮諸蟲徧滿如殘
酪漿若取若持若抱擎持阿難如來亦不許
彼亦不讚歎彼之丈夫或以財寶諸瓔珞具
莊嚴婦人拊檀塗體器六猶如香篋細滑柔軟善
巧莊嚴年盛色美無病無痛耳目端正乃至
不讚彼之丈夫以脚母指觸彼婦人何以故
阿難我說彼之丈夫甚可惡厭或以財寶諸
瓔珞具莊嚴婦人拊檀塗體猶如香篋細滑

柔軟善巧莊飾年盛色美無病無痛耳目端
嚴乃至不讚彼之丈夫以脚母指觸彼婦人
而不毀彼丈夫抱爛狗屍不淨膿血青臭惡
色身體薄皮諸蟲徧滿似殘酪漿若取若持
若抱乃至置於懷裏以手擎舉所以者何阿
難其婦女人最劇臭穢最可棄捨何以故阿
難不為抱爛狗屍地獄畜生及閻摩羅世之
所出生阿難諸衆生輩於世間中所出生者
所謂杻械枷鎖若生貫穿或稱上稱關絞以
木用鋸支解若以斲斷或以針穿爭鬪相競

截其脚足推黑闇井或推擲坑塹然此等所作不為抱持臭爛狗屍之所出生阿難為眾生輩於世間中所有損害或苦或惱種種災怪所謂割手截脚則耳斷頭一切皆為諸欲所生因欲持欲之所出生阿難如來為此因緣作如是說五六寧使丈夫臭爛狗屍五不淨膿血青臭惡色身體薄皮衆蟲徧滿如是之體應取應持若抱若置懷裏擎舉勿欲丈夫乃至以脚大母指觸彼婦人阿難譬如毒樹若根有毒根亦能殺若莖有毒莖亦能殺若歧有

毒歧亦能殺若枝有毒枝亦能殺若葉有毒葉亦能殺若華有毒華亦能殺若果有毒果亦能殺若影有毒影亦能殺阿難如是如是一切婦人為不除欲諸丈夫輩若來若去若住若坐為不除欲諸丈夫輩皆能取心若睡若覺若欣若笑若歌若舞若復音樂若行若步為不除欲一切丈夫皆能取心若莊嚴若不莊嚴若著好衣若不著好衣若裸形不裸形為不除欲一切丈夫皆能取心若命終若依時過若開示若燒為不除欲諸丈夫等皆

能取心所以者何阿難我念往昔時有二人
共行在路於中一人告第二人言謂言丈夫
此地方處有婦女人端正可喜觀者無厭壽
盡命終彼如是說既聞是已心生別異是故
阿難若實言時若正言時言毒樹者喻彼婦
人是正言說是實言說所以者何阿難不以
臭爛狗屍有衆生抱當向地獄若向畜生及
閻摩羅世阿難以有衆生抱彼婦人當向地
獄及畜生中或閻摩羅世阿難如來見此過
故作如是說寧以臭爛狗屍不淨膿血青臭

惡色形體薄皮諸蟲徧滿似殘酪漿若取若
持若抱若置懷裏不得以諸財寶莊飾婦人
眾瓔珞具之所莊嚴栴檀塗體猶如香篋細
滑柔軟盛年色美除諸病苦眼目端正乃至
不欲令彼以脚大母指觸婦女人所以者何
阿難譬如工匠六要以韞囊以風滿故吹出風
氣阿難如是如是諸婦女人他不搖動未發
言時而自呻吟動氣出風是故阿難若有智
者當知婦人如匠韞囊應如是持阿難其婦
女人若見丈夫即作美言瞻視熟視視已復

視瞻仰觀察意念欲事面看邪視欲取他面
齒銜下脣面色青紫以欲心故額上汗流若
安坐時即不欲起若復立時復不欲坐木枝
畫地搖弄兩手或行三步至第四步左右瞻
看或在門頰嘖呻出息逶迤屈曲左手舉衣
右手拍髀又以指爪而刮齒牙草枝剔齒手
搔腦後宣露脚脛鳴他兒口平行而蹶急視
諸方阿難如是等相智者當知婦女之人欲
事已發厭離棄捨所以者何勿令於我流轉
生死大關中住是故阿難應當住彼勤觀行

中阿難當如是學阿難婦女之人其五種相
於彼沙門釋種弟子而作染著於彼之所欲
心最生非餘丈夫何等為五此沙門釋種弟
子恒常梵行未曾經共婦人為其欲事如是
丈夫甚難可得手脚柔軟少作事業阿難此
等五相婦女之人最為染著沙門釋種弟子
生極欲心非餘丈夫之所比類復次阿難復
有五相成就具足婦人最極染著沙門釋種
弟子生最欲心非餘諸丈夫之所比類何等
為五此沙門釋種弟子輩多有善根具有福

業有多氣力多有勢望多有精進多聞巧知
諸論阿難此等爲五相婦女之人最爲染著
沙門釋種諸弟子極生欲心非餘丈夫之所
比類阿難復有五種相具足婦女之人向沙
門釋種諸弟子極生染著生極欲心最生欲
心非餘丈夫之所等比何等爲五此等沙門
釋種諸弟子等普徧端嚴具足威儀覆藏諸
根隱密諸事不令他人有所疑念應數數來
我當得子及與財物阿難此等五相婦女之
人最爲染著最生欲心非餘丈夫之所等比

作是語已長老阿難白佛言希有世尊乃至
穢汙婦人所有欲行如來所說爾時阿難白
佛言世尊於中所有希有之事我心有疑云
何一切世間最上世尊未得成就行菩提前
菩薩之身從兜率天降神母胎住其右脅世
尊我不能作如是宣說如其菩薩從兜率天
降神下生入母右脅在胎而住佛告言阿難
汝今欲見菩薩所受胎處以不如其菩薩在
右脅中所受胎藏阿難言世尊今正是時修
伽陀此是三摩耶如來於先菩薩之身在母

右脅菩薩所受處母胎中示現令見見已我等將大歡喜爾時世尊作是神通作神通已于時梵天王娑婆世界主與六萬八十百千等數諸梵天輩詣向佛所到已頂禮佛足圍繞三帀却住一面合十指掌向佛恭敬爾時佛告梵天大王娑婆世界主言汝梵天王受我往昔菩薩身時所用樓閣寶臺以不梵天自言如是如是娑伽婆如是如是修伽陀佛言汝梵天王今在何處梵王言世尊在梵世間佛言若爾汝梵天今者可以顯現樓閣寶

臺我等當知云何莊嚴之所住也時梵天王娑婆世界主告於彼等諸梵眾言汝等且住乃至我等將彼菩薩先所受用寶莊嚴具樓閣來也爾時梵王娑婆世界主頂禮佛足已乃至住梵宮殿爾時梵王娑婆世界主告善梵天子言汝梵者來從此已下乃至三十三天告語令知今者欲將菩薩先所受用樓閣臺等示現如來若欲見者應勤方便作行向彼爾時善梵天子從梵天宮以下乃至三十三天即發聲音菩薩樓閣先所受用今將詣

向如來之所欲有示現若欲見者應勤方便
作精進行爾時梵王娑婆世界主與八萬四
千百千俱致等數將彼菩薩先所受用寶臺
樓閣置大梵宮是梵宮殿三千由旬中央安
置中央安置已與無量諸天百千俱致諸天
圍繞將來詣下閻浮提中又於彼時欲界色
界一切諸天皆悉聚會為彼菩薩先所受用
樓閣臺等作天音樂散諸天鬘及諸天香諸
天末香諸天妙華諸天受用諸天圍繞而帝
釋天王在大海中遠處觀瞻以手遮面眼或

開合而不能觀所以者何諸梵天等有大威
德三十三天於彼天處甚極卑下夜摩諸天
兜率諸天彼等諸天尚不能見況釋王也爾
時世尊作是神通已而彼音樂翳滅不現不
令閻浮提人所得聞也所以者何恐閻浮提
人聞天樂已悉迷悶心亂爾時四大天王白
帝釋王言帝釋天王我等今者欲作何也我
等不能得見菩薩先所受用寶臺閣等釋報
彼言我於今者亦何所作我於今者亦不能
見雖然我等今者且觀如來四王報言應速

往見釋王報言若可速見即應得見而今我等且待須臾乃至令彼勝威力天慰喻如來先共語論彼時帝釋王等却住一方以手映面瞻仰如來爾時梵天王娑婆世界主將彼寶莊嚴具菩薩昔所受用詣向佛所彼寶莊嚴具菩薩先受用者可愛端正甚可瞻覩有四寶柱上有樓閣如大小譬如六月所生童子如是高大彼臺閣中有一牀榻譬如六月所生童子所卧之板彼寶莊嚴具菩薩往昔所受用者有如是色有如是形而天等世

無有如此比類色者然諸天輩見彼菩薩所受用已生希有心彼等眼轉不能正觀

大威德陀羅尼經卷第十九

大威德陀羅尼經卷第二十

隋北天竺三藏法師闍那崛多等譯

彼時樓閣在世尊前譬如新融閻浮檀金巧師磨瑩無諸垢穢如是如是彼於三摩耶菩薩輦輿明曜顯赫於彼菩薩所受用榻而天

等世中無有如是比類色者若金若寶除菩薩項正本云鉗彼梵身等所著衣服在彼榻前無有光色譬如風雨久漬毳羊毛毳然彼輦輿牛頭栴檀之所成就以末一捨價直千世界以彼如是牛頭栴檀圍繞臺閣彼普徧間錯其內更有第二重閣在彼第一樓閣臺中不著不縛自然而住復更有榻在彼第二樓觀臺中衆香所覆重更覆彼牛頭栴檀然彼牛頭栴檀有如是色如青瑠璃最勝最妙彼香臺閣周帀所有最勝天華彼等不種以

菩薩業報力故自然出生彼臺閣中復有最勝最上妙鬘間錯圍繞周帀四邊彼等一切於彼處所皆現出生以菩薩往昔業果報故彼臺閣中有十千數妙淨食名具足威力天等世中無有如是衆生是食力十一唯除菩薩世間無有如是喜者世間無有如是樂者若彼臺閣中先無有者以彼菩薩往昔業報力故然彼臺中自然如是成就具足內外善成如是柔軟譬如迦真隣提衣此是非分說喻彼寶臺閣菩薩所住價直三千大千世界及

諸天人等一切所有爾時菩薩以往昔業報力故作如是念菩薩決定當生人間生已出家決定當成阿耨多羅三藐三菩提若生家中若在右脅中於彼之處先須有此寶莊嚴閣母右脅中又彼菩薩從兜率天降神下已

菩薩隨順守護復有四守菩提道場婦女神天所謂一名郁丘梨二名目丘梨三名陀婆闍四名頗羅頗婆帝是等四神知彼菩薩在母胎內常來守護而彼帝釋天王共五百天王亦知菩薩在母胎中常隨後住親近守護其梵天王娑婆世界主乃至三千大千所有神天威德勢力皆悉將與彼菩薩身安置而住復次菩薩在母胎內其身譬如大山頂處夜闍之時有大火聚彼能照見一由旬內亦能照見乃至四由旬內如是如是菩薩在

在臺閣寶牀榻中結跏趺坐其母夢見大白象龍入普處念彼如是坐已帝釋天王及四大天王二十八部大夜又主有一夜叉種姓名曰密主金剛執手夜叉所生彼知菩薩在母右脅恒常隨順親近守護及四天王常逐

母胎中身相如是成就具足可喜端正甚可
瞻觀彼之菩薩在彼妙香樓閣之上結跏趺
坐如淨瑠璃藏真金色彼菩薩母亦見菩薩
在母胎中譬如從大雲聚出於靚電曜大光
明如是如是菩薩在母胎中以大威勢以功
德色力照彼香樓閣已復照第二大寶樓閣
照彼第二寶樓閣已普照母身普照一切母
身體已復照母座照彼座已復照一切諸寶
宮殿既照一切諸宮殿已從下出光照于東
方南西北方皆悉遍照菩薩在母胎中周帀

一拘盧舍也以功德威力及以色力皆悉徧
照時四天王及二十八部大鬼神等時共五
百夜又周帀圍繞日初分時欲見菩薩故來
詣彼所是時菩薩在母胎中先舉右手而共
議論其菩薩母亦見菩薩在右脅內如真金
形伸手轉時徐舉手時安置手時而四大天
王欲還本處菩薩及菩薩母圍繞三帀菩薩
放捨麾動右手爾時四大天王作如是念菩
薩今已放捨我等我等應去此第一因此第
一緣若菩薩日初分時共四大天王言詞慰

喻伸舉右手周帀轉已正念安置復次若菩薩見有人來若婦女若丈夫若童男若童女菩薩是時先語慰喻後菩薩母亦復慰喻彼等即生希有之心此是誰也彼時菩薩在母胎中於先已能慰喻他人若天若龍若夜叉若人若非人無有能作於先慰喻菩薩之者器六但以菩薩於先慰喻彼諸人等日初分過已至中分時爾時帝釋天王及大天子欲來見菩薩者爾時菩薩遙見帝釋天王及三十三天已即舉右手真金色臂慰喻帝釋天王及

三十三天即以一指指示座處其帝釋天王於菩薩教不能遠離帝釋天王受教而坐敬念菩薩時菩薩母即面向彼所隨其菩薩欲向何處塵動手時其菩薩母預知童子共誰言語慰喻誰耶彼之樓閣見帝釋天王及三十三天影無別餘影如是善好清淨菩薩受用在母胎中而帝釋天王若欲還者菩薩即知爲動右手示發遣相爾時帝釋天王知發遣已圍繞菩薩及菩薩母然後而去是時菩薩思惟正念安手本處日西分時其梵天王

娑婆世界主與無量無數諸梵天王共相圍繞在菩薩前以天最勝味向菩薩邊其菩薩正念梵天王娑婆世界主來已爾時菩薩還舉右手慰喻梵天王娑婆世界主及諸梵天并諸天子是時菩薩梵天王娑婆世界主欲有所去菩薩知已還復示現發遣相貌而與右手彼時梵天王娑婆世界主梵身諸天三帀圍繞菩薩及菩薩母已然後乃去復有四大天王還來親近守護菩薩勿令惡心向彼菩薩而得使者爾時菩薩在母胎時其母不

為欲火所燒亦復不為恚火及以癡火所燒其菩薩母於彼之時受持五戒不於丈夫而生欲心亦無丈夫向菩薩女生欲心者若有婦女若復丈夫若復童子若復童女被諸病苦其菩薩母即授彼藥彼等衆生皆得安樂卷六無復病苦乃至從地取一草葉與諸病人彼等衆生皆得安樂無諸煩惱阿難菩薩具足有是神通住母右脅滿十月已從母右脅正念而出無有汙染不如餘人為胎所汙是時帝釋天王及梵天王娑婆世界主在菩薩前

起正念已敬受菩薩菩薩在母胎時所居臺閣於中住者即時梵身諸天將向梵宮以爲支提爲供養故爾時菩薩無人堪受唯有諸天爾時菩薩降下地中已觀視四方猶如師子如大丈夫彼時菩薩業報力故即生天眼而彼菩薩具天眼已菩薩觀視大千世界及城邑聚落村巷國土一切衆等地及天人地獄畜生閻摩羅世是時菩薩即知一切衆生心之所行爾時菩薩觀察思惟一切衆生心於中或有衆生若當似我者若持戒若三摩

提若般若行善根爾時菩薩即見大千世界中無有衆生與我等者何況有勝爾時菩薩猶如師子無有恐怖無畏無怯心正思惟正思惟已稱量選擇一切世間一切衆生知心行已無人扶持即行七步至第七步猶如師子觀察諸方作如是言我於世間十五最爲第一我於世間最爲殊特我當作盡生老死邊際菩薩作如是語時大千世界其聲徧滿此是菩薩業行果報真所生法是爲菩薩最後補處生已當成阿耨多羅三藐三菩提以是故

彼有如是等諸神通於彼之時一切衆生身
毛皆豎大地震動甚可怖畏身皆戰掉一切
世界光明遍滿爾時虛空有大音樂歌舞等
聲音普雨無量種種諸華阿難略說彼時有不
可思議希有之事以是菩薩出現於世一切
衆生皆得安樂阿難汝今見寶莊嚴臺閣以
不此是菩薩母之右脅菩薩處母右脅經行
之處世尊爲彼天帝釋王及四大天王及諸
天龍夜叉等示現衆寶莊嚴最勝臺閣菩薩
先受用處爾時長老阿難即從座起整衣服

偏袒右臂右膝著地合掌向佛而白佛言世
尊菩薩於一切衆生具足希有未曾有法況
復今者已成阿耨多羅三藐三菩提世尊我
於今者第四第五乃至無量百千歸依佛陀
作如是語已佛告長老阿難言阿難於未來
世有諸比丘不熏修身不熏修戒不熏修心
不熏修慧猶如小兒過癡無智言我是智我
慢貢高無正威儀疑惑不信沙門垢膩彼等
不信菩薩有如是清淨入胎彼等各各聚集
作如是言汝等觀菩薩在母胎中彼有糞穢

垢濁彼從母右脅生時胎垢不汙染以胎垢
不汙染故彼即非丈夫輩和合當如是知成
就善業諸衆生輩不住糞穢身無垢染如是
衆生善入胎住爲諸衆生起憐愍故菩薩生
於人間不以天身當轉法輪所以者何勿令
衆生當墮懈若六怠彼作是念世尊是十六天我等是
人我等不能具足成就彼等諸法如彼成就
諸法是故即生懈怠之心彼癡人輩爲偷法
者當不作是念而彼衆生不可思議我等不
可作彼稱量我得菩提時猶不觀察我之善

提及與神通況復菩薩諸神通也阿難汝當
觀察彼癡人輩若當誹謗諸佛功德卑賤生
盲深著糞穢名聞利養當作幾多無福德聚
阿難問佛言世尊於未來世諸比丘等要誹
謗如是賢直修多羅也佛告言彼如是等相
修多羅要當誹謗亦不隨順復當更作無量
惡業不用沙門法也阿難復白世尊彼等非
善丈夫當生何處於未來世受何果報佛告
言隨所有人壞滅佛菩提所生處若於過去
未來現在諸佛世尊而誹謗者彼癡人輩所

得生處亦復如是爾時長老阿難徧身毛豎
嗚呼佛陀作如是已復白佛言世尊我今身
心迷悶熱惱聞彼等輩非善丈夫如是行故
佛告阿難彼非善行唯有惡行阿難彼等以
不正行故當墮阿鼻脂大地獄中阿難若有
比丘比丘尼卷六優婆塞優婆夷於如是修多羅十七
不信而生誹謗者彼等捨身已當墮阿鼻脂
大地獄阿難汝等於如來所莫作限量阿難
如來深廣無有邊際不可限量阿難若復有
人得聞如是修多羅已歡喜踊躍彼等衆生

善得利益彼等不但空得人身及以善行彼
等已得至真脫諸惡趣彼等不但空得壽命
已自關閉一切諸惡趣門彼等當作佛子已
得一切善業彼等福利信不虛也彼等善食
國中所有搏食已於最勝衆生之所已得淨
信斷諸魔網已得度脫長路曠野捨離憂悲
毒箭已得歡喜之事已到善受歸依之處已
是應供養者於世間中難可出現最爲福田
者所以者何彼等於佛難法一切世間不可
信處而生正信阿難彼等衆生善根具足無

有缺少阿難彼等眾生非一生得我朋友者
阿難有人聞已有愛而生歡喜不以見故阿
難有人以見故有愛而生歡喜不以聞故有
人見聞已有愛及喜復有人雖復見聞不生
愛喜阿難若有人見我聞我生愛喜者阿難
汝等應作是念彼等眾生非一生處為我朋
友彼等眾生如來親近當令解脫彼等眾生
於如來所等共分者彼等已到我歸依處如
來已攝彼眾生而彼等眾生應為如來之所
攝受阿難我於往昔行菩薩行時一切眾生

有怖惱者來至我遂求乞無畏我於爾時施
彼無畏況復今者成阿耨多羅三藐三菩提
阿難汝等於信法中應勤劬方便如來唯告
如是事耳阿難若汝等所應作業當欲乾竭
我慢網者阿難聞朋友處應到一由旬見朋
友已當得安樂五十六況復因我當種善根耶阿難
如來阿羅訶三藐三佛陀當知彼等眾生先
為如來朋友彼等如來亦為我朋友以朋友
故更相愛喜隨彼愛喜亦還愛喜彼等眾生
阿難是故我今告汝我今語汝汝等但生信

永樂北藏

大威德陀羅尼經

第五〇册

觀察諸法行經卷第一

器七

隋北天竺三藏法師闍那崛多譯

無邊善方便行品第一

爾時婆伽婆更遊王舍鷲鳥丘中共大比丘
眾滿千比丘共菩薩摩訶薩有八十俱致善

器七

薩摩訶薩種種佛刹來集皆得陀羅尼忍三
摩地一生補處證得過去未來智道言說清
淨不作詐善不自稱讚無有貪婪外道不勝
過魔羅業得諸佛法具成無畏法障已過業
障已滅於法本性已得無疑說歌頌句心無

窮盡不可思劫願鎧莊嚴笑顏先語面無羶
感辯才不斷已得等忍三摩地陀羅尼具成
無邊辯才及勝無畏百千俱致那由多劫善
說一句信解諸法猶如幻焰水月夢影響等
無來無去無生無滅空無相無願顯不可取
無有障礙善知無邊智慧善覺諸眾生心行
智如彼眾信解隨其信解善為說法禁攝
自心離法渴愛具無慢忍善巧勝妙如本性
法攝取佛刹功德莊嚴無邊作願善能案行
無數世界念佛三摩地常現在前善勸請無

量佛善知滅纏順眠煩惱善知遊戲非一百
 千三摩地海彼謂慈氏菩薩摩訶薩曼殊尸
 利童真觀世自在菩薩摩訶薩大勢至菩薩
 摩訶薩雲音菩薩摩訶薩善百千開華智菩
 薩摩訶薩無邊攀緣出意菩薩摩訶薩電莊
 嚴鳴音王菩薩摩訶薩無數俱致劫普生智
 菩薩摩訶薩師子吼王菩薩摩訶薩等不等
 觀菩薩摩訶薩淨密金無疑王菩薩摩訶薩
 寂觀菩薩摩訶薩智王菩薩摩訶薩不空見
 菩薩摩訶薩賢護為首十六大善丈夫象香

手者菩薩無邊寶藏菩薩智積菩薩辯積菩
 薩師子吼鳴音王菩薩珠莊嚴瓔珞行菩薩
 師子行步菩薩陀羅尼自在王菩薩得無邊
 辯才無畏菩薩名稱菩薩摩訶薩喜王菩薩
 摩訶薩如是為首共八十俱致菩薩摩訶薩
 若此三千大千世界大王或釋或梵或大梵
 或天王或龍王或夜叉主阿脩羅伽留荼緊
 那羅摩睺羅伽人非人主彼共眷屬圍繞執
 持華鬘塗香衣蓋幢幡鼓樂詣於佛所到已
 頂禮佛足作三帀繞隨所執持華鬘香塗香

末香衣蓋幢幡鼓樂於世尊所作供養已尊
重受教合掌而住爾時喜王菩薩摩訶薩七
日斷食已若經行若立若坐不卧不睡精勤
求法何等三摩地令菩薩摩訶薩於無上大
乘轉取徧智大寶智等彼作此因緣已即起
於坐一肩整衣右膝著地合掌向佛而白佛
言大德世尊我於如來應正徧知隨分欲問
若婆伽婆賜我空閑如我問已即爲解說如
是語已佛告喜王菩薩摩訶薩言喜王如來
應正徧知常作空閑解說問難喜王汝若如

是欲問如來應正徧知我即於汝彼彼所問
如問解說當令歡喜如是語已喜王菩薩摩
訶薩而白佛言世尊何等三摩地菩薩摩訶
薩具成三摩地故菩薩摩訶薩如實知諸衆
生心行能入諸佛世尊說意所說無倒順入
隨音實智能見現在諸佛世尊無有障礙順
得無瞋諍法於如聞如念法奉行而住雖於
世法中行而不爲世法所染雖行徧智定中
而於彼自在不生雖行涅槃法中而不於中
間涅槃以未滿諸佛法故雖行聲聞獨覺法

中實行而不於彼乘涅槃出無邊念心不忘
失入諸衆生種種界門無窮盡問辯說相續
攝取無邊功德莊嚴佛刹於別智中得無餘
智雖成熟衆生不依衆生想而說法彼無有
見住而將置涅槃亦無一法可欲寂靜雖行
菩提而不依作大智具成捨離有無二邊故
雖知諸法緣生而於緣生法中不著速證阿
耨多羅三藐三菩提降伏魔羅及與徒衆諸
他論師以法屈伏當轉無上法輪爲天等世
作法吼鳴世尊然佛法不可思議菩薩法不可

思菩薩行不可思甚善世尊我向問如來者
世尊以無數不可思議諸種勝具佛智爲我演
說若我於世尊邊聞已如實當行如實行已
當滿諸種勝具佛智喜王菩薩摩訶薩如是
語已復以歌頌問佛此歌頌者所謂

我問論師月 世親人上者 若諸菩薩行
次第爲解說

多衆等來無有邊 人天夜叉衆如信
聞勝功德佛法已 多百欲與覺相應
佛勝德中生信已 我問度諸功德岸

名稱無邊知我心	他非我證除勝者
解散分別十力行	人天渴樂勝者德
菩提德行最無比	百大方便說智行
如破黑親共力者	如速放出智光明
如動三千所有地	如菩薩行當為說
婆吒勝覺樹 <small>器七</small>	住此而抖擻
俱致那由他	如大地震動
善行於行者	如行當為說
如有當得開華相	如生無邊音住持
如得正定等迷留	如菩薩行當為辯
	如放光照刹 <small>四</small>
	觸證最勝智

如有開華相無垢	如有善巧聞持意
如有不動似迷留	滿百功德如行說
無等無稱無諂詐	無我應供無三垢
智眾所讚勝沙門	我今問彼勝人行
善意行持開華言	勝言無錯無濁語
善夫牛王利除垢	如速作佛為我說
若有多人來集此	晝夜精勤無異心
彼等聞此勝行已	當住如實菩提行
此多人天樂佛德	晝夜決力勤不餘
彼聞此行當奉行	當得十力破他力

如當得於三摩地 如得通智及辯才
 如佛光照無邊方 當問智慧無邊稱
 笑顏如如說如是 善知如如諸法中
 如得智通廣住持 見十方佛百無垢
 云何當得無比智 善那由多俱致經
 當於說時無有錯 器七 如菩薩行當為辯 五
 我不問有樂 去離有趣者 我不問小行
 去離諸行者 如得最勝德 百種功德圓
 為我如是說 顏容喜笑者
 我今不問有樂道 我今不問境界依

勝者我欲生甘露 十力所行如實說
 善逝云何當淨施 云何持戒振去塵
 云何忍慈皆欲樂 如有精進彼當說
 云何愛智樂斷惑 云何智度斷名言
 當如智海不可動 如菩薩行當為說
 若我不得問善逝 於中我智盡不超
 得度徧智功德岸 為我皆說無邊德
 如是語已佛告喜王菩薩摩訶薩言甚善喜
 王甚善喜王汝今發行為多人利益故為多
 人安樂故為憐愍世間故以義利益安樂天

人故亦爲此時及未來菩薩摩訶薩不斷佛種性故不斷法種性僧種性故汝於如來應正徧知今問此義如汝於恒伽河沙等佛世尊邊已曾問難出生解說喜王彼宜善聽善作正念我當爲說菩薩因何三摩地得此及異功德知諸衆生心行喜王菩薩摩訶薩言世尊如是樂聞佛言喜王有三摩地說名決定觀察諸法行菩薩摩訶薩若因此三摩地得八十四千三摩地得八十四千陀羅尼得八十四千波羅蜜速證阿耨多羅三藐三善

提已轉無上法輪爲天人等世當作嗚吼喜王彼何者是說名決定觀察諸法行三摩地彼所謂如說如作如作如說身淨語淨心淨求於利益作朋友心不爲求欲不捨於悲不爲取法^十不失於信自誓不動善入衆生言辭作調順業順斂於身捨離惡語^六心無欺誑苦者令潤樂者教修^{十二}放逸者覺察發勤者令決合法悔者令出散不住法想離衆生想不分別事想捨諸取著觀知於相取戒不動^三常求於智離世所言求出世語自進不忘

順念於法入如所作順作儀式於業必信捨
 離不信^{十四}多有信解於佛作念有罪顯說於
 福隨喜勸請於佛應禮者禮無有高慢不厭
 善根常勤相應不捨勤合^{十五}通出生句信因
 作業而受其報於緣覺察不著虛實有所言
 說^{十六}不住欲界不同色界不著無色界於業
 報果隨之而信均與物分有平等心不害法
 教合不合中無有瞋恚他得利中亦不有嫉
 滿其所望^{十七}度於法誓不捨戒聚除慢離瞋
 普割愚癡不生貪行隨得知足不求眷屬得

利不高無利不下^{十八}法利喜分不作貯積惡
 言不報自護口言顯明善提察發勤令顯明
 解脫問於智者不放斂攝不捨住阿蘭拏^{十九}
 於頭多功德及以減省普有喜樂信解於空
 不著諸事聚中不依界中不念入中不見境
 中不愛除滅顛倒心^{二十}令念持智慧發生^{二十一}
 於聖行順斂於心隨順到福田地除捨諸行
 施不求報戒中不念不分別忍不覆精進不
 依定意智知諸法^{二十二}入六度地不念自德
 不惡他德不依諸行不稱量行於涅槃中無

有攀緣走避流轉於解脫中無有怖想於受
聚中有害者想愛於滅度二百安住於忍顏
容喜笑先言問訊面無顰感敬老少中其心
淨信不逼惱他作主滅諍讚說取靜勤教和
合一百愛憎等心求陀羅尼諸衆生中如父
母兄弟姊妹兒子親屬尊長朋友平等愛念
愛聖如父於近親中如愛尊重於菩薩中愛
念如佛法中愛念亦如自我於多聞中無有
厭足行中奉行供養如來四百上妙信解無
有縮小作三寶種忍不定言身中不惜命中

不惜清淨淨命於乞食行而不捨扼平等乞
食以爲愛美善住阿蘭拏處五百捨離在衆
心常喜樂不雜俗家於出家者亦喜不雜不
作詐善不自稱讚說於愛語菩薩乘中教化
衆生入於方便常順念佛六百思惟於法常
尊重僧供養智者親近解者守護定意者扶
持勤合者說菩提道念修於法信於福德於
衆生所教以善根七百愛念信者出散苦者
淨於威儀慙而有畏懼見慙悔離於惡人住
如法行向於除滅求於聖行熏修念處八百

恒住正斷普得神足取於諸根成就於力觀
 菩提分道不顛倒入舍摩他察發毗撥舍那
 於心不喜法中普喜九十一百超過攀緣地中而
 能不住不驚無見生不墮想護菩薩行於佛
 行中作無量想四七厭棄惡行捨先所作淨於自
 業二秘毗那耶禁別解脫不毀法教以時而
 行離於非時善巧入出知於願量活命事中
 足而等喜入諸智通修三摩地入於所行二
 一入於妙寶如來所說取不可得勤合者喜
 顯明佛子令聲聞者聞行令獨覺者順知一

道菩薩財物聲聞遊處智者所行是調順者
 所趣二百重說法者察多信者示現佛道求
 財者藏求果者甲三火熱惱者園得三摩地
 者華池生白法者母不信身者令止繫緣於
 相三百布置諸好等住佛刹得陀羅尼出種
 種智熏修勤合超魔羅境勇健鬪戰割斷煩
 惱摧滅不善熾然於善四百勤作願者瓔珞
 魔羅所不能破所說無盡世間不等外道不
 知已過聲聞法中已出獨覺安住遍智中衆
 生入道之所趣到善朋友言五百如寶覺察

是受報者等喜欲飲者味欲喜樂者變向涅槃者乘趣岸者船欲渡者筏生盲者燈欲見者眼說法者炬二百六十不虛者誓欲施者財欲解脫者方便求戲者喜樂等喜者淨信歡喜者愛求聞者性處得三摩地者迷留望得眼九者帝釋入鬪戰者勇健欲住者窟自心行者梵心勤合者喜樂二百七十不退轉者遊處得無生法忍者淨心智行者念初業者方便丈夫智者幢弩三摩地者弓說無我者那羅延徧智者道令解脫者生平等智諸天所禮二百八十

諸龍奉華衆人供養學者所難作無學者向禮菩薩所讚法主所念覆藏根者城善方便者道勤合者利疑者令散二百九十欲者令斷煩惱者吐欲度者浮病者良藥不顛倒見者治箭者拔出欲作淨者自在欲作吼者無畏相欲聞者所趣三百涅槃者道惡趣者遠離欲色無色者超過嚴佛土者瓔珞金剛喻三摩地者生因最後生者坐師子座令福德者不失求者令取退者策進墮者令起懈怠者令發力三百一十發事者建立過發事者令止於定令

人諸事令捨取鬪諍者令其棄除於遍智者
 令其滿足得出生無邊門說勝義者令其不
 失令說空者畢竟寂靜信無相者令滅分別
 信無願者止斷急務三百令信捨者超過三
 世順至諸處善方便中於覺為燈於未學者
 心不輕賤於說法者無有所求其錯法中不
 生瞋恚於等乘者無有謗毀不望其物而為
 說法於說法者諸事供養於聽法中心不散
 亂三百於徒眾所無有欺念於法施中無有
 斷絕於純直者難可為問於瞋恨者住於忍

心悔者令散於道不息求於智聚令依取者
 而得解脫惡者令調無住處者令捨四百欲
 順念者令其正念發起菩薩顯示諸佛令四
 眾喜味勝者美味欲戲者雷於甘露為門涅
 槃行者所趣令欲得不怖者有涼無熱是得
 道者解脫繫縛五百於樂心所請與利益其
 心放息意樂身樂智者所取堅受不捨不轉
 如來方便道行熏諸善根害諸不善根是無
 智者所學入方便中者所成不誑者相順佛
 教者所行智聚者明示現佛刹禮拜俱致諸

佛能作俱致問難斷其所疑生長諸白淨法
棄捨助黑不失諸福喜福者愛生喜樂者勇
健欲說者辯說法者護令諸因者生愛於諸
法中而有善巧知於生滅示現如如於徒眾
中自心調伏令方便者令喜慢者令散方便
成就者坐令思察者飽足四百觀視無惡法主
者雷名稱丈夫者勇步煩惱垢者令止諸見
行者令害聞者令持總持於法令說法者無
錯不轉善提善諸入門善根者聚不斷佛眼
熾然法眼攝於聖眾伏他論師善作法語善

薩所行等心者月求業者日欲學者師諸修
多羅者護智者將導白法種子甘露熟果順
念於生不滌流轉癡凡業者厭棄如來功德
者真實讚歎者得無邊報持者徧智因來讀
者利得所趣三四書寫者入無邊功德智說
者無量福德是不來者度津是不動者住處十一
諸世欲受者為說諸佛已說稱揚過去佛眾
滿未來佛所望是現在佛智藏諸眾生行入
門聲聞乘者普燈獨覺乘者燈明佛乘者持
諸出生者不失示現佛手者印是不覆藏者

實得疾智者轉生能令問佛功德令欲作者
無厭令煩惱火寂滅四百得方便智令解地
界令入水界等入火界不住風界出生解脫
虛空界淨於智界順入法界厭棄諸行遮斷
隨眠散於瞋癡除捨愛憎善巧自行善巧他
行令欲說者辯才無盡諸出生中令不入著
令相應者不可言說捨於我相除我所相遠
離入著七百下心如大最妙入門善繫於定
是乏者蔭令度於流外論所不能破於純直
者不可說惡遠離睡眠親近說法者超過掉

悔除滅於疑散於貪欲遠離懶惰不見於我
顯明無我不建立命法中不觸說中不諍所
辯合理善於思惟不作於行有調順體有不
怯弱畢竟信解入眾不縮自德不譽他德不
嫉其心常行徧智不取住處五百離不合言常
淨等行不愛其身斂攝其心於行善巧思惟
順念不毀不慢求於解脫欲得無疑念修梵
行於慈等心於悲順攝於喜當念捨滅憎愛
於戒順攝定皆出生慧悉覺知所出生字言
辭善巧五百入諸說音不為財利廣演說法

不喜共衆一宿移行既不舉取亦不下置其中覺知不著諸法顯明於如不誑諸衆生不斷三寶種性於法攝取五百滿牢固願不羨小乘與定相應晝夜不捨滿諸淨心智慧功德依梵本合有五百三十五句其中分句長短離合無一定准極少乃至二字爲句極多乃至五字始成一句此乃隨義分句喜王故也不可一句後記數宜好詳之此謂說名決定觀察諸法行三摩地是菩薩摩訶薩境界入衆生行取徧知智此中法本說時九十二那由多菩薩無生法中忍生五千衆生先未發生阿耨多羅三藐三菩提心

於今悉生三十那由多畢竟淨心天及人等遠塵離垢煩惱中出諸法中法眼生十百千比丘不受故無漏心解脫此三千大千世界不種震動大光徧世爾時世尊復令此義無量顯明即說歌頌

所有清淨聖者道 其心解脫隨順法
 菩提分眼辯法中 此三摩地善逝行
 降伏摩羅遠離垢 除我瞋障斷有愛
 名稱及智善具德 此三摩地德智幢
 於智爲地及善道 諸聖者姓破摩羅

解脫於有善逝讚	此三摩地德智財
細入法行諸際門	順覺過惡已作斷
除滅於苦入勝樂	此三摩地善逝行
此是覺念覺分華	慙愧具足攝於善
菩提分鬘善逝趣	勝三摩地此已說
善提分場解脫光	過彼星宿作明照
作於光明超三有	讚彼如是法勝月
三種方便望得淨	親近解脫最勝王
捨知識利及詐善	此三摩地應成就
於他毀辱當遠離	莫因知識自讚譽

常行乞食但三衣	勿作貯積與此合
望得諸聖等分戒	常應尊敬問知者
問已如實修行住	彼故當得寂靜定
若有戒美諸世中	遠眾欲喜舍摩他
勿作詐善莫慢生	彼故速當得勝定
於尊師所常恭敬	若老若中如初者
諸處如是常受教	欲求善逝所有財
勿作瞋面莫羞怯	見諸世人常共語
勿作貢高慢自在	彼故當得寂靜定
應當捨身莫愛惜	勿有懶惰多睡眠

書夜修念意相應	彼於勝定則當得
等心諸世喜於慈	以悲意行菩提行
喜捨平等稱量意	彼於勝定則當得
應常守護十力財	於法破盡苦世時
若常守護法財物	彼當得此寂靜定
意常不著三界中	隨順憶念流轉苦
欲求涅槃安隱處	速得最勝無比身
隨順憶念無我空	於諸相中普遠離
亦離三有所作願	彼即速得大悲者
行施自守若調伏	持戒及忍如精進

常喜於定解脫智	此三摩地彼速得
如我昔行數百劫	如我說此菩提行
如我得覺寂靜安	如是等行速已觸
我是徧智善牛王	學我諸勝所有行
若行如我往昔行	彼當得佛人勝者
衣慙及食解脫味	心信於定喜空闕
無我歌詠常愛作	云何他智當觸樂
擔負罵詈堪忍他	勿懷怨恨不供養
應於業報當普信	彼於勝定則當得
遠離有見及惡道	當親近空聖所趣

晝夜精進力發起 彼於此定則當得
 遠離二邊不愛道 近平等道若實路
 如此修行佛所愛 若觀不生不作法
 最勝不求妙華香 妙衣及以幢蓋等
 若於法空隨順行 此是最勝第一供

觀察諸法行經卷第一

音釋

婪盧含切 貪也 抖擻抖當口切 擻蘇后切 擻舉也 扼於革切 與
同 撞傳江切

觀察諸法行經卷第二

器

隋北天竺三藏法師闍那崛多譯

先世勤相應品第二之一

爾時世尊復告喜王菩薩摩訶薩言喜王又復菩薩應覺諸法不依應覺諸法不出不滅器八不作不生遠離器八輕虛自空不牢不取不捨十一應覺諸法無常苦無我寂靜應覺諸法空無相無願應覺諸法無我無衆生無命無富伽羅十二應覺諸法不合不可作無自體無相無有應覺諸法離染不行離戲論不行到最勝

不種種十三無戲論離戲論不可取不持無住處不來不去不住無字不可說十四諸法不可言不可將來無業無報應覺諸法不分別無種種分別斷普分別諸想及念皆已除斷破天等世得度五趣度於衆生勝魔羅衆超過煩惱魔羅出衆魔羅斷死魔羅滿無著智攝取三世勝色為諸衆生所愛為智者所供養能於諸法見其法體得肉眼淨到天眼明到智眼行不動法眼具足佛眼如月顯照知諸衆生心行不勤合者當作覺察捨諸所取十五

永樂北藏

觀察諸法行經

第五〇冊

於三千大千世界中為諸天人作支帝相隨
 順得淨行地通無我際知於出界諸衆生所
 當作親尊離增上慢有於忍力超五障礙能
 於名色知其本性順覺諸佛所說言辭順覺
 三十二相^{十六}於得不得心有所取皆已超過
 於世間行而得世法不染於諸衆生當為作
 舍開涅槃門令諸衆生入無畏城與甘露味
 演說於法覺煩惱睡散衆生熱斷其所著諸
 兄縛等六根不染而為衆生說法得十六字
 門所出陀羅尼何者是彼十六種陀羅尼所

謂阿字不生義故波字最勝義故遮字四實
 義故那字知名色生義故陀字調伏義故沙
 字超過著義故迦字不失業報義故娑字諸
 法平等義故伽字甚深義故他字勢力義故
 闍字超過生老死義故車字斷煩惱無餘義
 故蹉字高出義故詫字住義故唵字教化邊
 地彌黎車義故^{梵本亦}善家子此是得十六
 字所出陀羅尼名得陀羅尼所出巧智解知
 諸法自空選擇諸衆生心出離諸煩惱吐諸
 凡夫所取通彼法相度流轉海善說令喜設

法施會巧生諸字音智解知於空樂佛解脫
捨愛不愛而無悵惜於諸外道他論如法降
伏說師子吼得於佛智興於法施吐諸煩惱
破怨惡義信諸佛轉法輪通達於如乃至知
法瞋慢已離欲泥不染調御衆生除去於垢
能以悲水洒於衆生統領徒衆順得勢力超
過老死念千數劫總持法藏通達寂界得空
等智順覺盡法諸衆生等所應讚歎滿無障
智得無熱惱熏習順行摧魔羅軍蔭覆三千
大千世界順念前世招涅槃地作依止趣其

在家者盡皆覆護知處非處不捨先誓於諸
衆生以慈徧滿知聚無生所念聞意當作正
真得梅檀那戒香斷生死道順得涅槃知諸
法如那字觸住喜王彼如那字已上無字彼
亦無名亦不可說亦無有聲不施設名不知
名說彼諸聲言辭中彼不過去不未來不現
在彼諸佛不已說不今說不當說不生不出
如是等相諸法菩薩當知喜王復有十六字
陀羅尼所入門所謂覺字行相說勝義法度
於四流說無有名色法善巧布施自守住忍

不倚六根行於六度令滅欲煩惱故而為衆
生說法巧知諸法差別得深無疑說處非處
知諸衆生所行忍癡惡言捨皮肉髓知念意
行安住法界解知那字盡入諸法喜王此是
十六種字陀羅尼入門喜王若菩薩摩訶薩
正覺如是十六種字陀羅尼入門如阿字無
生義故波字最勝義故遮字度四流義故那
字說名色義故陀字布施自守和合義故沙
字六通智義故迦字不見業報義故娑字諸
法平等義故伽字甚深義故他字示現勢力

義故閻字示現生死義故叉字示現忍力義
故車字吐極惡煩惱義故娑摩字自大證覺
義故娑他字說處非處義故多字說盡邊義
故彼則得此說名決定觀察諸法行三摩地
因此十六種字陀羅尼菩薩摩訶薩不為智
者所呵棄欲瞋癡演說到彼岸道得四無畏
受那羅延身利割欲枝得十力力值遇妙音
得滅熱惱授聲聞獨覺記遠離左道得如來
地如所言說如作即得高慢衆生當令解脫
作佛事業順得聚智疑得衆生斷其疑惑以

有和善共住安樂滿足大悲超魔羅境滿足
美音除慢放逸而得於忍善入深定今度諸
趣而為說法於諸法中今得淺處為住彼岸
今到陸處知諸衆生所行知諸法方便行念
無數劫持諸法體寂滅諸惡清淨諸疑得空
等智順到滅煩惱處速踐覺場三八天龍當讚順
覺諸智巧滅燒熱說諸衆生自體食甘露食
斷諸疑睡捨離隨著所有習氣以其大悲覆
諸衆生念前宿世見於涅槃功德順覺凡夫
所行得密大智害諸異念鳴於法螺令住佛

智超種種相順覺出生知衆生處能使佛刹
豐滿無彼熾然離於老病速能順覺方便密
語斷生死道順到安隱涅槃於惡魔羅速能
降伏於無量世界中見佛世尊離欲已而聽
法亦不忘智如所希望攝取佛刹巧知遊戲
出生諸三摩地喜王菩薩摩訶薩若得此說
決定觀察諸法行三摩地當知亦得薩婆若
何以故然彼何時欲證阿耨多羅三藐三菩
提若一生若二若三若四若五若十若二十
若百生若千生若百千生若劫若百劫若千

劫若百千劫乃至欲於久時彼亦久乃證覺
 以願自在於流轉中盡後際劫何以故然彼
 於諸法中自在故又佛說此陀羅尼字門品
 法本時三十二千菩薩得忍彼時此三千大
 千世界六種震動爾時世尊說此歌頌

無錯無濁無穢雜

離非趣行到甘露

應天地供作無等

持此方便十力行

喜作離怨滅荒塵

面如開華人天樂

應勝者德度有海

持此方便十力行

除滅他眾善他行

人天愛重佛陀意

分別他行善巧意

此道中行十力行

捨憎有取不如行

覺察人天如意決

行顯示如空中月

此有眼行智者行

人天常愛彼意者

不樂有趣境無錯

分別百行眾中吼

此智者行照諸方

得十二十復有二

諸相妍妙人天奉

得失不著離二取

彼得此行照諸方

甘露施主善行施

常與勝財世牛王

十力大力降他力

不久得此智者行

分別多德勝念意

寂滅多苦與多樂

多人尊重善奉事	喜佛功德智學此
降眾不久如牛王	滅百熱惱離諸熱
飛虛空道多百刹	行此方便照諸方
信處善巧諸世信	信慙意住念無等
振去百著作世香	持此方便百德聚
分別多德吐三垢	彼有潤膩美妙言
善說百分天地中	持此德財勝無等
度人天住無畏城	振去闇塵如言說
如行無惱行如行	持此方便十力行
甘露財勝名聞至	勝德無等如行得

如意人天如言說	智者學此甘露道
無塵至處照十方	脫慢眾生直無曲
至無畏城離荒慢	持此方便十力行
言說善合化人天	不喜樂欲喜樂法
說作作者說百行	學此方便善意者
等意等行淨眾生	善合善美善行說
諸法中巧常與樂	行此方便喜甘露
惡魔羅力不久降	振去荒垢散三垢
行於此地與大財	持此方便十力行
超過惡趣行勝趣	象馬獸主戲行者

讚德持德百德滿	不久得此智者行
善巧處行不住有	勢力示現決勝力
至陸住水離諸膩	若學此行十力行
捨城及與村落地	捨愛不愛不樂境
及捨勝樹捨怨眾	智者學此決進力
憶念過去多百劫	念諸世中生及死
及念已先所聞法	持此寂靜勝定意
法炬熾然常令有	喜法彼施於財法
及持十力所行者	持此寂靜勝定意
住舍摩他有慈意	寂靜止意寂靜根

淨戒甜美愛語音	當有持此三摩地
喻如犀行無我所	得到閑方與閑道
離八不閑隨處住	持此寂靜勝定意
於念覺知自性行	亦當善巧知盡法
示現最勝堪忍力	於此中學勝義行
應得諸世所讚歎 ^{卷八}	多百數 ^七 天當讚彼
作處作者作寂靜	於此智海親近住
鳥飛足跡當順行	於諸煩惱得寂滅
魔羅不行彼方便	此寂難見勤相應
說決定覺善逝行	拔斷有愛作無有

得彼世中常供奉	持此寂靜勝定意
所應斷者於此淨	斷煩惱已照三有
彼作蔭覆徧諸方	若持此勝三摩地
念他所行及自所	念已爲說如順行
無慢行體勝者行	持此寂靜勝定意
有施捨已調伏意	善逝所趣速能行
施與無畏說無畏	此勝上定則便得
於諸世中當作親	錯誤已脫復令解
共集言議有善巧	若人修此三摩地
身等金剛全一合	速能破散魔羅軍

純白淨照無有垢	持此寂靜勝定意
是處而住處所應	於處不住上意得
於處非處有善巧	若此定意人能持
無著辯說佛功德	出生俱致多覺解
彼無疑惑不正意	此勝寂定有能持
於彼甘露速能信	亦常信於與樂者
得到果已護他世	此勝寂定有能持
解知於聚常自空	彼無錯誤無迷惑
諸行行到三有中	若人持此三摩地
當得捨離於老病	不被他降巧爲直

其心相續喜持戒	若此定意人能持
割斷生樹是聖道	涅槃寂靜速能觸
彌黎車地彼不多	若人持此三摩地
不自讚揚巧妙語	功德名稱上普德
端正顯現衆中入	如昴宿月月淨空
眷屬衆具家姓名	善逝親眷彼時得
彼所有辯如水王	謂當持此三摩地
法自性相無我行	於諸世中順覺已
速作三千勇健三	此經希有平等行
乃至三千世界林	人姓三種衆生行

於彼勝上得智門	此勤相應觸甘露
毒刀及火不行入	不畏枷縛諸逼惱
夜叉羅刹不生害	若淨信心此相應
財無所失財不離	無病無憂無業執
不盲不瞎亦不瘡	如有持此四句
六十三億二足上	普念於此相應者
彼所若與總持藏	此寂難見已相應
若於菩提欲疾觸	最安隱德若欲取
應合此勝經典行	諸所希望則滿足
彼故聞已善喜樂	若人於中求菩提

彼勤相應若四日	彼當得此勝寂定
八十俱致二足上	餘勝六十那由多
普念與此相應者	轉誦作此三摩地
若聞於此善得利	聞已若有作信解
佛功德中彼無惑	如到菩提如是持
彼故聞已此實行	莫得 <small>九</small> 懶惰喜無德
諸福決定到手中	若持此經若書寫
我念於先百數劫	有最勝者名辯幢
彼說此勝三摩地	王子月妙聞彼已
疾捨王位而出家	彼聞一夜及一日

於後分中死時到	至餘刹土而復生
如恒伽沙復多彼	見已復見無邊勝
諸處聞此三摩地	於三劫中證勝覺
名曰寶焰最勝者	勝者然燈為說記
如是大利由聞此	彼故聞已莫懶惰
我今欲作告汝等	天人所有美妙音
我於此中開寶藏	十力財物汝當取
又喜王先過去世不可數劫過不可數廣遠	
無量不可思不可量於彼時節有名辯才瓔珞莊嚴雲鳴出吼顯音如來應正徧知出世	

明行具足善逝世間解無上士調御丈夫天
人教師佛婆伽婆其佛刹土名無邊寶功德
莊嚴世界名無垢劫名愛見又喜王彼辯才
瓔珞莊嚴雲鳴出吼顯音如來應正徧知有
無量聲聞有七十二俱致菩薩摩訶薩普皆
得忍到灌頂地又喜王於彼菩薩衆中有菩
薩說法者名無邊功德辯幢遊戲鳴音彼有
過量念行慙辯於陀羅尼中遊步盡至得五
通智彼白彼佛令其觀已爲四部衆廣說此
說決定觀察諸法行三摩地又喜王於彼時

節有王子名福報清淨多人所愛鳴聲自在
而彼妙形端正可觀最勝淨色成滿具足於
無上正覺中久已發行喜王福報清淨多人
所愛鳴聲自在王子聞有無邊功德辯幢遊
戲鳴音菩薩說法者說此名決定觀察諸法
行三摩地若入村城聚邑王都中說時彼王
子於彼說法者邊聞此三摩地聞已歡喜踊
躍愛悅滿意善意更生詣向彼說法者菩薩
摩訶薩所到已頂禮彼說法者足尊重受教
合掌而住於此三摩地中復過量喜欲聞此

三摩地彼說法者復知彼過量淨信已彼時
廣說此三摩地喜王如是彼王子於彼說法
者邊聞此三摩地已又復過量歡喜踊躍愛
悅滿意善意更生隨所著衣而以奉覆說如
是言今諸衆生得此三摩地寶如此說法者
菩薩摩訶薩彼以於彼說法者所捨施善根
於現法中承事八十恒伽河沙等諸佛世尊
於彼諸佛世尊邊聞此三摩地彼諸佛世尊
所皆作最勝供養於彼諸佛世尊教法中出
家攝受正法諸所不聞百千俱致修多羅而

能辯說生念常滿受變化生得五通智得陀
羅尼無著辯才彼順次第行諸助善提法滿
已於無邊功德寶莊嚴佛刹中證覺阿耨多
羅三藐三菩提壽量無量聲聞衆無量菩薩
衆無量光明無量願功德莊嚴無量又喜王
彼時節中有名無邊功德辯幢遊戲鳴音說
法者汝意莫作異見何以故喜王彼天眼如
來是也不動如來爲記菩提又彼王子名福
報清淨多人所愛鳴聲自在者彼無量壽如
來即是彼時王子也又喜王彼王子聞此三

摩地已七十千劫業障皆悉滅盡即得分別
諸法句品出無邊門名陀羅尼及不遠離三
摩地乃至菩提場喜王彼因緣故如是當知
此三摩地於諸菩薩摩訶薩所如是多作淨
諸業障轉莊嚴淨刹功德轉速滿佛法轉又
喜王先過去世不可數劫過不可數廣遠無
量不可思不可量於彼時節有名淨面無垢
月妙威藏如來應正徧知出世明行具足善
逝世間解無上士調御丈夫天人教師佛婆
伽婆又喜王彼淨面無垢月妙威藏如來應

正徧知所有佛刹功德莊嚴我今不可一劫
廣說乃有如是無量功德莊嚴聚集佛刹清
淨菩薩摩訶薩衆於佛法中皆悉決定喜王
於彼時節有長者子名曰顯妙廣身彼詣淨
面無垢月妙威藏如來所到已頂禮彼世尊
足即以無量摩尼寶珠瓔珞百千間錯奉覆
彼佛在前而住以欲法故彼如來知彼淨信
已於此三摩地初中後善說喜王如是彼長
者子於彼佛邊聞此三摩地已歡喜踊躍愛
悅滿意善意更生得大法力得法力已不用

求天人中彼七十千婦女捨已普一踰闍那
四大藏無邊寶滿捨已八百園林捨已諸所
受用眾具捨已於彼世尊教中剝除鬚髮著
袈裟衣以信出家非家而行又喜王彼長者
子先在家時地不敷衣不曾足蹈十二既行出家
已十千歲中仍不敷衣足不蹈地中不坐不
卧唯除食受用時十千歲中睡眠不久乃至
於彈指頃亦不曾分別欲分別瞋分別害十
千歲中異心不生唯於福智相應發行精進
得諸辭聲攝諸佛語名陀羅尼成就普音入

門名陀羅尼彼如是熾然精進具足乃有六
十那由多天於彼菩薩所勤行給侍起作相
應令其身心安樂精進堪能彼如是行出家
已熾然精進聞此三摩地故九十九俱致百
千劫流轉皆悉背捨現在值遇七十千佛於
諸處中行出家已此三摩地持讀思惟為他
廣說彼發行精進故不放逸行故成就此三
摩地於八劫中證覺阿耨多羅三藐三菩提
逮得如是佛刹功德莊嚴相住如彼世尊淨
面無垢月妙威藏如來所有刹土我今見彼

於南方分中四十四百千佛刹過已名大莊
 嚴世界彼中作佛有名善意喜樂如來說法
 無量菩薩摩訶薩眾集數不可盡喜王彼諸
 菩薩摩訶薩若欲速於諸法隨順得自在者
 此三摩地當聞當持當說當念爾時世尊復
 欲過量讚說此三摩地功德令高出故即說
 歌頌

我念先世無邊劫 猶如恒伽沙無量
 時有智者世間導 辯才鳴聲諸方聞
 彼勝教中有比丘 持法智人說法者

此寂靜定彼說已 王子已於彼邊聞
 即以白衣而奉覆 迴向最勝菩提道
 復見無邊諸導師 得道彼號無量命
 彼先所有慧作業 皆盡無餘無報果
 聞此大妙三摩地 有辯才者具功德
 彼於後時中 若有欲求道 應當聞此定
 諸惡自當除 又佛無垢月 說此三摩地
 長者子聞已 即取行出家 彼於十千年
 思惟三摩地 足不踏無衣 亦不入眠寢
 此得勝菩提 惟有共聽故 不愛於家中

亦無欲財物	彼至諸佛刹	於彼皆已問	若所聞此已	彼無有所著	亦如空中風
諸行所入門	順覺已不久	其心彼先滿	有此出家已	多有求菩提	為知識故瞋
亦滿彼意車	彼速得菩提	此何不勤作	各各而生起	彼貧窮少福	限聞即喜樂
後時當來世	多有求菩提	無資財無樂	於他有欺心	我到菩提岸	見光得界已
不欲行出家	瞋罵而叱責	毀辱說惡語	眾生而供養	以此少等喜	知當到菩提
各各共聞已	而言當作佛	千數非一苦	彼菩提大遠	若嫉妬諂曲	我到智數數
忍受為欲故	為愛欲作奴	而言當作佛	大遠最勝者	聞此經典已	知當得菩提
夢中見佛已	彼暫得蘇息	於他常欺慢	見無量壽刹	作佛當不久	大遠彼菩提
菩提我不疑	此經彼聞已	言聲不會義	依止有得見	心若不相應	我當不記彼
而蘇息自心	不久當作佛	彼等聞此實	及此長者子	財聚已捨離	於後出家已

後著乞食家	如此三摩地	於先然燈所	目德不思惟	當生猛毒惡	知他富供養
若聞好當作	不復渴愛生	彼剃髮出家	華香及末香	幢蓋幡鬘等	鼓樂供養我
繫縛知識利	海中取麻擔	而捨於珍寶	當言得菩提	此我實供養	聞此勝定已
聞中非決淨	無戒非出家	修行菩提道	當捨知識利	修行則相應	何供養色身
彼故莫放逸	後時若有處	說時當聽聞	諸聚我已捨	應供養法身	亦如善實供
彼為知識故	復行不讚說	在前當禮拜	愛命捨離已	常宿阿蘭拏	念此修多羅
及當與稱善	如是以衣散	復行不讚說	當盡於命世	喜王我告汝	修行此已聞
泣淚灑作已	奉施於自身	彼復在眾中	決莫共彼輩	諂曲作伴黨	於中我不讚
而說其惡行	不愛阿遮梨	不重近誦者	在眾中當言	此實此不實	於中莫欲信
為少而相破	以家相嫉惡	唯信他福德	不於境界所	有欲佛菩提	所有破諸行

彼善提大遠	我所有神通	此見大體力
諸此有禁戒	修行我得已	愛戒作分者
衆中似野獸	已捨知識利	獨宿阿蘭拏
我無有是處	我不說無實	久後末世時
此經付汝手	無量壽放光	及不動法王
六十三億佛	衆會皆已見	教師皆付彼
久後令護法	如此經智印	我普持在後
三千即震動	諸天稱善言	多有華雨落
聞此付囑故		

觀察諸法行經卷第二

音釋

訖
切丑亞
直加蔡
昂
莫餉切
星名

永樂北藏

觀察諸法行經

第五〇册

觀察諸法行經卷第三

器九

隋北天竺三藏法師闍那崛多譯

先世勤相應品第二之二

爾時喜王菩薩摩訶薩共三十千菩薩聞如此等久後末世五十年正法破滅淚出身動

器九

毛豎腋汗即起於座一肩整理上衣右膝著地向佛合掌共一咽喉而白佛言世尊我等於久後末世五十年正法沒時彼中大厄至時各各破時說法者逼切時徧智滅時白法散時空無命時正法教破滅時謗正法時少

智言語現時共住雜話滿時惡求活命時各各行不讚譽時魔羅嚴仗熾盛時彼中轉大逼惱時世尊我等捨自身命及棄諸知識樂如犀牛行若林若小林中離諸愛著於如此等修多羅所取如來智到大法體智藏種性不顛倒行所印攝受無量善根陀羅尼經所印破諸外論順覺徧智攝受正法示現諸眾生樂我等皆當寫讀持說世尊我等堪忍住泥羅耶為此三摩地實故我等亦復不捨如來法僧及不捨無上正覺爾時彼諸菩薩摩

訶薩喜王為首一意一聲於佛及諸天等世
前無上大法師子吼說已說此歌頌

應知我等心 如我欲求覺 無有異證明
惟除丈夫上

自然已知我等心 如我欲求勝佛智

我三有中無異證 如勝眾德到岸者

身命已棄捨 無餘兩足上 持此三摩地

於後大怖時

於身不愛及離命 諸親利樂捨無餘
行此無塵三摩地 後時中難有大惡

若劫無邊不可量 住泥羅耶惡苦畏

持此無塵三摩地 我當堪忍恒時中

如是苦惱無有邊 住泥羅耶因無護

持此無塵三摩地 我當堪忍惡害苦

於中我堪忍 不動牢精進 我請諸眾生

法施不求物 親利眾生利 供具諸所有

名聞及讚毀 我已忍捨離 我請諸眾生

實法不求物 我當廣說法 眾生法足飽

清淨既已有 當行菩提行 當作廣義利

為憐愍眾生 皮肉及以骨 髓血皆枯燥

我當不懈怠	以見苦眾生	皮肉與薄皮
及血我令燥	我今破此身	不生小精進
見此眾生苦	病觸大畏中	當今度苦海
陸處安無畏	我住阿蘭拏	捨離諸愛已
慈想已徧滿	與藥令無熱	閑林阿蘭拏
少聲我住止	捨離諸雜言	不共彼為愛
我當有慈意	與諸眾生樂	甘露勝樂與
病斷得樂性	彼所不順學	若彼離如言
我當修行住	如此經中說	我等不復彼
順學其所行	若彼凡非行	不實離如道

我等當常住	實語自境中	如此經中說
我當有彼意	我當不放逸	如佛陀所知
於眾生與力	於中我前行	
我當常有不放逸	如勝者知遍知見	
諸眾生中我與力	我當前行佛智中	
我當墮火聚	若當食毒食	不為知識供
不說佛菩提		
我為法故墮火中	食於毒食我入苦	
不復繫縛知識利	無上菩提不廣說	
魔羅若無量	作礙於我邊	已捨諸魔羅

當作世支帝

魔羅百千不可量 於中彼為我作礙

我皆已離無煩惱 無上支帝世當生

又於中喜王菩薩摩訶薩以師子吼說時此

三千大千世界六種震動大光徧世諸眾皆

以散華奉散上虛空中非一諸天乃有俱致

那由多百千出聲稱善復作無量無數俱致

那由多百千音樂說如是言此喜王菩薩摩

訶薩不久向善提場當作如來師子吼說如

如來吼諸天世前爾時世尊於喜王菩薩摩

訶薩所與稱善言甚善甚善喜王汝能攝受

正法說此無上大師子吼如汝已於恒伽河

沙等佛世尊邊如是師子吼說喜王善聽善

聽正念作意當為汝說所有菩薩摩訶薩攝

受正法所生福聚喜王我今為汝作譬以此

譬故於中有一智者丈夫知所說義喜王如

彼東方分中恒伽河沙等佛刹如是南西北

方及下上方分中如是十方及不正方中恒

伽河沙等佛刹彼等皆作一城垣牆圍繞然

其牆量至有頂際彼乃至爾許大縱廣大城

蔓菁子滿尖頭繫住不槩令平時有異丈夫
出生以分別故若彼諸蔓菁果右手取已擲
於上空所擲無間彼大蔓菁子聚乃至彼時
如是風吹彼大蔓菁子聚動散破已擲至十
方一一剎中一一蔓菁子墮終無有二乃至
所有大蔓菁子聚諸佛剎中一一蔓菁子墮
喜王於意云何彼佛剎數能得方便知邊際
不答言不爾婆伽婆不爾修伽多唯有如來
逮如是知佛言喜王若復有信解施菩薩乃
至無量無數復不可數佛剎以七寶滿作已

而用施與若有其餘尊重正法菩薩攝受正
法乃至一日夜中堪忍爲今正法久住故此
如是於彼過多福生何以故喜王於一如來
所攝受正法已即於過去未來現在佛世尊
所而得攝受正法喜王諸寶捨時共漏共取
喜王又法施時無漏無取諸苦轉滅喜王彼
故汝等當信解法施莫信解世財汝等應以
法供養供養於我莫以世財供養以法恭敬
恭敬於我莫以財物恭敬何以故喜王諸佛
世尊菩提從法而出不由財出爾時喜王菩

薩摩訶薩而白佛言世尊我等亦當尊重正
法不尊重財何以故世尊必以法故菩薩摩
訶薩證覺阿耨多羅三藐三菩提不以財物
又財令煩惱長故法令煩惱盡故而轉佛告
喜王菩薩摩訶薩所與稱善言甚善甚善喜
王善說此言五法令煩惱滅故而轉又喜王善
聽善聽正念作意當為汝說如先菩薩摩訶
薩攝受正法勤與相應不惜身命捨離諸樂
及以知識財利恭敬而於正法攝受喜王菩
薩摩訶薩言如是世尊我甚樂聞佛言喜王

於先過去世時不可數劫復過無數無量廣
不可量不可思惟於彼時節有名廣淨厚金
普無疑光威王如來出世應正徧知明行具
足善逝世間解無上調御丈夫天人教師佛
婆伽婆又喜王彼廣淨厚金普無疑光威王
如來應正徧知壽量無量及有無邊功德莊
嚴佛刹及有七十俱致百千聲聞眷屬圍繞
并無量菩薩眾悉已出無邊行順入法界喜
王如是彼世尊廣淨厚金普無疑光威王如
來過去滅已於久後時正法沒時有說法者

名無邊寶振聲淨行聚其說法者盡到行處
 得五通智總持自在不斷辯才順入法行彼
 入村城坊邑王都而為衆生說法所謂亦說
 此決定觀察諸法行三摩地以為發起彼隨
 次第建立六十俱致那由多百千衆生於無
 上正覺於彼時中多比丘出似下入道謂外
 著富伽羅彼等不用此三摩地亦不能忍彼
 以妬慳所纏於彼說法者比丘所諸王治境
 諸處村城坊邑王都不聽知不令人不共言
 不比歡喜王爾時彼說法者被驅出村無怯

永樂北藏

觀察諸法行經

避心無小劣心無瞋動心無厚濁心無雜汙
 心惟於正法如是順護不惜身命捨諸財利
 恭敬已有大林王其名二生二生者鳥也初
出殼二生也凡卵生者皆應二生振聲散華
以鳥卵生者多故獨得二生之號而往趣彼到已入坐共三十千俱致菩薩彼
五九於彼林王中遊行其四大王天乃至色究竟
六天為聞法故來詣其所彼於大天衆中說法
 彼邊三踰闍那百千人滿中顯現於彼林
 王中為四大王天衆如是說法令九十九百
 千天不退轉阿耨多羅三藐三菩提及無量

第五〇册

百千天子證見道智彼所四大王天三十三
 天主及梵天娑訶主勤來給侍隨其所為若
 彼說法者給侍亦有三十千俱致菩薩喜王
 於彼時節有王名多人無憂普欲喜音出閻
 浮洲法王以法於四洲中自在轉輪七寶具
 足喜王又彼多人無憂普欲喜音王滿足千
 子然悉化生跏趺中出正念不失內宮婦人
 八十四千皆有梵行又彼多人無憂普欲喜
 音王常順梵行常入正定喜王爾時無邊功
 德寶振聲淨行聚說法者知彼王心已於先

世相應成就決定發行阿耨多羅三藐三菩
 提彼於寂靜夜中變化自身作摩那婆象入
 月輪中彼王在殿諸內宮圍繞時從彼林王
 昇虛空中猶如鴈王而無所著詣彼多人無
 憂普欲喜音王所已出月輪中作梵色象於
 彼王前空中而住五九普徧宮殿作光明已即為
 彼王而說歌頌

莫非法人地主 名聞稱譽必不增
 以非法行不得樂 現在無樂人中主
 地主汝先亦法行 四洲自在剎今得

護法種姓無令斷	人主順護於法行
於正法眼應順護	正法護已樂歡喜
多比丘出無禁行	誹謗善逝及菩提
我等發行佛菩提	如是衆生及見捨
若爲此等行行時	如是衆生墮惡趣
此閻浮洲有比丘	無邊聚地振聲者
觀察於義說正定	無我無命富伽羅
彼說此寂三摩地	比丘諸世而驅遣
振聲淨妙林王中	於中宿住善護法
彼住彼林善喜樂	色究竟等天悉來

彼說此寂三摩地	多天俱致發行道
王象若汝何處欲	聞功德海三摩地
及爲衆生多作利	今應詣彼說法者
如來出生甚難得	說正法友復甚難
求法衆生常最難	護法人主最難得
此閻浮洲汝自在	攝受正法汝應爲
常與無畏說法者	如是說法城中到
若我所言王當作	當來多利必恒得
及爲衆生當作利	復當得攝佛菩提
喜王如是彼說法者	於彼王所覺察作已如

是還虛空道入於月輪復詣彼林王所彼王聞此覺察已歡喜踊躍愛悅滿意善意更生彼夜過已共滿千子及四兵力衆并餘大多人衆詣彼二生振聲散華大林王到已向彼說法者所於彼時分彼說法者爲彼大天衆若九及菩薩摩訶薩廣說此三摩地爾時彼王及子與人圍繞共見彼說法者及菩薩摩訶薩即得大愛淨信歡喜彼等以淨信心頂禮彼說法者足及頂禮彼菩薩摩訶薩足已於一邊坐彼隨坐已彼說法者爲說此三摩地彼

聞此三摩地已得大踊躍愛悅淨信爾時彼王即得此三摩地及彼多人衆中八十四千衆生皆發無上正覺之心及彼千子皆亦順得不斷辯才喜王如是多人無憂普欲喜音王歡喜踊躍徧滿其意即起於座以得無價二衣奉覆彼比丘說法者王諸所有皆以與之及施無畏蘇息乃至盡壽給侍隨其所爲請與衣食作如是言比丘汝宜下入村城坊邑王都我爲侍者令諸衆生當得此智喜王彼王如是語已頂禮彼說法者及眷屬足

已出還本宮喜王爾時無邊功德寶振聲淨
行聚說法者從彼林王中起出已入於村城
坊邑王都中發起為衆生等說法彼王於諸
人處宣教勅云莫有一人於此比立不愛念
不意喜不敬重不比數彼王千子隨彼說法
者後相續擁護卷九為於法利及餘九三十千人王
子眷屬亦為彼菩薩摩訶薩而作給侍隨其
所為令觸諸樂行故喜王如是彼說法者為
成熟衆生故自身命量持經半劫彼令無量
衆生於三乘中皆已成熟彼王及子并衆眷

屬若彼王子給使作彼菩薩給使者於中皆
已發善提心彼以聞此三摩地善根前行故
皆共於八十劫中承事六十頻婆羅諸佛世
尊諸處皆聞此三摩地如其所欲攝取佛刹
於中或有到菩提者或有現行菩薩行者為
成熟衆生故喜王如彼時節中有說法者名
無邊功德寶振聲淨行聚汝意疑謂異耶莫
如是見何以故無量壽如來是彼時節中說
法也又喜王如彼時節中有王名多人無憂
普欲喜音汝謂異耶莫如是見何以故不動

如來是也又喜王彼時節中彼王千子汝謂
 異耶莫如是見何以故此賢劫中菩薩摩訶
 薩若於賢大劫中千佛當出是也又喜王彼
 時節中彼無邊功德寶振聲淨行聚說法者
 所有彼三十千菩薩朋友隨彼後後相續圍
 繞汝意疑謂異耶莫如是見何以故彼諸菩
 薩摩訶薩於一劫中證覺無上正覺喜王如
 是攝受正法勤與相應菩薩摩訶薩為無量
 無數衆生而作義利及速得此三摩地喜王
 彼故若我現前若我滅度此三摩地應當受

持讀說思惟為他廣演速當破魔羅軍爾時
 世尊欲令此義過量高出即復說此歌頌
 於諸衆生若與樂 千那由多不思歲
 不得譬此福德量 若此心生菩提因
 所有衆生十方中 彼等皆成勝獨覺
 千俱致劫供養彼 三九 淨心以樂常與之
 若此菩提生欲已 云我當得二足上
 此三摩地持一頌 此於彼福勝有餘
 彼諸衆生得佛世 千俱致劫供養彼
 彼亦不得喻此福 若一心生勝菩提

若於佛法守護者	此三摩地四句頌
非菩提心爾許福	如彼守護正法者
此世界中眾生等	若有化彼以菩提
於不受道若聞已	不生恐怖此福勝
若有菩薩行施與	如恒伽沙俱致劫
以諸珍寶滿於刹	亦不聞此三摩地
如是若有聞此定	四句歌頌智者持
過多取於福德聚	非多億劫而施與
若護菩提勝者可	此不可思無塵定
不可以言皆具說	若彼有福攝取者

於死時中見多佛	彼所有念未曾忘
於中所欲行刹土	此三摩地應書持
身所有樂如心樂	得生天上會聖者
當生未曾得苦惱	三摩地王隨喜故
千那由多所入門	無邊光明勝者許
我已住於勝力說	要由此定得菩提
如總持門得辯才	得三摩地如神足
智所得者聖無流	若演說此三摩地
智者所生諸刹中	彼當現前見諸佛
及聞彼法并受持	由於此定誦習轉

若得端正不少根	三十二種百福相
衆生見已得踊躍	由於此定誦習轉
智者美音悅意言	具六十分音岸到
攝取佛音淨衆生	由聞此定誦言善
彼當得慧而善利	彼亦得智而無濁
彼又知諸衆生心	若持此寂三摩地
無有一聲所入門	彼於其中不生辯
於諸聲中得善巧	由誦無塵三摩地
得不小心不羞怖	又得歡喜生踊躍
彼所喜樂未曾減	由廣說此三摩地

我今所見如到手 汝等今應作正心
 汝等是子順我教 發行此定當令得
 此有爾許我能說 汝等淨心行相應
 至我今住應勤作 莫於後時當熱惱

說諸法無遊行三摩地中攝受正法讚歎先世勤相應品分第二章

受記品第三之一

爾時喜王菩薩摩訶薩白佛言希有婆伽婆
 最善希有修伽多乃至如來此攝受正法菩
 薩摩訶薩所有功德稱說讚歎世尊何法具
 足菩薩得此三摩地佛言喜王一法具足菩

薩得此三摩地何者爲一喜王於中菩薩牢
固誓願住阿耨多羅三藐三菩提中彼所若
有破壞若對前調弄若向他毀咎若違諍若
瞋罵若呵責彼於其中無忿無嫌無結恨生
於上觀察自心而住我發菩提心時無人請
我若天若龍若夜叉阿脩羅伽留荼犍闍婆
緊那羅摩睺羅伽及非人非非人亦不有一
世間他人請我惟我自心思惟生阿耨多羅
三藐三菩提心然我彼心生時諸佛皆知我
今不應如此若我爲他自在所破若他對前

器九

十二

調弄若瞋罵若呵責若輕欺若戲學若害言
若打欲令恐怖捨於菩提或捨衆生若復我
作小意或聲聞心或獨覺心生我則欺誑諸
佛世尊若此心生菩提我今須住牢誓願
彼心生時終不放捨乃至未坐菩提場喜王
此是一法具足菩薩得此三摩地爾時世尊
欲令此義過量普明即復說此歌頌
智者常生牢固誓 爲求無上大菩提
我於中間不疲乏 以不疲心行菩提
若被調弄及違諍 瞋罵呵責不供養

自心如是順安慰 於中無有瞋破生
 若我菩提心生時 非天龍等而請我
 諸衆生中我生悲 生心緣於菩提故
 若復我今作小意 我則欺誑諸世尊
 我當牢進不作疲 守護誓願而作佛
 如是行者器九大名稱 此三摩地有現前
 根本住立菩提心 行法菩提不難得
 喜王又別二法具足菩薩得此三摩地何者
 爲二如言如作諸白法行取而不厭喜王於
 中何者如言如作此菩薩聞有菩薩行聞有

佛法普滿彼則取此而作我亦行此菩薩行
 已因此當覺無上佛法彼如所言即取而作
 如行成就所行清淨此是如言如作云何諸
 善行中不厭此菩薩作是念徧智無量如是
 衆生無量我作義利彼不可以少善根少行
 於無量徧智而得普滿爲無量衆生而作義
 利彼若發起如是善時彼諸無量迴向而以
 迴向當如大海求聞不厭喜王此是二法具
 足菩薩得此三摩地於中又說此言
 如言即如作 彼無不如言 彼亦不言說

若有別異此

彼菩薩者如言說 如是相行聞已行

智者如說即如作 彼得此定佛功德

不厭足白法 彼等無有厭 彼無量菩提

無量功德性

又不厭足於白法 意常不足猶如海

無量無邊衆生界 不可小意而厭足

如所言說即如作 又不厭法於法求

於此二法順學時 彼得此定佛功德

喜王又別三法具足菩薩得此三摩地何者

爲三此菩薩三種禁戒成就何者爲三彼謂

身語意戒又無三種煩惱燒熱何者爲三彼

謂貪欲燒熱瞋惡燒熱愚癡燒熱及三界中

不依而行梵行此三法具足菩薩得此三摩

地於中又說此言

若九

禁閉三種處 身語及意等 已寂三煩惱

十四

不依三界中

禁閉身語及意等 三種煩惱意復寂

及三界中不作依 彼故速得三摩地

喜王又別四法具足菩薩得此三摩地何者

為四彼謂知因生法知彼因已及知因生法
 已即捨其因及不著因生法彼如是智具足
 菩薩不見有一法非因生者彼如是念若彼
 法因緣生者彼空本性不生又彼如是智具
 足已不起無明今滅無明故為衆生說法不
 起諸行今知諸行故為衆生說法如是乃至
 不起老死今超老死故為衆生說法喜王此
 四法具足菩薩得此三摩地於中又說此言
 既知於因緣 亦知因生者 彼則無有見
 如斷及以常 及因亦普知 若相若自體

若法屬於因 於中智不著 因緣所生者
 若有實是空 於中若智轉 彼得三摩地
 普知無明已 諸行則不生 如知亦如說
 利益衆生故 若有此四法 菩薩諸勝者
 彼不難得此 佛讚三摩地
 喜王又別五法具足菩薩得此三摩地何者
 為五喜王彼謂菩薩知作知合知門知行知
 道於中何者是作所言作者若於諸衆生中
 等心捨種種想諸衆生中以一味慈此名為
 作於中何者是合若知身中報熟所作善業

迴向善提於中不觸此名為合於中何者是
 門所言門者空門及甘露門依梵本名云不
死昔來義名甘
 隱於中亦不由他此名為門於中何者是行
 彼謂空行獨行如行諸法本性普淨之行此
 名為行於中何者是道所謂離於我作及我
 所作聖正見者此名為道喜王此五法具足
 菩薩得此三摩地於中又說此言
 等心眾生中 彼等作如是 亦信業報熟
 則合此無上
 非道小法普離已 求於善法不休廢

皆以迴向於善提 而於善提無所觸
 知於解脫門 謂空及無相 亦不作於願
 此是無上門
 於諸法中有善巧 於諸法中常不依
 獨自合於無生境 我及我所彼不生
 知者所作合與行 及道四中恒住者
 是合善提不難得 況復此寂三摩地
 喜王又別六法具足菩薩得此三摩地何者
 為六彼謂知眼及知眼自性彼知眼已及知
 眼自性已於意喜色不意喜色中無有著礙

到於等量此色眼根不燒如是知耳鼻舌身
 意及知意自性彼知意已知意自性已於意
 喜法不意喜法中無有著礙到於等量此法
 意根不燒喜王此六法具足菩薩得此三摩
 地於中又說此言

知於眼自性器九 非自性自性 彼不礙色中十六
 若空若不淨 色中到等量 彼無有欲染
 知本性體已 彼無有燒然 如是耳鼻所
 舌身及以意 知彼自性已 諸法中不著
 禁六境界中 令不走於外 自性智成真

非欲非離欲 如是智等最 是菩薩勝者
 彼不難得此 佛讚三摩地
 喜王又別七法具足菩薩得此三摩地何者
 為七彼謂不諂故純直故欲法故求法故觀
 察法故開法故行法故喜王此七法具足菩
 薩得此三摩地於中又說此言

無有諂曲恒時直 及無異言意無異
 如意所念如言說 智者自樂復與他
 順法行法而住中 未曾以聲為最勝
 如是勤合則得定 疾觸無上大菩提

彼有欲法大名稱 求聞未曾有狀足

如聞正念而觀察 彼還廣說為多人

喜王又別八法具足菩薩得此三摩地何者

為八彼謂戒聚普淨故諸愛著遠離故常出

家心故樂住寂靜處故不用諸利養故不惜

身心故高大信解故於愛不愛等心故喜王

此八法具足菩薩得此三摩地於中又說此

言

普淨於戒聚 善淨中住止 已離諸愛著

勝教中出家 善逝教比丘 應捨於利養

而求住此寂 此定最難見

若念修此最上行 愛不愛中無有別

攝取八法而轉行 彼得此上三摩地

喜王又別九法具足菩薩得此三摩地何者

為九喜王彼謂此菩薩捨九瞋事超九眾生

住處成就九次第定過八邪倒入八正中離

八不閑證八解脫知七識住修七覺分喜王

此九法具足菩薩得此三摩地於中又說此

言

眾生九住處 於中眾生依 斷離諸見故

彼無有依間 斷離八不開 已觸八解脫
於七識住處 以正念普知

智者修念七覺分 斷諸分別拔煩惱

如是勤合則得定 亦復疾觸勝菩提

喜王又別十法具足菩薩得此三摩地何者

為十彼謂捨諸所有故堪忍純直攝取無量
流轉故滿足出世智故不得諸衆生而大慈
故持諸所聞以多聞故超諸施設而大悲故
不用諸樂方便善巧故普念諸佛故此十善
業道乃至夢中亦不忘失故說法依菩提心

不羨異乘故喜王此十法具足菩薩得此三
摩地於中又說此言

捨諸所有而歡喜 亦有忍語純直心

俱致劫行無有乏 彼速得此三摩地

有智慧者無煩惱 有慈心者無希求

攝受諸聞不忘失器九 彼得此寂三摩地十八

悲諸衆生不戲論 諸巧方便不受樂

普念諸佛正念者 彼得此寂三摩地

護諸十善皆清淨 乃至夢中不曾失

心念到於菩提行 未曾羨慕小乘中

若有如此法最勝 於諸佛法不難得
速得破壞魔羅衆 當觸最勝淨菩提
又此法本世尊說時七十千衆生遠塵離垢
法中法眼清淨七十衆生皆發無上正覺之
心皆與不退轉記三十千菩薩無上法中得
忍彼於後時欲護法城無量衆生善根成就
此三千大千世界六種震動大光徧世三惡
寂止諸衆生前皆見如來世尊從身復放光
明以此光故無量無數世界大光徧滿彼等
衆生光到身已彼皆於佛隨順正念與樂相

應去離熱惱彼世尊光於十方中無邊珍寶
莊嚴非一百千種色俱致那由多百千葉蓮
華出生諸處蓮華中有似世尊奢迦牟尼如
來像然彼似如來像彼蓮華中端坐顯現彼
諸處蓮華中蓮華臺上有似喜王菩薩摩訶
薩右膝住於蓮華臺已亦如是問此三摩地
彼諸如來亦如是廣說此三摩地一一如來
覺悟成熟無量俱致那由多百千衆生爾時
世尊告喜王菩薩摩訶薩言喜王汝見普十
方中如是無量無數如來蓮華中坐及似喜

王菩薩摩訶薩者不答言我見婆伽婆我見
修伽多而我不知數量佛言喜王能取恒伽
河沙等數量而不能知彼等諸佛世尊數量
所有如是諸佛世尊汝所見者也如是彼等
似汝菩薩摩訶薩亦復不能知其數量爾時
世尊攝希有神力已告喜王菩薩摩訶薩言
喜王於意云何如來從此佛土有處去耶於
坐動耶汝亦有處去耶答言不也婆伽婆不
也修伽多佛言喜王以是因緣應知諸法皆
如生住相分別起出無來無去如所欲如

所作以無主者故應見彼等皆空分離喜王
是故汝於諸法應當信解見如焰夢影響水
月電泡汝等應如是學何以故深深信解菩
薩當得此三摩地
觀察諸法行經卷第三

觀察諸法行經卷第四

器十

隋北天竺三藏法師闍那崛多譯

受記品第三之二

於中世尊又告喜王菩薩摩訶薩言喜王若復菩薩依我衆生恒伽河沙等劫施與護戒念^{世十}忽發進入定修智若復菩薩信解諸法無我此過多彼福德聚生及速證覺無上正覺何以故喜王昔過去世不可數劫復過無數廣不可量無量不可思彼迦羅彼三摩耶有名寶光威輪王如來出世應正徧知明行具

足善逝世間解無上士調御丈夫天人師佛娑伽婆世界名有寶劫名應往又喜王彼迦羅彼三摩耶彼世尊寶光威輪王如來有寶世界富滿豐足甚可喜樂多人雜鬧平如手掌無有瓦礫多饒金銀如觸迦真鄰泥迦衣八道交連純青鞞瑠璃夜及有閻浮那多金體蓮華大地分中自然出生量如車輪香色妙好彼世界寬廣有六十四俱致百千洲一四洲中有六十四俱致百千城彼諸大城普廣三十二踰闍那皆有七寶垣牆有多俱

致那由多百千衆生所住一一大城有十二
千村成坊邑圍繞彼諸大城一一有五百受
用園種種諸華果香寶樹圍繞莊嚴彼諸園
中一一有三十二華池人分具足水普滿其
中金沙布散寶欄圍繞鞞瑠璃夜別以間錯
及有寶體憂波羅波頭摩究牟陀奔荼利華
而生其中彼憂波羅波頭摩究牟陀奔荼利
中鵝鴈鳩鵲孔雀鴛鴦迦羅頻迦命鳥衆
住已各各出音喜王彼迦羅彼三摩耶彼世
尊寶光威輪王如來有園名愛見彼中世尊

所遊王所治處名爲有月依止而住共七十
二俱致聲聞八十四俱致菩薩皆不退轉喜
王有月王所治處有七十二俱致衆生所住
彼諸處中八道相通又喜王有月王所治處
廣六十四踰闍那七重垣牆七寶欄楯種種
諸寶門柱及行列多羅樹普掛鈴網又喜王
彼迦羅彼三摩耶彼中有月王所治處有王
名寶月於四千洲中轉輪自在爲法行法王
又喜王彼寶月王於彼有月王所治處造立
宮舍七寶所成普廣四踰闍那七重垣牆乃

至七寶鈴網懸掛圍繞及摩尼網以覆其上
彼宮舍中四方有四大園一名雜畫車二名
常開華三名喜見四名正行樂彼大園中有
種種樹生彼謂寶樹華樹香樹果樹瓔珞樹
衣樹音樂樹富沙樹月上樹日上皎樹彼大
園中一一有四大華池梅檀那水普滿其中
寶樹周而閻浮那多金沙布散諸寶憂波羅
波頭摩兜牟陀奔荼利華以覆其上鴛鴦和
鳴又喜王彼寶月王有四十二千婦女類如
諸天童女於中有一最大天婦謂名有福其

色明顯過於諸天又喜王彼寶月王有十二
千子形色勝妙見者信愛最上淨色圓滿具
足有二十八大丈夫相普莊嚴身喜王時寶
月王出詣意喜見園中遊戲行樂最大天婦
名有福者懷中忽有小兒化生跣趺而住形
色勝妙見者信愛有二十八器十大丈夫相具足
彼於生時如是說言諸行無常無住無有安
止顛倒向法彼順相續說此伽他
諸行無常無安止 無住無牢倒向法
凡小念此為常安 以欲放逸無正念

諸天及人隨有欲 皆是無常盡法體

於欲未嘗有厭足 無牢欲若是苦根

有名寶光人中上 彼說無垢無為法

諸根於中寂無餘 及菩提樂聖無漏

尊今聽我此言語 如來出生好難得

宜共往詣善逝邊 天勝於天光明作

喜王爾時寶月王向彼童子復說伽他

汝是天龍夜叉神 童子為我說此義

汝生即說如是語 於佛法所讚歎言

汝何處死此間來 汝名何等向我說

光明皆徧此園中 勝德威神汝顯照

童子報言

東方有於丈夫上 修迷留聚導師名

我於彼死此間來 欲見法王寶光者

我名法上如是知 我今發行勝佛智

尊若復欲聽聞法 宜共往詣善逝邊

喜王爾時寶月王共法上童子并諸婦女與

諸王子及餘大多人眾圍繞在前詣愛見園

向彼世尊寶光威輪王如來應正遍知所到

已頂禮佛足三币右繞一邊退住彼大多人

衆亦頂禮彼世尊寶光威輪王如來應正徧
知足已一邊退住法上童子禮彼世尊足已
口鳴其足說如此言世尊修修迷留聚如來致
問世尊少病少惱起居輕利氣力樂觸行不
法上童子說已於彼世尊寶光威輪王如來
前住已向彼世尊而說伽他

思義應供無上尊 最勝演說無諍行
度脫無量多衆生 人主在座我今禮
此三千界作教主 世尊能以法實施
爲他廣說法藏寶 破魔羅王羅刹軍

衆中如月光普照 廣說行度彼岸道
教師五根及五力 五眼善逝我歸命
教師離諸煩惱盡 行此地中轉輪王
陰却三垢猶如眼 世間離垢眼普淨
摩睺羅伽衆生人 無有不向人上者
最勝無高亦無下 我今敬禮諸世親
得與不得平等行 諸相華開丈夫月
不染世法如蓮華 世親能令愛枝斷
具足善調心已伏 施戒平等心無瞋
難伏衆生多已調 伏心善逝人中月

言語輒美善順意	說時能動於三千
天龍脩羅及人等	彼各念此為我說
無衆生性此是空	無有於相願亦離
尊說此中無處去	亦無有來及無死
法界不動無住處	前際後際皆不著
於其中間如虛空	尊說此法無思念
世尊常說於實際	此中諸世迷亂轉
如盲煩惱瞋恚滿	彼等作念我及人
此法似如幻與雲	眼所見者空不動
若有得此勝妙忍	彼等教師常隨逐

猶如種種畫虛空	無處無有一處住
如是處住覺自然	故彼無有一處似
諸聲聽時無有實	亦不可見無住處
若聞若說亦復然	彼等本性空不動
勝者法體相亦無	當見如幻所示現
若見如體無分別	當見善逝亦如是
諸土平等土非土	諸佛平等佛功德
諸法平等法空寂	諸衆生等無衆生
不盡盡沒於盡中	不盡盡沒無盡中
其盡不盡盡不盡	此忍如是常隨順

分別分別起分別	諸法亦復無處起
若所起者常不起	此忍如是常隨順
見見常無有見體	若見不如如是觀
若其此等法空虛	此忍如是常隨順
未曾有能知前際	實際最勝以不知
若知於際常無際	彼之前際則隨斷
於邊無邊中不依	此岸彼岸常不住
若三有中無住處	彼則住於實際中
若其住於實際中	彼三有中無住處
若三有中無住處	彼則常住實際中

若色似如水聚沫	知受亦如浮漚等
想念猶如於陽焰	若知則住實際中
諸聚非固是有為	若知似於芭蕉等
知意與彼幻相似	彼聚殺者則已滅
若於慈悲善修念	於自及他無依止
修念最上清淨行	彼當作佛如淨天
若離普廣諸煩惱	彼則未曾有取著
捨諸所有無不捨	彼施善逝所讚歎
若身似如水中月	知語言道如山響
知心亦如空中電	彼戒殊勝三有中

若於忍調到彼岸	能知六根如空村	若樂閑獨無所畏	身心寂靜純直行	若人煩惱本性滅	若三有中想不轉	若知此中無有人	應離戲論而寂靜	若於有中無疲倦	未曾羨慕下劣乘
彼意外事不能損	彼忍善逝所讚歎	明智數行境界所	彼進殊勝三有中	空無分別寂智者	彼定善逝所讚歎	彼於上智則當得	彼智殊勝三有中	俱致劫中行時苦	彼魔羅眾皆恐怖

如於海中取滴水 我說最勝爾許德
 佛法寬廣無有邊 未曾得於彼邊際
 喜王爾時法上童子於彼世尊寶光威輪王
 如來前說此伽他時遍諸三千大千世界六
 種震動百千俱致那由多音樂同時鼓作及
 雨諸香華鬘塗香末香器十八千菩薩皆於無生
 法中忍生其王寶月與諸婦女及諸童子并
 彼大眾皆發無上正覺之心喜王爾時法上
 童子向彼世尊寶光威輪王如來如是白言
 世尊何等三摩地令菩薩摩訶薩當得攝取

諸法故當得攝取佛土功德莊嚴故當得滿
足聲聞菩薩眾故當得無上受用資財故當
得超諸魔羅諸煩惱惡故當得滿足正念正
意正趣慙愧住持智慧故當得攝取諸所聞
故當得滿足五通勝智故當得無著樂說總
持故當得滿足辯才故當得滿足六波羅蜜
故當得滿足生家種姓形色受用故當得悅
意言音作業故當得滿足諸功德故當得善
知入起諸定解脫三摩地故當得滿足諸種
功德智故未得普智恒作佛事為眾生故而

住其前如是語已彼世尊寶光威輪王如來
向彼法上童子如是告言童子善聽善聽善
作意念當為演說若三摩地具足菩薩摩訶
薩當得此及其餘無量無數不可量勝功德
亦當速疾向菩提場童子有三摩地名說決
定觀察諸法行若得三摩地已菩薩摩訶薩
超諸魔羅境界當速證覺無上正覺時彼如
來為彼童子以伽他音廣說此三摩地
如言如所作 作已不妄說 身口意清淨
利益有慈心 於悲不忘失 及厭諸欲行

為法常樂求	普智亦不捨	善巧言辭中
下入眾生智	不惜於身業	身中亦不貪
當離麤惡語	於心不戲論	給濟苦眾生
常覺放逸者	勤者教相應	悔者令散出
不住眾生想	<small>梵本少一句</small>	事想不分別
遠離於舉取	<small>器十</small> 諸相亦當滅	不動所受中
常當求智慧	遠離世事語	當求於出世
正念不忘失	順念於諸法	如是當善巧
所作行具足	及順世間行	應當信業報
遠離不信心	應當信諸佛	彼等宜順念

常應說罪過	福聚當隨喜	及勸請諸佛
禮拜復迴向	常降伏憍慢	作善無厭足
亦常勤相應	數作莫放捨	成就正修行
當知所作因	莫逐施設名	被呵勿起恚
莫著於言語	勿念此為實	不求住欲界
色無色諸種	如業所受報	應當信彼果
分施所用物	於教不毀傷	等心於眾生
一人亦不害	勤懈並勿瞋	莫妬他所得
當滿心所欲	如法護普願	於戒莫捨離
憍慢當滅除	皆轉瞋恚過	愚癡亦拔斷

貪欲不發行	隨得便知足	捨離諸親知
無利心不下	得利亦不高	唯喜得法利
常作平等分	當離於藏積	所聞惡言辭
忍故能舍受	常護於言語	當說菩提乘
常勸勤相應	恒近精勤者	常應問智者
增修細正定	莫捨空閑宿	住少欲頭多
應當信解空	於事無觸著	聚中不依止
界中亦不貪	不見得內我	不愛著境界
滅諸顛倒意	於心常住持	應當生智慧
常行正行業	其心不怯小	當念淨福田

諸行當放捨	施已無求望	亦不念持戒
於忍莫分別	不發起精進	定中亦不依
不忘失諸法	常應覺智慧	
應當入諸波羅蜜	自功德中未曾念	
聞他功德不瞋惡	有為無為心平等	
恒時攀緣於涅槃	常於有為當走離	
解脫安隱恒時知	聚中想似於殺者	
於涅槃處常生愛	恒時住於和忍中	
笑面莫為顰感顏	見於他人先問訊	
於老宿中慈尊重	及心智慧常善續	

於他亦未曾謫罰	諸有鬪諍令寂靜
於寂靜所常談讚	等和衆生常教合
愛不愛中心常等	常當求於總持門
如母愛於諸衆生	如父愛於諸聖衆
愛所尊重如近誦	愛於菩薩如佛陀
愛法亦如愛自身	及求所聞無厭足
既聞法已正修行	亦常供養於如來
於勝上法當信解	無羞怯心無懈怠
常當供養於三寶	常當堪忍不正言
常不愛戀於自身	壽命亦復不貪惜

清淨活命常乞食	不捨頭多常次第
宿住空閑未曾離	當捨徒衆遠復遠
莫樂共住在家者	莫作雜亂出家人
莫愛莫詐先善言	教化多人入佛智
說法時心無怯小	方便善入觀知他
於佛數數作 <small>惡</small> 意念	及常思 <small>善</small> 法不放逸
亦於僧所常尊重	及於智者常供養
亦常親近巧便智	常作無諍於定者
於精勤者助好心	亦念修法信福事
教化衆生令作善	信者當愛心無曲

若觸苦事能開散	常依時行捨非時
常行恐懼及羞恥	彼罪惡中生慙怖
諸不正行遠離已	得正行者常親承
守護於戒為解脫	亦復常求於聖行
常當念修四念處	亦常親近四正斷
及常成就如意足	亦當出生於諸根
應當求力亦如定	於七覺分常觀察
常當修行八分道	亦求聚集舍摩他
毗撥舍那常生諦	心所隨喜而觀察
法中歡喜復生喜	亦當超越諸攀緣

開無住處不驚怖	不可得處莫放逸
常當求望菩提行	佛行當作信稱量
常當厭棄境界行	先作行中亦當捨
自業清淨莫說他	律行不破恒時作
善學禁戒別解脫	常依時行捨非時
巧能籌量應來去	好物知量自禁止
及於聖種皆知足	亦復求入勝智通
三摩地中當攀緣	及於定行數知入
當入衆生心所欲	隨如導師所說言
亦應攝取無我說	若勤合者令歡喜

如最勝體所念修	常當念此三摩地
聲聞正行聞已信	於獨覺道當順覺
諸佛種性破魔羅	常當求此三摩地
發行勝覺由於施	不退轉者佛所行
多俱致劫智者行	是聞海者法行處
此境界法尊重者	若當信解是實財
此示現佛所住處	於此法藏求寶者
於此田中彼求果	煩惱熱者喜園中
樂持法者此為苑	彼愛見者三摩地
欲求白法此母生	有所欲得無依者

勝妙諸相當繫取	隨相諸好亦布置
國土莊嚴此安住	此亦當得諸聞持
種種所出此順覺	清淨言說實聲語
亦能超越魔羅境	攝取久遠著鎧甲
殺害煩惱調伏伏	此亦摧破諸不善
欲得諸善令熾盛	欲得求願作莊嚴
衆多魔羅不破斯	此於說時亦無盡
此求與等諸世間	外道論師不正說
此能超過聲聞法	獨覺勝者此為緣
一切智智此住持	衆生所趣亦此住

此能如實教誨他	此選時中善友語
無垢根者此天眼	及於法眼普欲求
求說法者此然炬	求真誓者此誠諦
求財施者此為捨	求脫見者此勤合
求喜定者此淨信	欲聞法海此正行
求迷留定此為力	欲求法海彼等主
為欲淨妙莊嚴者	自心調伏彼是梵
方便求法此喜心	及不退者此所行
此是言說行所趣	常念智慧利根者
此是初業方便事	丈夫牛王彼智幢

永樂北藏

觀察諸法行經

欲求勝者彼等弓	求無我者那羅夜
若向普智此為路	求善脫者戒平等
此為天等常禮拜	此為龍等常散華
及為人等作供養	夜叉希有作讚美
百數羅漢亦作禮	菩提勝天亦稱歎
若如來等自所念	欲護根者彼等城
如法住者合方便	依止定者彼等得
諸有疑者令破散	有迷惑者悉令斷
高慢煩惱令滅除	欲度彼岸能令度
病纏逼者此良藥	其有病者此實治

第五〇册

煩惱毒箭能拔出	欲合理者作思念
眾中無畏師子吼	於善逝所求聞法
及為涅槃常此道	能斷所有諸惡趣
於三界所等超越	求功德土此莊嚴
金剛喻定彼於此	及最後生師子座
所求福德此不失	諸所欲求此攝受
常疲乏者令渴仰	未有精進此發欲
依攀緣者令安立	別異發行遮令住
有平等體此成就	依物憍逸此棄除
倒取取物此放捨	普知諸種周遍智

求智慧者此出生	求福設會此不失
依三有者令斷願	常無有相求菩提
三世空諸法	知已而不捨
為諸世間作	嗟慨佛種性
莫求於錯失	於彼說法者
所見於未學	勿瞋說法者
實聞當知實	莫毀謗智者
說法亦勿慳	聞法共尊重
盡心為說法	若見樂欲者
勿緣於餘事	堪忍純直問
	若問為解說
	方便智時時
	佛智是所由
	亦復莫欺惑
	當尊重近住
	法施莫求物
	心意莫散亂
	莫斷法施說

若惡心見者	彼中忍當作	悔及於疑惑	斷熱有清涼	此是不墮句	脫縛利益說
彼皆汝為斷	若見未得道	以道為彼說	喜樂發於身	其心亦驚喜	智者遊戲智
思惟此定時	易得於佛智	諸所作諸供	彼求周遍智	淨信是等法	住不退佛智
於說法者邊	求八分勝道	勿緣於餘事	決定為菩提	白法順熏習	諸惡皆當捨
若諍競惡心	難伏常令伏	無依彼等足	殺害於黑助	白法即自來	彼等學戒者
神足若欲求	念慧及行趣	彼等求法者	若欲求福德	彼等此成就	若求則相應
發起彼等說	若發行菩提	示現俱致佛	彼等於此得	身中端嚴相	此行佛順知
俱彼國土住	說化諸眾生	若彼說法者	諸聖親近已	明照智智中	佛智普智得
此味是最美	若彼蘭拏行	及求遊戲通	住此已當見	俱致端嚴土	此中彼大力
而作師子吼	彼等智者行	為讚於寂滅	智者問於疑	除斷此諸疑	諸惑皆捨滅

此中生佛法	勝人所讚歎	捨離諸惡世	攝取色與名	彼等於中說	觀察六根所
所有煩惱染	不失諸福德	於福若欲求	猶如見空村	於觸知外者	佛智當得見
彼等智者緣	愛法為最上	及喜此法眼	若離三種言	彼等於中取	及滅三種愛
親近猛健人	辯藏法泉流	欲求巧言語	彼等於中說	於中說棄捨	若彼所生處
已說彼等護	所有說法人	及知諸因緣	彼等斷於有	於此定中說	絕生與病合
愛見依倚者	巧應諸法中	和合不和合	及離死毒箭	諸苦於中寂	諸流分別者
智體方便分	說於諸法已	如是現諸法	諸憂令歡喜	惡意令解散	成就淨方便
真實智思惟	於中斷渴網	當捨諸愛著	若彼法行者	飽足所觀察	若所有求勝
無明於中散	當得明現前	於中普知數	瞋惡中作明	若所有迷眼	此中佛雷震
彼所說無著	知意種種心	於此廣說已	轉於法輪時	健行此稱揚	若彼世間智

此中普洗除	若濁亂煩惱	此中害諸見	此定猶如王	為衆生廣說	為智人導師
若所有我依	受取及與持	此中皆已說	白法心正信	成熟甘露果	今念往昔生
不錯佛智中	如是當得勝	常增長諸法	受胎無染汙	獸棄癡兒法	大仙佛功德
此是巧智道	白法常積聚	遠離諸惡業	讚時無邊者	持時佛智慧	善逝所說時
佛法常念修	說當無慳悋	莫斷佛種性	及智書寫時	說時當得福	遠離諸外道
當住於彼中	熾然法種性	聖衆普能攝	此是不動處	所說世間受	諸佛之所說
應伏諸論師	外道欲起者	說法稱言善	過去佛功德	希望於未來	現在住諸佛
彼等當興讚	常行菩提行	於彼無念心	此是諸寶藏	令衆生入行	為說聲聞乘
如月諸衆生	常作朋友意	如目於諸法	於智不忘失	佛法此為印	此出彼猛健
恒持正思惟	常作教師想	於中思此定	此實無變改	及速得諸智	欲問佛功德

永樂北藏

觀察諸法行經

第五〇册

欲法無厭足	散諸煩惱火	當得方便智
地界別思惟	當入水界中	入於火界定
風界無住處	空界不迷惑	示現智界中
令入於法界	厭離於諸行	令散諸愛染
憎惡諸有海	除滅諸膩息	令捨於諸法
自分別巧知	亦巧知他行	欲說無有盡
方便中無濁	出處當順知	我見應當捨
我所亦遠離	染著當棄捨	憍慢常應伏
為食行如狗	施中等無貪	所食應飽滿
訖已嘗知樂	在陰莫為乏	大水當急度

諸論不能破	純直無攀緣	遠離於睡眠
親近說法者	超過於掉戲	亦應滅疑惑
及令散諸欲	懶惰亦遠離	不見得我處
無我令明顯	不住於命者	法亦不應觸
不闢諍法中	平等說合義	以心善思惟
諸行無所有	當親近智者	諸處無怯弱
彼中當信解	在眾莫怖畏	當說他功德
自身勿高舉	遍智所行處	恒時應須行
莫愛著住處	應去如飛鳥	莫行為利養
亦勿計我身	心亦不減劣	巧知經行處

當隨順念修	莫思亦莫憶	亦當求解脫
常應在靜地	常念修梵行	於定速當得
慈於平等心	悲者順攝受	以喜為樂法
捨處當捨之	以戒憐愍他	以定當覺法
以智作應作	於後無悔惱	當出無盡智
亦應善巧辭	我説入語言	説處莫求利
莫樂衆雜語	是住無疲乏	不捨亦不取
諸法是菩提	莫壞滅諸法	如是説明顯
於衆生不誑	於寶當歸依	應攝受正法
作願當牢固	莫羨於小乘	晝夜應勤合

為求諸法故 遍智所由來 諸佛此為庫
三摩地如海

喜王爾時實光威輪王如來為彼法上童子
以伽他歌廣説此諸法行決定觀察説三摩
地彼説此三摩地時寶月王及諸子眷屬得
不退轉於無上正覺滿足一千衆生發無上
正覺之心無量衆生學地增長喜王汝意彼
迦羅彼三摩耶名法上童子者謂是異乎莫
作如是異見何以故汝善家子即是彼迦羅
彼三摩耶名法上童子也善家子彼迦羅彼

三摩耶名寶月王者今慈氏菩薩摩訶薩即
 是彼迦羅彼三摩耶名寶月王也若復彼諸
 王子即此菩薩摩訶薩眾集會坐者是喜王
 爾時彼法上菩薩摩訶薩與父母尊長及朋
 友知識滿足三十六千俱致眾生共於世尊
 寶光威輪王如來教中捨家出家喜王愛樂
 彼世尊教作比丘比丘尼優婆塞迦優婆塞
 迦者甚多爾時世尊此義知已復欲過量顯
 明即於此時說此伽他

我念昔多俱致劫 時有最勝名寶光

彼有僧眾亦廣多	彼之國土淨可愛	城邑聚落園莊嚴	彼中有王名寶月	福慧具足是智者	彼於園林樂遊戲	名為法上善可觀	彼始生已說妙語	及在家惡空閑德	化彼父母及親知
諸漏已盡及菩薩	自然莊嚴如天宮	以華布散平如掌	自在王於多千洲	無邊庫藏廣神足	天婦懷抱童子生	金色勝相聚嚴飾	說於佛法而讚歎	諸欲罪過亦廣演	智者念頃令淨信

彼王歡喜而踊躍	童子不復入家內	共諸親知及大衆	彼大象王詣到已	增踊躍心第一愛	法上亦禮最勝足	如是敬重彼尊已	彼於最勝多讚說	王及諸子并徒衆	法上諮問於世尊
發向最勝大仙邊	即於彼園與其父	三十六億詣佛邊	寶光法王彼已見	禮其足已坐於前	攝取十指而合掌	童子歌頌於伽他	導師實德諸法體	緣於菩提而發心	說此寂靜離塵定

猛健住此三摩地	二足上尊知請已	即爲說此難見定	彼尊說此三摩地	王及諸子共臣民	彼處多住學 <small>三十一</small> 無學	彼餘衆生多俱致	王及諸子并徒衆	彼時童子爲上首	所有愛樂於教師
證覺菩提伏魔羅	知童子心已淨信	大威德者歌伽他	諸佛菩提離塵寂	即住佛智不退轉	如是已聞於寂定 <small>三十九</small>	緣於菩提而發心	皆令厭離五欲福	於此捨家行出家	諸天及人皆普滿

彼善逝所衆甚多 於中數量不易得
喜王汝於往昔時 是彼童子名法上
若於彼中作父王 今此慈氏菩薩是
彼時所有諸王子 即是坐此諸衆會
衆生常在相續界 知已令淨行行中
是故聞此寂定已 應當受取常淨信
常爲他說莫慳惜 當有佛智得不難
彼福之量不易得 說時多劫俱致數
若能持此勝上定 爲衆當說莫放逸
爾時喜王菩薩摩訶薩 白佛言希有世尊此

三摩地多作利益乃能與諸菩薩諸功德法
令其轉生世尊菩薩欲得此三摩地何等法
應當親近應當念修應當多作何等法應當
不親近應當不念修應當不多作甚善世尊
有何等法無何等法婆伽婆願爲廣說修伽
多願爲分別菩薩何法有何法無佛言喜王
菩薩於流轉中無有疲倦菩薩於衆生中無
有差別菩薩於資財中無有受取菩薩於施
無不平等菩薩於學無不敬重持戒無有生
處心無熱惱心無怯弱無有邪覺無不思惟

而有所作於衆生中無有殺害於他財中無
有偷盜於他婦中無有愛著無語業惡無破
壞言無有惡口無有綺語不貪他財無隨瞋
恚無有見行稠林無有過菩提愛不毀謗法
不欺慢僧於諸尊中無不敬重於解脫門無
有恐怖於他作中無有疲倦不自稱譽不毀
皆他流轉行中無有隨順非流轉行中無不
隨順所發誓言終不移墮於已作事終不重
毀他作知恩自作無求於無力中無有欺欸
於未學中無有輕賤不戀妻子無有愛憎於

教師中無有私密法中作師無有藏隱於諸
法中無害破想於法施中無有疲倦於求法
中無有懈怠不以利縛而有所說不以報施
而作朋友不諂承事無有兩舌不以幻惑親
近承事不惡於法無我我所不戀於身不愛
於命無有我見無有作怨實不實中無有毀
謗於墮法中無瞋發覺非少時愛不負朋友
於親附所無有欺妄實不實中不舉墮犯不
虛爲證不非時遣他衆生中無諍競想於發
事中無有懈怠不損於忍不報惡言不縛於

怨不欺卑下隨聲戲言無有羨慕於精妙中
無有不捨於所食中無有不分於布施時不
以惡物於婦女所無有非行於丈夫所無有
染汙正信不捨學戒不緩無不慙愧無不羞
恥無有少福無有少聞施已不悔於智不錯
於三寶中無不敬重於世諦中不為牢固於
勝義中無有入著無有見行稠林無有我取
不忘正念於正斷中無有異作於神足中無
有醉味根中不輒力中不羸於覺分中無有
不知於道無倒三摩地中無有著相奢摩他

中無有牢住於毗撥舍那無有分別於明解
脫無有獨證於諸諦中無有障礙度彼岸中
無不發起聚中不著界中不依非時不得於
聲聞中無有見證百一於諸菩薩無非教師於
諸入中無有意念於諸境界無有依止不以
自業而生惡趣於住胎中無有苦惱於流轉
中無有喜樂於流轉中無有苦想於諸生中
無有驚怖於諸衆生無非是田無少種子於
所種處終不希望於諸福田受者無有空缺
於布施中不縛限量於持戒中不縛限量忍

進定智亦不縛量流轉亦不縛量慈不分斷
大悲無偏無有家慢無資財慢無有色慢無
自在慢無眷屬慢無多聞慢無持戒慢無有
住空閑慢無有頭多功德少欲之慢無有慢
慢無有瞋礙無隨眠愛於顛倒中不以爲實
淨不淨中不以爲二不羨生天不喜樂欲非
同業者終不親近無不勤合不持世論於外
道中無不悲愍於事物中無有想縛於其自
身不欲求樂無有詐愛不依魔羅喜王諸菩
薩摩訶薩所發誓言終不移墮乃至竟菩提

永樂北藏

觀察諸法行經

場一百喜王諸菩薩摩訶薩此等皆無自餘
所有不得作者應當莫作於中何者有可作
法喜王諸菩薩當不毀謗菩薩不毀謗他自
得安定諸作事中不動不緩當負重擔於黑
事中當不隨作於白事中當作利益少分行
中當作超過卷十無量行中亦當已入愛潤事中
當作遠離於法量中當不遠離於生死苦當
得解脫於諸生中思惟放生當不解脫不善
業中當不攝取於諸善根當作攝取煩惱施
中菩薩當慳於法施中菩薩當不慳恪外道

第五〇册

學中當不修學諸佛所許學中當善修學不
平等見忍中當作不忍正見忍中當具足忍
惡作業中當作懈怠善作業中當發精進於
非想非非想生中當忘憶念於五通遊戲中
當有定味於起尸蠱道可畏呪術中當作無
智出世智中當作智慧當如於月於諸衆生
等心白法增長故當如於日遠離黑暗作智
光明故當如於地遠離於二於諸衆生等心
故當如於水淨與不淨諸垢無惡故當如於
火諸煩惱燒故當如於風於諸法無所著故

當如虛空無量智故當如於海求善根無厭
足故當如迷留山諸他論師不能降伏故當
如蓮華世間八法不染著故當如於樹無分
別故當如種性無盡法故諸煩惱不能蹶蹋
故衆生行中當趣向故不著諸趣當向涅槃
中故當作善田第十除去瞋恨惡棘刺廿三故當善選
擇信為初行故當得大果說四諦故當得大
利於佛法中故當得無障於智解脫三摩地
三摩撥諦中故當得歡喜以法喜故當得已
度於諸生死苦泥中故當墮相應巧方便故

當作善業脫離不相應故當觀察善忍於證
中故當作愛語以內淨信故當作牢固朋友
乃至涅槃最勝朋友故當作淳厚無幻惑故
當作質直無諂曲故當作柔輒易共住故當
作可樂內潤信故當至諸處隨順轉故當作
潤澤以大悲故當作渴仰於菩提場故當作
不渴於諸欲中故當令飽足於諸聲聞故當
作教化於諸緣覺故當作憶念於諸善根故
當作發覺於不善中故當作守護於正法故
當作不斷於三寶種故當作熾然於諸善法

故喜王諸菩薩摩訶薩當寂滅諸惡業故喜
王略說不善法諸菩薩無有也諸行諸善法
應當說有也如是汝等當學我有如是教勅
佛說此時喜王菩薩摩訶薩歡喜及彼自餘
諸方來集菩薩摩訶薩及諸大衆天人阿脩
羅乾闥婆等聞佛所說莫不隨喜歡喜踊躍
不能自勝勤作供養於佛所說皆大歡喜

觀察諸法行經卷第四

佛說華手經卷第一

亦名攝諸善根經

欲一

姚秦三藏法師鳩摩羅什譯

序品第一

如是我聞一時佛在王舍城迦蘭陀竹園其中閑靜宜修遠離行空無相無願定者所應住處爾時慧命舍利弗於日晡時從禪定起往詣佛所頭面禮足却坐一面大目犍連摩訶迦旃延摩訶俱絺羅摩訶劫賓那摩訶均陀須菩提摩訶羅閣婆耆舍難陀難提伽跋難陀阿難金毗羅那羅陀婆私訛摩醯羅優

波離有如是等五百比丘皆於晡時從禪定起往詣佛所頭面禮足却坐一面爾時復有名聞比丘護國比丘天敬比丘樂名聞比丘樂眾比丘樂欲比丘有如是等五百比丘於舍衛國夏安居已趣王舍城詣竹園中頂禮佛足却坐一面爾時彌勒與三萬菩薩於瞻婆國夏安居已來詣竹園頂禮佛足却坐一面跋陀婆羅菩薩寶積菩薩導師菩薩星得菩薩那羅達菩薩因陀達菩薩水天菩薩梵天菩薩善力菩薩大意菩薩勝意菩薩增意

菩薩不虛見菩薩善發菩薩大力菩薩常精
 進菩薩不休息菩薩日藏菩薩持世菩薩持
 地菩薩持甘露味菩薩善住意菩薩無量意
 菩薩堅意菩薩越三界菩薩無邊力菩薩無
 量力菩薩金剛力菩薩無等力菩薩無動力
 菩薩疾辯菩薩利辯菩薩深辯菩薩無邊辯
 菩薩無量辯菩薩文殊師利法王子華德藏
 法王子曇無竭菩薩寶手菩薩持寶菩薩轉
 無量劫莊嚴菩薩轉女相願菩薩轉男相願
 菩薩轉衆生相願菩薩無邊自在菩薩無量

自在菩薩壞諸緣自在菩薩是諸菩薩能隨
 無量衆生行願而度脫之各於其處夏安居
 已遊行諸國遇集中路俱詣佛所頭面作禮
 却坐一面爾時世尊知諸大衆皆悉雲集以
 神通力令摩伽陀國舊住比丘比丘尼優婆
 塞優婆夷皆詣竹園頂禮佛足却坐一面爾
 時長老摩訶迦葉在韋提訶山帝釋石室五
 百比丘俱止其中皆行頭陀乞食納衣受常
 坐法隨數樹下少欲知足樂遠離行時大迦
 葉以佛神力於彼石室忽然不現現於竹園

行詣佛所世尊遙見告諸比丘汝等且觀見
大迦葉今從彼來是人常修阿蘭若行乞食
納衣麤弊三衣邊外遠住少欲知足樂遠離
行於一切法心不與合聲聞功德皆悉具足
我諸弟子於是法中無能及者汝等當知是
大迦葉尚不樂與諸天言說何況人耶爾時
世尊遙命之曰善來迦葉久乃相見汝當就
此如來半座佛移身時大千世界六反震動
有大光明遍照世界大音普聞如擊金鐘摩
訶迦葉偏袒右肩右膝著地長跪合掌白世

尊曰佛是大師我爲弟子佛之所有衣鉢坐
處爲弟子法不應受用所以者何如來衣者
一切世間諸天及人供養恭敬如宗塔廟我
昔從佛受僧伽梨恭敬尊重未曾敢著我從
是來不生欲覺瞋覺惱覺不生欲熱志熱癡
熱執一以自燒惱世尊以要言之我於學地受世
尊衣以頂戴時即得無學我順佛教受如來
衣而實不敢生高下心但手執持不親餘身
若未澡手亦不敢捉豈敢輕慢枕於頭下常
與身俱未曾遠離我持此衣敬如舍利佛捨

與我我不敢著自持衣來心常念佛除入餘
定入餘定時無有地想水火風想亦無今世
後世之想於諸所有見聞覺知心之所行於
中無想亦無無想世尊諸無想行及無想定
過諸想行過諸想定及衆想行我於是中不
見學行若無學行不見如來若如來法及如
來行譬如虛空有種種名名曰虛空虛誑無
住亦無所有無取無捨無諍無受又名如實
亦稱清淨無色無形不可得見雖以如是等
種種名字名字虛空而虛空相不可得示若

大若小若高若下有邊無邊世尊聖智慧名
能知一切而是聖慧亦不能知虛空界數若
千形色如是相緣世尊如來亦爾或言爲佛
或言大師又稱世尊爲炬爲燈爲歸爲救爲
世間舍爲照明者爲將導者療衆病者示說
道者究竟道者一切智者雖以是等世俗假
名稱讚如來我於是中不見有法無受無得
所以者何一切諸法本自空故譬如幻師幻
作灌頂轉輪聖王有四種兵七寶具足遊四
天下其諸民衆見種種差別形相若干言音

世尊是轉輪王不作是念我爲尊貴統四種
兵遊諸天下是四種兵亦復不念王是我主
我爲從者雖有所爲而無心念世尊此諸法
相亦復如是無有如來亦無聲聞若學無學
無辟支佛亦無凡夫世尊是法相中若如來
法及如來相皆不可得亦不可知不可得取
辟支佛法辟支佛相若聲聞法及聲聞相凡
夫心法及凡夫相皆不可得亦不可知不可
得取是法相中色相色法皆不可得無知無
取受想行識識法識相亦不可得無知無取

世尊又是相中所謂色空以是故空是處色
空皆不可得受想行識空以是故空是處識
空亦不可得世尊又是相中謂如來空如來
法空以是故空及此處空皆不可得乃至凡
夫凡夫法空以是故空及此處空皆不可得
猶如幻化轉輪聖王及四種兵是中實無轉
輪聖王無四種兵無幻幻事無地地種無水
火風水火風種無虛空識虛空識種世尊我
觀諸法皆亦如是我從本來不在此法於是
法中亦無分別我以此法念佛功德是名正

道世尊若善男子善女人入如是道而行餘
法隨順餘師敬從教誨謂有正見則無是處
世尊我於是法無有所疑我入此門知一切
法皆是一相所謂離相無所受相我於帝釋
石室中住承世尊命故來到此欲於佛法請
質所疑而今如來顧命分坐大千世界六反
震動我即惟曰如來希有成就甚深清淨大
法自然無師成無上道住大慈悲摧憍慢幢
今乃顧命弟子分座如貧賤人以尊敬心見
轉輪王時轉輪王命之共坐是貧賤人生希

有心我見聖王尚以為難況復得與分牀共
坐佛亦如是一切智人有大威德法王無師
自然逮覺一切聲聞及辟支佛無能勝者況
餘世間一切天人阿脩羅等我今得見親近
諮請以為大利況乃見命分牀共坐甚為希
有我作是念如來深具大慈大悲大喜大捨
不自矜高我為最尊世間中上如來功德而
自顯現是名不與一切聲聞辟支佛共爾時
世尊讚迦葉言善哉善哉如汝所言如來無
量亦能成就無量大法謂不可量爾所布施

施波羅蜜爾所持戒波羅蜜爾所忍辱忍
 辱波羅蜜爾所精進精進波羅蜜爾所禪定
 禪定波羅蜜爾所般若般若波羅蜜爾所三
 昧三昧波羅蜜爾所功德功德波羅蜜爾所
 行願行願波羅蜜爾所方便方便波羅蜜爾
 所解脫解脫波羅蜜爾所解脫知見知見波
 羅蜜迦葉如來成就四無等智能於大衆正
 師子吼何謂爲四戒品無等定品無等慧品
 無等佛法無等是名如來四無等智爾時世
 尊欲明此義而說偈言

諸佛智無等	世所難思議	心業清淨故
能正師子吼	當作師子吼	怖畏諸外道
聞佛甚深法	當墮於大坑	若人住我相
及住衆生相	是人於佛法	我說爲外道
若人依法相	依我我所相	是人於佛法
我說爲外道	若人貪著戒	及餘諸功德
著多聞自高	我說爲外道	若著人少欲
知足遠離行	及麤弊納衣	我說爲外道
如空無觸礙	煙塵所不汙	我說沙門法
無染亦如是	如人以名華	塗香及燒香

供養於虛空	虛空不生喜	若汙以塵埃
不染虛空性	以本清淨故	沙門法亦爾
若以惡口毀	虛空無恚恨	沙門法無染
其喻亦如是	若人於是法	已學今當學
其心無染著	是名真沙門	如空無障礙
煙塵不能染	沙門法如是	本淨無變異
如月在空中	其明無翳礙	亦不生是念
我光能悉照	比丘入他家	不染世八法
亦如月無念	我能無所染	比丘入他家
不應懷憍慢	自大自高心	若生皆當滅

當以慈愍心 無欲無所求 說法廣饒益
淨行於世間
神力品第二

爾時世尊告迦葉曰汝且就坐請問所疑當
為汝說令得解脫爾時迦葉即從地起頂禮
佛足隨次而坐是時世尊復現神力令諸國
界所有比丘比丘尼優婆塞優婆夷皆承佛
力來詣竹園頂禮佛足却坐一面時四部眾
天龍夜叉乾闥婆阿脩羅迦樓羅緊那羅摩
睺羅伽人非人等來入竹園皆見廣博不相

逼礙爾時世尊又現神力令此三千大千世界諸四天王帝釋梵王光音諸天遍淨天廣果天無誑天無熱天喜見天善見天阿迦尼吒天皆承佛力至王舍城行詣竹園合掌禮佛却住一面爾時世尊復以神力令娑伽陀龍王阿耨達龍王欠婆羅龍王輸陀羅龍王橋陀龍王難陀龍王跋難陀龍王摩那斯龍王德叉迦龍王孫陀羅龍王伊羅鉢龍王有如是等億千龍王承佛神力來詣竹園頂禮佛足却住一面爾時三千大千世界天龍夜

又乾闥婆阿脩羅迦樓羅緊那羅摩睺羅等上至阿迦尼吒天皆承佛力來入竹園并先在座諸菩薩衆比丘比丘尼優婆塞優婆夷皆悉容受不相妨礙爾時世尊告目連曰汝與如來敷置高座吾今當說斷衆疑結悉知一切衆生深心皆令歡喜得入法海說諸菩薩摩訶薩行及淨佛國化衆生業亦說成就檀波羅蜜尸羅波羅蜜羸提波羅蜜毗梨耶波羅蜜禪波羅蜜般若波羅蜜亦說成就諸法門行能知一切衆生諸根及處非處令諸

比丘比丘尼優婆塞優婆夷天龍夜叉乾闥
婆阿脩羅迦樓羅緊那羅摩睺羅伽人非人
等皆得歡喜我於過去業緣果報及心所願
智無有礙當爲汝等說其少分時大目連即
從座起頂禮佛足爲佛敷座高至梵天又於
空中作經行之處七寶莊嚴柔軟細滑如加
陵伽長千由旬廣七百由旬經行坐處皆有
窻牖七重行列七重寶窟七重欄楯七重寶
網羅列圍繞其座左右寶樹行列金銀瑠璃
玻瓈所成金樹銀葉玻瓈爲華瑠璃爲果銀

樹金葉瑠璃爲華玻瓈爲果瑠璃樹者銀葉
金華玻瓈爲果玻瓈樹者金葉銀華瑠璃爲
果諸寶樹間皆有浴池八功德水充滿其中
其池四邊有四寶階金銀瑠璃玻瓈所成底
有金沙青黃赤白雜色蓮華彌覆水上鴛鴦
衆鳥相和而鳴七寶羅網覆諸池上豎諸幢
幡燒衆名香於經行處華深七仞其衆華上
有化比丘皆如目連爾時目連以神通力化
作座訖還詣佛所白世尊曰我以敷座唯聖
知時佛告目連雖設此座如來不於變化座

上為衆說法爾時佛告示無量緣菩薩汝為
如來敷置法座我今當說斷衆疑結時示無
量緣菩薩承佛教已欲敷法座於時三千大
千世界其中菩薩各以上衣積為高座於時
如來而作是念我今當現神通之力令諸菩
薩自知所願發心行道淨佛世界成就衆生
及成佛時國界嚴淨聲聞菩薩衆數如是演
說正法度人如是壽命長短佛法如是形色
相好正行如是滅度之後法住久近令諸菩
薩各於衣中見如是事得斷所疑爾時世尊

安詳而起昇于高座入佛三昧其三昧名示
無量緣時諸菩薩各於衣中自見所得嚴淨
佛土成無上道聲聞菩薩衆數如是壽命長
短色相如是精進正行功德如是演說正法
度人如是滅後舍利流布如是法住不壞久
近如是各於衣中見如是事時諸菩薩同時
發聲而說偈言
淨行最高尊 諸法中自在 以功德莊嚴
禪定力無礙 聖主無諂曲 無憍慢戲調
得聖明解脫 住深三昧故 住佛深三昧

現無上聖通	以無礙智慧	悉現未來事
我等得見已	其心安不動	則為坐道場
降魔具三昧	我等便為得	諸佛無上眼
以是無上眼	見諸法皆空	名眼而無礙
名見而無見	達諸法無礙	是名無上眼
等心於有無	因是得佛眼	能於三界中
普見無障礙	佛入三昧故	令我得是眼
及諸總持門	遍入一切法	我等始於今
見佛無盡智	因本修無量	清淨行所得
非少施戒慧	能速是果報	故處師子座

光明照十方	今諸天龍神	皆知我作佛
亦悉知我等	本行業因緣	佛處無畏座
說法斷眾疑	猶如師子王	處林而獨吼
本從無量劫	修習是智慧	今以三昧力
普令天人知	本求兼利故	修無量施戒
忍精進定慧	行是為眾生	以是行因緣
故處師子座	我等今合掌	唯願斷眾疑
隨法住久近	令眾得法明	悉斷諸疑網
通達一切法		
於時眾中有法王子名華德藏即從座起偏		

袒右肩右膝著地合掌向佛作是念言我欲從佛問諸法門金剛句門重句門不斷句門修集一切諸法句門若善男子善女人學是句門於一切法當得無礙眼智方便唯願如來觀我先世所種善根深心求道發大莊嚴於時如來觀此菩薩從初發意所種善根深心求道大莊嚴已顧視衆會口出妙光明如熾燄遍照無量無邊世界山林牆壁地水火風及虛空界皆一金色八方上下流布無礙爾時三千大千世界所有衆生皆自見身如

真金色衆生多爲欲火所燒自覺其身姪欲意息多爲瞋恚火所燒者自覺其身瞋恚意息多爲愚癡火所燒者自覺其身愚癡意息普此三千大千世界大地獄中苦惱衆生以佛神通本願力故暫得休息爾時三千大千世界其中衆生業障報障煩惱障覆以佛神力及華德藏本願力故皆得暫息爾時如來身諸毛孔普放無量業報光明皆令衆生增長善根所放光明過于東方無量無邊恒河沙等阿僧祇世界南西北方四維上下亦復

如是佛放光已舉聲磬效其聲遍聞一切世界

網明品第三

爾時東方過無量無邊阿僧祇世界國名一蓋是中有佛號一寶嚴現在說法與網明菩薩授阿耨多羅三藐三菩提記作如是言今是菩薩摩訶薩次於我後當得作佛爾時網明白彼佛言今此大光及大音聲誰之所爲彼佛答言西方去此過于無量阿僧祇國有世界名娑婆佛號釋迦牟尼今現在爲菩薩

說攝一切法斷衆生疑令衆歡喜菩薩藏經彼有菩薩名華德藏欲問彼佛攝一切法能起無量功德法門網明當知彼世界中所有菩薩皆發大願無限之行俱集彼會餘諸世界數有如是莊嚴者彼菩薩衆若有得見聞其名者尚得大利況復供養親近諮問爾時網明白彼佛言唯然世尊我欲詣彼娑婆世界供養禮覲釋迦文佛及見彼土具足莊嚴諸菩薩衆彼佛報言汝自知時當以一心遊于彼國所以者何彼諸菩薩威德難勝一

寶嚴佛以衆蓮華與網明言汝以是華供養
彼佛并稱我意致敬問訊少病少惱起居輕
利氣力安耶網明菩薩禮彼佛足右繞三匝
即與無數菩薩大衆前後圍繞如大力士屈
伸臂頃於彼國界忽然不現到此世界行詣
竹園頂禮佛足而白佛言唯然世尊我是網
明佛言善哉今汝安隱網明菩薩頭面禮已
却住一面向世尊曰一寶嚴佛問訊世尊少
惱少病起居輕利氣力安耶以此蓮華奉上
世尊佛即受之轉與彌勒彌勒受已告跋陀

婆羅等五百菩薩言諸善知識如來與我此
衆蓮華今與汝等時跋陀婆羅菩薩寶積善
薩導師菩薩星得菩薩水天菩薩善力菩薩
大意菩薩勝意菩薩增意菩薩不虛見菩薩
住意菩薩過力菩薩常精進菩薩不休息菩
薩日藏菩薩持世菩薩持地菩薩越三界菩
薩無量力菩薩金剛力菩薩堅意菩薩無邊
自在菩薩有如是等五百菩薩皆從彌勒受
蓮華已白世尊曰我等本願若有衆生得聞
我名及見我者皆得畢定於阿耨多羅三藐

三菩提世尊彌勒菩薩與我此華我等今以
 散於東方過去未來現在諸佛亦以供養南
 西北方四維上下過去未來現在諸佛願所
 散華遍至十方無量世界其中衆生若見此
 華聞其香者當隨我等本所志願深心所行
 不捨一切衆生力故皆當必得阿耨多羅三
 藐三菩提時諸菩薩以此蓮華欲散十方佛
 以手摩一一華中佛身半現此諸化佛從空
 而去亦作是言若有衆生不信諸法空如幻
 化無相無緣是諸衆生佛不爲師非佛弟子

即說偈言

諸法空無相	無取無所緣	一切如幻化
亦如水中月	不以空故空	性本常自爾
是名佛所說	最上微妙法	諸法空無相
亦復無有我	若人如是知	則爲無貪諍
若人樂是法	佛則是其師	我等以佛力
當遊於十方		
時諸化佛各說此偈遍至十方網明菩薩白		
佛言世尊此諸菩薩本願清淨至未曾有能		
令此土苦惱衆生并餘世界多惱患者聞其		

名字皆得畢定阿耨多羅三藐三菩提但爲
如來及諸菩薩不應生此雜惡世界所以者
何譬如無價摩尼寶珠能除一切衆生衰惱
得安隱樂若有智人善識寶相聞此寶珠有
大功德心念想像周行推覓見在不淨糞穢
坑中有諸工巧貧窮下役弊惡之人止住其
邊猶尚不識此寶珠名況復能知所有功德
時求寶者見如是已即作此言是珠不應在
斯穢處時貧賤者語此人言何等是珠今爲
所在時求寶者指珠示之其人無智不識寶

相便作此言汝雖如是讚此寶珠我等不見
是珠功德汝言無實誰當信者時求寶人即
於其處出珠持去其後貧人遭諸衰惱疾病
諍訟衆苦不安世尊娑婆世界亦復如是皆
相殘食貧窮下賤成就惡法亦如寶珠所住
之處穢惡充滿世尊是摩尼珠十四能滅衰惱與
衆安樂當知是佛及此世界具足莊嚴諸善
薩衆寶珠四邊貧窮下賤當知是爲娑婆世
界諸惡衆生其諸男女聞珠功德便行求覓
見在穢處作如是言此珠不應在是處者則

是我等聞十方國現在諸佛稱揚世尊及此世界具足莊嚴大菩薩衆故來欲見禮敬問訊而見此土多諸苦惱濁亂罪垢薄福衆生充滿其中世尊如此寶珠在不淨處光明不現猶如如來及大莊嚴諸菩薩衆今在此土功德不現如摩尼寶珠雖在穢處亦能少利諸貧賤者如今世尊於此世界但現大光如來真寶光明色相功德勢力自在神通及本願力皆悉不現世尊此土衆生善根薄少尚不能信如來所現光明功德何況能信諸大

菩薩所有功德則無是處世尊如求寶者從不淨處出此寶珠持之而去其後貧人遭諸衰惱疾病諍訟衆苦不安佛滅度後讀誦修習如是經者生餘國已此世界中有大衰惱乃至不聞佛法名字所以者何是諸衆生樂處惡法共相殘食故一沒在種種諸衰惱中無有淨行福行慧行則失大利世尊若善男子及善女人欲求善利成佛道者不應生此求聲聞者猶尚不應生此世界何況菩薩所以者何猶如阿鼻地獄活地獄黑繩地獄大熱地

獄小熱地獄等其中衆生無須更樂世尊彼土如來及諸菩薩見此娑婆世界衆生猶如在此諸地獄中受諸苦惱彼土衆生便常樂我若說之未曾受故無能信者世尊我爲聞法入淨法門來詣佛所何用稱說彼土樂爲所以者何一切苦樂皆悉無常無決定相我等欲聞無苦無樂無常非常無相分別無修非修非爲無爲無說非說無有世間及出世間無漏非漏無實無虛無有菩提及菩提分無力非力無闇無明無道非道無果非果

無發無住無所至處唯然世尊我等今者欲聞是法所以者何一切樂事皆從虛妄福德因緣現於世間如來法空無形無相無有十力四無所畏無諸神通亦無說法無苦無樂離諸動念及心所行得如是相故名如來諸動念者是實是虛是漏無漏是名世間是出世間是戒非戒是力非力是畏無畏是聖福田非聖福田是名如來是菩薩衆是諸聲聞是辟支佛是通是願如來悉斷此諸戲論以是無礙無畏力故能於大衆作師子吼現佛

大音世尊如來亦能於獸惡中生無獸想淨
不獸中生獸離想又能俱離一心行捨是名
佛行聖自在行不共聲聞辟支佛行世尊不
共行者餘無能及亦不能壞所以者何餘人
智力不能及知諸佛世尊如是諸行若干分
數如是深遠如是因緣如是寂滅如是安樂
世尊如來諸行無行衆生所不能行是故世
尊如來諸行一切聲聞及辟支佛非所可行
非所行者非行非不行一切聲聞及辟支佛
於是法中本無行力是故世尊如行所行名

無邊行無邊行者諸佛如來本所志樂無有
邊際世尊是法不可以文字說以文字說則
離此行是法名爲義趣法門能開六萬六千
法門皆令照明世尊一寶嚴佛常爲衆生說
是法門說是法門時七萬七千諸菩薩衆皆
逮得是無礙法門便能隨順如來之行此諸
菩薩同聲唱言我等今者則爲已逮無上正
覺六萬衆生皆發無上正覺之心即時如來
便爲授記八百萬那由他衆於諸法中遠塵
離垢得法眼淨復有三萬比丘尼衆不受著

法漏盡意解時佛微笑放大光明普照世界
地大震動爾時阿難即從座起偏袒右肩右
膝著地白世尊曰以何因緣而現微笑放大
光明普照世界地大震動佛告阿難網明菩
薩說是法門七萬七千諸菩薩衆皆得是門
網明菩薩於此世界虛空中曾從八萬諸
如來所聞是法門聞已逮此無礙法門逮此
門已常能遊化無量佛國
如相品第四
爾時東方過七百八萬阿僧祇國有世界名

一寶聚有佛號曰無邊寶力於今現在無量
大衆恭敬圍繞而爲說法是無邊寶力佛與
不虛行力菩薩授阿耨多羅三藐三菩提記
作如是言今是菩薩次於我後當得作佛時
不虛行力菩薩於彼衆中見大光明聞大音
聲白彼佛言是爲何佛光明音聲彼佛報言
西方去此過七百八萬阿僧祇國有娑婆世
界彼中有佛號釋迦文今現在爲大莊嚴諸
菩薩說斷衆生疑令衆歡喜菩薩藏經時不
虛行力菩薩白彼佛言我欲詣彼娑婆世界

供養禮敬釋迦文佛及見彼土具足莊嚴諸菩薩衆彼佛報言汝自知時當以一心遊彼世界所以者何彼諸菩薩有大威德難勝難及汝以我言問訊彼佛少惱少病起居輕利氣力安耶以此蓮華供養彼佛時不虛行力菩薩從座而起頂禮佛足右繞三匝即與七萬八千菩薩於彼世界忽然不現到此世界令此三千大千世界樹木非時皆生華實雨衆名華香氣普熏上妙妓樂同時俱作時不虛行力菩薩行詣竹園頭面作禮手摩佛足

三自稱言我是不虛行力菩薩佛言且止明汝至心時不虛行力菩薩頭面禮已而白佛言無邊寶力佛問訊世尊少病少惱起居輕利氣力强耶以此蓮華供養世尊佛受華已而問之曰無邊寶力佛安隱無恙氣力康耶答言世尊無邊寶力佛少病少惱安隱無爲佛以此華與彌勒菩薩爾時彌勒手執蓮華作如是言以此蓮華善根福德因緣力故令善男子若善女人發阿耨多羅三藐三菩提心者得淨佛土成就衆生所以者何若諸衆

生不種善根難可教化善根不具難可教化
善根微淺難可教化樂小法者難可教化所
以者何是衆華中若人欲見十方諸佛即皆
得見亦能得見無邊寶力佛寶聚世界諸善
薩衆及見彼土得共解脫三明六通大聲聞
衆世尊是華從深善根因緣報生是故我今
以供諸佛令衆發心求佛道者得無障礙未
發心者亦令得發心如如來通達諸法無有
壞相得無上道我以是心持華供養爾時佛
告跋陀婆羅何謂爲法如來以法通達不壞

得無上道跋陀婆羅白佛言世尊無有是法
如來以法通達不壞得成佛道所以者何如
來不得是諸法相若佛不得是不名法不名
非法世尊無所得中若有法者則爲如來起
此法相所以者何諸所生法皆因六入如來
尚自不得諸入故一況無得中而得相耶有如是
觀即復爲相是故佛說一切諸法無取無捨
亦無隨順如應行者得是相故名爲如來所
以者何佛所欲法皆於如中若取諸法則爲
壞如如無如來而因如故名爲如來是如無

相因無相故名爲如來是如無盡因無盡故名爲如來是如不壞因不壞故名爲如來諸法如實因如實故名爲如來如是世尊一切法如即是如來如來即是一切法如是故世尊無所任處是如來義於正通達亦不住故是故佛說若人於法無取無捨無順無諍是名一切世間福田佛告跋陀婆羅汝住何處能作是說答言世尊一切世間諸所住處我住其中作如是說世尊我不貪著如凡夫住所以者何凡夫所住即是貪著敗壞之相若

著壞相是人即爲敗壞變異世尊實相不如世間所住賢聖於此世間相中無諍無二名住世間凡夫於此無有行處世間如燄過諸入故世間無常從緣生故世間不淨起惡業故是故世間世間住處世間壞相皆悉住於無所住中是故我住無二法中能作是說爾時佛告跋陀婆羅汝住此法作是說耶答言世尊佛所得法自捨如來無能說者跋陀婆羅吾得何法唯然世尊佛坐道場所得之法若法非法無有是處佛告跋陀婆羅善哉善

哉如汝所說如來道場所得法者是法非法亦非非法我於此法智不能行目不能見無有行處慧所不通明不能了問無有答於此法中無受無取無垢無淨若我說是自所得法若以相行行是法者則皆迷悶跋陀婆羅我於是法唯除諸佛無證明者二十現身菩薩一生菩薩於我是法亦不能證聞如是法尚懷驚怖況斯已下能證明者不信品第五佛告跋陀婆羅來世當有比丘比丘尼優婆

塞優婆夷不修身不修心不修戒不修慧聞是經說諸佛菩提無得無失無有分別無垢無淨隨順於如佛所囑累驚疑怖畏墜大深坑作是念言如來名爲得一切智而今此經說智不行慧不能通明不能了問無有答無可知相是諸人等見有讚誦說是經者反加憐愍或生恚慢起怨賊心跋陀婆羅汝觀末世有是顛倒違逆我者是法中賊反得尊貴能說如來正智慧者而被輕賤不得住止僧坊精舍我以是法自然無師於大眾中作師

子吼是諸惡人不識如來及如來法以不識故可呵法中生稱讚想可譽法中生呵責想何謂可呵若人於法有所貪取乃至善法是名如來之所呵責是人以此所呵責法而生稱讚是則名爲沙門中賊故一汗沙門者於沙門中爲旃陀羅僧中敗壞衆之糟糠廿一隨逐外道深計斷常起貪著法分別之心跋陀婆羅如來所說世間正見可戲論法順生死理欲令衆生知業果報此諸癡人於是法中生第一想跋陀婆羅結髮梵志亦說世間罪福因緣

若如是知名菩提者則是梵志應得菩提跋陀婆羅如是梵志我滅度後自矜所知見過失生獸離心於我法中而求出家既出家已能得佛法跋陀婆羅汝觀來世是諸癡人尚不能及事火梵志如是癡人當如末迦梨富蘭那等以我所說世間正見順生死理業緣果報可戲論法爲上智慧是人則爲毀謗如來及如來法不能見知出生死要我說此人不堪道器所以者何是人於我無量無邊阿僧祇劫所集佛法以微因緣而毀壞之是

人則爲生如來過如來之賊跋陀婆羅何等
名爲稱讚如來隨如來意而爲說法若於諸
法無貪無諍無起無作無相無爲出過三世
而演說法是人名爲稱讚如來隨意行者是
名佛子從佛口生從法化生跋陀婆羅是人
則能稱誦問答如來等經是則名爲隨意行
者如法說者隨法行者我加神力是人昔曾
受我教誨我所勸請能建法幢吹大法螺擊
大法鼓張設法幡爲諸如來之所知識是人
則著功德華鬘住常樂處降諸魔怨世間希

有見者獲利堪任住持無上道器爲諸菩薩
諸佛所念能淨法眼於一切法無所障礙悅
可佛意佛聽是人親近禮事諮受正法以諸
功德而自莊嚴智慧深遠爲諸學者兩大法
兩增長佛法敷覺意華成解脫果爲坐道場
得佛菩提示衆生道第十一能演法施滿衆生願跋
陀婆羅我今略說是人功德若廣說者少能
信受是人名爲稱揚如來讚佛法者跋陀婆
羅如人未見阿耨達池若見餘池作如是言
與彼大池等無有異是人雖欲讚美彼池乃

更毀損跋陀婆羅此諸癡人無是功德無如是法無如是智慧以諸世間有漏正見生死染著而稱讚我作如是言如來智慧於此法中無有障礙雖欲讚我而實毀辱又如愚人聞金色黃後聞人說閻浮檀金殊勝相貌不肯信受語其人曰汝止勿言真金色黃不如汝說此諸癡人亦復如是無目盲冥若聞人說佛名法名又聞如來三十二相八十種好生在王家眷屬具足出家學道戒定具足不聞真實佛法身相及真法相但以是法名一

切智名爲如來又亦不聞如來演說以何相故諸法非法是人或時聞如是經說佛真身如實法相則生疑怪有是法耶先相應不如彼盲人聞金色黃後聞人說閻浮檀金生疑不信爲如是不又如愚人聞說大海其量彌廣三萬由旬淵深八萬四千由旬有無量寶其水一味不增不減是人不信作是念言衆流皆注云何不濫深廣如是雖有珍寶誰能得者便謂大海無如是德癡人亦爾但聞人說佛名法名不聞甚深功德智慧真實法相

或聞人說如是等經究竟涅槃無量法寶得大解脫令衆生得佛無礙眼於一切法無增無減一切智慧無邊無際功德甚深難得崖底一切餘衆無能測量亦無壞者譬如大海不宿死屍佛法亦爾邪見惡人失慧命者不得止住又如大海同一鹹味佛法亦爾同趣涅槃一解脫味癡人聞是不能信解謂無斯事非真實法跋陀婆羅觀是癡人尚不自知生從何來死至何所於過去世爲行何行不知業緣不知果報於將來世當行何法得何

果報爲行智道爲行識道若是癡人於是法中非法想我所呵法生真實想於我滅後不能依止如是等經跋陀婆羅我經中說如來滅後若人謗毀佛法僧者汝等不應瞋恨憂惱應作是念我等若生瞋恨心者則非沙門非沙門法不隨順道若爲沙門而不隨法終不能得信解通達阿耨多羅三藐三菩提法

欲一

二十四

佛說華手經卷第一

音釋

晡奔換切 訛正亞切
 申申時也 駘居輕切
 蓋切 擘擘欸切
 迷氣聲也 髮莫還切
 矜居輕切 聲欸切
 欸欸切 苦苦切

佛說華手經卷第二

欲二

姚秦三藏法師鳩摩羅什譯

念處品第六

佛告跋陀婆羅於爾時世諸善人等應作是念我等當自依四念處註二四念處者於聖法中

一切諸法皆名念處所以者何一切諸法常住自性無能壞故是念處門法所住門入法初門八聖道門三解脫門解脫門者以不二法捨離二邊得聖解脫不二法者是無所有若無所有即是無盡是名正見遠離二邊邊

即自空無有真實跋陀婆羅當知如來不以見邊而得離邊本無有邊故曰離邊諸佛世尊離一切法智者不如凡夫所受跋陀婆羅求法真相實不可得故名爲離是法虛妄無得無失跋陀婆羅以是義故昔曾有天來問我言沙門喜耶即答之言我得何法而有喜耶又問憂耶我又答言爲失何法而有憂耶又問不喜亦不憂耶答言如是天言善哉善哉不喜不憂又問天曰得吾何意天曰我謂沙門安處寂滅跋陀婆羅汝觀是天速得我

法彼時天者今在此會知一切法本性寂滅當知是天昔曾供養五百佛故於我法中速得通達是故佛說不種善根善根未熟於聲聞法尚不能解況於我法能通達耶跋陀婆羅若聞是法能速解者功德極少猶於千佛植諸善本所以者何善根廣大則能通達甚深智慧跋陀婆羅菩薩寶積菩薩導師菩薩星待菩薩那羅達菩薩帝天菩薩水天菩薩善力菩薩大意菩薩益意菩薩增意菩薩不虛見菩薩善住意菩薩過力菩薩常精進菩

薩不休息菩薩日藏菩薩等五百菩薩各以衆華共散佛上而作是言世尊若有衆生求是經及得聞者皆令必定佛菩提道又是緣當令十方現在諸佛得請久住及說法者令衆具足助菩提法爾時佛問跋陀婆羅衆生於汝有何等利而能爲之發是欲二大願及爲請佛久住說法今衆具足助菩提道跋陀婆羅白世尊曰不以衆生損益我故而發莊嚴不作是念此諸衆生利益我故令住佛法於我有損不住佛法諸菩薩等不以如是分

別莊嚴譬如世尊波梨質多拘毗羅樹華葉
 盛時忉利諸天見其敷榮心大歡喜於此樹
 下五樂自娛世尊忉利諸天於此樹王有何
 損益而令諸天心生愛樂常詣其下五欲自
 娛見之便得無比喜樂諸菩薩等亦復如是
 不以衆生有利有損而發莊嚴但作是念何
 時當得具佛智慧爲十方界無量衆生之所
 歸趣如彼天樹其華敷開諸天所樂當令衆
 生以佛五根法喜自娛如彼樹王諸天於下
 五樂自娛復次世尊離衆生故而發莊嚴非

得衆生以離我故而發莊嚴非得我也以離
 法故而發莊嚴非得諸法以離陰故而發莊
 嚴非得諸陰以離界故而發莊嚴非得諸界
 以離入故而發莊嚴非得諸入世尊是莊嚴
 中無有諸果莊嚴離故以得果空當於諸法
 無取無捨而發莊嚴世尊如是莊嚴相不可
 得是莊嚴處莊嚴所爲皆不可得世尊若有
 所得則爲得我是故菩薩不貪不受若我無
 我若受無我則爲是我不名無我無所受者
 世尊以如此義是大莊嚴現於世間是莊嚴

中無此彼相佛告跋陀婆羅如是莊嚴見有
何利答言世尊我發莊嚴不見凡夫及學人
法於我爲遠佛法爲近我亦不見是諸佛法
如是佛法世尊我發莊嚴於中不見有利有
損如是莊嚴以此相故現於世間時諸菩薩
所散衆華現神通力遍到十方供養諸佛教
化衆生令住佛法
發心即轉法輪品第七
爾時東方去此世界過無量無邊阿僧祇國
有世界名相德聚佛號無相音現在說法爲

發心即轉法輪菩薩授無上道記作如是言
今此菩薩次於我後當得阿耨多羅三藐三
菩提時此菩薩見大光明聞大音聲白彼佛
言世尊是爲何佛光明音聲彼佛答言西方
去此過于無量阿僧祇國有世界名娑婆佛
號釋迦牟尼今現在是爲彼佛光明音聲今
彼如來爲菩薩說斷衆生疑令衆歡喜菩薩
藏經彼諸菩薩成就無量具足莊嚴時發心
即轉法輪菩薩白彼佛言世尊我欲詣彼娑
婆世界供養禮覲釋迦文佛及諸菩薩摩訶

薩衆所以者何是諸大士尚難得見何況親
近彼佛報言汝自知時時彼菩薩既蒙聽許
即從座起頂禮佛足右繞已去時無相音佛
與一蓮華而告之曰汝持此華與釋迦文佛
此蓮華中見無相音佛本爲菩薩所修功德
如是等華遍彼世界令諸衆生皆得受用時
彼菩薩從佛受華來詣此土時此世界所有
卉木華葉果實乃至毫末皆於發心即轉法
輪菩薩手中悉現及諸衆生所有音聲皆出
法音無常苦空無我之音根力覺道禪定解

脫諸三昧音時舍利弗白佛言世尊今見如
來大神通力佛告舍利弗非我所爲從此東
方過于無量阿僧祇國有世界名相德聚佛
號無相音現在說法有菩薩名發心即轉法
輪從彼發來至此世界是彼菩薩本願果報
神通之力舍利弗白佛言世尊發心即轉法
輪菩薩於過去世種何善根能有如是果報
神力佛告舍利弗善哉善哉汝以佛力能問
如來發心即轉法輪菩薩從過去世佛種諸善
根汝今一心聽是菩薩於過去世所植德本

若十方佛坐於道場初得佛時此菩薩或爲
梵王轉輪聖王五通仙人來詣道場供養諸
佛請轉法輪其數多少舍利弗如我初得無
上道時有梵天王來請我言唯願世尊轉于
法輪有諸衆生於過去世深行善法利根智
慧能知佛意若不聞法則爲未失舍利弗是
發心即轉法輪菩薩勸請諸佛轉于法輪此
諸功德更無所爲但爲請佛轉於法輪舍利
弗我今當說譬喻以明此義智者有以譬喻
得解假使三千大千世界百億日月百億四

大海百億四天下百億那由他眷屬四天下
諸小國界百億須彌山王百億鐵圍山皆爲
一器狀若海坑滿中芥子若麻若米有大力
士盡能把持灑散四方大風普吹令一芥子
墮一世界汝意云何是諸芥子所墮世界寧
爲多不答言世尊甚多無量不可稱數舍利
弗我今爲汝明了此義爾許芥子所墮世界
合爲一器縱廣正等高亦如之其譬堅固如
此大器滿中細沙如以升斛培量米麩如是
沙數寧爲多不甚多世尊不可稱數佛告舍

利弗是諸沙數尚可數知而此菩薩所可勸請道場諸佛轉于法輪度脫衆生是不可數此諸善根猶不迴向阿耨多羅三藐三菩提又以七寶珠輪上佛請轉法輪其數倍多又以衆寶華輪上佛請轉法輪數復倍多又以香輪上佛請轉法輪數亦轉多況以金銀絲畫木輪供養諸佛請轉法輪而是善根亦不迴向佛菩提道但爲請佛轉于法輪又舍利弗是後有佛名過智力時有轉輪聖王號名聞力大千世界威勢自在後宮園館五欲自

娛諸姝女等歌詠稱讚隨五欲事而自然出無常苦空不淨之音王即怖畏生厭離心時便往詣過智力佛過智力佛令自憶本所種善根王聞佛言便作是念諸佛如來至未曾有智慧無礙令我得知若干佛所種諸善根我以自恣五欲覆心效二統理國事衆務所纏尚不自知於一佛所種諸善根我昔雖從爾所諸佛植衆德本而不迴向佛無上道令此善根在不定中我今當以所集善根爲無上道利益衆生在所生處遊諸佛國其中所有衆

生語言皆是無常苦空無我之音及諸世界
卉木叢林華葉果實皆出無常苦空無我之
音我此善根與衆生共當得如今過智力佛
所得智慧作是念已即從座起於佛前立發
如是言世尊今我所有一切國土奉佛及僧
唯願受用既奉施已出家爲道四兵聞已亦
隨出家四十那由他諸姪女等皆隨出家及
八十億那由他人亦隨出家過智力佛諸四
部衆於是增廣是諸出家皆得五通各以神
力至于東方恒沙佛土勸請無量坐道場佛

轉尊法輪度脫衆生南西北方四維上下勸
請無量恒沙諸佛轉于法輪度脫衆生皆亦
如是名聞力王從是以後更不受胎亦常不
生不淨世界所遊世界其中衆生卉木叢林
皆出無常苦空無我之音舍利弗汝謂爾時
名聞力王於過智力佛自聞先世所種善根
出家修道得五神通遊於十方無量世界勸
請諸佛轉于法輪度脫衆生者豈異人乎今
此發心即轉法輪菩薩是也
現變品第八

爾時發心即轉法輪菩薩至王舍城詣竹園中頂禮佛足却住一面而白佛言無相音佛問訊世尊少惱少病起居輕利氣力康耶以大蓮華奉上世尊佛即受華而告之曰無相音佛安隱無恙善教化耶答言世尊無相音佛氣力康強衆生易度所以者何彼世界中大衆集會有四淨法何謂爲四善根清淨爲菩提故無量戒淨正發願故無量見淨不得法故所觀清淨不取相故世尊彼衆無有毀禁破戒壞威儀者亦無有是三毀之名彼世

界衆觀此世界所有衆生如獄拷掠我今請還唯願如來至彼世界時佛告言止善男子至彼世界欲何所爲我今於此亦化衆生發心即轉法輪菩薩懇懇三請唯願如來至彼世界若不臨顧我當自以果報神力接此世界如一念頃置于彼土空虛分中時佛嘿然聽此菩薩現大神通自在之力欲令衆生具足善根亦爲示現度知見力時此菩薩即以右手斷取三千大千世界猶如陶師以杖轉輪持之而去時舍利弗覺此三千大千世界

皆大震動白世尊曰持此世界并我等去持此世界并我等去爾時世尊以隨知音柔軟和雅悅可衆心具足深遠不高不下簡要不亂能示義趣答舍利弗非我所爲其音普聞大千世界時有衆生貪著我心依止有見皆大驚怖得厭離心法二餘諸四衆但見如來菩薩圍繞而爲說法如轉輪王安處正座如大梵王在衆梵中時發心即轉法輪菩薩皆持十方無量世界令集一處以示衆生爾時世尊以神通力令大風起吹諸世界互相觸搏壞

裂破碎皆悉散滅佛現神力諸大梵王及諸梵衆於見聞法計常不壞所謂梵王諸梵宮殿今皆自見宮殿散壞甚大驚怖生厭離心各作是念此諸宮殿先自成立而今悉皆相搏毀壞如水波蕩鼓浪成沫若水竭盡日爆風飄皆悉磨滅則是我等無常相也俱懷戰悚合掌禮佛爾時世尊告舍利弗我從昔來常爲汝說世間虛妄無有真實譬如有人與空共諍世間如是但從憶想分別故有無牢無固猶如聚沫世間如幻能誑衆生世間如

燄無實體相不除渴愛世間如影不可得取
世間如響虛誑起業世間如實性無顛倒合
利弗我坐道場如實通達如世間相空無所
有無所依止以無障礙得世間相舍利弗我
本未知世間味世間患世間出不自唱言我
得佛道我既如實知世間相及世間集知世
間滅世間滅道便自唱言我得佛道舍利弗
何謂世間其世間者所謂五陰何謂爲五色
陰受陰想行識陰舍利弗何謂色陰或有衆
生作如是念若過去者不名爲色未來現在

不名爲色是故佛說諸所有色若於過去未
來現在若內若外若麤若細若好若醜若近
若遠皆名色陰而是色陰實無有相譬如空
陰風陰火陰水陰地陰但有是名色陰受陰
想行識陰亦復如是以此因緣說有諸陰舍
利弗凡夫癡冥貪著於身不知色相謂色是
我是我所有取相分別而生著心受想行識
亦復如是舍利弗我坐道場於此事中不謂
是有不謂是無而生法眼凡夫於此無所有
法生渴愛心是事散壞便生憂惱是人深著

失所著故轉增癡惑重起黑業若以瓦石杖
楚刀稍種種兵器共相加害以癡惑故起是
罪業如來通達諸法平等諸見平等故說正
見謂正見者平等正直無有高下正行道者
正修習者正解脫者得是見故名爲正見舍
利弗佛說正見不可以言爲汝等說但可隨
順如說修行舍利弗汝等皆當如法修習當
得無量無邊智慧是則名爲八萬四千諸法
藏中一法藏門謂諸起作非起作相如來說
此法藏門時七萬七千那由他數諸梵天王

於諸法中遠塵離垢得法眼淨欲界諸天八
萬四千那由他衆於諸法中遠塵離垢得法
眼淨及無量人亦於諸法遠塵離垢得法眼
淨百億閻浮提中百千萬億諸菩薩衆皆於
此會得無生忍及餘無量無邊衆生皆發阿
耨多羅三藐三菩提心爾時世尊還攝神力
諸四部衆梵世梵住梵衆諸天及欲界中天
龍夜叉乾闥婆阿脩羅迦樓羅緊那羅摩睺
羅伽人非人等皆自見身還此世界
如來力品第九

爾時大目犍連從座而起偏袒右肩合掌向佛白世尊曰未曾有也是發心即轉法輪菩薩有大神力接此忍界及以如來置於他方世界中間世尊持我至彼及還來此我於爾時神尚不在何況有通我復生念今此菩薩具大神通接我往還都不覺知遲速遠近我又生念今此菩薩未成佛道有是神力何況成佛佛告目連汝或謂是發心即轉法輪菩薩能接如來有往還耶勿造斯念所以者何我不見有沙門婆羅門阿羅漢辟支佛及餘

衆生天龍夜叉乾闥婆阿脩羅迦樓羅緊那羅摩睺羅伽人非人等能動如來衣一角者何況接舉至餘世界及還置此無有是處目連置是世間一切天人若此三千大千世界所有衆生有色無色有想無想非有想非無想十一若可見若不可見假令一時皆得人身以信出家得阿羅漢具六神通皆如目連於意云何是等所有神通智力寧爲大不甚大世尊佛告目連是諸羅漢手接三千大千世界遊於十方恒沙世界假令如來以一芥子置

于空中是大神通衆阿羅漢尚不能動如毫末許目連且復置此大神通衆假令一人有大神力佛聽此人能以一吹吹大千界皆使散壞令諸微塵散遍無量恒沙世界又以一吹令諸微塵還成三千大千世界目連於意云何是人具足大神力不甚大世尊目連假使有人皆得如是大神通力滿此三千大千世界猶如甘蔗稻麻叢林皆同一心盡現神力尚不能動如來衣角況舉如來置於餘界而復還耶目連我處此座能動東方無量無

邊不可思議阿僧祇界其中衆生都不自覺有往來相是諸衆生不能覺知世間成敗及以散滅目連當知如來所現神力隨衆所應而爲說法或有衆生應見佛身而得度者或有衆生應見天身而得度者或有衆生應見龍身而得度者或有衆生應見夜叉乾闥婆阿脩羅迦樓羅緊那羅摩睺羅伽身而得度者或有應見男身女身而得度者或有應見大身小身而得度者目連如來所有力無所畏自在神通當知皆悉攝在此經南西北方

四維上下皆亦如是目連汝若得見如來所
行及大神力汝則不能有所問答目連我教
阿難陀羅尼門爲今受持十二部經修多羅
祇夜闍伽羅那伽陀優陀那尼陀那阿波陀
那伊帝目多加闍陀伽廣經未曾有經優婆
提舍令不忘失而今阿難尚不能知如來神
力所以者何佛以一言一字一句一切聲聞
及辟支佛若於一劫百千萬劫乃至無量阿
僧祇劫猶尚不能盡讀誦持思量演說況能
悉知如來所爲大神通力無有是處目連如

來所爲種種因緣種種威儀種種道門教化
衆生及演說法但著衣時一切聲聞及辟支
佛尚不能知其中所益幾所衆生云何說法
況能盡知如來所行如來神魔如來智慧無
有是處爾時世尊從發心即轉法輪菩薩取
蓮華已告跋陀婆羅菩薩寶積菩薩導師菩
薩星得菩薩那羅達菩薩帝得菩薩水天菩
薩善力菩薩如是等能於後世護法藏者諸
善男子汝等能護如來法藏善能信解如來
所行而演說耶唯然世尊我等皆能佛言汝

等從今若有所說先觀如來所行意趣所入
 法門然後乃說若有人言何者名為具足佛
 智汝等當於如是經中觀如來行然後乃答
 汝等若聞諸所說門皆應觀察如來意行為
 是事故說如是法汝等若見衆生所行亦當
 應觀如來法藏謂諸衆生有如是行佛以是
 行如是轉除衆生行者謂有九萬九千諸根
 如來悉知貪欲多者有如是根瞋恚多者有
 如是根愚癡多者有如是根似多欲者有如
 是根似多恚者有如是根似多癡者有如是

根似多貪恚者有如是根似多貪癡者有如
 是根似多恚癡者有如是根似貪瞋癡有如
 是根如是諸根能淨於道能起諸事如是諸
 根從本緣生如是諸根從習行得有作業根
 是起黑業是起白業是起黑業白業是根順
 道是根順定是根順慧是根順盡智順無生
 智是根隨順盡無主智是根順諦諸善男子
 是中有二萬諸根和合先世因緣力故能起
 諸業若黑若白以是業緣得種種色若黑若
 白不黑不白若上若雜如是諸色有二萬根

能生諸身若長若短若麤若細若中庸等有
二十萬根能表內相若於眼耳鼻舌身中知
是人貪心是人瞋心是人癡心是人離貪是
人離瞋是人離癡有三萬根差別業報謂人
死時情識迷悶形色變異手足蹙縮諸根錯
亂支節相離臨杼氣時知是諸根應入地獄
知是諸根應墮畜生知是諸根應生餓鬼是
根應生天上人中是根應生他方佛土得見
諸佛是根應斷生死相續不受後身有七萬
根以信解力能攝善本二萬諸根攝不善法

死時可知諸善男子是名佛力如來所行如
來法藏如來住此能演諸法不增不減

功德品第十

爾時會中有一菩薩名曰堅意從座而起恭
敬合掌白佛言世尊我於此門得法光明是

發二

十

故我當修是法門令得具足所以者何我今
當發如是莊嚴推求習行具足是法終不懈
息於未來世還復得聞如來法藏佛告堅意
善哉善哉汝能勤求諸佛如來無量無邊阿
僧祇劫所集大法堅意若此三千大千世界

所有衆生若色無色有想無想非有想非無想假令一時皆得人身若善男子及善女人給此衆生一切樂具隨其所須色香味觸即皆能與持此衆生悉置掌中若至一劫若減一劫又以一手除其臭穢遠棄他處堅意於意云何是人所爲寧爲大不甚大世尊堅意若復有人發阿耨多羅三藐三菩提心若佛現在若滅度後能求如是助菩提法菩薩藏經作如是念我修集此大乘法藏爲衆生說斷貪恚癡離生老死憂悲苦惱如是求時若

得是經一四句偈能爲衆生讀誦解說比前福德百分千分百千萬分尚不及一乃至譬喻所不能及如是菩薩以求此等深法因緣能大利益一切衆生堅意是事誰能信者唯有諸佛究竟通了若聖弟子及餘深心求佛道者乃能信受所以者何諸菩薩等初發阿耨多羅三藐三菩提時自願當爲無救衆生而作救護無洲者作洲無導者作導我當修習是大乘法佛之智慧當令無量無數衆生住無漏法堅意假使令此人從旦至食以諸

微二

十五

珍寶積若須彌與一一人中時晡時初中後
夜盡其形壽晝夜六時以大寶聚施與衆生
堅意於意云何是衆生心得滿足不不也世
尊或因是故墮三惡道菩薩念言我當勤求
無上妙法與諸衆生令觀三千大千世界珍
寶之聚猶如洩唾生怖畏心大智菩薩觀此
寶聚皆是三毒煩惱衆生生死往來地獄畜
生餓鬼人中苦惱之本求時苦本守護苦本
怨憎諍訟起諸罪業衆苦之本菩薩知是於
大寶聚生厭離心又作是念此非寶聚但是

惡道苦惱之聚或有衆生貪著是故墮三惡
道堅意置是三千大千世界所有衆生十方
無量如恒河沙世界衆生若色無色有想無
想非有想非無想假令一時皆得人身若有
一人發心欲與一切樂具隨其所須色聲香
味等即皆能與若置頭上若肩荷負若至一
劫若減一劫隨意坐卧亦以一手除其臭穢
遠棄他處堅意於汝意云何是人所爲寧爲
多不甚多世尊堅意我今告汝誠言若善男
子若善女人發阿耨多羅三藐三菩提心求

如是等助菩提法菩薩藏經發足一步福不可量至得阿耨多羅三藐三菩提猶不能盡比前福德百分千分百千萬分尚不及一乃至譬喻所不能及所以者何前樂具者是諸結使有漏因緣不能離苦畢竟安隱諸菩薩等求法因緣增長戒品定品慧品亦能具足一切佛法能得無量不可思議方便之力成就衆生淨佛世界是故堅意佛說菩薩求法因緣得阿耨多羅三藐三菩提復次堅意若四天下滿中如來猶如甘蔗稻麻叢林若有

一人盡其形壽供養衣服卧具湯藥種種所須是諸如來般涅槃後起七寶塔方一由旬表刹莊嚴華香幡蓋然燈供養若至百劫若過百劫堅意於意云何是人得福寧為多不甚多世尊無量無邊堅意我今告汝誠言是人供養爾所如來起爾所塔於爾所劫種種供養若善男子及善女人發阿耨多羅三藐三菩提心求如是等助菩提法菩薩藏經受持讀誦比前福德百分千分百千萬分尚不及一乃至譬喻所不能及所以者何於諸施

中法施第一於諸求中求法第一是故堅意
汝等於後五百歲中受持讀誦如是諸經所
得福德無量無邊至得阿耨多羅三藐三菩
提猶不能盡堅意我今欲說譬喻粗明此義
汝當信受譬如三千大千世界第二以爲一器滿
中芥子如量麻米汝意云何是中芥子爲有
幾數甚多世尊不可數也堅意假使復數如
此芥子等大千世界合爲一器滿中細沙爲
有幾數甚多世尊無量無邊堅意有大力人
持此細沙灑散四方時大風起吹此諸沙一

一各墮一世界中汝意云何是諸世界爲有
幾數甚多世尊無量無邊不可稱數堅意我
今明了告汝如來具足無量神通持戒禪定
智慧之力能以一步越爾所界而處本座威
儀不動於神通力猶不盡現堅意如來以此
一步爲一劫爾所劫爲一日爾所日爲一月
爾所月爲一歲如是千歲東行不息南西北
方四維上下亦復如是若善男子及善女人
欲聞是經受持讀誦發足一步所得福德假
使有形如來所經爾所世界不能容受如來

但知是人福德無量無邊不可思議堅意此
福不可文字算數之所能知是福攝在無量
數中

發心品第十一

爾時東方過阿僧祇國有世界名大名聞佛
號須彌肩今現在為光明威德聚菩薩授阿
耨多羅三藐三菩提記作如是言光明威德
聚菩薩次於我後當得作佛爾時彼佛大衆
圍繞而為說法是光明威德聚菩薩在彼會
見大光明聞馨歎聲見地大動問彼佛言世

尊是為何佛光明音聲彼佛答言西方去此
過阿僧祇國有世界名娑婆佛號釋迦牟尼
今現在說菩薩藏經彼會菩薩具大莊嚴今
於十方恒沙世界少有如是諸菩薩衆若聞
是等菩薩名者尚得大利何況目見親近供
養欲二即時光明威德聚菩薩白須彌肩佛言世
尊我欲詣彼娑婆世界見釋迦文佛禮事供
養亦欲見彼具足莊嚴大菩薩衆彼佛答言
欲往隨意時彼佛與光明威德聚菩薩七枝
蓮華而告之曰汝持此華與釋迦文佛并以

我言問訊彼佛少病少惱起居輕利氣力強
耶時彼菩薩即持此華頂禮佛足遶已而去
如大力士屈伸臂頃從彼佛土忽然不現到
此世界至王舍城行詣竹園頂禮佛足於一
面立而白佛言須彌肩佛問訊世尊少病少
惱起居輕利氣力康耶以此蓮華供養世尊
時佛受華而問之曰須彌肩佛少病少惱氣
力安耶答言世尊須彌肩佛於彼世界安隱
無恙佛以此華與彌勒言阿逸多汝持此華
往助佛道善根因緣時彌勒菩薩從佛受華

與跋陀婆羅菩薩寶積菩薩導師菩薩星得
菩薩那羅達菩薩帝得菩薩水天菩薩善力
菩薩日藏菩薩持世菩薩持地菩薩住意菩
薩無邊意菩薩越三界行菩薩無邊行菩薩
無量力菩薩普現緣菩薩堅意菩薩無邊力
菩薩不虛力菩薩師子力菩薩疾辯菩薩利
辯菩薩深辯菩薩無邊辯菩薩無量辯菩薩
文殊師利法王子華德藏法王子無邊手菩
薩無著手菩薩寶手菩薩寶臂菩薩不虛得
菩薩不動行菩薩無憂菩薩離憂菩薩發無

分別行菩薩離諸難菩薩離男相菩薩離女
相菩薩離衆生相菩薩網明菩薩不入胎菩
薩佛華手菩薩華手菩薩香象菩薩成利菩
薩上德菩薩寶德菩薩珠瓔菩薩珠髻菩薩
華耳菩薩雲音菩薩畢竟思菩薩無邊捨菩
薩善思行菩薩不虛願菩薩過願菩薩轉願
菩薩深行願菩薩願離難菩薩演華菩薩寶
華菩薩不虛稱菩薩不虛讚菩薩音願菩薩
諸道不亂菩薩常喜嚴菩薩常悲嚴菩薩化
無知願菩薩具戒願菩薩執炬菩薩樂衆菩

薩善衆菩薩樂行菩薩愛天菩薩樂佛菩薩
願不離佛菩薩願轉法輪菩薩願轉無礙法
輪菩薩願捨一切菩薩願無慳菩薩願無差
別菩薩願紹佛種菩薩願不亂菩薩月菩薩
法菩薩德海菩薩善戒菩薩導師菩薩大導
師菩薩上衆菩薩增上菩薩寶嚴菩薩普利
菩薩普德菩薩袈裟相菩薩無染菩薩滅相
菩薩寂滅菩薩善意菩薩喜見菩薩樂勝菩
薩上嚴菩薩常勝菩薩勝衆菩薩勝數菩薩
壞魔菩薩壞怨菩薩勝怨菩薩普名聞菩薩

日寶菩薩轉法菩薩增法菩薩善知識菩薩
天善友菩薩增友菩薩一蓋菩薩寶蓋菩薩
善宿菩薩星宿菩薩法天菩薩淨門菩薩淨
勇菩薩勇行菩薩無邊行菩薩不虛行菩薩
香德菩薩智德菩薩無邊眼菩薩帝得菩薩
梵上菩薩持法菩薩法德菩薩自在力菩薩
無迹行菩薩善行菩薩等行菩薩與如是等
七萬七千諸菩薩華作如是言諸善知識我
從佛所受得此華今以相與汝等取華爲助
佛道皆當一心俱發大願時七萬七千菩薩

取此蓮華一時俱發方便大願還以上佛佛
愍受已告彌勒曰我今安隱能使汝等種大
善根阿逸多諸佛難值諸菩薩等亦復難遇
所以者何我所得法一切皆從菩薩行生於
汝意云何若如來本不發阿耨多羅三藐三
菩提心者當有十力出世間不不也世尊阿
逸多於汝意云何若如來不發阿耨多羅三
藐三菩提心當有四無所畏出世間不不也
世尊阿逸多若如來本不發阿耨多羅三藐
三菩提心當有大慈大悲大喜大捨出世間

不不也世尊若如來本不發阿耨多羅三藐三菩提心當有十八不共法出世間不不也世尊若如來本不發阿耨多羅三藐三菩提心當有不虛行法出世間不不也世尊若如來本不發阿耨多羅三藐三菩提心當有象第十一王觀法出世間不不也世尊若如來本不發阿耨多羅三藐三菩提心當有師子奮迅三昧出世間不不也世尊若如來本不發阿耨多羅三藐三菩提心當有無見頂相出世間不不也世尊若如來本不發阿耨多羅三藐

三菩提心當有三轉十二行法輪出世間不不也世尊若如來本不發阿耨多羅三藐三菩提心當有三十二大人相出世間不不也世尊若如來本不發阿耨多羅三藐三菩提心當有百千無量法具出世間不不也世尊若如來本不發阿耨多羅三藐三菩提心當有聲聞大衆出世間不不也世尊是故阿逸多當知諸佛一切功德皆在初發調伏心中是故菩薩世間難遇佛亦難值阿逸多譬如無牛則無醍醐如是若無菩薩發心則無佛

種若有牛則有醍醐如是若有菩薩發心則
 佛種不斷阿逸多譬如種則有華實如是
 若有菩薩發心則佛種不斷是故當知發心
 為難發心難故佛亦難得阿逸多譬如海寶
 無價者少餘寶甚多如是衆生少有能發菩
 薩心者多起聲聞辟支佛意是故當知菩薩
 心者第一難得如優曇華時時一現是珍寶
 心以無價故是心如須彌極高大故是心如
 空不可壞故是心如海深難測故是心無比
 勝滿三千大千世界摩尼珠故阿逸多假使

是心有形色者世間天人阿脩羅等皆應敬
 禮是故汝等為發此心當勤精進深生欲樂

佛說華手經卷第二

音釋

培都回切 拷苦浩切 瘥治也 搏補各切
 也聚也 悚息揆切 稍所角切 瘥治也 搏補各切
 也懼也 杼直呂切 而泄之也

永樂北藏

佛說華手經

第五〇册

佛說華手經卷第三

欲三

姚秦三藏法師鳩摩羅什譯

無憂品第十二

爾時佛告彌勒菩薩言阿逸多何等名為真菩薩心菩薩心者不可思量不可宣示我今

欲三

欲說譬喻證明此心阿逸多乃往過去無量無邊阿僧祇劫爾時有佛號曰安王如來應供正遍知明行足善逝世間解無上士調御丈夫天人師佛世尊是安王佛壽八萬四千歲有三大會初會說法七十億人得阿羅漢

第二大會九十億人得阿羅漢第三大會滿百億人得阿羅漢諸漏已盡所作已辦棄捨重擔速得已利盡諸有結正智解脫時有灌頂大王名師子德王大人有二太子一名無憂二名離憂一時俱生是二王子共戲殿上見安王佛大眾圍遶入喜見城即時無憂謂離憂曰見安王佛從彼來耶離憂言見時無憂言我等可作如安王佛即為離憂而說偈言
離憂汝且觀 是安王世尊 大眾所敬繞

安詳從彼來 我生如是心 欲求無上道

度生老病死 一切苦眾生 貪嫉恚慢故

而作眾罪業 作眾罪業已 輪轉諸惡趣

我當求佛道 度此等眾生 離憂汝亦當

發此無上心 諸佛甚難值 如優曇鉢華

爾時離憂以偈答曰

言說無所成 世多說不行 我不以言說

但心行菩提 世多言作佛 不能如說行

是人皆虛言 終無實果報 若但以言說

而能得佛道 一切言說者 皆應得作佛

爾時無憂重說偈言

若如汝發心 是則為慳貪 畏諸乞求故

發心而無言 大人請眾生 等施財法分

一切無所悋 但欲成菩提 若如是發心

名為懈怠者 恐不如說行 是則為可耻

汝疑無上道故三 無量難獨成 預生如是心

故不敢發言

時離憂言當共往問安王如來我等發心誰

為是真若從佛聞自當知之作是語已即時

離憂從梯而下為供養故持真珠履及上寶

離憂從梯而下為供養故持真珠履及上寶

衣價直一億往詣佛所於時無憂即從殿上
 自投而下身無所損安隱而立往詣佛所脫
 身寶衣解髻明珠奉安王佛佛愍受之離憂
 從後來到佛所時見無憂在佛邊立即問之
 曰從何道來無憂答言我於殿上自投而下
 身無傷損安立佛所離憂即以無價寶衣及
 摩尼履奉安王佛而說偈言
 我得見世尊 而從非道行 今當修正道
 諸佛之所讚
 爾時無憂又說偈言

若人惜身命	猶汝來求道	是人為自利
不能益眾生	我不惜身命	願受諸勤苦
為利益眾生	度眾苦惱者	見佛即是道
不應更餘求	凡夫行正道	實墮邪徑中
眾生在邪道	見是正是邪	貪著即魔縛
則遠離正道	<small>欲三</small> 我願常值佛	<small>三</small> 常願得出家
常淨修梵行	世世度眾生	常安住善法
常持佛法藏	以是所持法	大利益眾生
常發行精進	聞法即解義	常住於禪定
功德故高尊		

阿逸多是二王子說此偈已於安王佛所出家修道各相謂言我先作佛時無憂比丘語離憂曰汝以何行欲先作佛離憂答言我發心爲一一衆生於萬億劫受地獄苦而心無悔至得阿耨多羅三藐三菩提我以如是堅固莊嚴又以堪忍柔和之心假使有人從東方來持諸糞火屎尿毒瓶擊我頭上我於爾時不生瞋恨不惡眼視亦不呵罵但作是念我今行忍爲求佛法生佛智慧欲令此人得滅度故若我瞋恨與彼何異我是行人彼非

行者我不應起非行者業行者之業我所應起所謂自斷瞋恨亦斷無量衆生瞋恨而爲說法我爲阿耨多羅三藐三菩提故如是莊嚴爾時無憂問離憂曰汝見是心以如是心發莊嚴耶離憂答言若無是心則無莊嚴若無莊嚴云何當有菩薩修道是故當知有是心故菩薩修道出於世間無憂比丘語離憂言莫作此說有是心故故有莊嚴所以者何心空如幻念念生滅若空如幻念念生滅是法無相亦無無相離憂若有若無皆名爲見

若有是見皆是邪見若是邪見即是邪道不
名菩提是人遠離菩提之道無所希望是故
當知有無等法皆是戲論戲論法者菩薩不
應親近修習何法菩薩所應習近無法菩薩
所應習近所以者何若法可習是則非法是
故菩薩於一切法不應樂著所以者何是阿
耨多羅三藐三菩提非著法故若菩薩如是
得解亦是非法所以者何非得解相是名菩
提菩薩有如是知如是觀者亦墮非法所以
者何無解脫相是名菩提若菩薩如是修習

我於是法當如是證即墮非法所以者何無
性無說是名菩提爾時離憂謂無憂言若菩
提有汝當言有無應言無汝何以故於阿耨
多羅三藐三菩提中都無所說無憂答言汝
善知識菩提名爲非戲論法汝莫戲論若有
若無所以者何諸有戲論皆非菩提若無戲
論即是菩提時離憂言善知識我於汝說不
解義趣謂諸戲論皆非菩提無戲論法是即
菩提無憂答言汝善知識可共詣佛請決所
疑時二比丘俱詣佛所頂禮佛足於一面坐

離憂比丘以先所論具向佛說時安王佛可
無憂言善哉善哉既印可已告離憂曰如無
憂言謂有戲論皆非菩提無戲論法是則善
提所以者何離諸戲論是名菩提云何為離
一切戲論皆悉寂滅何名戲論色陰戲論受
想行陰識陰戲論戒品定品慧品戲論少欲
知足苦行頭陀易滿易養空閑靜處皆是戲
論是諸戲論從何處起皆從憶想分別故起
何謂分別謂分別色受想行識分別戒品定
品慧品少欲知足諸善法等若分別色即是

非色是分別中則無戒品定品慧品少欲知
足行頭陀等是分別中亦無色空又若分別
受想行識即是非識是分別中則無戒品定
品慧品少欲知足行頭陀等是分別中亦無
識空能如此知是慧亦空如是空中無有諸
相若一若異是名菩提爾時離憂聞說是法
逮無生忍又亦得知是菩提心以是心故名
為菩薩時二菩薩觀如是法信解隨順八萬
歲中常勤精進經行不息未曾睡卧八萬歲
中不生貪欲恚癡之心是二菩薩於此命終

即生下方第十世界妙肩佛所俱共出家自
 識宿命精進如前如是展轉從一佛所至一
 佛所得值六百八千萬億諸佛世尊於諸佛
 法常得出家精進如前然後無憂先得作佛
 號上眾嚴離憂菩薩於餘佛國後得作佛號
 曰上眾佛告彌勒是二佛法廣宣流布壽命
 無量阿僧祇劫阿逸多是名菩薩摩訶薩心
 無來無去無所貪著無生無滅無住無動若
 有眾生起是心者則為希有爾時世尊欲明
 此義而說偈言

佛燈出於世	萬億劫難值	如優曇鉢華
時時乃一現	深發菩提心	正行佛道者
如是大菩薩	世間亦難遇	是故若有人
能發此大心	斯人當作佛	處眾師子吼
自在師子吼	能轉淨法輪	佛神通無礙
皆在初心中	佛相三十二	十八不共法
是法及諸相	皆在初心中	諸佛不虛行
象王迴觀法	及無見頂相	皆在初心中
布施持戒忍	精進禪智慧	此諸波羅蜜
皆在初心中	如是等功德	及餘諸佛法

當知是一切	皆在初心中	聲聞戒定慧
及衆神通力	如是諸善法	亦在初心中
若我本不發	無上菩提心	今則不能得
一切佛智慧	尚不能自得	況令衆生聞
聲聞弟子衆	亦不出世間	若深行因緣
證辟支佛道	為世作福田	入無餘泥洹
是等諸功德	亦在初心中	世間出世間
一切諸樂具	當知此等事	皆由菩提心
汝等觀是心	所得之報果	無量無數劫
不能盡其邊	汝等觀是心	念念常生滅

如幻無所有	而得大果報	是心屬因緣
無一決定相	如是不定心	能得大果報
是心不在緣	亦不離衆緣	非有亦非無
而起大果報	智者知是心	能生佛智慧
誰當不貴重	唯除貪著者	若人依止色
依受想行識	於法作二相	以虛誑自縛
如人在虛空	自謂我有縛	是人自繫故
常縛果報中	是故知心性	虛誑無所有
不應生疑見	是心非定相	是心及衆緣
皆空無自性	若人如是知	終不退菩提

若法性自空	是法即無生	一切無生法
是名真智種	若人如是知	我授菩提記
不以陰離陰	而可得受記	若知法無相
亦不取此慧	如是正智者	是名真發心
得是堅固心	斯人則能忍	惡口諸毀辱
刀杖等衆苦	若人得是忍	則無貪恚心
自得利不高	亦不嫉他人	能通達是忍
滅有無二邊	斯人於世間	能行不壞智
是故當修此	空無性法忍	我本亦修習
故得成菩提		

中說品第十三

爾時東方過六萬八千阿僧祇界有世界名
 上意是中有佛號曰空性今現在是空性佛
 與月菩薩摩訶薩授阿耨多羅三藐三菩提
 記時月菩薩見大光明聞大音聲問彼佛言
 是爲何佛光明音聲彼佛答言西方去此過
 六萬八千阿僧祇界有世界名娑婆佛號釋
 迦文今現在說菩薩藏經是爲彼佛光明音
 聲時月菩薩白空性佛言世尊我欲詣彼娑
 婆世界見釋迦文佛禮事供養及見彼土具

足莊嚴大菩薩衆彼佛答言欲往隨意時月
菩薩即從座起頂禮佛足遠已欲去時空性
佛持白蓮華與月菩薩作如是言汝持此華
與釋迦文并稱我言問訊彼佛少惱少病起
居輕利氣力強耶時月菩薩如大力士屈伸
臂頃於彼佛土忽然不現到此世界至王舍
城行詣竹園頂禮佛足於一面立而白佛言
空性如來問訊世尊少惱少病起居輕利遊
步安耶以此蓮華持與世尊時佛受華問月
菩薩言善男子彼空性佛少病少惱氣力安

不時月菩薩白世尊曰空性如來於彼世界
安隱無恙東方去此過于四萬阿僧祇界有
世界名妙陀羅尼是中有佛號名闍力王今
現在爲智流布菩薩摩訶薩授阿耨多羅三
藐三菩提記時此菩薩見大光明聞大音聲
問名闍力王佛言世尊今此光明及大音聲
是誰所爲彼佛答言西方去此過于四萬阿
僧祇界有世界名娑婆佛號釋迦文今現在
爲諸菩薩說斷衆生疑令衆歡喜菩薩藏經
是爲彼佛光明音聲時智流布菩薩白彼佛

言世尊我欲往詣彼娑婆世界見釋迦文佛
禮事供養及見彼土具足莊嚴大菩薩衆彼
佛答言欲往隨意時智流布旣蒙聽許頂禮
佛足遶已欲去時名闍力王佛即以一裹赤
末梅檀而與之曰汝持此香與釋迦文并以
我言問訊彼佛少惱少病起居輕利氣力安
耶時彼菩薩如大力士屈伸臂項於彼佛土
忽然不現到此世界至王舍城行詣竹園頂
禮佛足於一面立而白佛言名闍力王佛問
訊世尊少病少惱起居輕利遊安耶以此

末香持與世尊佛受香已而問之曰名闍力
王佛少病少惱氣力安不彼菩薩言名闍世
尊於彼世界安隱無恙東方去此過三萬九
千阿僧祇界有世界名月出光是中有佛號
曰放光今現在爲明輪菩薩摩訶薩授阿耨
多羅三藐三菩提記時明輪菩薩見大光明
聞馨芬聲問放光佛言世尊是爲何佛光明
音聲彼佛答言西方去此三萬九千阿僧祇
界有世界名娑婆是中有佛號釋迦文今現
在爲諸菩薩說斷衆生疑令衆歡喜菩薩藏

經是爲彼佛光明音聲時明輪菩薩白放光
佛言世尊我欲詣彼娑婆世界見釋迦文佛
禮事供養及見彼土具足莊嚴大菩薩衆彼
佛答言欲往隨意時明輪菩薩旣蒙聽許頂
禮佛足逸已欲去彼佛即以一大蓮華與明
輪曰汝持此華與釋迦文并稱我言問訊彼
佛少病少惱起居輕利遊步強耶時彼菩薩
如大力士屈伸臂頂於彼佛土忽然不現到
此世界至王舍城行詣竹園頂禮佛足於一
面立而白佛言放光如來問訊世尊少病少

惱氣力安不以此蓮華持與世尊佛受華已
而問之曰放光如來遊步康耶明輪答言放
光世尊於彼世界安隱無恙東方去此度三
萬八千阿僧祇界有世界名袈娑相是中有
佛號曰離垢今現在爲無邊寶嚴菩薩摩訶
薩授阿耨多羅三藐三菩提三記時無邊寶嚴
菩薩見大光明聞聲歎聲問離垢佛言是爲
何佛光明音聲彼佛答言西方去此過三萬
八千阿僧祇界有世界名娑婆是中有佛號
釋迦文今現在爲諸菩薩說斷衆生疑令衆

歡喜菩薩藏經是爲彼佛光明音聲時無邊
寶嚴菩薩白彼佛言世尊我欲往詣娑婆世
界見釋迦文佛禮事供養及欲見彼具足莊
嚴大菩薩衆離垢佛言欲往隨意即時彼佛
以一袈裟而與之言汝持此衣與釋迦文并
稱我言問訊彼佛少病少惱起居輕利遊步
安耶時彼菩薩如大力士屈伸臂頃於彼佛
土忽然不現到此世界至王舍城行詣竹園
頂禮佛足於一面立而白佛言離垢如來問
訊世尊少病少惱氣力安不持此袈裟以與

世尊佛受衣已而問之曰離垢如來於彼世
界遊步安耶彼菩薩言離垢世尊於彼世界
安隱無恙東方去此過三萬七千阿僧祇界
有世界名蓮華是中有佛號雜華生德今現
在爲無量精進菩薩摩訶薩授阿耨多羅三
藐三菩提記時無量精進菩薩見大光明聞
警欬聲問雜華生德佛言是爲何佛光明音
聲彼佛答言西方去此過三萬七千阿僧祇
界有世界名娑婆是中有佛號釋迦文今現
在爲諸菩薩說斷衆生疑令衆歡喜菩薩菩

經是爲彼佛光明音聲時無量精進菩薩白
雜華生德佛言我欲往詣娑婆世界見釋迦
文佛禮事供養及見彼土具足莊嚴大菩薩
衆彼佛答言欲往隨意彼佛即以一大蓮華
而與之曰汝持此華與釋迦文并稱我言問
訊彼佛少病少惱起居輕利遊步強耶時彼
菩薩如大力士屈伸臂頃於彼佛土忽然不
現到此世界至王舍城詣竹園中頂禮佛足
於一面立而白佛言雜華生德佛問訊世尊
少病少惱氣力安不以此蓮華持與世尊佛

受華已而問之曰雜華生德如來在彼世界
遊步康耶彼菩薩言雜華世尊於彼世界安
隱無恙東方去此過三萬七千阿僧祇界有
世界名一蓋是中有佛號離怖畏今現在爲
網明菩薩摩訶薩授阿耨多羅三藐三菩提
記時網明菩薩見大光明聞馨歎聲問彼佛
言是爲何佛光明音聲彼佛答言西方去此
過三萬七千阿僧祇界有世界名娑婆是中
有佛號釋迦文今現在爲諸菩薩說斷衆生
疑令衆歡喜菩薩藏經是爲彼佛光明音聲

時網明菩薩白離怖畏佛言我欲往詣娑婆
世界見釋迦文佛禮事供養及見彼土具足
莊嚴大菩薩衆彼佛答言欲往隨意時彼如
來即以百莖五色衆華與網明日汝持此華
與釋迦文并稱我言問訊彼佛少病少惱起
居輕利遊步安耶時彼菩薩如大力士屈伸
臂頃於彼佛土忽然不現到此世界至王舍
城行詣竹園頂禮佛足却住一面而白佛言
離怖畏佛問訊世尊少病少惱氣力安不以
此衆華持與世尊佛受華已問網明言離怖

畏如來在彼世界遊步康耶網明答言離怖
畏世尊於彼世界安隱無恙東方去此過三
萬六千阿僧祇界有世界名上清淨是中有
佛號曰智聚今現在爲智力菩薩摩訶薩授
阿耨多羅三藐三菩提記時智力菩薩見大
光明聞大音聲問智聚佛言世尊是爲何佛
光明音聲彼佛答言西方去此度三萬六千
阿僧祇界有世界名娑婆是中有佛號釋迦
文今現在爲諸菩薩說斷衆生疑令衆歡喜
菩薩藏經是爲彼佛光明音聲時智力菩薩

白智聚佛言我欲往詣娑婆世界見釋迦文
佛禮事供養及見彼土具足莊嚴大菩薩衆
智聚佛言欲往隨意時智聚佛持衆蓮華而
與之曰汝以此華與釋迦文并稱我言問訊
彼佛少病少惱氣力輕強時智力菩薩頂禮
佛足遶已而去餘如上說東方去此過三萬
五千阿僧祇界彼有世界名曰香聚是中有
佛號梅檀香今現在爲離垢菩薩摩訶薩授
阿耨多羅三藐三菩提記時離垢菩薩見大
光明聞馨歎聲問梅檀香佛言世尊是爲何

佛光明音聲彼佛答言西方去此過三萬五
千阿僧祇界有世界名曰娑婆是中有佛號
釋迦文今現在說菩薩藏經時離垢菩薩白
梅檀香佛言世尊我欲往詣娑婆世界見釋
迦文佛禮事供養及見彼土具足莊嚴大菩
薩衆彼佛答言欲往隨意彼佛即以末梅檀
裹而與之曰汝持此香與釋迦文時彼菩薩
頂禮佛足遶已而去餘如上說東方去此過
三萬五千阿僧祇界有世界名阿竭流香是
中有佛號大聲眼今現在爲利世菩薩摩訶

薩授阿耨多羅三藐三菩提記時利世菩薩見大光明聞大音聲問大聲眼佛言世尊是爲何佛光明音聲彼佛答言西方過此三萬五千阿僧祇界彼有世界名曰娑婆是中有佛名釋迦文今現在爲菩薩說斷衆生疑令衆歡喜菩薩藏經是爲彼佛光明音聲時利世菩薩白大聲眼佛言世尊我欲往詣娑婆世界見釋迦文佛禮事供養及見彼土具足莊嚴大菩薩衆彼佛答言欲往隨意彼佛以一高大蓮華而與之曰汝持此華與釋迦文

并稱我言問訊彼佛少病少惱氣力強耶時利世菩薩頂禮佛足遶已而去餘如上說東方去此度三萬四千阿僧祇界彼有世界名無邊聚是中有佛號曰寶積今現在爲重智菩薩摩訶薩授阿耨多羅三藐三菩提記時三重智菩薩見大光明聞大音聲問寶積佛言世尊是爲何佛光明音聲彼佛答言西方過此三萬四千阿僧祇界彼有世界名曰娑婆是中有佛號釋迦文今現在爲菩薩說斷衆生疑令衆歡喜菩薩藏經是爲彼佛光明音

聲時重智菩薩白寶積佛言世尊我欲詣娑婆世界見釋迦文佛禮事供養及見彼土大菩薩衆彼佛答言欲往隨意時寶積佛即以一莖五色蓮華而與之曰汝持此華與釋迦文并稱我言問訊彼佛少病少惱起居輕利遊步強耶時彼菩薩頂禮佛足遠已而去餘如上說東方去此過于三萬阿僧祇界彼有世界名曰衆香是有佛號曰香象今現在爲寶象菩薩摩訶薩授阿耨多羅三藐三菩提記時寶象菩薩見大光明聞大音聲問香

象佛言此爲何佛光明音聲彼佛答言西方去此過于三萬阿僧祇界有世界名娑婆佛號釋迦文今現在是爲彼佛光明音聲餘如上說

總相品第十四

欲三

十五

東方去此過于三萬阿僧祇界彼有世界名曰廣妙是有佛號曰上衆今現在爲智衆菩薩摩訶薩授無上道記餘如上說東方去此過三萬二千阿僧祇界有世界名雜相是中有佛號彌樓肩今現在爲自在力菩薩摩

訶薩授無上道記餘如上說東方去此過三萬二千阿僧祇界有世界名華蓋是中有佛號曰一蓋今現在爲一寶藏菩薩摩訶薩授無上道記餘如上說東方去此度三萬二千阿僧祇界有世界名普明是中有佛號無礙眼今現在爲智自在菩薩摩訶薩授無上道記餘如上說東方去此過三萬一千阿僧祇界有世界名善是中有佛號梅檀窟今現在爲重智菩薩摩訶薩授無上道記餘如上說東方去此過三萬一千阿僧祇界有世界名

善意是中有佛號曰妙肩今現在爲莊嚴菩薩摩訶薩授無上道記餘如上說東方去此過三萬一千阿僧祇界有世界名寶德是中有佛號曰網明今現在爲智德菩薩摩訶薩授無上道記餘如上說東方去此過三萬一千阿僧祇界有世界名德樂是中有佛號寶華德今現在爲高華德菩薩摩訶薩授無上道記餘如上說東方去此過三萬一千阿僧祇界有世界名讚嘆是中有佛號智華寶明德今現在爲上嚴菩薩摩訶薩授無上道記

餘如上說東方去此過三萬一千阿僧祇界
有世界名衆善是中有佛號善出光今現在
爲寶光菩薩摩訶薩授無上道記餘如上說
東方去此過于三萬阿僧祇界有世界名安
隱是中有佛號滅諸怖畏今現在爲無怖畏
菩薩摩訶薩授無上道記餘如上說東方去
此過于三萬阿僧祇界有世界名彌樓相是
中有佛號彌樓肩今現在爲妙肩菩薩摩訶
薩授無上道記餘如上說東方去此度二萬
九千阿僧祇界有世界名度一切憂惱是中

有佛號曰安王今現在爲梵音聲菩薩摩訶
薩授無上道記餘如上說東方去此過二萬
九千阿僧祇界有世界名法是中有佛號曰
法積今現在爲智積菩薩摩訶薩授無上道
記餘如上說東方去此度二萬八千阿僧祇
界有世界名安立是中有佛號增十光今現
在爲增百光菩薩摩訶薩授無上道記餘如
上說東方去此過二萬八千阿僧祇界有世
界名千明是中有佛號增千光今現在爲普
明菩薩摩訶薩授無上道記餘如上說東方

去此度二萬八千阿僧祇界有世界名多伽
樓香是中有佛號曰智光今現在爲妙眼菩
薩摩訶薩授無上道記餘如上說東方去此
過二萬七千阿僧祇界有世界名妙香是中
有佛號寶出光今現在爲無邊明菩薩摩訶
薩授無上道記餘如上說東方去此過二萬
七千阿僧祇界有世界名明嚴德是中有佛
號無邊光今現在爲藥王菩薩摩訶薩授無
上道記餘如上說東方去此過二萬六千阿
僧祇界有世界名上善德是中有佛號無礙

三

十七

音今現在爲梵音聲菩薩摩訶薩授無上道
記餘如上說東方去此過二萬五千阿僧祇
界有世界名法是中有佛號曰網光今現在
爲日在菩薩摩訶薩授無上道記餘如上說
東方去此過二萬五千阿僧祇界有世界名
衆華是中有佛號曰寶意今現在爲智香菩
薩摩訶薩授無上道記餘如上說東方去此
過二萬四千阿僧祇界有世界名上清淨是
中有佛號無邊陳今現在爲寶陳菩薩摩訶
薩授無上道記餘如上說東方去此過二萬

四千阿僧祇界有世界名優鉢羅是中有佛號無邊自在今現在為曇無竭菩薩摩訶薩授無上道記餘如上說東方去此過二萬三千阿僧祇界有世界名覺意處是中有佛號優鉢羅德今現在為華德菩薩摩訶薩授無上道記餘如上說東方去此過二萬三千阿僧祇界有世界名蓮華處是中有佛號曰智住今現在為寶滿菩薩摩訶薩授無上道記餘如上說東方去此過二萬二千阿僧祇界有世界名智力是中有佛號釋迦文今現在

為寶牟尼菩薩摩訶薩授無上道記餘如上說東方去此過二萬二千阿僧祇界有世界名方流布是中有佛號智流布今現在為無邊精進菩薩摩訶薩授無上道記餘如上說東方去此過二萬一千阿僧祇界有世界名無邊是中有佛號娑羅王三今現在為寶娑羅菩薩摩訶薩授無上道記餘如上說東方去此過二萬阿僧祇界有世界名月是中有佛號寶娑羅今現在為普守菩薩摩訶薩授無上道記餘如上說東方去此過二萬阿僧祇

界有世界名娑呵是有佛號曰調術今現在爲調御菩薩摩訶薩授無上道記餘如上說東方去此過于二萬阿僧祇界有世界名一蓋是中有佛號寶行今現在爲列宿菩薩摩訶薩授無上道記餘如上說東方去此過于二萬阿僧祇界有世界名離一切憂惱是中有佛號不虛稱今現在爲不虛名菩薩摩訶薩授無上道記餘如上說東方去此過一萬九千阿僧祇界有世界名離憂是中有佛號曰德生今現在爲無邊威德菩薩摩訶

薩授無上道記餘如上說東方去此過一萬八千阿僧祇界有世界名寂滅是中有佛號流布王今現在爲勇德菩薩摩訶薩授無上道記餘如上說東方去此過一萬七千阿僧祇界有世界名不虛見是中有佛號不虛力三今現在爲不虛嚴菩薩摩訶薩授無上道記餘如上說東方去此過萬六千阿僧祇界有世界名妙香是中有佛號曰香明今現在爲寶明菩薩摩訶薩授無上道記餘如上說東方去此過萬五千阿僧祇界有世界名梵音七

聲是中有佛號無礙音今現在爲無差別嚴
菩薩摩訶薩授無上道記餘如上說東方去
此過萬五千阿僧祇界有世界名月光是中
有佛號名聞力今現在爲大智菩薩摩訶薩
授無上道記餘如上說東方去此過一萬五
千阿僧祇界有世界名普明是中有佛號須
彌頂高王今現在爲智力菩薩摩訶薩授無
上道記餘如上說東方去此過一萬五千阿
僧祇界有世界名寶嚴是中有佛號寶生德
今現在爲大導師菩薩摩訶薩授無上道記

餘如上說東方去此過萬四千阿僧祇界有
世界名法是中有佛號曰華上今現在爲得
力菩薩摩訶薩授無上道記餘如上說東方
去此過萬四千阿僧祇界有世界名華住是
中有佛號曰寶高今現在爲名德菩薩摩訶
薩授無上道記餘如上說東方去此過萬四
千阿僧祇界有世界名妙陀羅尼王是中有
佛號曰香明今現在爲陀羅尼自在王菩薩
摩訶薩授無上道記餘如上說東方去此過
萬三千阿僧祇界有世界名金明是中有佛

號方流布嚴今現在爲智流布嚴菩薩摩訶
薩授無上道記餘如上說東方去此過萬三
千阿僧祇界有世界名高智是中有佛號普
守增上雲音王今現在爲宿王菩薩摩訶薩
授無上道記餘如上說東方去此過萬二千
阿僧祇界有世界名常明是中有佛號無邊
明今現在爲大明菩薩摩訶薩授無上道記
餘如上說東方去此過萬二千阿僧祇界有
世界名錠光是中有佛號無邊慧成今現在
爲德王明菩薩摩訶薩授無上道記餘如上

說東方去此過萬一千阿僧祇界有世界名
然燈是中有佛號無邊功德智明今現在爲
功德王明菩薩摩訶薩授無上道記彼世界
有無量寶池中皆有青黃赤白種種雜色
千葉蓮華皆悉廣大從水而出上高八萬四
千由旬一一華葉出千光明遍照十方諸巷
陌中皆悉平正寶繩連綿以界道側此諸巷
中皆有寶樹其樹皆高七千由旬枝葉廣大
能覆八萬四千由旬一一樹上皆有八十億
摩尼珠以爲果實如是諸樹無量無數蓮華

光明常照世界釋迦文佛淨光所蔽悉不復
現時功德王明菩薩見此大光問無邊功德
智明佛言世尊是何光明映照此界彼佛答
言西方去此過萬一千阿僧祇界有一世界
名曰娑婆是中有佛號釋迦文今現在爲諸
菩薩說斷衆生疑令衆歡喜菩薩藏經是其
光明時功德王明菩薩白無邊功德智明佛
言我欲往詣娑婆世界見釋迦文佛禮事供
養彼佛報言欲往隨意是時即以一大蓮華
而與之曰汝持此華與釋迦文并稱我言問

訊彼佛少惱少病起居輕利遊步康耶時彼
菩薩如大力士屈伸臂頃於彼佛土忽然不
現到此世界至王舍城行詣竹園頂禮佛足
却住一面向佛言世尊無邊功德智明如來
問訊世尊少病少惱氣力安不持此蓮華以
與世尊佛受華已而問之曰無邊功德智明
如來於彼世界少惱少病遊步康耶彼菩薩
言無邊功德智明世尊在彼世界安隱無恙
從然燈刹至此中間有世界名雜相是中有
佛號曰上衆今現在爲那羅延菩薩摩訶薩

授無上道記餘如上說從雜相刹至此中間
有世界名方流布是中有佛號佛華生德今
現在爲不虛力菩薩摩訶薩授無上道記餘
如上說從方流布刹至此中間有世界名金
剛住是中有佛號佛華出王今現在爲寶火
菩薩摩訶薩授無上道記餘如上說從金剛
住刹至此中間有世界名梅檀窟是中有佛
號曰寶像今現在爲觀世音菩薩摩訶薩授
無上道記餘如上說從梅檀窟刹至此中間
有世界名藥是中有佛號不虛稱今現在爲

不虛嚴菩薩摩訶薩授無上道記餘如上說
從藥刹至此中間有世界名藥生是中有佛
號無邊功德精進嚴今現在爲持戒菩薩摩
訶薩授無上道記餘如上說從藥生刹至此
中間有世界名普莊嚴是中有佛號發意即
嚴一切衆生心飲三今現在爲佛華手菩薩摩訶
薩授無上道記餘如上說從普莊嚴刹至此
中間有世界名一蓋是中有佛號蓋行列今
現在爲寶行列菩薩摩訶薩授無上道記餘
如上說從一蓋刹至此中間有世界名上華

光是有佛號明德王今現在為安立菩薩
 摩訶薩授無上道記餘如上說從上華光刹
 至此中間有世界名妙莊嚴是有佛號德
 王明今現在為住諸功德菩薩摩訶薩授無
 上道記餘如上說從妙莊嚴刹至此中間有
 世界名無邊德嚴是有佛號度功德邊今
 現在為無邊功德稱菩薩摩訶薩授無上道
 記餘如上說從無邊德嚴刹至此中間有世
 界名十方流布是有佛號曰然燈今現在
 為轉諸行嚴菩薩摩訶薩授無上道記餘如

上說從十方流布刹至此中間有世界名燈
 行列是有佛號曰然燈今現在為寶積菩
 薩摩訶薩授無上道記餘如上說從燈行列
 刹至此中間有世界名珊瑚牙是有佛號
 曰作明今現在為德積菩薩摩訶薩授無上
 道記餘如上說從珊瑚牙刹至此中間有世
 界名眾善是有佛號曰無畏今現在為寶
 樂菩薩摩訶薩授無上道記餘如上說從眾
 善刹至此中間有世界名眾善是有佛號
 曰德味今現在為得無畏菩薩摩訶薩授無

上道記餘如上說從衆善刹至此中間有世
界名上善是中有佛號曰無畏今現在爲離
怖畏菩薩摩訶薩授無上道記餘如上說從
上善刹至此中間有世界名蓮華是中有佛
號曰華德今現在爲智手菩薩摩訶薩授無
上道記餘如上說從蓮華刹至此中間有世
界名優鉢羅是中有佛號智華德今現在爲
無行行菩薩摩訶薩授無上道記餘如上說
從優鉢羅刹至此中間有世界名寶生是中
有佛號曰寶積今現在爲法積菩薩摩訶薩

授無上道記餘如上說從寶生刹至此中間
有世界名妙月是中有佛號無邊願今現在
爲演華菩薩摩訶薩授無上道記餘如上說
從妙月刹至此中間有世界名安住是中有
佛號無邊功德王安立今現在爲曇無竭菩
薩摩訶薩授無上道記餘如上說從安住刹
至此中間有世界名住林是中有佛號曰寶
肩今現在爲藥王菩薩摩訶薩授無上道記
餘如上說從住林刹至此中間有世界名衆
香是中有佛號娑羅王今現在爲蓋意菩薩

摩訶薩授無上道記餘如上說從衆香刹至
此中間有世界名華德是中有佛號曰寶明
今現在爲日德菩薩摩訶薩授無上道記餘
如上說從華德刹至此中間有世界名一聚
是中有佛號曰寶聚今現在爲火德菩薩摩
訶薩授無上道記餘如上說從一聚刹至此
中間有世界名過諸憂惱是中有佛號曰上
衆今現在爲上嚴菩薩摩訶薩授無上道記
餘如上說從過諸憂惱刹至此中間有世界
名離憂是中有佛號無邊德嚴今現在爲善

思嚴菩薩摩訶薩授無上道記餘如上說從
離憂刹至此中間有世界名諸功德處是中
有佛號觀世音今現在爲普守菩薩摩訶薩
授無上道記餘如上說從諸功德處刹至此
中間有世界名寶明是中有佛號須彌明今
現在爲安住菩薩摩訶薩授無上道記餘如
上說從寶明刹至此中間有世界名一切功
德莊嚴是中有佛號無邊自在力今現在爲
樂善菩薩摩訶薩授無上道記餘如上說從
一切功德莊嚴刹至此中間有世界名覺意

莊嚴是中有佛號極高行今現在為善思益
意菩薩摩訶薩授無上道記餘如上說從覺
意莊嚴刹至此中間有世界名無塵垢是中
有佛號寶華德今現在為益意得菩薩摩訶
薩授無上道記餘如上說從無塵垢刹至此
中間有世界名雲陰是中有佛號無量神通
自在今現在為得念菩薩摩訶薩授無上道
記餘如上說從雲陰刹至此中間有世界名
華網覆是中有佛號隨眾願嚴今現在為益
意菩薩摩訶薩授無上道記餘如上說從華

此三

十五

網覆刹至此中間有世界名列宿是中有佛
號高寶蓋今現在為無憂菩薩摩訶薩授無
上道記餘如上說從列宿刹至此中間有世
界名寶華是中有佛號曰上眾今現在為自
在菩薩摩訶薩授無上道記餘如上說從寶
華刹至此中間有世界名普香是中有佛號
無量華今現在為香象菩薩摩訶薩授無上
道記餘如上說從普香刹至此中間有世界
名華是中有佛號寶華自在今現在為離憂
菩薩摩訶薩授無上道記餘如上說從華刹

至此中間有世界名雜寶相是中有佛號月
出德今現在爲轉諸難菩薩摩訶薩授無上
道記餘如上說從雜寶相刹至此中間有世
界名衆歸是中有佛號發心即轉法輪今現
在爲轉不退法輪菩薩摩訶薩授無上道記
餘如上說從衆歸刹至此中間有世界名多
安是中有佛號十方流布今現在與智流布
菩薩摩訶薩授無上道記餘如上說從多安
刹至此中間有世界名金剛是中有佛號拘
陵王今現在爲利益行菩薩摩訶薩授無上

道記餘如上說從金剛刹至此中間有世界
名樂是中有佛號曰日燈今現在爲月菩薩
摩訶薩授無上道記餘如上說從樂刹至此
中間有世界名安隱是中有佛號曰上寶今
現在爲火得菩薩摩訶薩授無上道記餘如
上說從安隱刹至此中間有世界名娑婆是
中有佛號智生德今現在爲智德菩薩摩訶
薩授無上道記餘如上說從娑婆刹至此中
間有世界名純樂是中有佛號安立功德王
今現在爲離怖菩薩摩訶薩授無上道記餘

第三

十六

如上說從純樂刹至此中間有世界名列宿
開是中有佛號無礙眼今現在爲妙眼菩薩
摩訶薩授無上道記餘如上說從列宿開刹
至此中間有世界名妙金剛是中有佛號曰
無畏今現在爲巨山菩薩摩訶薩授無上道
記餘如上說從妙金剛刹至此中間有世界
名月出是中有佛號曰智聚今現在爲堅力
菩薩摩訶薩授無上道記餘如上說

佛說華手經卷第三

永樂北藏

佛說華手經

第五〇册

佛說華手經卷第四

欲四

姚秦三藏法師鳩摩羅什譯

上清淨品第十五

從月出剎至此中間有世界名上清淨是中
有佛號無相嚴今現在為多精進菩薩摩訶
薩授無上道第四記餘如上說從上清淨剎至此
中間有世界名普明是中有佛號明德聚今
現在為上行菩薩摩訶薩授無上道記餘如
上說從普明剎至此中間有世界名高相是
中有佛號曰因意今現在為淨因菩薩摩訶

薩授無上道記餘如上說從高相剎至此中
間有世界名歡喜是中有佛號那羅延今現
在為調御菩薩摩訶薩授無上道記餘如上
說從歡喜剎至此中間有世界名離垢是中
有佛號離垢相今現在為持明菩薩摩訶薩
授無上道記餘如上說從離垢剎至此中間
有世界名善寶是中有佛號求金剛今現在
為破疑菩薩摩訶薩授無上道記餘如上說
從善寶剎至此中間有世界名一切樂是中
有佛號曰淨意今現在為無量嚴菩薩摩訶

薩授無上道記餘如上說從一切樂刹至此中間有世界名憂惱所纏是有佛號求利安今現在爲世德菩薩摩訶薩授無上道記餘如上說從憂惱所纏刹至此中間有世界名無邊德充是中有佛號善思嚴今現在爲上嚴菩薩摩訶薩授無上道記餘如上說從無邊德充刹至此中間有世界名平等是有佛號曰壞賊今現在爲無礙嚴菩薩摩訶薩授無上道記餘如上說從平等刹至此中間有世界名安隱是中有佛號優鉢德今現

在爲常發精進菩薩摩訶薩授無上道記餘如上說從安隱刹至此中間有世界名方明是中有佛號流布力王今現在爲帝王菩薩摩訶薩授無上道記餘如上說從方明刹至此中間有世界名常照故四明是中有佛號無邊明雲香彌樓二今現在爲智象菩薩摩訶薩授無上道記餘如上說從常照明刹至此中間有世界名常莊嚴是中有佛號曰雜華今現在爲唱甘露味菩薩摩訶薩授無上道記餘如上說從常莊嚴刹至此中間有世界名白

蓋是中有佛號無邊明今現在爲不休息菩薩摩訶薩授無上道記餘如上說從白蓋刹至此中間有世界名常嚴是中有佛號轉男女相今現在爲無邊音菩薩摩訶薩授無上道記餘如上說從常嚴刹至此中間有世界名阿竭流香是中有佛號上香德今現在爲香象菩薩摩訶薩授無上道記餘如上說從阿竭流香刹至此中間有世界名梅檀香是中有佛號寶高王今現在爲無量光菩薩摩訶薩授無上道記餘如上說從梅檀香刹至

此中間有世界名普香是中有佛號香彌樓今現在爲寶彌樓菩薩摩訶薩授無上道記餘如上說從普香刹至此中間有世界名普樂是中有佛號知見一切衆心所樂今現在爲大導師菩薩摩訶薩授無上道記餘如上說從普樂刹至此中間有世界名無相是中有佛號無相音今現在爲離一切法行菩薩摩訶薩授無上道記餘如上說從無相刹至此中間有世界名佛華嚴是中有佛號曰智德今現在爲智光菩薩摩訶薩授無上道記

餘如上說從佛華嚴刹至此中間有世界名華是中有佛號無礙音聲今現在爲妙眼菩薩摩訶薩授無上道記餘如上說從華刹至此中間有世界名月是中有佛號純寶藏今現在爲一蓋菩薩摩訶薩授無上道記餘如上說從月刹至此中間有世界名堅固是中有佛號無動力今現在爲善意菩薩摩訶薩授無上道記餘如上說從堅固刹至此中間有世界名堅牢是中有佛號曰迦葉今現在爲明燈菩薩摩訶薩授無上道記餘如上說

從堅牢刹至此中間有世界名一蓮華蓋是中有佛號示一切緣今現在爲華身菩薩摩訶薩授無上道記餘如上說從一蓮華蓋刹至此中間有世界名栴檀是中有佛號曰調御今現在爲智慧菩薩摩訶薩授無上道記餘如上說從栴檀刹至此中間有世界名真諦是中有佛號曰成利今現在爲現諦菩薩摩訶薩授無上道記餘如上說從真諦刹至此中間有世界名衆月是中有佛號曰生德今現在爲無邊菩薩摩訶薩授無上道記餘

如上說從衆月刹至此中間有世界名離衰
惱是中有佛號曰名稱今現在爲華德菩薩
摩訶薩授無上道記餘如上說從離衰惱刹
至此中間有世界名妙喜是中有佛號壞衆
疑今現在爲喜自在菩薩摩訶薩授無上道
記餘如上說從妙喜刹至此中間有世界名
離塵垢是中有佛號曰智德今現在爲觀華
菩薩摩訶薩授無上道記餘如上說從離塵
垢刹至此中間有世界名離生是中有佛號
曰德味今現在爲壞諸論菩薩摩訶薩授無

上道記餘如上說從離生刹至此中間有世
界名雜華是中有佛號曰宿王今現在爲善
擇菩薩摩訶薩授無上道記餘如上說從雜
華刹至此中間有世界名極廣是中有佛號
無量相今現在爲寶相菩薩摩訶薩授無上
道記餘如上說從極廣刹至此中間有世界
名恐怖是中有佛號曰梅檀今現在爲月德
菩薩摩訶薩授無上道記餘如上說從恐怖
刹至此中間有世界名衆網是中有佛號網
明今現在爲無畏音菩薩摩訶薩授無上道

記餘如上說從衆網刹至此中間有世界名
無畏是中有佛號曰梵音今現在爲梵聲菩
薩摩訶薩授無上道記餘如上說從無畏刹
至此中間有世界名可歸是中有佛號無量
性德今現在爲無量聲菩薩摩訶薩授無上
道記餘如上說從可歸刹至此中間有世界
名離諸緣是中有佛號不緣一切法今現在
爲無礙嚴菩薩摩訶薩授無上道記餘如上
說從離諸緣刹至此中間有世界名常稱是
中有佛號無能斷嚴今現在爲無邊辯才菩

薩摩訶薩授無上道記餘如上說從常稱刹
至此中間有世界名常喜是中有佛號無邊
自在今現在爲不斷辯才菩薩摩訶薩授無
上道記餘如上說從常喜刹至此中間有世
界名普現是中有佛號示一切法今現在爲
無相嚴菩薩摩訶薩授無上道記餘如上說
從普現刹至此中間有世界名普見是中有
佛號普現諸法今現在爲眼名聞菩薩摩訶
薩授無上道記餘如上說從普見刹至此中
間有世界名生諸功德是中有佛號無邊德

生今現在爲淨眼菩薩摩訶薩授無上道記
餘如上說從生諸功德刹至此中間有世界
名離垢是中有佛號智出光今現在爲無法
行菩薩摩訶薩授無上道記餘如上說從離
垢刹至此中間有世界名青蓮華覆是中有
佛號曰華上今現在爲赤蓮華相菩薩摩訶
薩授無上道記餘如上說從青蓮華覆刹至
此中間有世界名赤蓮華覆是中有佛號曰
方生今現在爲方彌樓菩薩摩訶薩授無上
道記餘如上說從赤蓮華覆刹至此中間有

世界名華覆是中有佛號華生德今現在爲
壞諸法菩薩摩訶薩授無上道記餘如上說
從華覆刹至此中間有世界名天世是中有
佛號於衆堅固今現在爲無垢菩薩摩訶薩
授無上道記餘如上說從天世刹至此中間
有世界名妙明是中有佛號曰智明今現在
爲妙生菩薩摩訶薩授無上道記餘如上說
從妙明刹至此中間有世界名樂德是中有
佛號曰智衆今現在爲上衆菩薩摩訶薩授
無上道記餘如上說從樂德刹至此中間有

世界名樂衆是中有佛號曰離胎今現在爲轉諸難菩薩摩訶薩授無上道記餘如上說從衆樂刹至此中間有世界名無濁是中有佛號曰醫王今現在爲尸棄菩薩摩訶薩授無上道記餘如上說從無濁刹至此中間有世界名無量是中有佛號壞諸煩惱今現在爲無差別嚴菩薩摩訶薩授無上道記餘如上說從無量刹至此中間有世界名普讚是中有佛號無邊智讚今現在爲無邊功德生菩薩摩訶薩授無上道記餘如上說從普讚

刹至此中間有世界名衆堅是中有佛號梅檀窟德今現在爲智窟德菩薩摩訶薩授無上道記餘如上說從衆堅刹至此中間有世界名具威德是中有佛號具佛華生今現在爲高生菩薩摩訶薩授無上道記餘如上說從具威德刹至此中間有世界名衆寶是中欣四有佛號娑羅王安立今現在爲安住律儀菩薩摩訶薩授無上道記餘如上說從衆寶刹至此中間有世界名方主是中有佛號月出七光今現在爲月菩薩摩訶薩授無上道記餘

如上說從方主刹至此中間有世界名大海
是中有佛號曰調御今現在爲無憂意菩薩
摩訶薩授無上道記餘如上說從大海刹至
此中間有世界名安住是中有佛號須彌肩
今現在爲止菩薩摩訶薩授無上道記餘如
上說從安住刹至此中間有世界名無怖畏
是中有佛號施名聞今現在爲巨山菩薩摩
訶薩授無上道記餘如上說從無怖畏刹至
此中間有世界名愛香是中有佛號轉諸難
今現在爲稱名離結菩薩摩訶薩授無上道

記餘如上說從愛香刹至此中間有世界名
諸功德住是中有佛號曰名親今現在爲智
親菩薩摩訶薩授無上道記餘如上說從諸
功德住刹至此中間有世界名一切福住是
中有佛號名堅固今現在爲法上菩薩摩訶
薩授無上道記餘如上說從一切福住刹至
此中間有世界名無憂意是中有佛號曰離
憂今現在爲寶火菩薩摩訶薩授無上道記
餘如上說從無憂意刹至此中間有世界名
名聞是中有佛號華生德王今現在爲華王

菩薩摩訶薩授無上道記餘如上說從名聞
刹至此中間有世界名華布長中有佛號演
華相今現在爲香德菩薩摩訶薩授無上道
記餘如上說從華布刹至此中間有世界名
流布十方是中有佛號普放香光今現在爲
必成菩薩摩訶薩授無上道記餘如上說從
流布十方刹至此中間有世界名衆方是中
有佛號曰聲眼今現在爲大聲菩薩摩訶薩
授無上道記餘如上說從衆方刹至此中間
有世界名衆燄是中有佛號曰放燄今現在

爲燄熾菩薩摩訶薩授無上道記餘如上說
從衆燄刹至此中間有世界名大音是中有
佛號名流十方今現在爲大音菩薩摩訶薩
授無上道記餘如上說從大音刹至此中間
有世界名明是中有佛號曰高明今現在爲
須彌山菩薩摩訶薩授無上道記餘如上說
從明刹至此中間有世界名寶明是中有佛
號寶照明今現在爲寶德菩薩摩訶薩授無
上道記餘如上說從寶明刹至此中間有世
界名常熏香是中有佛號曰火然今現在爲

火明菩薩摩訶薩授無上道記餘如上說從常熏香刹至此中間有世界名有吉是中有佛號三界自在力今現在爲三有吉菩薩摩訶薩授無上道記餘如上說從有吉利至此中間有世界名無畏是中有佛號曰明輪今現在爲無畏施菩薩摩訶薩授無上道記餘如上說從無畏刹至此中間有世界名常懸是中有佛號空性自在今現在爲象菩薩摩訶薩授無上道記餘如上說從常懸刹至此中間有世界名安王是中有佛號盡自在力

今現在爲生德菩薩摩訶薩授無上道記餘如上說從安王刹至此中間有世界名普離是中有佛號鼓音今現在爲演香菩薩摩訶薩授無上道記餘如上說從普離刹至此中間有世界名安隱是中有佛號普自在今現在爲無行行菩薩摩訶薩授無上道記餘如上說從安隱刹至此中間有世界名方流布是中有佛號智流布今現在爲無病菩薩摩訶薩授無上道記餘如上說從方流布刹至此中間有世界名陀羅尼是中有佛號曰山

王今現在爲陀羅尼自在王菩薩摩訶薩授
無上道記餘如上說從陀羅尼刹至此中間
有世界名妙陀羅尼是中有佛號明力高王
今現在爲自在力菩薩摩訶薩授無上道記
餘如上說從妙陀羅尼刹至此中間有世界
名妙等是中有佛號曰安立今現在爲波羅
延菩薩摩訶薩授無上道記餘如上說從妙
等刹至此中間有世界名一嚴是中有佛號
佛自在嚴今現在爲具足意菩薩摩訶薩授
無上道記餘如上說從一嚴刹至此中間有

世界名倚思是中有佛號積諸功德今現在
爲無相嚴菩薩摩訶薩授無上道記餘如上
說從倚思刹至此中間有世界名愛是中有
佛號佛寶德成就今現在爲善思行菩薩摩
訶薩授無上道記餘如上說從愛刹至此中
間有世界名列宿^{欲四}是中有佛號智生德今現
在爲歡喜菩薩摩訶薩授無上道記餘如上
說從列宿刹至此中間有世界名列宿嚴是
中有佛號智生明德聚今現在爲妙宿菩薩
摩訶薩授無上道記餘如上說從列宿嚴刹

至此中間有世界名蓮華是中有佛號華生
王今現在爲佛法生菩薩摩訶薩授無上道
記餘如上說從蓮華利至此中間有世界名
衆華是中有佛號上法自在今現在爲智轉
諸難菩薩摩訶薩授無上道記餘如上說從
衆華利至此中間有世界名白蓮華覆是中
有佛號半月光今現在爲須彌德菩薩摩訶
薩授無上道記餘如上說從白蓮華覆利至
此中間有世界名廣是中有佛號曰香象今
現在爲不動菩薩摩訶薩授無上道記餘如

上說從廣利至此中間有世界名上妙是中
有佛號無量明今現在爲無礙音菩薩摩訶
薩授無上道記餘如上說從上妙利至此中
間有世界名衆香是中有佛號蓮華聚今現
在爲弗沙菩薩摩訶薩授無上道記餘如上
說從衆香利至此中間有世界名衆華是中
有佛號華生德今現在爲頂德菩薩摩訶薩
授無上道記餘如上說從衆華利至此中間
有世界名瞻蔔衆是中有佛號梅檀德今現
在爲妙眼菩薩摩訶薩授無上道記餘如上

說從瞻蔔衆刹至此中間有世界名寶藏是中有佛號曰寶聚今現在爲喜見菩薩摩訶薩授無上道記餘如上說從寶藏刹至此中間有世界名明慧是中有佛號上明慧今現在爲善覺菩薩摩訶薩授無上道記餘如上說從明慧刹至此中間有世界名上安是中有佛號曰作安今現在爲安王菩薩摩訶薩授無上道記餘如上說從上安利至此中間有世界名善住是中有佛號無邊德生今現在爲安立菩薩摩訶薩授無上道記餘如上

說從善住刹至此中間有世界名衆多是中有佛號曰明相今現在爲普明菩薩摩訶薩授無上道記餘如上說從衆多刹至此中間有世界名愛香是中有佛號無邊德積今現在爲德生菩薩摩訶薩授無上道記餘如上說從愛香刹至此中間有世界名愛惜是中有佛號衆德生今現在爲畢竟功德成就菩薩摩訶薩授無上道記餘如上說從愛惜刹至此中間有世界名可愛是中有佛號一切功德生今現在爲淨功德畢竟成就菩薩摩

訶薩授無上道記餘如上說從可愛利至此中間有世界名衆蓮華是中有佛號華生德今現在爲樂施菩薩摩訶薩授無上道記餘如上說從衆蓮華利至此中間有世界名金網覆是中有佛號曰持炬今現在爲無貪手菩薩摩訶薩授無上道記餘如上說從金網覆利至此中間有世界名寶網覆是中有佛號寶生德今現在爲寶積菩薩摩訶薩授無上道記餘如上說從寶網覆利至此中間有世界名離畏是中有佛號極高王今現在爲

轉諸難菩薩摩訶薩授無上道記餘如上說從離畏利至此中間有世界名一蓋是中有佛號曰宿王今現在爲列宿菩薩摩訶薩授無上道記餘如上說從一蓋利至此中間有世界名衆雜是中有佛號無邊彌樓今現在爲寶彌樓菩薩摩訶薩授無上道記餘如上說從衆雜利至此中間有世界名妙喜是中有佛號虛淨王今現在爲不思議德菩薩摩訶薩授無上道記餘如上說從妙喜利至此中間有世界名可迎是中有佛號無量音今

現在爲無憂菩薩摩訶薩授無上道記餘如上說從可迦利至此中間有世界名妙音香是中有佛號無量明今現在爲無憂德菩薩摩訶薩授無上道記餘如上說從妙音香利至此中間有世界名上清淨是中有佛號寶彌樓今現在爲真妙音菩薩摩訶薩授無上道記餘如上說從上清淨利至此中間有世界名照明是中有佛號雜寶華嚴今現在爲無邊意菩薩摩訶薩授無上道記餘如上說從照明利至此中間有世界名勢德是中有

佛號日上衆今現在爲衆香菩薩摩訶薩授無上道記餘如上說從勢德利至此中間有世界名寶華是中有佛號離垢嚴今現在爲作明菩薩摩訶薩授無上道記餘如上說從寶華利至此中間有世界名金明是中有佛號曰金華今現在爲照明菩薩摩訶薩授無上道記餘如上說從金明利至此中間有世界名金光是中有佛號曰寶窟今現在爲安住菩薩摩訶薩授無上道記餘如上說從金光利至此中間有世界名衆堅固是中有佛

號雜華生今現在爲勇德菩薩摩訶薩授無
上道記餘如上說從衆堅固刹至此中間有
世界名解脫是中有佛號曰放光今現在爲
彌勒菩薩摩訶薩授無上道記餘如上說從
解脫刹至此中間有世界名放華是中有佛
號華生今現在爲妙華蓋嚴菩薩摩訶薩授
無上道記餘如上說從放華刹至此中間有
世界名衆華是中有佛號曰華蓋今現在爲
金蓋菩薩摩訶薩授無上道記餘如上說從
衆華刹至此中間有世界名衆蓮華是中有

佛號不虛嚴今現在爲無垢嚴菩薩摩訶薩
授無上道記餘如上說從衆蓮華刹至此中
間有世界名衆妙華是中有佛號流布力王
今現在爲樂智菩薩摩訶薩授無上道記餘
如上說從衆妙華刹至此中間有世界名梵
德是中有佛號曰梵音今現在爲妙音菩薩
摩訶薩授無上道記餘如上說從梵德刹至
此中間有世界名幢相是中有佛號自在力
今現在爲淨目菩薩摩訶薩授無上道記餘
如上說從幢相刹至此中間有世界名相是

中有佛號無邊衆今現在爲無邊性菩薩摩訶薩授無上道記錄如上說從相刹至此中間有世界名妙是中有佛號曰調御今現在爲妙衆菩薩摩訶薩授無上道記錄如上說從妙刹至此中間有世界名住處是中有佛號無礙眼今現在爲過行菩薩摩訶薩授無上道記錄如上說從住處刹至此中間有世界名無有是中有佛號壞諸道今現在爲善思嚴菩薩摩訶薩授無上道記錄如上說從無有刹至此中間有世界名疑悔是中有佛

號曰破疑今現在爲壞諸見菩薩摩訶薩授無上道記錄如上說從疑悔刹至此中間有世界名妙禪是中有佛號無相音今現在爲無量明菩薩摩訶薩授無上道記錄如上說從妙禪刹至此中間有世界名德住是中有佛號無邊功德成就今現在爲寶步菩薩摩訶薩授無上道記錄如上說從德住刹至此中間有世界名寶住是中有佛號寶生德今現在爲金剛行菩薩摩訶薩授無上道記錄如上說從寶住刹至此中間有世界名喜是

中有佛號蓮華生德今現在爲寶華菩薩摩訶薩授無上道記餘如上說從喜刹至此中間有世界名蓮華生是有佛號曰寶上今現在爲梵上菩薩摩訶薩授無上道記餘如上說從蓮華生刹至此中間有世界名妙生是有佛號三世無礙嚴今現在爲勇衆菩薩摩訶薩授無上道記餘如上說從妙生刹至此中間有世界名妙明是有佛號無邊明今現在爲樂出要菩薩摩訶薩授無上道記餘如上說從妙明刹至此中間有世界名

覺是有佛號寶彌樓今現在爲大彌樓菩薩摩訶薩授無上道記餘如上說從覺刹至此中間有世界名月燈是有佛號曰燈高德今現在爲光輪菩薩摩訶薩授無上道記餘如上說從月燈刹至此中間有世界名星宿德是有佛號中名士今現在爲淨生德菩薩摩訶薩授無上道記餘如上說從星宿德刹至此中間有世界名炬是有佛號曰炬燈今現在爲增意菩薩摩訶薩授無上道記餘如上說從炬刹至此中間有世界名智

積是中有佛號無上光今現在為德積菩薩
 摩訶薩授無上道記餘如上說從智積刹至
 此中間有世界名出生是中有佛號德王明
 今現在為提舍菩薩摩訶薩授無上道記餘
 如上說從出生刹至此中間有世界名蓮華
 蓋是中有佛號四曰弗沙今現在為鼓音菩薩
 摩訶薩授無上道記餘如上說從蓮華蓋刹
 至此中間有世界名一蓋是中有佛號無邊
 聚今現在為梵音菩薩摩訶薩授無上道記
 餘如上說從一蓋刹至此中間有世界名善

是中有佛號曰德味今現在為有德菩薩摩
 訶薩授無上道記餘如上說從方刹至此中
 間有世界名方是中有佛號曰方等今現在
 為照方菩薩摩訶薩授無上道記餘如上說
 從方刹至此中間有世界名德積是中有佛
 號佛華生德今現在為宿王菩薩摩訶薩授
 無上道記餘如上說從德積刹至此中間有
 世界名娑羅是中有佛號娑羅王今現在為
 兩菩薩摩訶薩授無上道記餘如上說從娑
 羅刹至此中間有世界名住是中有佛號曰

師子今現在爲無驚菩薩摩訶薩授無上道
記餘如上說從住剎至此中間有世界名勸
助是中有佛號寶彌樓今現在爲耶舍菩薩
摩訶薩授無上道記餘如上說從勸助剎至
此中間有世界名蓮華是中有佛號頻婆尸
今現在爲陰雲菩薩摩訶薩授無上道記餘
如上說從蓮華剎至此中間有世界名攝處
是中有佛號曰醫王今現在爲藥王菩薩摩
訶薩授無上道記餘如上說從攝處剎至此
中間有世界名娑呵是中有佛號曰上衆今

現在爲照明菩薩摩訶薩授無上道記餘如
上說從娑呵剎至此中間有世界名善德是
中有佛號上善德今現在爲妙善菩薩摩訶
薩授無上道記餘如上說從善德剎至此中
間有世界名處是中有佛號自在力今現在
爲恒菩薩摩訶薩授無上道記餘如上說從
處剎至此中間有世界名妙香是中有佛號
上香德今現在爲香德菩薩摩訶薩授無上
道記餘如上說從妙香剎至此中間有世界
名香德是中有佛號上香相今現在爲華藏

菩薩摩訶薩授無上道記餘如上說從香德
刹至此中間有世界名栴檀是中有佛號栴
檀窟今現在爲德守菩薩摩訶薩授無上道
記餘如上說從栴檀刹至此中間有世界名
寶網覆是中有佛號無邊明今現在爲無邊
意菩薩摩訶薩授無上道記餘如上說從寶
網覆刹至此中間有世界名金網覆是中有
佛號增十光佛華出今現在爲寶德菩薩摩
訶薩授無上道記餘如上說從金網覆刹至
此中間有世界名蓮華網覆是中有佛號無

邊自在力今現在爲無邊嚴菩薩摩訶薩授
無上道記餘如上說從蓮華網覆刹至此中
間有世界名衆華是中有佛號威華生高王
今現在爲無邊音聲菩薩摩訶薩授無上道
記餘如上說從衆華刹至此中間有世界名
照明是中有佛號曰寶網今現在爲勇德菩
薩摩訶薩授無上道記餘如上說從照明刹
至此中間有世界名月燈是中有佛號安立
王今現在爲不忘念菩薩摩訶薩授無上道
記餘如上說從月燈刹至此中間有世界名

栴檀香是中有佛號上香王今現在爲富足
菩薩摩訶薩授無上道記餘如上說從栴檀
香剎至此中間有世界名樓閣是中有佛號
施一切樂今現在爲求利世菩薩摩訶薩授
無上道記餘如上說從樓閣剎至此中間有
世界名雜窟是中有佛號見一切緣今現在
爲無邊願菩薩摩訶薩授無上道記餘如上
說從雜窟剎至此中間有世界名雜相是中
有佛號不虛稱今現在爲無邊嚴菩薩摩訶
薩授無上道記餘如上說從雜相剎至此中

間有世界名可敬是中有佛號壞諸驚畏今
現在爲師子菩薩摩訶薩授無上道記餘如
上說從可敬剎至此中間有世界名淨是中
有佛號安立王今現在爲珠髻菩薩摩訶薩
授無上道記餘如上說從淨剎至此中間有
世界名金明是中有佛號曰寶明十九今現在爲
寶藏菩薩摩訶薩授無上道記餘如上說從
金明剎至此中間有世界名上淨是中有佛
號利一切衆今現在爲無憂意菩薩摩訶薩
授無上道記餘如上說從上淨剎至此中間

有世界名衆樂是中有佛號無邊空嚴德今現在爲衆生無礙嚴菩薩摩訶薩授無上道記餘如上說從衆樂刹至此中間有世界名一華蓋是中有佛號曰善嚴今現在爲寶相菩薩摩訶薩授無上道記餘如上說從一華蓋刹至此中間有世界名無垢是中有佛號曰空相今現在爲空嚴行菩薩摩訶薩授無上道記餘如上說從無垢刹至此中間有世界名廣大是中有佛號威華生德今現在爲選擇菩薩摩訶薩授無上道記餘如上說從

廣大刹至此中間有世界名善積是中有佛號上善德今現在爲上音菩薩摩訶薩授無上道記餘如上說從善積刹至此中間有世界名作方是中有佛號無邊自在積今現在爲大自在力菩薩摩訶薩授無上道記餘如上說從作方刹至此中間有世界名妙華香是中有佛號曰淨眼今現在爲妙眼菩薩摩訶薩授無上道記餘如上說從妙華香刹至此中間有世界名善住是中有佛號大調御今現在爲大海菩薩摩訶薩授無上道記餘

如上說從善住刹至此中間有世界名無量
無邊是中有佛號最高德彌樓今現在為無
量意菩薩摩訶薩授無上道記餘如上說從
無量無邊刹至此中間有世界名喜生是中
有佛號無勝相今現在為最勝菩薩摩訶薩
授無上道記餘如上說從喜生刹至此中間
有世界名無塵是中有佛號曰眾歸今現在
為無畏菩薩摩訶薩授無上道記餘如上說
從無塵刹至此中間有世界名阿竭流香是
中有佛號無邊香彌樓今現在為上香德菩

薩摩訶薩授無上道記餘如上說從阿竭流
香刹至此中間有世界名多伽流香是中有
佛號月間王今現在為持炬菩薩摩訶薩授
無上道記餘如上說從多伽流香刹至此中
間有世界名上妙是中有佛號上彌樓今現
在為善住菩薩摩訶薩授無上道記餘如上
說從上妙刹至此中間有世界名喜是中有
佛號寶生德今現在為次德菩薩摩訶薩授
無上道記餘如上說從喜刹至此中間有世
界名明是中有佛號名聞彌樓今現在為寶

彌樓菩薩摩訶薩授無上道記餘如上說從
明刹至此中間有世界名輒美是中有佛號
曰美德今現在爲大美德菩薩摩訶薩授無
上道記餘如上說從輒美刹至此中間有世
界名善香是中有佛號曰梵德今現在爲梵
音菩薩摩訶薩授無上道記餘如上說從善
香刹至此中間有世界名帝相是中有佛號
無礙眼今現在爲帝得菩薩摩訶薩授無上
道記餘如上說從帝相刹至此中間有世界
名善處是中有佛號無邊德積今現在爲得

功德菩薩摩訶薩授無上道記餘如上說從
善處刹至此中間有世界名不思議德是中
有佛號威德王今現在爲智高菩薩摩訶薩
授無上道記餘如上說從不思議德刹至此
中間有世界名離相是中有佛號善思願成
今現在爲無邊願菩薩摩訶薩授無上道記
餘如上說從離相刹至此中間有世界名星
宿王是中有佛號曰淨王今現在爲聞彌樓
菩薩摩訶薩授無上道記餘如上說從星宿
王刹至此中間有世界名智明是中有佛號

曰智出今現在爲智出德菩薩摩訶薩授無
上道記餘如上說從智明刹至此中間有世
界名金剛是中有佛號曰勇衆今現在爲智
擇菩薩摩訶薩授無上道記餘如上說從金
剛刹至此中間有世界名智香是中有佛號
曰智聚今現在爲智生德菩薩摩訶薩授無
上道記餘如上說從智香刹至此中間有世
界名方彌樓是中有佛號曰作方今現在爲
方流布菩薩摩訶薩授無上道記餘如上說
從方彌樓刹至此中間有世界名德處是中

有佛號娑訶主今現在爲法燈菩薩摩訶薩
授無上道記餘如上說從德處刹至此中間
有世界名愛是中有佛號曰上離今現在爲
娑訶主菩薩摩訶薩授無上道記餘如上說
從愛刹至此中間有世界名愛趣是中有佛
號曰調御今現在爲愛趣菩薩摩訶薩授無
上道記餘如上說從愛趣刹至此中間有世
界名妙思是中有佛號曰智守今現在爲無
上智菩薩摩訶薩授無上道記餘如上說從
妙思刹至此中間有世界名蓮華出是中有

佛號最高德今現在爲離垢菩薩摩訶薩授
無上道記餘如上說從蓮華出刹至此中間
有世界名無邊德生是有佛號示衆生深
心今現在爲自燈菩薩摩訶薩授無上道記
餘如上說從無邊德生刹至此中間有世界
名歡喜是有佛號無邊德寶今現在爲勇
健菩薩摩訶薩授無上道記餘如上說從歡
喜刹至此中間有世界名倚息是有佛號
滅諸受自在今現在爲常發嚴菩薩摩訶薩
授無上道記餘如上說從倚息刹至此中間

有世界名樂樂是有佛號無礙光今現在
爲妙眼菩薩摩訶薩授無上道記餘如上說
從樂樂刹來過恒河沙等國土中間有世界
名善成是有佛號無礙光佛華最高生德
今現在爲陀羅尼自在王菩薩摩訶薩授無
上道記餘如上說

散華品第十六

從善成刹來過恒河沙等國土中間有世界
名普德成就是中有佛號一切緣中自在現
佛相今現在爲觀佛定善根莊嚴菩薩摩訶

薩授阿耨多羅三藐三菩提記時此菩薩見
大光明聞大音聲白一切緣中自在現佛相
如來言世尊是爲何佛光明音聲彼佛答言
善男子西方去此過萬二千阿僧祇刹彼有
世界名曰娑婆是中有佛號釋迦文今現在
爲諸菩薩說斷衆生疑令衆歡喜菩薩藏經
是爲彼佛光明音聲時觀佛定善根莊嚴菩
薩手執衆華遙散此界以其本願因緣力故
於諸國土無所罣礙遙來到此娑婆世界至
王舍城詣竹園中時會四衆怪未曾有是衆

蓮華遶佛三匝於佛前住各說一偈稱揚如
來及菩薩言

世尊大智慧無邊	自然逮覺無量法
示現無礙神通力	普照十方諸世界
大智慧明諸菩薩	善於問答無所畏
遠聞佛名欲供養	以神通力普集此
皆是一生紹尊位	勇猛堅固大莊嚴
名稱遠聞振十方	皆來集此娑婆界
能爲衆生起大心	深發莊嚴無所畏
我等今請問世尊	云何得證無上道

云何修習諸佛法	能壞魔軍成佛道
爾時世尊釋迦文	與此後來化華語
衆華見佛身無比	又從佛聞真要言
便發勇悅隨喜心	稽首禮佛一面立
即於其處滅不現	衆會見此咸驚疑
是爲何人從何來	問世尊已即不現
時四部衆敬威顏	無敢問佛決所疑
佛即化作比丘像	狀如阿難起發問
爲是何人問世尊	既請問已即不現
唯願世尊決所疑	此事何故所由然

佛言此華從東方	過算數等世界來
汝觀勇猛大莊嚴	菩薩神通之所爲
此菩薩本行道時	深發如是大莊嚴
是故有人求佛道	斯等若念得必定
若爲是等所見者	即能深樂諸善法
離諸懈怠淨持戒	廣博多聞如大海
能善修學權方便	更不受胎常化生
世世往來生死中	常不忘失正法念
在所生值諸佛	與衆賢聖俱集會
常生厭離五欲心	能於佛法信出家

即於見時獲斯利	亦得餘利未盡說
是等大士諸功德	若欲稱揚無窮盡
若有女人以信心	聞是菩薩大莊嚴
永不復受女人身	必為衆生無上尊
若有男子若女人	聞其名稱心歡喜
發願欲見此菩薩	身壞命終即生彼
若諸男女餘衆生	聞此菩薩大功德
能以淨心信樂者	即於菩提不退轉
若有衆生入法位	聞此菩薩奇特名
是人雖不得佛道	亦獲無量諸功德

欽四

廿五

如有藥樹名喜見	能療衆生百千病
周迴皆去一由旬	灾火猛燄所不燒
若諸毒蟲入其內	毒氣即時皆消歇
若聞此樹香氣熏	即便悶絕喪其身
根莖枝葉及華實	寂然無作無所為
而其勢力能有用	皆悉消滅諸毒害
此樹遠能消衆病	況取根莖而服用
是大菩薩亦如是	十方聞名作佛事
況得目見加供養	親近諮問決所疑
時佛所現化阿難	即復加敬問世尊

如佛所說大菩薩	能以名聞作佛事
娑婆世界有是不	唯願世尊為我說
佛言我壽不久留	今此衆生福微淺
諸佛菩提甚難信	如來所說深無極
阿難當知有菩薩	今現在此大會中
是諸菩薩大莊嚴	十方諸佛讚不盡
阿難觀是跋陀婆	又觀寶積法寶積
導師智者及星得	并婆羅門那羅達
又觀帝得善比丘	婆樓那天婆樓那
亦觀善力大比丘	是等行願難思議

是諸菩薩稱不虛	皆發不虛大莊嚴
若有見者尚獲利	況復親近受教誨
若有衆生得見者	或復聞其大名稱
則於佛道無所疑	常不復墮諸惡趣
常能發行勤精進	能善修習真智慧
常能安住淨持戒	能深志樂無上乘
阿難所有十方界	諸佛世尊今現在
皆共稱揚是菩薩	所發莊嚴大誓願
稱讚是等廣名聞	令餘菩薩生貴心
皆言欲見釋迦尊	及諸具足莊嚴者

即時諸佛皆聽許
 各禮佛足敬遠已
 於彼佛土沒不現
 皆來到此娑婆界
 聞是菩薩具足願
 於無上道轉精進
 如來即記當成佛
 國土壽量號如是
 此等無量無數劫
 所有不善業因緣
 以是行業因緣故
 與我生此濁世中
 我今雖得無上道
 猶不喜見未來世
 當有破戒諸比丘
 急性惡口麤獷言
 是諸菩薩聞此事
 而加精進大莊嚴
 於饑饉中行大施
 法欲壞時演真教

今於佛前發誓言
 我要當以無上法
 於後恐怖惡世中
 不惜身命利衆生
 但發是願尚爲難
 況能成就如願行
 如是等經及持者
 於惡世中被輕賤
 阿難觀彼顛倒世
 聞如是等諸經法
 於是中生非法想
 皆言是法非佛說
 以我菩提得供養
 而便勤造破法緣
 如是甚惡濁亂世
 誰能堪忍住是中
 斯人從佛聞是語
 即時悲泣淚交流
 念佛曠劫所修習
 此法如何便散滅

時諸學人生獸心 覺了有爲無定相
如救頭然勤精進 漏盡無餘得涅槃
諸天神聞惡世中 正法毀滅皆憂感
我等寧於今命終 勿見如是法壞時
我等今見如世尊 能大法施無畏者
此等現前瞻仰佛 聽說甚深無上法
又見比丘修諸禪 定慧神通悉究竟
於後惡世法壞時 此等賢聖難復見
諸惡比丘反熾盛 持淨戒者無勢力
乃不得暫止塔廟 時諸天神大憂惱

皆悲呼言奈何哉 佛法毀滅甚可惜
佛爲是等修苦行 而爲惡人所輕毀
自共朋黨相親友 誹謗善人生過咎
自言佛是我等師 而違佛意毀正法
與清信女爲因緣 共結要誓同事業
併心共毀我正法 於佛法中無敬心
是衆惡等毀三寶 爲諸賢聖所遠離
如兇逸牛角鋒利 則爲衆人之所避
於爾時世惡比丘 而反輕笑修善者
來世當有是顛倒 應生獸離莫放逸

於佛法中勤精進
莫與此等相值遇
勿見如是濁亂世
與此同止甚苦惱

佛說華手經卷第四

音釋

擴古狂切 鋒敷容切
惡也 銳銳也

永樂北藏

佛說華手經

第五〇册

佛說華手經卷第五

姚秦三藏法師鳩摩羅什譯

欲五

眾相品第十七

爾時東方過萬一千阿僧祇刹有世界名眾相是中有佛號樂無相今現在為梵音聲菩薩摩訶薩授無上道欲五記餘如上說從眾相刹至此中間有世界名無相是中有佛號妙化音今現在為樂一切相菩薩摩訶薩授無上道記餘如上說從無相刹至此中間有世界名無相海是中有佛號曰華上今現在為兩

華菩薩摩訶薩授無上道記餘如上說從無相海刹至此中間有世界名雜相是中有佛號曰寶德今現在為雜頂菩薩摩訶薩授無上道記餘如上說從雜相刹至此中間有世界名寶生是中有佛號海彌樓今現在為妙眼菩薩摩訶薩授無上道記餘如上說從寶生刹至此中間有世界名廣大是中有佛號無垢意今現在為尼民陀羅菩薩摩訶薩授無上道記餘如上說從廣大刹至此中間有世界名華是中有佛號智華生今現在為善

威儀菩薩摩訶薩授無上道記餘如上說從華刹至此中間有世界名虛空淨是中有佛號極高德聚今現在爲寶蓋菩薩摩訶薩授無上道記餘如上說從虛空淨刹至此中間有世界名無相是中有佛號曰寂滅今現在爲優鉢羅菩薩摩訶薩授無上道記餘如上說從無相刹至此中間有世界名妙樂是中有佛號離世自在今現在爲定意菩薩摩訶薩授無上道記餘如上說從妙樂刹至此中間有世界名金剛境是中有佛號滅諸趣今

現在爲轉胎菩薩摩訶薩授無上道記餘如上說從金剛境刹至此中間有世界名德積是中有佛號不思議德生今現在爲持世菩薩摩訶薩授無上道記餘如上說從德積刹至此中間有世界名大安是中有佛號喜生敬五德今現在爲勝衆菩薩摩訶薩授無上道記餘如上說從大安刹至此中間有世界名無受是中有佛號到無畏今現在爲勇健菩薩摩訶薩授無上道記餘如上說從無受刹至此中間有世界名散赤蓮華是中有佛號曰

流香今現在爲彌樓香菩薩摩訶薩授無上
道記餘如上說從散赤蓮華刹至此中間有
世界名阿竭流香是中有佛號無礙香光今
現在爲無邊嚴菩薩摩訶薩授無上道記餘
如上說從阿竭流香刹至此中間有世界名
衆歸是中有佛號雲鼓音今現在爲持地菩
薩摩訶薩授無上道記餘如上說從衆歸刹
至此中間有世界名功德積是中有佛號功
德生今現在爲增長菩薩摩訶薩授無上道
記餘如上說從功德積刹至此中間有世界

名純樂是中有佛號無邊行自在今現在爲
迦葉菩薩摩訶薩授無餘道記餘如上說從
純樂刹至此中間有世界名妙香是中有佛
號須彌堅今現在爲帝德菩薩摩訶薩授無
上道記餘如上說從妙香刹至此中間有世
界名香相是中有佛號上香彌樓今現在爲
妙莊嚴菩薩摩訶薩授無上道記餘如上說
從香相刹至此中間有世界名助香是中有
佛號無邊光今現在爲妙姓菩薩摩訶薩授
無上道記餘如上說從助香刹至此中間有

世界名調御是中有佛號曰普觀今現在爲
無邊力菩薩摩訶薩授無上道記餘如上說
從調御刹至此中間有世界名大捨是中有
佛號曰無畏今現在爲大力菩薩摩訶薩授
無上道記餘如上說從大誓刹至此中間有
世界名離怖畏是中有佛號得無畏今現在
爲方聞菩薩摩訶薩授無上道記餘如上說
從離怖畏刹至此中間有世界名月是中有
佛號日月燈今現在爲衆歸菩薩摩訶薩授
無上道記餘如上說從月刹至此中間有世

界名照明是中有佛號曰明燈今現在爲持
明菩薩摩訶薩授無上道記餘如上說從照
明刹至此中間有世界名作明是中有佛號
振威德今現在爲流布王菩薩摩訶薩授無
上道記餘如上說從作明刹至此中間有世
界名隨斷是中有佛號極高行今現在爲慧
宗菩薩摩訶薩授無上道記餘如上說從隨
斷刹至此中間有世界名衆香是中有佛號
曰善衆今現在爲妙意菩薩摩訶薩授無上
道記餘如上說從衆香刹至此中間有世界

名金剛是中有佛號金剛生今現在爲積德
菩薩摩訶薩授無上道記餘如上說從金剛
刹至此中間有世界名音聲是中有佛號智
自在王今現在爲那羅延菩薩摩訶薩授無
上道記餘如上說從音聲刹至此中間有世
界名喜生是中有佛號智力流布今現在爲
願流布菩薩摩訶薩授無上道記餘如上說
從喜生刹至此中間有世界名安生是中有
佛號曰上安今現在爲弗沙菩薩摩訶薩授
無上道記餘如上說從安生刹至此中間有

世界名阿樓那是中有佛號德王明今現在
爲導師菩薩摩訶薩授無上道記餘如上說
從阿樓那刹至此中間有世界名阿樓那積
是中有佛號曰妙眼今現在爲持明菩薩摩
訶薩授無上道記餘如上說從阿樓那積刹
至此中間有世界名柔輒是中有佛號娑羅
王今現在爲寶婆羅菩薩摩訶薩授無上道
記餘如上說從柔輒刹至此中間有世界名
善立是中有佛號須彌王今現在爲須彌肩
菩薩摩訶薩授無上道記餘如上說從善立

刹至此中間有世界名清淨是中有佛號虛
彌樓今現在爲力流布王菩薩摩訶薩授無
上道記餘如上說從清淨刹至此中間有世
界名威德生是中有佛號寶威德今現在爲
善思願菩薩摩訶薩授無上道記餘如上說
從威德生刹至此中間有世界名善相是中
有佛號上善德今現在爲釋衆菩薩摩訶薩
授無上道記餘如上說從善相刹至此中間
有世界名梵德是中有佛號梵音聲今現在
爲寶德菩薩摩訶薩授無上道記餘如上說

從梵德刹至此中間有世界名華德是中有
佛號曰寶華今現在爲寶光菩薩摩訶薩授
無上道記餘如上說從華德刹至此中間有
世界名蓮華德是中有佛號蓮華生德今現
在爲蓮華藏菩薩摩訶薩授無上道記餘如
上說從蓮華德刹至此中間有世界名栴檀
窟是中有佛號栴檀香今現在爲栴檀德菩
薩摩訶薩授無上道記餘如上說從栴檀窟
刹至此中間有世界名華是中有佛號如須
彌今現在爲聲德菩薩摩訶薩授無上道記

餘如上說從華刹至此中間有世界名金華
是中有佛號曰上嚴今現在爲金蓋菩薩摩
訶薩授無上道記餘如上說從金華刹至此
中間有世界名寶明是中有佛號曰寶蓋今
現在爲寶步菩薩摩訶薩授無上道記餘如
上說從寶明刹至此中間有世界名香彌樓
是中有佛號曰香象今現在爲無礙明菩薩
摩訶薩授無上道記餘如上說從香彌樓刹
至此中間有世界名離相是中有佛號無邊
自在力今現在爲不虛力菩薩摩訶薩授無

上道記餘如上說從離相刹至此中間有世
界名清淨是中有佛號不虛德今現在爲不
虛見菩薩摩訶薩授無上道記餘如上說從
清淨刹至此中間有世界名功德處是中有
佛號不思議功德王明今現在爲明音菩薩
摩訶薩授無上道記餘如上說從功德處刹
至此中間有世界名有德是中有佛號曰雜
華今現在爲智精進菩薩摩訶薩授無上道
記餘如上說從有德刹至此中間有世界名
安隱是中有佛號曰安王今現在爲作安善

薩摩訶薩授無上道記餘如上說從安隱刹至此中間有世界名最高是中有佛號華最高德今現在為妙華菩薩摩訶薩授無上道記餘如上說從最高刹至此中間有世界名動是中有佛號曰常悲今現在為常憂菩薩摩訶薩授無上道記餘如上說從動刹至此中間有世界名常動是中有佛號曰藥王今現在為大悲莊嚴菩薩摩訶薩授無上道記餘如上說從常動刹至此中間有世界名堅固是中有佛號求利世今現在為智力菩薩

摩訶薩授無上道記餘如上說從堅固刹至此中間有世界名不動是中有佛號無邊心行今現在為善住菩薩摩訶薩授無上道記餘如上說從不動刹至此中間有世界名普虛空是中有佛號無邊自在力今現在為眾助菩薩摩訶薩授無上道記餘如上說從普虛空刹至此中間有世界名瑠璃明是中有佛號無邊光今現在為無量心莊嚴菩薩摩訶薩授無上道記餘如上說從瑠璃明刹至此中間有世界名金明是中有佛號無邊明

今現在爲妙眼菩薩摩訶薩授無上道記餘
如上說從金明刹至此中間有世界名無相
是中有佛號言音自在今現在爲難提菩薩
摩訶薩授無上道記餘如上說從無相刹至
此中間有世界名蓮華蓋是中有佛號無邊
虛空自在今現在爲觀定嚴菩薩摩訶薩授
無上道記餘如上說從蓮華蓋刹至此中間
有世界名蓋行列是中有佛號曰宿王今現
在爲蓮華德菩薩摩訶薩授無上道記餘如
上說從蓋行列刹至此中間有世界名寶網

覆是中有佛號上香德今現在爲華手菩薩
摩訶薩授無上道記餘如上說從寶網覆刹
至此中間有世界名真金是中有佛號虛空
德今現在爲淨眼菩薩摩訶薩授無上道記
餘如上說從真金刹至此中間有世界名清
淨是中有佛號極高德今現在爲德眼菩薩
摩訶薩授無上道記餘如上說從清淨刹至
此中間有世界名無憂是中有佛號曰作方
今現在爲作明菩薩摩訶薩授無上道記餘
如上說從無憂刹至此中間有世界名星宿

是中有佛號極高彌樓今現在爲安立菩薩
摩訶薩授無上道記餘如上說從星宿刹至
此中間有世界名雜相是中有佛號無礙眼
今現在爲雜衆菩薩摩訶薩授無上道記餘
如上說從雜相刹至此中間有世界名流香
是中有佛號娑伽羅欲五今現在爲三牟陀菩薩
摩訶薩授無上道記餘如上說從流香刹至
此中間有世界名衆香是中有佛號曰持炬
今現在爲破疑菩薩摩訶薩授無上道記餘
如上說從衆香刹至此中間有世界名栴檀

香是中有佛號曰火相今現在爲衆稱菩薩
摩訶薩授無上道記餘如上說從栴檀香刹
至此中間有世界名善喜是中有佛號善淨
德光今現在爲破賊德菩薩摩訶薩授無上
道記餘如上說從善喜刹至此中間有世界
名喜生是中有佛號曰智聚今現在爲善刹
意菩薩摩訶薩授無上道記餘如上說從喜
生刹至此中間有世界名流布是中有佛號
流布力王今現在爲勇健菩薩摩訶薩授無
上道記餘如上說從流布刹至此中間有世

界名大德是中有佛號功德王明今現在爲
利益菩薩摩訶薩授無上道記餘如上說從
大德刹至此中間有世界名堅固是中有佛
號曰現智今現在爲行精進菩薩摩訶薩授
無上道記餘如上說從堅固刹至此中間有
世界名不退是中有佛號華高生德今現在
爲德念菩薩摩訶薩授無上道記餘如上說
從不退刹至此中間有世界名善分別是中
有佛號曰寶火今現在爲勇健菩薩摩訶薩
授無上道記餘如上說從善分別刹至此中

間有世界名優鉢羅是中有佛號赤蓮華德
今現在爲德守菩薩摩訶薩授無上道記餘
如上說從優鉢羅刹至此中間有世界名疑
蓋是中有佛號壞一切疑今現在爲無畏菩
薩摩訶薩授無上道記餘如上說從疑蓋刹
至此中間有世界名妙是中有佛號曰善衆
今現在爲得聲菩薩摩訶薩授無上道記餘
如上說從妙刹至此中間有世界名衆德是
中有佛號拘留孫今現在爲持炬菩薩摩訶
薩授無上道記餘如上說從衆德刹至此中

間有世界名妙善是中有佛號曰相王今現在爲慈心菩薩摩訶薩授無上道記餘如上說從妙善刹至此中間有世界名妙香是中有佛號蓮華德生今現在爲上智菩薩摩訶薩授無上道記餘如上說從妙香刹至此中間有世界名善相是中有佛號曰放光今現在爲慈衆菩薩摩訶薩授無上道記餘如上說從善相刹至此中間有世界名雲陰是中有佛號曰彌勒今現在爲華手菩薩摩訶薩授無上道記餘如上說從雲陰刹至此中間

有世界名光明是中有佛號蓮華光明今現在爲法上菩薩摩訶薩授無上道記餘如上說從光明刹至此中間有世界名名稱是中有佛號上法王相今現在爲阿疇那菩薩摩訶薩授無上道記餘如上說從名稱刹至此中間有世界名帝釋^{飲五}是中有佛號無邊力^十今現在爲名聞慈菩薩摩訶薩授無上道記餘如上說從帝釋刹至此中間有世界名蓮華是中有佛號勝山海今現在爲寶積菩薩摩訶薩授無上道記餘如上說從蓮華刹至此

中間有世界名喜是中有佛號釋迦文今現在為帝王菩薩摩訶薩授無上道記餘如上說從喜刹至此中間有世界名常嚴是中有佛號不虛見今現在為勇德菩薩摩訶薩授無上道記餘如上說從常嚴刹至此中間有世界名流布是中有佛號無礙音聲今現在為善住菩薩摩訶薩授無上道記餘如上說從流布刹至此中間有世界名常言是中有佛號無量名德明今現在為歡喜菩薩摩訶薩授無上道記餘如上說從常言刹至此中

間有世界名自相是中有佛號無分別嚴今現在為無礙嚴菩薩摩訶薩授無上道記餘如上說從自相刹至此中間有世界名梅檀香是中有佛號無邊光今現在為淨德菩薩摩訶薩授無上道記餘如上說從梅檀香刹至此中間有世界名袈裟相是中有佛號曰秋五妙眼今現在為寶手菩薩摩訶薩授無上道記餘如上說如是等一生補處菩薩摩訶薩無量無邊阿僧祇眾從東方來集此世界到王舍城行詣竹園頂禮佛足問訊訖已於一十一

面坐

諸方品第十八

南方去此過于無量阿僧祇刹有佛號絕寶藏爲列宿菩薩摩訶薩授阿耨多羅三藐三菩提記時列宿菩薩見大光明聞大音聲問純寶藏佛言世尊是爲何佛光明音聲彼佛答言善男子北方去此過于無量阿僧祇刹彼有世界名曰娑婆是中有佛號釋迦文今現在爲諸菩薩摩訶薩說斷衆生疑令衆歡喜菩薩藏經是爲彼佛光明音聲彼衆會中

有大菩薩具足成就大願莊嚴十方恒河沙諸世界中尠有如是莊嚴者時列宿菩薩白純寶藏佛言世尊我欲往詣娑婆世界見釋迦文佛禮事供養亦欲見彼不可思議具足莊嚴諸大菩薩摩訶薩衆彼佛答言欲往隨意汝以我言問訊釋迦文佛少病少惱氣力安不汝當一心以安審慧遊彼世界所以者何彼娑婆世界諸菩薩等難勝難壞時列宿菩薩禮彼佛足遠三由已於彼佛土忽然不現如大力士屈伸臂頃到此世界至王舍

城詣竹園中頂禮佛足却住一面白佛言世
尊純寶藏佛問訊世尊少病少惱起居輕利
遊步康耶時佛問言純寶藏如來於彼世界
遊步康耶彼菩薩言純寶藏世尊在彼世界
安隱無恙有如是等一生補處諸菩薩摩訶
薩無量無邊阿僧祇衆從南方來集此世界
到王舍城行詣竹園頂禮佛足覲問訖已於
一面坐西方去此過無量無邊阿僧祇刹有
世界名普樂是中有佛號離垢三世無礙莊
嚴今現在爲無邊自在現佛華莊嚴菩薩摩

訶薩授阿耨多羅三藐三菩提記是普樂世
界一切所有蓮華光明摩尼珠光及珠樹光
常照彼刹諸大蓮華一一皆廣一千由旬種
種雜寶以爲嚴飾諸蓮華香普熏十方無量
世界彼土所生諸菩薩衆其身長大一萬由
旬有大光明具足相好端嚴殊妙見者心歡
若發心欲遊諸世界覲見諸佛彼佛本願神
通力故即時東方所有世界乃至法性盡現
其前南西北方四維上下所有世界乃至法
性盡現無餘如一佛土一切皆以瑠璃爲地

寶樹行列而爲莊嚴或有菩薩初發無上菩提之心能行種種難行難捨或有菩薩離諸法故得無生忍皆悉具足諸波羅蜜深修佛法能現菩薩無量神力或有菩薩處兜率天或從兜率降神母胎及生出家或坐道場成十五無上覺或有能轉大法寶輪及大菩薩圍遶說法究竟佛事而般泥洹普樂世界諸菩薩衆不動本處皆悉能見彼佛世界於諸國土最爲高顯釋迦文佛光明照彼其中所有諸蓮華光摩尼珠光及珠樹光以佛光故蔽不

復見磬欬音聲亦遍彼界時無邊自在力現佛華莊嚴菩薩見大光明聞是音聲問離垢三世無礙嚴佛言世尊是爲何佛光明音聲彼佛答言善男子東方去此過于無量阿僧祇刹彼有世界名曰娑婆是中有佛號釋迦文今現在爲諸菩薩說斷衆生疑令衆歡喜菩薩藏經是爲彼佛光明音聲時無邊自在力現佛華莊嚴菩薩白離垢三世無礙嚴佛言世尊我欲往詣娑婆世界見釋迦文佛禮事供養亦欲見彼具足莊嚴諸大菩薩摩訶

薩衆彼佛答言善男子汝今當自現爲小身
去諸所有蓮華莊嚴所以者何是諸蓮華安
婆世界所不容受彼菩薩言唯然世尊當現
小身去諸蓮華彼佛答言欲往隨意汝以我
言問訊彼釋迦文佛少病少惱起居輕利遊
步安耶時彼菩薩頂禮佛足遶三匝已於彼
佛土忽然不現如大力士屈伸臂頃到此世
界至王舍城行詣竹園頂禮佛足却住一面
白佛言世尊離垢三世無礙嚴佛問訊世尊
少病少惱起居輕利遊步康耶時佛答言離

垢三世無礙嚴佛於彼世界遊步安耶彼菩
薩言如是世尊離垢三世無礙嚴佛在彼世
界安隱無恙佛復問言汝見何利來至此土
彼菩薩言我以如來神通力故能來至此世
尊我在彼土亦見十方一切諸佛彼諸菩薩
常不生心欲至他土覲見諸佛所以者何在
彼國土悉見十方無量世界及一切佛世尊
我隨佛意以佛力故如一念頃於彼世界忽
然不現來到此土如是西方從普樂刹至此
中間次有無量華佛無量明佛無量光佛無

量光明佛無量自在力佛無量力佛一蓋佛
蓋行佛寶蓋佛宿王佛善宿佛明輪佛明王
佛高廣德佛無邊光佛自在佛自在力佛無
礙音聲佛大雲光佛網聚佛覺華光佛蓮華
自在佛山王佛月衆增上佛放光佛妙肩佛
不虛見佛頂生王佛蓮華生佛如是無量阿
僧祇等佛世界中一生補處諸大菩薩摩訶
薩衆從西方來集此世界到王舍城行詣竹
園頂禮佛足覲問訖已於一面坐爾時北方
過于無量阿僧祇刹彼有世界名善行列是

中有佛號不虛稱今現在為發心即轉不退
法輪菩薩摩訶薩授阿耨多羅三藐三菩提
記是菩薩見是光明聞是音聲問不虛稱佛
言世尊是為何佛光明音聲彼佛答言善男
子南方去此過于無量阿僧祇刹有世界名
曰娑婆是中有佛號釋迦文今現在為諸菩
薩說斷衆生疑令衆歡喜菩薩藏經是大會
中有諸菩薩具足成就不可思議大願莊嚴
十方衆生稱其名者即住阿惟越致時發心
即轉不退法輪菩薩白不虛稱佛言我欲往

諸娑婆世界見釋迦文佛禮事供養亦欲見
彼不可思議具足莊嚴大菩薩衆彼佛答言
欲往隨意汝以我言問訊釋迦文佛少病少
惱起居輕利遊步康耶時發心即轉不退法
輪菩薩頂禮佛足遶三匝已於彼佛土忽然
不現如大力士屈伸臂頃到此世界至王舍
城行詣竹園頂禮佛足却住一面而白佛言
不虛稱佛問訊世尊少病少惱起居輕利氣
力安不時佛問言不虛稱佛於彼世界遊步
康耶彼菩薩言不虛稱佛在彼國土安隱無

恙如是北方從不虛稱佛世界中間次有不
虛力佛不虛自在力佛不虛光佛無邊精進
佛娑羅王佛寶娑羅佛一蓋嚴佛寶肩佛栴
檀窟佛栴檀香佛無邊明佛明輪佛彌樓嚴
佛無礙眼佛無邊眼佛寶生佛諸德佛覺華
生德佛善住意佛無邊力佛不虛德佛寶力
佛無邊嚴佛無邊德嚴佛虛空光佛無相音
佛藥王佛無驚佛雜怖畏佛德王明佛觀覺
華生佛虛空性佛虛空音佛虛空嚴生佛有
如是等無量無邊阿僧祇佛皆遣一生補處

菩薩從北方來集此世界到王舍城行詣竹園頂禮佛足覲問已訖於一面坐爾時下方過于無量阿僧祇刹彼有世界名虛空淨是中有佛號曰大目今現在爲拘留孫提菩薩摩訶薩授阿耨多羅三藐三菩提記時拘留孫提菩薩見大光明聞大音聲問大目佛言欲五世尊是爲何佛光明音聲彼佛答言善男子上方去此過于無量阿僧祇刹彼有世界名曰娑婆是中有佛號釋迦文今現在爲菩薩說斷衆生疑令衆歡喜菩薩藏經彼世界

中有大菩薩具足成就不可思議大願莊嚴皆集彼會時拘留孫提菩薩白大目佛言世尊我欲往詣娑婆世界見釋迦文佛禮事供養亦欲聞說斷衆生疑令衆歡喜菩薩藏經及見彼土不可思議具足莊嚴大菩薩衆彼佛答言欲往隨意汝以我言問訊釋迦文佛少病少惱氣力安不時拘留孫提菩薩頂禮佛足遶三匝已於彼佛土忽然不現如大力士屈伸臂頃到此世界至王舍城行詣竹園頂禮佛足却住一面向佛言世尊大目如來

問訊世尊少病少惱起居輕利遊步康耶時
佛問言大目如來在彼世界少病少惱氣力
安不彼菩薩言大目世尊在彼國土安隱無
恙如是下方從大目佛世界中間次有上德
佛大德佛蓮華德佛有德佛師子德佛成利
佛師子護佛師子頰佛安立王佛梵彌樓佛
淨眼佛不虛步佛香象佛香德佛香彌樓佛
無量眼佛香聚佛寶窟佛寶彌樓佛安住佛
善住王佛梵彌樓佛娑羅王佛明輪佛明燈
佛不虛精進佛善思嚴佛師子佛衆真實佛

廿五

十七

妙善住王佛有如是等無量無邊阿僧祇世
界諸佛世尊皆遣一生補處菩薩摩訶薩從
下方來集此世界到王舍城行詣竹園頂禮
佛足觀問訖已於一面坐爾時上方過于無
量阿僧祇刹有世界名栴檀香明是中有佛
號無邊高力王今現在爲無量音菩薩摩訶
薩授阿耨多羅三藐三菩提記是無量音菩
薩見大光明聞大音聲問無邊高力王佛言
世尊是爲何佛光明音聲彼佛答言善男子
下方去此過于無量阿僧祇刹有一世界名

曰娑婆是中有佛號釋迦文今現在爲諸菩薩說斷衆生疑令衆歡喜菩薩藏經是爲彼佛光明音聲彼世界中有諸菩薩具足成就大願莊嚴時無量音菩薩白無邊高力王佛言世尊我欲往詣娑婆世界見釋迦文佛禮事供養亦欲見彼不可思議具足莊嚴大菩薩衆彼佛答言欲往隨意汝以我言問訊釋迦文佛少病少惱起居輕利遊步安耶時無量音菩薩頂禮佛足遶三匝已於彼佛土忽然不現如大力士屈伸臂頃到此世界至王

舍城行詣竹園頂禮佛足却住一面向佛言世尊無邊高力王佛問訊世尊少病少惱起居輕利氣力安不時佛問言無邊高力王佛於彼世界遊步安耶彼菩薩言如是世尊無邊高力王佛在彼世界安隱無恙時彼菩薩問訊佛已於一面向佛禮來於五次有精進最高力王佛破疑佛善宿王佛然燈佛作明佛明彌樓佛明輪佛淨明佛白蓋佛香蓋佛寶蓋佛梅檀窟佛梅檀德佛須彌肩佛寶明佛娑羅王佛梵德佛淨眼佛無驚

怖佛離怖佛妙肩佛上寶佛山王佛轉女相
嚴佛無邊嚴佛無上光佛網明相佛因王佛
如是無量阿僧祇等諸佛世界一生補處諸
大菩薩摩訶薩衆從上方來集此世界到王
舍城行詣竹園頂禮佛足覲問訖已於一面
坐時東南方過于無量阿僧祇刹彼有世界
名佛華生是中有佛號一切緣中能現佛相
今現在爲離憂菩薩摩訶薩授阿耨多羅三
藐三菩提記時離憂菩薩見是光明聞是音
聲問一切緣中能現佛相佛言世尊是爲何

佛光明音聲彼佛答言善男子西北方去此
過于無量阿僧祇刹彼有世界名曰娑婆是
中有佛號釋迦文今現在爲諸菩薩說斷衆
生疑令衆歡喜菩薩藏經是爲彼佛光明音
聲彼世界中有大菩薩具足成就不可思議
大願莊嚴時離憂菩薩白彼佛言我欲往詣
娑婆世界見釋迦文佛禮事供養亦欲見彼
不可思議具足莊嚴大菩薩衆彼佛答言欲
往隨意汝以我言問訊釋迦文佛少病少惱
起居輕利遊步康耶時離憂菩薩頂禮佛足

遶三市已於彼佛土忽然不現如大力士屈伸臂頃到此世界至王舍城行詣竹園頂禮佛足却住一面白佛言世尊一切緣中能現佛相如來問訊世尊少病少惱氣力安不時佛問言一切緣中能現佛相如來於彼世界少病少惱遊步康耶彼菩薩言一切緣中能現佛相世尊在彼世界安隱無恙從一切緣中能現佛相佛世界中間次有無邊緣中現佛相佛蓮華敷力佛網明佛無邊明佛華佛寶娑羅佛發心即轉法輪佛華聚佛增千光

佛無上光佛不動力佛無邊步力佛無邊願佛無量願佛無邊自在力佛無定願佛轉胎佛轉諸難佛一切緣修行佛無緣莊嚴佛虛空佛有德佛如是無量阿僧祇等諸佛世界一生補處諸大菩薩摩訶薩衆從東南方悉來集此娑婆世界到王舍城行詣竹園頂禮佛足覲問訖已於一面坐時西南方過于無量阿僧祇刹有世界名善吉是中有佛號曰吉利今現在爲成一切利菩薩摩訶薩授阿耨多羅三藐三菩提記時成一切利菩薩見

大光明聞大音聲問吉利佛言世尊是爲何
佛光明音聲彼佛答言善男子東北方去此
過于無量阿僧祇刹彼有世界名曰娑婆是
中有佛號釋迦文今現在爲諸菩薩說斷衆
生疑令衆歡喜菩薩藏經是爲彼佛光明音
聲彼世界中有大菩薩具足成就不可思議
大願莊嚴若有衆生聞其名者必得不退轉
法時成一切利菩薩白彼佛言我欲往詣娑
婆世界見釋迦文佛禮事供養亦欲見彼不
可思議具足莊嚴大菩薩衆彼佛答言欲往

欲五

二十

隨意汝以我言問訊釋迦文佛少病少惱起
居輕利遊步安耶時成一切利菩薩頂禮佛
足遶三匝已於彼佛土忽然不現如大力士
屈伸臂頃到此世界至王舍城行詣竹園頂
禮佛足却住一面向佛言世尊吉利如來問
訊世尊少病少惱起居輕利遊步安耶時佛
問言吉利如來安樂行不彼菩薩言吉利世
尊在彼世界安隱無恙時成一切利菩薩覲
問訖已於一面坐如是西南方從吉利佛刹
來次有吉利嚴佛尸棄佛常精進佛善住佛

無邊嚴佛無相嚴佛普嚴佛作燈佛作明佛
一藏佛一聚佛無邊像佛無邊精進佛網光
佛大神通佛明輪佛觀智佛不虛稱佛壞衆
怖畏佛無邊德王明佛離怖畏佛壞諸怨賊
佛過諸魔界佛無量華佛持無量德佛無量
音聲佛光聚佛明德佛離二邊佛無量覺華
光佛無量聲佛明彌樓佛娑羅王佛日面佛
妙明佛上德佛寶華佛寶生佛月華佛一切
衆生嚴佛轉一切生死佛無邊辯才佛無諍
怖佛緣一切辯才佛如是無量阿僧祇等諸

佛世界一生補處諸大菩薩摩訶薩衆從西
南方悉來集此娑婆世界到王舍城行詣竹
園頂禮佛足觀問訖已於一面坐時西北方
過于無量阿僧祇刹彼有世界名梅檀香是
中有佛號普香光今現在爲普明菩薩摩訶
薩授阿耨多羅三藐三菩提記時普明菩薩
見大光明聞大音聲問普香光佛言世尊是
爲何佛光明音聲彼佛答言善男子東南方
去此過于無量阿僧祇刹彼有世界名曰娑
婆是中有佛號釋迦文今現在爲諸菩薩說

斷衆生疑令衆歡喜菩薩藏經是爲彼佛光明音聲彼世界中有諸菩薩具足成就不可思議大願莊嚴時普明菩薩白普香光佛言我欲往詣娑婆世界見釋迦文佛禮事供養亦欲見彼不可思議具足莊嚴大菩薩衆彼佛答言欲往隨意汝以我言問訊釋迦文佛少病少惱起居輕利遊步安耶時普明菩薩頂禮佛足遶三匝已於彼佛土忽然不現如大力士屈伸臂頃到此世界至王舍城行詣竹園頂禮佛足却住一面而白佛言普香光

佛問訊世尊少病少惱遊步康耶時佛問言普香光佛氣力安不彼菩薩言普香光佛在彼國土安隱無恙時普明菩薩頂禮佛足觀問訖已却住一面如是西北方從普香光佛世界中間次有香明佛香彌樓佛香象佛香自在佛香窟佛明輪佛光王佛蓮華生王佛法自在佛無邊法自在佛可樂佛愛德佛散華佛華蓋行列佛華窟佛金華佛香華佛彌樓王佛善導師佛一切衆生最勝嚴佛轉諸難佛善行嚴佛妙華佛無邊香佛普放光佛

普放香佛普光佛散華佛散華生得佛寶網
手佛極高王佛普照一佛土佛宿王佛妙見
佛安立王佛香流佛無邊智自在佛不虛嚴
佛不虛見佛無礙眼佛不動佛初發意佛無
邊眼佛燈上佛普照明佛光照佛一切世界
一切衆生不斷辯才佛無垢力佛無跡行佛
如是無量阿僧祇等諸佛世界一生補處菩
薩摩訶薩從西北方悉來集此娑婆世界至
王舍城行詣竹園頂禮佛足問訊訖已於一
面坐時東北方過于無量阿僧祇刹有世界

名衆歸是中有佛號滅一切憂今現在爲不
虛稱菩薩摩訶薩授阿耨多羅三藐三菩提
記時不虛稱菩薩見大光明聞大音聲問滅
一切憂佛言世尊是爲何佛光明音聲彼佛
答言善男子西南方去此過于無量阿僧祇
刹中有世界名爲娑婆是中有佛號釋迦文
今現在爲諸菩薩說斷衆生疑令衆歡喜菩
薩藏經是爲彼佛光明音聲彼世界中有諸
菩薩具足成就不可思議大願莊嚴時不虛
稱菩薩白滅一切憂佛言世尊我欲往詣娑

婆世界見釋迦文佛禮事供養亦欲見彼不可思議具足莊嚴大菩薩衆彼佛答言欲往隨意汝以我言問訊釋迦文佛少病少惱起居輕利氣力安不時不虛稱菩薩頂禮佛足遠三市已於彼佛土忽然不現如大力士屈伸臂頃到此世界至王舍城行詣竹園頂禮佛足却住一面白佛言世尊滅一切憂佛問訊世尊少病少惱遊步安耶時佛問言滅一切憂佛少病少惱氣力安不彼菩薩言滅一切憂佛在彼世界安隱無恙時不虛稱菩薩

頂禮佛足問訊已訖於一面坐東北方有世界名離一切憂是中有佛號曰離憂今現在爲大明菩薩摩訶薩授無上道記餘如上說從離一切憂利來過六萬刹中間有世界名喜樂是中有佛名喜生德今現在爲報恩菩薩摩訶薩授無上道記餘如上說從喜樂刹至此中間有世界名安隱是中有佛號曰安王今現在爲無難菩薩摩訶薩授無上道記餘如上說從安隱刹至此中間有世界名金網覆是中有佛號上彌樓今現在爲師子彌

樓菩薩摩訶薩授無上道記餘如上說從金
網覆刹至此中間有世界名香明是中有佛
號曰妙香今現在爲聲德菩薩摩訶薩授無
上道記餘如上說從香明刹至此中間有世
界名寶聚是中有佛號憍陳若今現在爲火
聚菩薩摩訶薩授無上道記餘如上說從寶
聚刹至此中間有世界名堅固是中有佛號
曰勢德今現在爲梵德菩薩摩訶薩授無上
道記餘如上說從堅固刹至此中間有世界
名青蓮華是中有佛號赤蓮華德今現在爲

華生菩薩摩訶薩授無上道記餘如上說從
青蓮華刹至此中間有世界名曰白蓮華是
中有佛號曰蓮華生今現在爲無有菩薩摩
訶薩授無上道記餘如上說從白蓮華刹至
此中間有世界名大音是中有佛號大音眼
今現在爲無上衆菩薩摩訶薩授無上道記
餘如上說從大音刹至此中間有世界名香
嚴是中有佛號曰上衆今現在爲善來菩薩
摩訶薩授無上道記餘如上說從香嚴刹至
此中間有世界名衆明是中有佛號無邊明

今現在為德藏菩薩摩訶薩授無上道記餘
如上說從眾明刹至此中間有世界名梅檀
香是中有佛號月出光今現在為方等菩薩
摩訶薩授無上道記餘如上說從梅檀香刹
至此中間有世界名明是中有佛號名流十
方今現在為十方流布力王菩薩摩訶薩授
無上道記餘如上說從明刹至此中間有世
界名月是中有佛號星宿王今現在為稱眾
菩薩摩訶薩授無上道記餘如上說從月刹
至此中間有世界名普明德是中有佛號無

以五

廿五

邊光明今現在為無垢相菩薩摩訶薩授無
上道記餘如上說從普明德刹至此中間有
世界名香明是中有佛號上香彌樓今現在
為選擇菩薩摩訶薩授無上道記餘如上說
從香明刹至此中間有世界名無畏是中有
佛號離怖畏今現在為喜月菩薩摩訶薩授
無上道記餘如上說從無畏刹至此中間有
世界名上安是中有佛號安隱生德今現在
為定意菩薩摩訶薩授無上道記餘如上說
從上安刹至此中間有世界名無邊明是中

有佛號無邊功德月今現在為喜月菩薩摩訶薩授無上道記餘如上說從無邊明刹至此中間有世界名莊嚴是中有佛號一切功德嚴今現在為妙威儀菩薩摩訶薩授無上道記餘如上說從莊嚴刹至此中間有世界名蓮華散是中有佛號曰華王今現在為華生高德菩薩摩訶薩授無上道記餘如上說從蓮華散刹至此中間有世界名離相是中有佛號不壞相今現在為無勝菩薩摩訶薩授無上道記餘如上說從離相刹至此中間

有世界名堅固是中有佛號宗守光今現在為普守菩薩摩訶薩授無上道記餘如上說從堅固刹至此中間有世界名樂戲是中有佛號大威德蓮華生王今現在為智樂菩薩摩訶薩授無上道記餘如上說從樂戲刹至此中間有世界名樂是中有佛號無異生行廿五今現在為無異行嚴菩薩摩訶薩授無上道記餘如上說從樂刹至此中間有世界名喜是中有佛號一切上今現在為上菩薩摩訶薩授無上道記餘如上說從喜刹至此中間

有世界名樂德是中有佛號虛空淨王今現在為彌樓王菩薩摩訶薩授無上道記餘如上說從樂德利至此中間有世界名喜樂是中有佛號無相音聲今現在為觀音定嚴菩薩摩訶薩授無上道記餘如上說從喜樂利至此中間有世界名娑婆是中有佛號寶最高德今現在為甚深菩薩摩訶薩授無上道記餘如上說從娑婆利至此中間有世界名衆梵是中有佛號曰梵德今現在為梵子菩薩摩訶薩授無上道記餘如上說從衆梵利

至此中間有世界名衆香是中有佛號無礙香象今現在為帝德菩薩摩訶薩授無上道記餘如上說從衆香利至此中間有世界名衆華是中有佛號彌樓明今現在為娑伽羅菩薩摩訶薩授無上道記餘如上說從衆華利至此中間有世界名然燈是中有佛號曰大燈今現在為雲光菩薩摩訶薩授無上道記餘如上說從然燈利至此中間有世界名作名聞是中有佛號華上光今現在為樂法菩薩摩訶薩授無上道記餘如上說從作名

聞刹至此中間有世界名多樂是中有佛號
作名聞今現在爲彌樓德菩薩摩訶薩授無
上道記餘如上說從多樂刹至此中間有世
界名安立是中有佛號曰名慈今現在爲師
子力菩薩摩訶薩授無上道記餘如上說從
安立刹至此中間有世界名娑婆羅是中有
佛號娑羅王今現在爲山王菩薩摩訶薩授
無上道記餘如上說從娑婆羅刹至此中間
有世界名照明是中有佛號無邊光今現在
爲不虛步力菩薩摩訶薩授無上道記餘如

上說如是無量阿僧祇等諸佛世界一生補
處菩薩摩訶薩從東北方悉來集此娑婆世
界到王舍城行詣竹園頂禮佛足覲問訖已
於一面坐時此三千大千世界諸大威德天
龍夜叉捷闍婆阿脩羅迦樓羅緊那羅摩睺
羅伽人非人等及一生補處諸大菩薩摩訶
薩衆充滿其中無空缺處而此大衆以佛神
力皆悉容受不相妨礙

佛說華手經卷第五

音釋

疇直由切

窟苦骨切

頰古協切

切

協

欲五

廿八

永樂北藏

佛說華手經

第五〇册

永樂北藏

佛說華手經

第五〇册

佛說華手經卷第六

欲六

姚秦三藏法師鳩摩羅什譯

三昧品第十九

爾時世尊見諸大衆普皆集會即於座上入
 佛首楞嚴三昧從首楞嚴三昧起入佛妙金
 剛三昧從妙金剛三昧起入佛知十方言音
 差別三昧從佛知十方言音差別三昧起入
 佛無量莊嚴三昧從無量莊嚴三昧起入佛
 師子月三昧從師子月三昧起入佛師子奮
 迅三昧從師子奮迅三昧起入佛無邊緣三

昧從無邊緣三昧起入佛光王三昧從光王
 三昧起入佛妙陀羅尼三昧從妙陀羅尼三
 昧起入佛無相生三昧從無相生三昧起入
 佛師子自在力三昧從師子自在力三昧起
 入佛淨月三昧從淨月三昧起入佛一相嚴
 三昧從一相嚴三昧起入佛衆相嚴三昧從
 衆相嚴三昧起入佛無邊光三昧從無邊光
 三昧起入佛大海三昧從大海三昧起入佛
 起一切法海法性定三昧從起一切法海法
 性定三昧起入佛示無邊願緣三昧從示無

邊願緣三昧起入佛生一切無邊自在法三
 昧從生一切無邊自在法三昧起入佛一切
 法無住處三昧從一切法無住處三昧起入
 佛無邊光高華三昧從無邊光高華三昧起
 入佛一切法思量淨印三昧從一切法思量
 淨印三昧起入佛一切法無垢印三昧從一
 切法無垢印三昧起入佛示無邊佛自在力
 三昧從示無邊佛自在力三昧起入佛一切
 衆生滅相三昧從一切衆生滅相三昧起入
 佛一切法如來所行三昧從一切法如來所

行三昧起入佛示無邊自在神通莊嚴三昧
 從示無邊自在神通莊嚴三昧起入佛三世
 無礙一切法性定三昧從三世無礙一切法
 性定三昧起入佛一切法中得自在力三昧
 從一切法中得自在力三昧起入佛攝一切
 法海自在印三昧從攝一切法海自在印三
 昧起入佛堅固三昧從堅固三昧起入佛善
 通達三昧從善通達三昧起入佛無動三昧
 從無動三昧起入佛觀見一切法三昧從觀
 見一切法三昧起入佛普明三昧從普明三

昧起入佛普觀印三昧從普觀印三昧起入
 佛無明闇三昧從無明闇三昧起入佛無見
 三昧從無見三昧起入佛一切法無礙無取
 三昧從一切法無礙無取三昧起入佛無盡
 相三昧從無盡相三昧起入佛無盡定三昧
 從無盡定三昧起入佛無盡緣三昧從無盡
 緣三昧起入佛一寶相三昧從一寶相三昧
 起入佛大莊嚴三昧從大莊嚴三昧起入佛
 無邊莊嚴三昧從無邊莊嚴三昧起入佛無
 瞋恨三昧從無瞋恨三昧起入佛示一切眾

生善根三昧從示一切眾生善根三昧起入
 佛一切眾生種善根因緣三昧從一切眾生
 種善根因緣三昧起入佛一切入三昧從一
 切入三昧起入佛一切法淨行三昧從一切
 法淨行三昧起入佛不現一切法三昧從不
 現一切法三昧起入佛照明莊嚴一切菩薩
 三昧從照明莊嚴一切菩薩三昧起入佛淨
 一切聲聞眼三昧從淨一切聲聞眼三昧起
 入佛一切眾生種無礙淨善根三昧從一切
 眾生種無礙淨善根三昧起入佛息三惡趣

苦惱三昧從息三惡趣苦惱三昧起入佛一切佛土中衆生種善根三昧從一切佛土中衆生種善根三昧起入佛不動變三昧佛在是不動變三昧中時淨居諸天以偈讚言

佛住不動變 威德如須彌 壞諸外道論

特映大千界 其心無能見 入無依止定

入定而無依 是佛不思議 爲壞衆疑網

哀愍故說法 無疑常處定 三明出三界

大智德菩薩 今皆集此會 佛無疑在定

唯願決衆疑 佛定不依眼 亦復非不依

非二無眼相 是定聖所讚 在定若依眼
佛則爲虛誑 知眼無所有 故佛定無依
佛不依六根 亦復非不依 外道迷此義
世間所不解

求法品第二十

爾時世尊從不動變三昧安詳而起告舍利弗諸菩薩摩訶薩有四法行得不退智獲大慈悲諸三昧慧亦能無礙速佛十力又於諸法得分別慧得無礙辯無斷辯捷疾辯樂說辯深辯利辯無等辯才得諸總持常見諸佛

以信出家奉修正法世所生財利無匱眷屬無減色像無乏身無殘漏眼耳鼻舌身根無毀言辭無短心智無闕不行邪道志無散亂念無錯謬憶本昔事得上慙愧常善思惟離一切惡世世轉身不忘正念不失本願謂諸佛所植無量果衆善根本無我我所但爲一切衆生共之無衆生相雖分別法無所依止以無依止故魔若魔民及諸邪道不能沮壞必至道場坐道場已住一切法思量淨印二昧以一念相應慧諸所有法可知可識可

得可斷可證可修若有漏若無漏若世間若出世間若近若遠若麤若細若長若短若過去未來現在若心所行若智所行若心所量若智所量若心所緣若智所緣若心所想若智所想若在心數若在法數若衆生數若假名有若實法有總相別相及諸說者所因說法若所說事以何故說若以語言若以事相若垢若淨一切世間種種言辭所謂眼諸名字耳鼻舌身意諸名字手足髮毛種種支體此諸名字亦外法中所有一切地水火風種

種生處差別名字日月名字梵釋諸天夜叉
名字隨其相有隨其相說隨所分別及所貪
著若因若緣若道若行若縛若解若方便若
轉進若智若慧若智方便及諸世間種種技
術若好若醜如是等事住一切法思量淨印
三昧以一念相應慧通達究竟斷煩惱習一
切無餘何等為四舍利弗有菩薩摩訶薩建
大乘心為深利益多衆生故發大莊嚴作如
是念一切衆生貪欲瞋恚愚癡熾盛空無善
行死墮大坑少可救者我今當為此等衆生

集大智藥以救療之今出三界當為衆生作
不請師治之令得不壞相法謂不壞色受想
行識亦得不壞至涅槃道諸菩薩等發是心
時為求法故起大莊嚴何謂為法諸有能助
無上菩提集諸佛法謂斷衆疑令衆歡喜菩
薩藏經讀誦受持如說修行隨諸衆生根有
利鈍而為演說菩薩如是專求法時乃至能
得一四句偈甚深方便有要義趣佛之所說
若受若持讀誦書寫乃至能為一人演說先
作是願欲令此人隨順是義一切衆生亦皆

得解菩薩以是說法因緣當得最上佛所聽許智者所讚如是四法何謂爲四一於佛法德不斷念及決定念二身能作堪受法器三爲諸佛對揚法化四能逮得諸陀羅尼世世轉身能行佛法所生不墮邪見之門於佛法中常樂出家厭離五欲是爲四法菩薩以是四法善根因緣當得十法何謂爲十於諸法中能斷疑悔知諸衆生心之所樂能得諸佛無礙解脫以是解脫佛身毛孔一一皆出百千萬億無數光明一一光照百千萬億阿僧

祇界光光皆有百千萬億阿僧祇數妙寶蓮華一一華上皆有坐佛一一諸佛以一說法悉能度脫百千萬億無數衆生得不壞法如來以是解脫力故一一毛孔所現光明皆出百千萬億火燄如須彌山亦出恒沙諸大流水以是無礙解脫力故能以三千大千世界內一毛孔棄著他方過于無量恒沙國土而諸衆生無所燒害亦復不覺有往來想舍利弗以是無礙解脫力故能解十方一切衆生言辭差別亦悉了知十方世界一切衆生百

千萬億阿僧祇劫心念相續亦斷無量阿僧祇界無佛法處衆生所疑又以無礙解脫力故能知衆生調伏熾然及次第心知一切法差別之相亦決定知畢竟皆空而於是中無我我所捨離一切諸有爲相所以者何如來推求有爲法中多諸過患離諸功德無一可取以如是知故得此法舍利弗如來以是解脫力故復有四法何謂爲四一者悉斷煩惱及習二者佛行路時若有衆生觸其足者七日受樂三者如來右迴身時地深八萬四千

由旬如輪旋轉四者常定初無退失舍利弗取要言之菩薩四法盡能攝取一切佛法爾時世尊欲明此義而說偈言

若人求佛智	及欲大慈悲	到智慧彼岸
當深恭敬法	欲得大神通	能動三千界
及知衆生心	當深恭敬法	若欲以一念
遍知一切心	是心無形色	如幻不堅固
以恭敬法故	常得上果報	亦能證諸佛
無量無邊法	以恭敬法故	常得不失念
在在所生處	正念常增長	以恭敬法故

常不失妙色	所生常端正	身分皆具足
能得值諸佛	值佛心信樂	以心清淨故
能深供養佛	世世所生處	信力常增長
離穢惡五欲	常樂行出家	以是信力故
安住持戒中	但為求禪定	不以戒自高
常樂得諸禪	而不以為足	以求真智慧
能斷滅諸漏	常樂行智慧	而不取慧相
但以無相慧	深求諸佛法	得諸法慧明
佛所讚總持	堪任為法器	佛神通所護
是人以佛護	得四無礙智	辯才無有量

利衆故說法	三時守護法	初中及最後
常為佛所讚	能大利衆生	為諸天所護
龍神等恭敬	諸佛所護念	名聞震十方
名稱常不減	好行諸善行	終不樂非法
常修行佛道	常照然法明	蠲除衆狐疑
能淨智慧性	滅衆生憂惱	安住於正路
終不說邪徑	修行最勝法	所謂無上道
是人 不依心	亦復非不依	知心法如幻
故無所依止	以此無依心	常修學佛道
遊行大衆聚	而心無所著	樂遊化諸方

適無所繫屬	不貪名利養	離親友諸緣
無有諸瑕穢	心淨如虛空	誰見是菩薩
而不恭敬者	是故聞此法	應當一心學
得是佛法故	能大利衆生	於是妙法中
無有所障礙	我說是正道	唯智者所學

復次舍利弗若菩薩摩訶薩為求法故當學
第六多聞多聞方便何謂多聞多聞方便舍利弗
八其多聞者從他所聞多聞方便者能自思量
專心正念從他聞者諸佛所說順道之言所
謂修多羅祇夜闍伽羅那伽陀憂陀那尼陀

那阿波陀那伊帝目多伽闍多伽廣經未曾
有經優波提舍是則名曰從他所聞順道之
言何謂思量專心正念於法方便善知五陰
十二入十八界十二因緣從緣生法是白是
黑是好是醜分別揀擇皆入法性法相法位
如是通達名為正念所以者何舍利弗如來
方便演說五陰而非五陰說十二入及十八
界而非界入說十二因緣而非因緣說法從
緣生而無定相為度衆生作如是說是故汝
等當依於義莫依於語凡夫無智隨逐言說

智者隨義舍利弗何謂言說所有言音文字
差別取相推求可知可識可見可斷可證可
修有相無相隨心心數可疑悔處有此有彼
分別宣示如是等法皆名言說舍利弗何謂
為義宣說所示是名為義若分別義即名言
說次六是故舍利弗當知義者不可言說以斯義
故我經中說如來不與世間共諍世間與我
諍舍利弗唯有如來能方便說陰界諸入十
二因緣從緣生法餘無能者舍利弗佛所說
法及選擇法無有諍訟何謂為法云何選擇

舍利弗眼即是法耳鼻舌身意即是法所以
者何是眼過去未來尚空何況現在所以者
何眼性自爾是故名法耳鼻舌身意去來尚
空何況現在所以者何意性自爾故名為法
云何選擇選擇眼者眼從緣生空無定相若
有定相應眼得眼若眼得眼則有二眼如是
亦應內有見者有如此咎耳鼻舌身意亦如
是如是選擇名為法眼於此義中正見大士
應當觀察眼假名字眼及眼法是三事中何
者為實作如是知三事皆空但有言說無一

真實所以者何諸有言說皆是識處識所知法皆是世間若世間法非出世間不出世間是外道義若外道義則非佛說所以者何佛所言說有出世間出世間法則無言說言語道斷心行處滅是故如來雖復言說而無所著亦不決定分別眼相從善不善業因緣生所以者何眼是有分何謂有分從十二緣出生三有舍利弗何故名有自念我當得如是眼種種分別好樂眼果以受諸塵著眼是我眼是我所故名有分復次衰滅而復熾然一

切苦惱謂我我所墮在二邊故名有分舍利弗譬如銅器擊之有聲汝謂此聲爲從外來爲在內有答言世尊是聲但從衆因緣有非內非外佛告舍利弗汝通達此衆緣法耶答言不也佛言此聲本無所有但假衆緣誑惑耳根如是凡夫於空眼中而生貪著眼中眼相終不可得如是推求無所貪著是名選擇所謂無眼亦無眼相耳鼻舌身意亦如是爾時世尊欲明此義而說偈言

雖說眼無常 眼即無所有 若眼無所有

誰為無常者	雖說耳無常	耳即無所有
若耳無所有	誰為無常者	雖說鼻無常
鼻即無所有	若鼻無所有	誰為無常者
雖說舌無常	舌即無所有	若舌無所有
誰為無常者	雖說身無常	身即無所有
若身無所有	誰為無常者	雖說意無常
意即無所有	若意無所有	誰為無常者
隨是十二人	故有十二名	若隨十二名
應有十二人	因地水火風	和合故名
凡夫隨名字	如狗逐瓦石	若人不隨名

亦不分別我	知我但假名	是人得寂滅
寂滅中無法	可名寂滅者	如是說無說
無說即寂滅	是法中無去	亦無有去者
若人通達此	則知寂滅相	若滅心行處
斷諸語言道	無我無衆生	是名為寂滅
不分別有無	是分別亦空	若心想涅槃
是心亦非有	於法不見遠	亦復不見近
得是慧眼者	自知寂滅義	若人聞是法
能正觀察者	當斷諸疑悔	癡冥盡無餘
無疑亦無悔	善寂無所畏	決定住實相

於法無所礙	菩薩摩訶薩	能自除惑網
哀愍衆生故	爲斷法中疑	以是上妙論
顯示法實相	爲滅諸戲論	汝等勿生疑
言說皆諍訟	因之墮惡趣	若人貪著此
不任演正法	如是名隨義	則無有憂患
亦近無上道	能行是義故	

復次舍利弗菩薩摩訶薩於四事中應勤精進何謂爲四爲出家故勤行精進於遠離處勤行精進於佛教中勤行精進見苦衆生勤行精進爲疾逮得無上菩提作是念言我當

何時得大智慧滅衆生苦而爲說法舍利弗我當爲汝說諸菩薩勤行精進能疾得成無上菩提汝當諦聽舍利弗乃徃過去無量無邊不可思議阿僧祇劫爾時有佛號曰安王壽七萬歲爲聲聞衆三會說法其初會者二十億人得阿羅漢第二大會四十億人得阿羅漢第三大會六十億人亦得羅漢時閻浮提極大廣博九萬由旬中有八萬四千大城一一皆長十二由旬廣七由旬金銀瑠璃玻瓈真珠磤磤碼碯七寶合成其城第一清淨

莊嚴人民熾盛豐樂安隱其城七重有七重
 塹俱亦七寶一一塹中皆有流水周迴圍遠
 青黃赤白雜色蓮華羅列水上鳧鴈鴛鴦鴻
 鶴孔雀生生異類遊戲其中諸塹岸上皆有
 七寶所成七重行樹金樹銀枝碼十二碼十六為條瑠
 瑠為葉玻瓈為華碑磔為果赤真珠為根銀
 樹金枝玻瓈為條瑠瑠為葉碑磔為華碼碼
 為果赤真珠為根瑠瑠樹者碑磔為枝碼碼
 為葉銀華金果玻瓈為根碑磔樹者碼碼為
 枝珊瑚為條銀葉金華玻瓈為果瑠瑠為根

碼碼樹者珊瑚為枝銀條金葉玻瓈為華瑠
 瑠為果碑磔為根珊瑚樹者金枝銀條玻瓈
 為葉瑠瑠為華碑磔為果碼碼為根諸城各
 有八萬園林縱廣正等二十由旬七寶牆壁
 七重圍遶其諸園中皆有七寶七重樓閣七
 寶欄楯七寶羅網彌覆其上寶塹七重莊嚴
 如城是園林中有種種樹謂旃檀樹諸沉水
 樹迦羅那等種種香樹諸音樂樹亦有種種
 華樹果樹器物諸樹眾飲食樹其中亦有金
 樹銀樹瑠瑠玻瓈碑磔碼碼珊瑚諸樹有種

永樂北藏

佛說華手經

第五〇册

種華所謂阿提目多華瞻蔔華婆利師華陀
笈伽梨華文陀羅華和利華多羅利華劬多
羅利華曼陀羅華五色華月上華有如是等
種種諸華園中各有七十大池縱廣五里八
功德水充滿其中其池皆以七寶莊嚴底布
金沙有四寶梯寶網羅覆青黃赤白雜色蓮
華遍布水上時閻浮提王名曰健德於此八
萬四千大城皆置宮殿一一宮殿皆有八萬
四千姝女以爲眷屬於諸城中有一大城其
城廣大四十由旬長八十由旬是健德王止

住其中此城皆以殊勝七寶莊嚴如上豐樂
安隱人民充滿此大城中有王宮宅方十由
旬妙七寶成是宮宅中有諸殿堂種種樓館
中有大殿名曰法殿端嚴殊妙如釋勝殿此
宮宅中有好園林名爲善法是園林中有種
種樹華樹香樹諸音樂樹及瓔珞樹衣服飲
食種種諸樹其中亦有七寶諸樹莊嚴其園
是王宮宅方整嚴事廣博高顯有大高臺七
寶嚴飾七寶幃帳設其中舍利弗是健德
王第一夫人生一太子昔曾供養無量諸佛

端正殊妙衆所愛敬有大威相福德具足王
與大城令住其中太子生日此城中有四十
億女一時俱生王即告勅令給太子以爲眷
屬王及夫人集諸大臣與子立字名曰妙德
太子生時諸天歡喜鼓衆妓樂雨曼陀華俱
發聲言妙德太子今出於世今出於世故名
妙德是時太子漸以長大與衆姝女眷屬圍
遶入園遊觀乘栴檀船五欲自娛時於水中
見佛身相端正第一淨踰火金明過日月如
真金聚如金山焰如巖寶柱三十二相八十

種好身出百千萬億光明處弟子衆圍遶說
法太子見已作如此念是人端正儀相挺特
我今何爲不得是身當發心時佛相不現以
不見故心生憂惱便不復與姝女娛樂不近
女色從船而下上七寶樓結跏趺坐心自念
言何時當得如佛身相時諸姝女欲來娛樂
太子遙見心生厭離閉門不前作如此念是
諸衆生貪欲熾盛多諸惱患我願欲得此大
智慧最勝之身若我與此貪欲惱病衆生同
者有何差別我是行人彼非行者是諸衆生

瞋恚熾盛多諸惱患我願欲得是大智慧最
 妙之身若我與此瞋恚惱病衆生同者有何
 差別我是行人彼非行者當自調伏於衆生
 中不生瞋惱是諸衆生愚癡充滿多諸惱患
 我願欲得此大智慧最上妙身我若與此愚
 癡惱病衆生同者有何差別我是行人彼非
 行者是諸衆生慳嫉所纏多諸惱患我若同
 此慳嫉衆生有何差別我當滅諸貪欲恚癡
 於衆生中起大慈悲爲求正道以是正道捨
 離一切貪欲瞋恚愚癡慳嫉諸不善心既生

如是猒離心故便深樂法不貪嬉戲獨坐思
 惟離諸憤鬧時健德王及大夫人俱聞太子
 不樂嬉戲猒離五欲見諸婬女制不令入便
 生念言誰爲不可媿亂太子令不復喜五欲
 娛樂猒見女色我等便可自往問之作是念
 已王及夫人往太子所說偈問言
 汝法殿清淨 婬女亦充滿 諸樹莊嚴園
 汝何故不樂 如是大城中 法殿甚高廣
 遍見四天下 汝何故不樂 何人爲不可
 媿亂汝心者 汝今愁獨處 如商人失寶

我為汝父母 當具以實答 何人今可治

我得自在故

爾時太子以偈答言

無人為不可 如何當妄言 勿以惡加人

但當自治心 我遊戲水上 見佛身相好

如閻浮金聚 光明照十方 珠光及日月

火燈星宿光 佛光映不現 我見如是相

即時願欲得 如是智慧身 當度老病死

癡惱苦眾生 得身相智慧 勢力不思議

當廣利眾生 令得出生死 我息諸欲樂

姝女及眷屬 今出家行道 隨學當作佛

出家被法服 勤修習善法 父母可出家

俱共修是道 當修行正法 在五欲不安

愛欲害善法 欲縛最堅牢 餘無能斷者

唯我獨遠離 行是遠離故 當得佛智慧

佛法中出家 若作障礙者 是人則無利

我哀彼故說 國財子何益 富貴皆無常

若今不放捨 不久亦分散 以因出家故

能生眾善法 往來生死中 世世受眾苦

如是展轉生 空無決定子 於法無正觀

但著假名字 莫以子起罪 共於法出家

我久離諸難 俱是無難時 得具足人身

父乃信善法 得值安王佛 今可共出家

妙德太子說是偈已即便行詣安王佛所頭

面禮足合掌向佛而說偈言

我生魔網中 六 增長諸邪行 十六 今欲壞裂之

願佛聽出家 我父縛堅固 自亦處界縛

斯無堅實樂 但是眾苦本 今欲解諸縛

壞裂眾魔網 於佛法出家 成佛兩足尊

我深畏諸欲 受欲終無安 欲為癡畏法

當捨行佛道

舍利弗時安王佛即聽妙德出家受戒有諸

人眾八萬四千并餘眷屬及姝女等皆隨出

家復有百億諸善知識亦隨出家王聞太子

出家學道即嚴四兵從諸大臣詣安王佛所

頭面禮足於一面立合掌向佛而說偈言

出家無惱熱 寂滅安不動 是眾樂之本

願依佛出家 捨國財妻子 及所珍眷屬

受眾欲無厭 是法常弊穢 若受妙五欲

凡小智所行 修佛所讚法 滅一切眾苦

捨國城所有	施佛及眾僧	願佛聽出家
成佛普見尊	爲大利眾生	度一切苦惱
欲令離諸難	離難得寂滅	時佛歡喜讚
善哉發大心	能敬佛深智	善來聽出家
王旣聞聽許	心生大歡喜	必成兩足尊
蒙佛安慰故	時王即出家	及諸四種兵
皆發菩提心	當成無上道	是眾出家已
皆逮無生忍	於此處命終	悉得生天上
得值大名聞	二十億諸佛	皆於諸佛所
出家行正法	是等常精進	得智無所畏

能大利眾生 令脫無量苦 所值遇諸佛
皆受持正法 但爲廣流布 而不惜身命
得如是大果 最上妙智慧 證不思議法
誰不求佛道

佛告舍利弗汝謂彼時健德王者豈異人乎
即我身是妙德太子堅意菩薩摩訶薩是如
是舍利弗菩薩摩訶薩以樂法故見諸眾生
煩惱苦逼起大慈悲教化令住善法因緣漸
得解脫復次舍利弗諸菩薩摩訶薩樂深法
故而求深法亦爲眾生說是深法何謂深法

諸精進者之所能行其精進者即諸菩薩摩訶薩衆求無上道不退者是斯等皆能深達諸法云何深達若求眼相即是假名非爲深達法相爲非內非外非我我所非垢非淨不生不滅所以者何性常自爾如是法性無作非作是名通達眼甚深法求耳鼻舌身意相者即是假名非爲深達法相爲非內非外非我我所非垢非淨不生不滅所以者何性常自爾如是法性無作非作是名通達意甚深法舍利弗其甚深者即法實相若取法

空即是妄取若取無相是則爲相若取無願是亦爲願舍利弗法性本來不增不減是則名爲深達諸法故說菩薩摩訶薩等爲精進者舍利弗以何義故說名菩薩能諦了知無衆生法故名菩薩復次是人所行智慧爲首故名菩薩又令衆生知所行法皆無所有故名菩薩又舍利弗無所有義是菩薩義無所顯示是菩薩義故菩薩義無二無礙又舍利弗不過不沒是名菩薩又舍利弗空是菩提何謂爲空無一切法故名爲空舍利弗若於

法中乃至決定有毫末相即是著相著我著人著衆生相著諸法相是空法中無此諸相故名爲空空即菩提以是義故一切諸法皆名菩提舍利弗汝當隨順如來教行勿違逆也所以者何諸佛菩提第一甚深一切凡夫所不能及舍利弗且置凡夫一切聲聞辟支佛人不見不觀不能通達諸佛菩提離盡智見無生智觀以何法盡名爲盡智無法可盡諸法離盡入畢竟盡故名盡智而不能知於念念中爾所滅盡爾所未盡故說聲聞辟支

佛人不能通達諸佛菩提舍利弗無生智者於諸法中尚無少生能如是知名無生智而不能知於念念中爾所無生及未無生一切聲聞辟支佛人無如是智是故佛智名爲無等餘無及故復次是智等無邪正故名平等舍利弗如來慧者正覺究盡無有錯謬故名佛慧是佛智慧無量無邊阿僧祇劫求之乃得故名爲覺舍利弗何故如來名爲覺者一切衆生長寢生死若遇若沒不能通達唯有菩薩獨能覺悟故名覺者又舍利弗正覺諸

法故名覺者云何正覺知一切法非法非非法非垢非淨亦非過去未來現在隨順是相故名覺者亦覺無法若生若滅若來若去故名覺者舍利弗是覺義者無量無邊不可思議難得崖底譬如大海其水一味不增不減悉受衆流而不及溢漸次轉深甚深第一舍利弗如來大海亦復如是空無生滅一解脫味次第說法名漸轉深得一切智名深第一究盡通達無上菩提一切法中無錯謬故名無增減一切問難無能窮盡故名難溢能集

一切諸善功德名受衆流舍利弗若我盡說如來義者誰能堪受如娑伽龍王欲降大雨但注大海餘無能受如來亦爾若盡開演佛智慧者一切衆生乃至聲聞及辟支佛無能堪受但諸菩薩發大乘心佛加神力則能受持舍利弗世有四事爲最難得何謂爲四得人身難生中國難信佛法難旣信解已能問所應是爲甚難此四難事汝等皆得今當問佛諸法中疑我今聽汝一切世間諸天人等恣意所問如來不久當入涅槃無從後悔時

舍利弗即從座起偏袒右肩右膝著地合掌
向佛白佛言世尊欲有所問唯願聽許佛言
今隨意問當為汝等隨所問答舍利弗言唯
然世尊我今當為上行菩薩諮問如來即說
偈言

安住上功德 廿六 修淨道高尊
當問如是行 菩薩云何施
云何發善心 當大利衆生
忍辱柔和心 云何行精進
見苦惱衆生 云何加矜愍

二十 樂行柔和忍
施已心歡喜
云何持淨戒
不退不休息
深心樂菩提

唯願世尊說	云何無量劫	莊嚴菩提道
心終不退沒	而生大歡喜	云何行禪定
反修習智慧	云何應求法	以成多聞者
何等法應聽	何等法應離	發菩提心行
我今問是事	云何求正法	於中深欲樂
云何離諸欲	離已能出家	云何出家時
能生歡喜心	云何出家已	功德巍巍尊
云何心迴向	能起方便力	云何能世世
常不忘正念	云何處胎中	常習菩提心
亦能見諸佛	而無所障礙	云何薄貪欲

慈心薄瞋恚

云何薄愚癡

心常無錯謬

能說無上法

云何知衆生

種種差別心

云何生王家

亦修治國事

而能離諸難

云何於善法

而能自調伏

爲諸菩薩故

常得生善處

云何治世事

而心常歡喜

我問二足尊

是諸菩薩行

唯願分別說

亦感諸如來

常能見諸佛

云何具身色

若人爲佛法

而發菩提心

是人聞佛說

端嚴常第一

亦具足眷屬

皆發菩提心

則生大歡喜

佛於一切法

智慧無障礙

云何所生處

常厭離家屬

常樂行出家

我以有限智

而問於世尊

我雖有所問

無有貪著心

云何出家已

能受持菩提

不能盡通達

所不能問者

願佛具演說

於佛滅度後

能守護正法

云何處亂世

歎德品第二十一

而得無亂心

見惱亂衆生

悉能安慰之

爾時佛告舍利弗言善哉善哉汝能問佛苦

云何聞能持

入陀羅尼門

以無礙辯才

薩摩訶薩深行佛道住淨功德樂柔和忍如

是等事汝之功德不可限量所以者何諸菩薩摩訶薩能爲難事譬如有人欲以三千大千世界所有衆生移置一處是事難不舍利弗言甚難世尊佛言欲比菩薩所爲難事於百分中尚不及一百分千分百千萬分乃至譬喻所不能及舍利弗置是三千大千世界所有衆生如劫燒時三千世界爲一火聚若人能以一吹令滅一吹還成若大鐵圍須彌諸山及大海水一切國土宮館園林聚落城邑還復如故汝意云何是人所作寧爲難不

舍利弗言甚難世尊佛言欲比菩薩所爲難事於百分中尚不及一百分千分百千萬分乃至譬喻所不能及又舍利弗譬如有人欲以足爪破散三千大千世界是人名爲現大力不答言世尊其力甚大佛言欲比菩薩所現大力於百分中尚不及一百分千分百千萬分乃至譬喻所不能及又舍利弗譬如三千大千世界所有地種止於水上水止於風若有一人乃從風際舉此世界若置頭上若肩荷負蚊脛爲梯循之而上乃至梵天而不

墜落汝意云何是人巧便爲難事不舍利弗
言是人巧便持此三千大千世界循蚊脛梯
上至梵天而不墜落是爲甚難舍利弗如來
今當告汝誠言欲比菩薩方便大力於百分
中尚不及一百分千分百千萬分乃至譬喻
所不能及所以者何諸菩薩摩訶薩成就無
量身心精進深發大願行大方便起大智慧
成大勢力求大無畏大覺明眼求大慈悲及
不虛行象王迴觀師子奮迅無見頂相求如
是等諸佛大法亦求無比最勝威儀第一之

行無比功德無比柔和行無比施持戒忍辱
精進禪定智慧方便通達法相如來無比自
在神力三輪示現善解一切衆生深心及心
所行願解一切衆生假名願解一切衆生解
脫解脫知見願解一切衆生止觀願解衆生
所修行道及所得果願知衆生所解諸諦願
解十方一切衆生音聲語言種種差別願解
衆生貪著深淺及離貪著願諸法中得無受
慧願解諸法空業報慧舍利弗取要言之諸
菩薩摩訶薩所求所願智慧功德及隨願行

隨行得果是諸事中無可爲喻無說因緣如
是大願莊嚴功德唯佛能知若近佛者乃能
得解舍利弗汝諸聲聞隨信能入諸菩薩等
以信解知汝能爲此大功德者問佛是事今
當爲汝說少分耳所以者何汝之所問菩薩
事者非可一日一月一歲百歲千歲百千萬
歲乃至一劫百劫千劫百千萬劫所能說盡
舍利弗當知是事無量無邊不可思議阿僧
祇劫乃可說之舍利弗如來了知諸菩薩等
最初發心下劣一念功德果報百千萬劫說

不能盡況復一日一月一歲乃至百歲所集
諸心功德果報豈可說盡所以者何菩薩摩
訶薩求大智時能起無量功德因緣舍利弗
諸菩薩等所行無盡欲令一切衆生皆住無
生法故舍利弗諸菩薩等所行難知求深法
故諸菩薩等所行甚深於一切法不依止故
菩薩所行無邊無等以佛智慧無邊無等故
諸菩薩等所行無盡無有齊限行爾所施爾
所便止是物可施是物不可施是人可與是
人不可與菩薩施者捨一切物等與衆生菩

薩持戒亦不齊限日月歲數乃至盡壽但於無量阿僧祇劫常為十方一切衆生及佛道故修行淨戒是菩薩業舍利弗菩薩摩訶薩所為事業一時止息謂坐道場住一切法思量淨印三昧以一念相應慧究盡通達一切

諸法

欲六

十四

驗行品第二十二

佛告舍利弗應以三事驗菩薩心何謂為三一者能捨一切所有而不望報當知是為真菩薩心二者求法無所貪惜寧失身命而不

捨法是則名為真菩薩心三者不逆甚深之法以信解力入佛菩提不生疑惑是亦名為真菩薩心以是三心驗諸菩薩又舍利弗復有三事驗菩薩心何謂為三常勤精進求法不倦謂是大乘菩薩藏經以是經故自增善根亦能增長衆生善根常隨法師恭敬供養若過千歲乃能得聞善根相應一四句偈聞已隨順不違不逆不沒不退追隨法師益加恭敬但自咎責我以宿世障法罪故不得聞法非法師咎今當親近隨從法師令我一切

障法罪業皆悉消滅是亦名爲眞菩薩心是
故當知菩薩摩訶薩深心求法隨逐法師則
能成就一切佛法舍利弗乃往過去過無量
無邊不可思議阿僧祇劫劫名妙智爾時有
佛號普德增上雲音燈壽命半劫聲聞衆會
數如恒沙一一會中恒河沙人皆具三明得
共解脫大阿羅漢菩薩衆會數如聲聞一一
會中恒沙菩薩得無生忍住不退地初發意
者不可稱數普德增上雲音燈佛將入泥洹
時於百億閻浮提中一一各置一大法師皆

次六

廿五

加神力彼佛滅後法住八百千萬億那由他
歲爾時於此閻浮提中所置法師名曰聲明
爲彼如來加其神力隨法住世守護法城修
菩薩行得無生忍住不退地彼佛滅後八萬
億歲聲明法師遊歷諸國從邑至邑處處演
說普德增上雲音燈佛無量無邊阿僧祇劫
所集佛法舍利弗時閻浮提邊境有城名曰
堅牢於此城中有一居士名曰堅衆其年少
壯主治諸城生如是心我當云何能集智慧
以是智慧能令衆生修行法事捨離俗業作

是念已即時有天而告之曰居士當知有佛出世號普德增上雲音燈今已滅度爾時居士聞佛名字心生歡喜又聞滅度即大悲泣天問之曰汝以何故先生歡喜而後悲泣居士答言我從汝聞有佛出世心生歡喜又聞滅度失大利故所以悲泣天又告言汝勿愁憂普德增上雲音燈佛臨滅度時以神通力加一法師名曰聲明佛之法藏皆悉受持即是彼佛知法藏人居士問曰聲明法師今在何所答言居士法師今在迦毗羅城於此東

方過三百六十由旬堅眾居士聞是語已明旦即持八十億金千寶瓔珞與多眷屬俱詣彼城到已推求法師住處見法師已稽首禮足於一面立聲明法師為說甚深清淨妙法謂斷眾疑令眾歡喜能集一切菩薩善根是

廿六

廿六

大乘經爾時居士聞經歡喜持金瓔珞為敬法故奉上法師亦以自身供養給侍舍利弗堅眾居士為求法故勤心恭敬供養法師常隨親近欲得是經書寫受持讀誦修行從初聞已六十億歲常隨法師於其中間更不得

聞何況書寫受持讀誦居士供養聲明法師於爾所歲心不捨離不生欲覺瞋覺惱覺常立法師所住門外晝夜待衛初不睡卧時有惡魔名常求便爲求堅衆居士短故變爲聲明法師之身與一女人共爲欲事作是變已示居士言汝觀汝師常謂如佛智慧第一多聞如海汝今且觀行非法事云何教他修行淨戒而自毀禁汝師自謂修梵行者而壞梵行常爲人說行深淨法而今云何自爲非法居士可止捨離是人勿以爲師汝持淨戒少

欲知足樂離精進堅念智慧汝自成就如是功德云何乃以此人爲師堅衆居士時作是念我在本舍有天來言有佛出世號普德增上雲音燈今已滅度臨滅度時皆與百億閻浮提中一一法師加其神力閻浮提有一法師名曰聲明第六彼佛所說皆能受持第七是彼如來持法藏人汝往親近我聞是說以爲大利即便行詣此法師所爾時法師即爲我說斷衆生疑令衆歡喜菩薩藏經引導我心我時歡喜以大供具奉上法師亦以自身供養給侍

我以此事謂爲真實今是人來示我法師如是過咎所不應行當知魔事所以者何佛所護念加神力者若作斯事無有是處此或是魔或是魔民或魔所使所以者何聲明法師所說法中無有是事我當觀察求女人相及女人法推求男相及以男法我若隨此虛妄相者無惡不作所以者何一切罪業皆從憶想分別故生若我隨所見相輕恚法師亦能謗佛毀逆佛法是法師者爲普德增上雲音燈佛神力所加今當立誓若是法師爲彼如

來所加神力我亦復是深求法者以是因緣此不淨相便應消滅即時合掌一心念佛說是誠言時此女相滅不復現堅衆居士滅魔事已而作是念我以一心如是求法聲明法師不爲我說即是魔事亦復是我宿世障法罪業因緣非法師咎我當自勉勤行精進滅諸魔事思惟是已而猶恭敬隨逐法師不生瞋慢舍利弗汝觀居士其心清淨堅固難沮從初聞已六十億歲於其中間更不得聞猶故深心恭敬隨逐常求魔便如是誑惑而心

不異轉加宗敬心信清淨堅衆居士過六十
億歲於此命終生于上方第十世界界名無
諍彼國有佛號曰大肩一會說法諸聲聞衆
九十六億堅衆菩薩時生王家生時有天來
語之言汝以一心求法因緣是大果報堅衆
聞已作是念言若如是者我從今已當更求
之生千歲已於大肩佛法中出家佛爲說法
以本行願及佛神力得識宿命大肩如來所
說法藏皆能受持於半劫中修行梵行教化
無量無數衆生皆令得住阿耨多羅三藐三

菩提命終之後次復值佛號須彌肩生七歲
已於佛法中出家求道是人堅念本願因緣
佛神力故須彌肩佛所說法藏盡能受持從
大肩佛所聞之法亦憶不忘如是展轉得值
六十百千萬億那由他佛諸佛所說皆能受
持讀誦解說修行從是以後堅衆菩薩多聞
智慧如大海水無濁無盡等如虛空清淨深
妙難測崖底舍利弗汝意或謂堅衆居士聞
天言已持金瓔珞到法師所聞法歡喜以奉
法師亦以自身恭敬給事爲求法故常隨法

師六十億歲更不聞法常求魔便如是誑惑見聞師過而不瞋礙一心隨逐至命終者是異人乎勿造斯觀即錠光佛是舍利弗汝觀菩薩深心精進如是求法得大果報是故當知諸菩薩摩訶薩深心求法疾得阿耨多羅三藐三菩提舍利弗聲明法師猶爲諸佛三時護法今在此會舍利弗復有三事驗菩薩心一者菩薩專心求法則能遍行一切衆行是爲初心又舍利弗菩薩若求無量佛法聞甚深法而無驚畏信受不逆隨聞深法心淨

不動是名第二菩薩真心又舍利弗若有人來到菩薩所作如是言若有人發無上道心應與一切衆生之樂今我則是第一苦人當先見與然後乃及一切衆生若是菩薩力能濟之而不肯與心生退沒作如是念我尚不能與此人樂何況能濟一切衆生當知是非真菩薩心若見求者心不退沒而起慈悲以爲快樂當知是爲真菩薩心舍利弗若與求者諸樂具時反被惡口罵詈毀辱心無恚礙但生慈悲給其所求既能如是調伏其心即

時得除無量生死罪業因緣疾近佛道一一念中能攝無量無邊佛法是名菩薩深心方便志不可壞若是乞人惡口罵詈爾時菩薩又作是念此人則爲與我佛法以於是中不生瞋心即近佛道是名方便菩薩真心又舍利弗若有人來至菩薩所作如是言阿耨多羅三藐三菩提其法甚難汝何能集一切佛法菩薩聞之心不退沒則生真心若聞是說心生易想是則名爲真菩薩心又舍利弗若有人來語菩薩言若發阿耨多羅三藐三菩

提者於己身命不得自在況復財物善男子汝今應當捨離是心勿於身命不得自在菩薩聞是便貪身命而生退沒當知此非真菩薩心若聞斯事作如是念一切衆生戀惜身命老病死來必強侵奪又以憍惜自身命故起諸罪業因罪業故當墮惡道乃更不能守護我身我若貪惜守護身命起罪因緣墮諸惡道往來生死與彼愚人有何差別我今不應護惜身命但當貪惜如來智慧守護佛法爲度衆生勤行精進捨離貪愛諸煩惱等我

今當爲無縛無脫而與衆生演說諸法思惟是已答彼人曰汝言身命不得自在法自應爾惜與不惜俱不自在咄哉仁者一切諸法皆空無主無所依止但從緣有若能如是正觀法者當知是爲得善方便真菩薩心又舍利弗若有人來語菩薩言汝發阿耨多羅三藐三菩提心今應爲我而作僕使菩薩答言我不獨爲汝作僕使我應給事一切衆生所以者何我爲一切衆生重擔受安隱擔不疲倦擔生善處擔能值佛擔聞佛法擔隨法行

擔得解脫擔是擔不令身心疲怠不自惱熱亦不惱他既不自苦又不苦彼如汝所言我爲僕使汝須何等是人若言須汝身命菩薩應言我今亦不憚護身命但愍惜汝勿於一切空無有主無所依止如是法中生自在心而起罪業以是因緣墮諸惡道咄哉仁者不欲令汝起是罪緣墮諸惡趣我心如是若不信者當隨汝意若能如是不惜身命當知是爲真菩薩心即遠生死近無上道一切智慧教化衆生淨佛國土亦能增長自他善根舍

利弗如持無價寶摩尼珠以火鍊之色隨發
明治寶珠師大得財利是珠能出種種技能
若有見者無不玩好而愛惜之舍利弗菩薩
摩訶薩亦復如是能行一切諸法平等能示
衆生真菩薩心隨其所行善根明淨常爲諸
佛之所護念無量衆生所可樂見一切世間
諸天及人之所歸趣舍利弗譬如有人種植
藥樹隨時澆灌障蔽風日令此藥樹漸增滋
茂既生長已能滅衆生無量諸病爲老病者
之所樂見菩薩摩訶薩亦復如是發阿耨多

羅三藐三菩提心種諸善根爲佛智故一心
求法障蔽魔事及諸煩惱於佛法中隨所造
業漸得增長既增長已能壞無量無數衆生
諸煩惱病能爲無量阿僧祇衆集智慧藥若
作佛時有垢無垢一切衆生皆悉樂見一切
世間諸天及人阿脩羅中最爲尊貴又舍利
弗若有人來語菩薩言若發阿耨多羅三藐
三菩提心是人當生大地獄中所以者何隨
所度脫爾所衆生當應無量阿僧祇劫大地
獄中代受諸苦然後當得佛無上智度脫衆

佛說華手經卷第七

欲七

姚秦三藏法師鳩摩羅什譯

得念品第二十三

佛告舍利弗汝復欲聞菩薩心不唯然世尊
今正是時應當更說菩薩真心以是真心則
能修集無上菩提佛告舍利弗乃往過去無
量無邊不可思議阿僧祇劫爾時有佛號德
王明如來應供正遍知行足善逝世間解
無上士調御丈夫天人師佛世尊出現於世
舍利弗是德王明佛聲聞大會八萬四千菩

薩眾會數亦如是時彼聲聞一一會中八萬
四千人皆得阿羅漢其諸菩薩一一會中八
萬四千人得阿惟越智德王明佛爾所漏盡
心得自在大阿羅漢諸須陀洹及斯陀舍阿
那含眾復倍是數時有王子名曰得念往詣
佛所頭面禮足却住一面王子見佛有大威
德作是思惟佛為希有成就如是甚深功德
我當何緣得集如是佛之智慧及相好身即
隨所念以偈問佛
今我見世尊 願當得是智 行何業因緣

遠此無上慧	佛身色第一	猶如星中月
神通力無比	能隨眾說法	智慧無與等
如釋天中尊	於法得自在	我今問是事
佛智淨無礙	三世皆通達	一切眾所尊
為我說此事	世尊昔曾見	無央數諸佛
諮問菩提因	願今為我說	今問無礙智
云何證佛道	一切眾所歸	得度生死苦
舍利弗時德王	明佛以偈答曰	
童子汝所說	其事實如是	我曾見諸佛
數如恒河沙	見佛過恒沙	名數不可盡

亦於恒沙劫	問佛如是事	汝發菩提心
當成兩足尊	今聽我所說	聞已如說行
常行施不怠	持戒不休息	多聞無厭足
修習真智慧	佛略說此偈	見童子無厭
欲令成佛道	更為廣分別	汝布施不懈
持淨戒無倦	問智者無厭	是真智因緣
真智無方所	亦無常住處	因緣問諸佛
故生真智慧	佛智不依眼	眼性自空故
是以不應著	當求佛智慧	耳鼻舌身根
及意亦如是	此諸入皆空	無可貪著相

四大合成身	心所依止處	是從憶想生
憶想亦非有	若不依止身	亦不依壽命
又不依財利	則能得佛道	常應求出家
常勤行精進	常厭穢諸欲	為離惡道故
汝所行布施	為一切眾生	於眾不分別
亦不戲論施		
時得念王子信心歡喜即於佛前而說偈言		
世尊能斷疑	拔出生死道	說是深淨法
為我作大利	我謂便成佛	已坐於道場
壞一切魔縛	從佛聞法故	我便為眾導

能動大千界	現種種神通	從佛聞法故
謂便捨大壽	已入於涅槃	一切法皆空
生是真智故	知法滅盡相	滅法無處所
有為皆盡滅	盡滅即為空	我今詣父母
報謝并奉辭	於佛法出家	為修菩提故
即時禮佛足	繞三匝已去	行趣父母所
中道值惡魔	惡魔生是念	王子欲出家
我當作障礙	燒亂壞其心	即立於中路
借問王子言	疾行將何趣	小住欲相問
王子時答曰	吾從佛所來	得聞無上法

今欲修習之	魔言汝善哉	精進求佛道
但應先受欲	然後當出家	汝生尊貴處
民財富無量	當先受世樂	勿於後生悔
如是尊貴處	妙五欲難得	若今捨出家
後必生悔心	即時王子曰	受欲終無安
汝以顛倒心	讚是虛穢法	汝說富貴難
離八難甚難	我今遇是時	出家修佛道
我了知欲界	色無色界過	三界苦無常
斷愛得寂滅	當證無為法	大利益衆生
度脫老病死	往來衆勤苦	

時失念魔語王子曰仁者自言志求佛法我今亦當相化利益時得念言且為吾說聞已當知魔言立誓乃為汝說王子答曰咄哉仁者吾先相語聞已當知魔謂得念汝不應說聞已當知應如是言但見教化當隨教行得念對曰吾今不應如弟子法隨教便行所以者何汝若於法生非法相於非法中而生法相以是教吾吾當思惟善者隨行不善則棄故智者法聞已當知汝欲令吾先定立誓如教便行是凡夫事非智者業是魔所為非佛

法也故不隨汝決定立誓懼有智者譏呵我
言云何立誓而後自違時魔念曰今是王子
聰明黠慧不肯立誓難可誑惑作是念已語
得念言善哉王子智者之法不應先誓雖然
我今教汝汝當信受於何事中見多過答應
當捨離見有少過故七當親近之王子聞已即謂
魔曰咄哉丈夫汝今不應作如是說所以者
何多過少過皆不應近譬如多毒能傷害人
少亦能害如轉輪王飯中有毒能害於人若
下賤者飯中有毒亦能害人是故當知多過

少過深智之人皆應捨離智所近法無諸過
失無熱無惱不動寂滅究竟安樂時魔生念
今教是不肯信受而逆酬答悉能通達反
令我疑雖然更有一理是王子心少過多過
俱不欲受而菩薩行多諸過答久處生死往
來衆趣貪欲瞋恚愚癡等過非時求者強來
從索所愛重物頭目髓腦及諸身分菩薩行
中有如是答是王子心少過尚捨何況多失
今若聞此菩薩行中有如斯答或當退轉以
小乘法入泥洹者如是猶差此則便爲大壞

其心思惟是已語王子曰善哉善哉誠如所言多過少過皆不應近是智者法我所說謬不違汝心王子當知唯有泥洹無諸過咎是故汝當一心勤求止勿往來經歷生死數受衆苦王子當知受胎甚苦處胎時苦出時亦苦愛別離苦怨憎會苦是身無常空不堅固五養育勤勞壽命危脆是無常事甚可怖畏無邊世生死何可窮盡智者聞是足生馱離汝向自言諸佛難值八難難離人身難得經法難聞信之亦難汝今皆已具得斯事不應空

捨當生馱離即於此身便入泥洹我本意者正欲說此故先令汝立決定誓乃謂我言聞已當知王子答曰若仁者言生老病死數數受苦可如所說若言此身當入泥洹是則不可我聞此已乃於衆生轉增慈悲衆生可愍於老病死數數受苦我得阿耨多羅三藐三菩提時爲轉無量老病死苦而爲說法令得永離仁者希有大見利益我聞汝說生死苦時便於衆生而起大悲救護之心若我此身即入泥洹誰當救者又今於汝聞是事已轉

堅固我大願莊嚴爾時弊魔語王子言汝說少過尚不應近今以何故欲入生死答言仁者阿耨多羅三藐三菩提中無一過咎故應習近魔言王子無上道中雖無過咎誰當相與我求佛道尚不能得何況汝耶我本生念當得佛道發是邪心即時便有無數乞人來從我索頭目髓腦及諸身分又言王子我捨頭目及手足等與諸乞人血流成河汝欲見不答言欲見以爲利益魔即生念此王子心於無上道如似可轉作如是言我欲見此以

爲利益魔即化作四大血池其血充滿於此池邊流四血河積諸人頭如須彌山有始壞者有已青淤黃赤白等亦復變作諸死人屍積若衆山或截手足或復出眼或刎耳鼻斷諸身分又作夜叉諸噉人鬼四邊充滿甚可怖畏或執刀杖弓矢鉞戟擔山吐火雷電霹靂或復變作諸惡蟲獸獅子熊羆虎豹之頭牛馬駝象猪犬之頭蛇頭魚頭摩伽魚頭此諸鬼等或執毒蛇或口吐火或有二頭五頭十頭百千萬頭或有一舌二舌十舌百千萬

舌一眼二眼五眼十眼百千萬眼各出大聲
甚可怖畏各共眼語瞋目看視齧唇吐舌四
面圍遶變作如是可畏事已語王子言汝今
見是四大血池出四大河流血滿不王子言
見魔言此皆是我本發無上菩提心時有諸
乞人來從我索頭目髓腦種種身分所有流
血成此大河汝又見此須彌山等人頭聚不
王子言見魔言此皆是我往昔施諸乞人所
斷之頭汝復見是如四大山死人屍聚或截
手足及耳鼻等諸身分不王子言見魔言此

亦是我本爲菩薩行佛道時施諸乞人所捨
之身汝復見是四邊夜叉諸惡鬼等可怖畏
不王子言見魔言若人發阿耨多羅三藐三
菩提心即便爲是諸鬼所著從乞頭目耳鼻
手足種種身分我從往昔發心已來斷爾所
頭及諸身分魔復化作大羅刹衆語王子言
汝又見是羅刹衆不王子言見魔言若發無
上菩提心者是諸惡鬼殘食五藏飲心血七
滴斷其命根汝今當知若不捨離是菩提心
不脫此苦我本思惟是事甚難終不可得不

能堪受此衆苦惱是故退轉於無上道當退轉時即脫此苦安隱快樂是故我今爲利益汝說如斯事勿復發是無上道心汝若發者受此苦分不得解脫得念王子作是思惟我於佛所發阿耨多羅三藐三菩提心欲趣父母是人中路而見沮壞此或是魔化爲人身若魔所使或於佛道而起退轉懈怠之心故來壞我此人先世必有重罪是故今有爾所乞人來索頭目種種身分斷其命根受此衰惱復次是諸乞人能助菩薩成無上道所以

者何此等乞人從處處來皆以貪欲瞋恚愚癡嫉妬憍慢故從菩薩非時乞求若我不能滿此衆生世間願者云何能與出世間利是人懈怠不能深樂無上道故便生退轉我今見此轉加精進求無上道假使我於一息之頃捨爾所身乃至究竟最後邊身常於一念捨爾所身心終不退我今當發大願莊嚴此諸衆生以煩惱力起是罪業我要當得無上菩提斷煩惱故而爲說法思惟是已便語魔言咄哉仁者甚爲希有大見利益安隱求者

開菩提者能示現我如是等事我見此已發
大莊嚴轉增堅固深樂菩提時魔生念今此
王子見是變化倍復精進深樂菩提作是念
已語王子言仁者若不信受我語今小相離
自當知之時諸魔民即語魔曰今是王子不
受汝教可小遠去我甚飢渴當壞其身殘食
五藏飲其心血或復有言汝小遠去我當碎
滅此王子身或有言曰汝小避去我索其頭
或有鬼言我從索眼耳鼻舌等種種身分有
羅刹言汝小離之今是王子命盡時到汝欲

利益而不肯受我今殺害食其血肉世世受
胎處胎出胎我常隨逐而殘食之有夜叉鬼
更相謂言是人無力不隨主教今當收捕繫
縛殺害壞裂其身時失念魔語羅刹言汝等
小住我當令此得念王子轉是邪見爲之長
夜作善知識汝等小住當識汝恩我今欲令
生正見心若復不捨惡邪見者便相隨意若
能轉者當報汝恩此王子後亦當報我時失
念魔第二第三語王子曰當受此言我是深
心求益利者爲汝盡形作善知識今可捨是

顛倒邪見王子當知是無上道難得難證汝復欲見諸大菩薩命終之後所生處不答言欲見時失念魔即於其處化大地獄語王子言汝今見是地獄衆生種種拷掠受諸苦不王子言見魔言是人皆坐先世初發無上菩提心時非時求者強來從索所愛重物以慳惜故起瞋恨心受此罪報但爲外物尚生此中況復來索頭目髓腦而無瞋心以瞋心故便受此罪汝若慳惜不肯與者則生是中設復與之而生瞋恨亦墮是中二邊不免俱受

此苦王子當知若施求者不生瞋心此諸夜又亦於胎中生時生已殺害割截分裂支體各自持去王子當知是菩薩道二邊有過若與不與俱亦不善汝不信我當問是人何故生此王子問言咄諸仁者汝以何故皆生是處諸人答言我等昔修佛道時於諸求者生慳貪心故生此中又言我等本求佛道諸乞人來割截我身我於爾時生瞋恨心故墮斯處是故王子汝當隨順此人所說莫入是中後生悔恨爾時王子即謂魔曰咄哉仁者深

見利益示我地獄及此菩薩吾從今日於所
重物無有慳悋不施之心若施乞人終不瞋
恨所以者何生地獄者是慳貪報非布施果
咄哉仁者今可共詣德王明佛當問此事隨
佛所說俱共行之失念魔言我今何用詣佛
所爲汝欲往者自可隨意所以者何我恐彼
佛還教我發無上道心得念王子復語魔言
汝自云是深求利者求安隱者必共我詣德
王明佛隨佛所說當共修行如是至三魔亦
不肯王子且置我本曾已隨佛語故備受衆

苦今不能往王子即時執手牽引俱詣佛所
頭面禮足於一面坐以先所論具向佛說佛
言得念善哉善哉汝能不隨此人所說是失
念魔誑惑障礙汝菩薩道即時王子告失念
曰汝今應當歸佛歸法歸比丘僧魔言且止
我不歸命佛法及僧語已便嘿爾時王子諦
視魔已一心立誓若我至心求佛道者當令
是魔爲比丘形即時失念剃頭法服執持應
器立於衆中自見其身出家法服持鉢執錫
爲沙門像而白佛言世尊若本無心歸命三

寶強變其形爲沙門像法應爾耶佛告失念
誰強與汝剃頭法服應法器耶魔即生念無
人與我剃頭法服爲沙門者我今何不棄捨
而去即欲自釋法服應器而不能離便作是
念我住此衆隨幾所時常爲人笑可於此沒
還本宮殿作是念已忽然不現上昇天宮語
諸眷屬汝等勿謂我爲比丘猶故是本失念
魔王吾欲往詣德王明佛有所燒壞而反使
我變爲此像甚可笑也時諸眷屬罵言禿人
勿爲狂言汝則非復是魔天王今更有王在

此宮殿失念聞已深生惱悔悲號啼哭還到
佛所德王明佛以神通力即時化現阿鼻地
獄中有獄卒持熱鐵丸大如須彌東西推求
失念魔王爲何者是有人問言何用之爲獄
卒答言我欲以此大熱鐵丸著其口中更有
人言此失念魔已作沙門得脫地獄十一或有獄
卒持大火山置兩肩上東西推覓失念魔王
爲何者是有人問言何用之爲獄卒答言欲
以火山焚碎其身有人謂言是失念魔已得
出家脫地獄苦或有獄卒以鐵刀山猛火焰

起置其肩上東西推求失念魔王爲何者是有人問言何用之爲獄卒答言欲以刀山斬截其身有人謂言失念魔王已於德王明佛法中出家脫地獄苦或有獄卒肩負大鑊盛滿融銅東西推覓失念魔者今何所在有人問言汝用之爲獄卒答言欲以融銅灌其口中燒其脣舌咽喉五臟焦爛下過有人謂言是失念魔於德王明佛法中出家脫地獄苦或有獄卒手執鐵叉弓矢鉞戟種種器仗東西推求作如是言失念魔者今在何所有人

問言何用之爲獄卒答言我欲以此種種器仗斫刺割截殘害其身有人謂言是失念魔王已得出家脫地獄苦時失念魔於地獄中聞諸獄卒可畏音聲收捕繫縛打斫刺割壞裂其身勿縱令活聞是事已甚大怖畏作是念言今自眼見無所復疑我定衰退失本天宮入大地獄諸獄卒等四邊唱喚欲收捕我今當何怙唯出家法可以依恃若佛信我至誠心者當於佛法出家爲道冀得脫此大地獄苦可以此意向王子說作是念已即向得念

具陳斯事言我欲於佛法出家得念答言汝若能以信樂清淨而發無上菩提心者然後乃可於法出家所以者何諸佛法中不但正以剃頭染服名爲出家隨其出家所應行法汝當行已乃得出家失念當知於佛法中若有貪著我所者及分別者不名出家失念十二汝當先發無上菩提之心然後正觀以何法故名爲地獄地獄體性如是推求必當不得地獄定性亦復不見入地獄法及不入法時失念魔即發無上菩提之心常樂正觀如是

法相不久便得無生法忍舍利弗得念王子一心開導是失念魔令離諸惡至不退地德王明佛便爲之授無上道記舍利弗是則名爲真菩薩心諸菩薩等以是心故能集無量無邊佛法舍利弗汝謂失念是異人手勿造斯觀即是過去拘珊提佛於此賢劫度脫衆生已入涅槃時得念者豈異人乎今此衆中堅意菩薩摩訶薩是舍利弗爾時得念到父母所於一面立白父母言我今欲於德王明佛法中出家於父母前而說偈言

我於法出家	父母勿障礙	出家佛所讚
是眾樂之本	欲得帝王樂	生天及財富
欲求功德慧	當於法出家	父母今尊貴
本行施戒故	更造功德本	當得為法王
本行施戒忍	今得為人王	若欲增長善
今可行出家	人受福報盡	後墮諸惡道
起重罪業故	不能值諸佛	若人捨餘福
出家行善法	則能離八難	常得值諸佛
見佛速得信	以信生恭敬	敬心順行道
疾得成菩提	若欲離諸難	當遠惡知識

隨我學出家	是眾樂之本	諸天龍鬼神
及捷闍婆等	無能作障礙	令我不出家
若欲作障礙	徒自起罪業	如大力象王
壞鎖得隨意	我今亦如是	斷業貪愛縛
斷已當出家	無人能轉者	父母敬威德
嘿然聽出家	即右繞已去	徑往詣佛所
詣佛出家已	無量眾生聞	心皆生信樂
隨王子出家	王子善知識	無量長者子
信佛法微妙	皆共行出家	王聞子出家
亦捨國尊位	即與八十億	七十那由他

如是等眷屬 悉共行出家 爾時王夫人
聞王出家已 與八萬姝女 亦共行出家
皆隨此王子 而發大乘心 如是讚出家
誰不隨學者

舍利弗汝謂是得念父種善根王爲異人乎

勿造斯觀即我身是爾時世尊而說偈言

時王及大臣 姝女諸眷屬 二萬一千歲
俱淨修梵行 命終時彼佛 處衆而微笑
與彼王授記 說其本行願 是王修梵行
深發大乘願 終不墮諸難 常生無難處

是王無量劫

供養無數佛

賢劫成世雄

號曰釋迦文

是王諸眷屬

得念等比丘

釋迦文佛所

出家爲弟子

皆淨修梵行

終還得人身

於佛滅度後

廣分布舍利

斯等於末世

佛法將滅時

還得共聽聞

我今所說經

佛慧淨無礙

演智光所說

諸有所言論

終歸皆真實

若人聞是法

深信衣毛豎

則不生狐疑

我未得授記

若人在末世

於深法得忍

便應作是念

我聞法王說

比丘比丘尼

諸清信士女

能樂是深法 我皆與授記 佛說此法時

於大衆會中 具滿八十億 七十那由人

皆得柔順忍 爲小法王子

正見品第二十四

爾時世尊告舍利弗所言正見爲何謂也舍

利弗其正見者無高無下等觀諸法又是見

者平等不異故名正見何謂平等眼即泥洹

不離眼有泥洹眼及泥洹是二同等以何故

等非眼眼等非泥洹泥洹等所以者何眼中

無眼泥洹中無泥洹眼中無泥洹泥洹中無

眼眼及泥洹等無差別無差別故名爲平等

耳鼻舌身意即泥洹不離意有泥洹意及泥

洹是二同等以何故等非意意等非泥洹泥

洹等所以者何意中無意泥洹中無泥洹意

中無泥洹泥洹中無意意及泥洹無二無別

若無分別是法即空空即同等是名正見又

舍利弗是見正故名爲正見是正見中無有

邪相故名正見復次是見無稱無量故名正

見云何名壞是正見相舍利弗如是等經違

逆不信不受不讀不如說行名壞正見又舍

利弗分別諸法此則名爲深壞正見所以者何無分別者即是正見如經中說若聖弟子不念地相亦復不念此地彼地我在地中地在我中不念餘大水火風等不念梵世光音遍淨不念廣果無誑無熱空處識處無所有處及非有想非無想處不念泥洹亦復不念此彼泥洹泥洹中我我中泥洹舍利弗又正見者無一切見所以者何諸所有見皆是邪見無一切見即是正見舍利弗又正見者不可言說所以者何一切言說但空音聲或人

於此而生貪著舍利弗又如如來所知正見於是見中無有邪見所以者何一切言說皆住如中如不可說言說亦然舍利弗一切身業亦復如是安住如中無正無邪無有分別舍利弗一切諸業皆住如中非正非邪無有分別一切果報亦住如中如業相說是故如來真實說者作如是言若有作業必有果報果報隨業如是舍利弗是智名爲分別五道五道智者皆是非智一切五道從非智生舍利弗菩薩聞是不應驚怖起退沒也舍利弗

有四種法若習近者但增愚癡不生智慧何謂爲四讀誦修習外道經典是增愚癡不生智慧親近修習諸邪見法是增愚癡不生智慧樂決斷事是增愚癡不生智慧斯等深經與空相應不受不讀亦不正觀是增愚癡不生智慧是名爲四舍利弗違此十六四法能生智慧應當修習何謂爲四修習正見能斷邪見是第一法能破愚癡得生智慧若有讀誦外經典處清淨行者當遠捨離不應止住是第二法能破愚癡得生智慧舍利弗若諸住處

有斷事人清淨行者不應同止若欲住者但說正道莫雜非法但滅是事安隱同行亦爲折伏非法者故和合衆僧不令壞故是第三法能破愚癡得生智慧舍利弗斯等深經一心聽受如說修行爲人敷演令法久住是第四法能破愚癡得生智慧是名爲四舍利弗菩薩法者深生慚愧持戒清淨不起業故菩薩應生無所畏心莊嚴願故菩薩常應修大人行起大精進不懈息故

歎教品第二十五

佛告舍利弗菩薩若爲守護正法通達真論
問我弟子如來爾時甚爲慶慰所以者何繼
佛種故是故汝等聲聞弟子應爲菩薩演說
正法示教利喜常得無量無邊功德舍利弗
若我弟子比丘比丘尼優婆塞優婆夷念佛
念法亦念如來十七爲求法故無量無邊阿僧祇
劫受諸勤苦以如是念爲菩薩說乃至一偈
又作是念此諸菩薩或聞是法示教利喜當
種善根修集佛法得阿耨多羅三藐三菩提
爲斷無量無邊衆生無始生死諸苦惱故而

爲說法所得功德假使有形若四天下所有
衆生皆得人身於此福德各持一分搏若須
彌而此功德猶不滅盡又舍利弗置四天下
若小千中千大千國土所有衆生有色無色
有想無想非有想非無想假令一時皆得人
身各以一器大如須彌於此福德盛滿而去
猶不滅盡舍利弗我諸弟子比丘比丘尼優
婆塞優婆夷爲菩薩說一四句偈示教利喜
得是無量無邊功德舍利弗是諸菩薩若知
此人爲其說法得大利益故能成就爾所佛

法又能增長佛之智慧若以頂戴及肩荷負一切樂具而供養之乃至得成無上道時先為說法令見四諦舍利弗是諸菩薩雖作如是供養利益未報其恩所以者何由此人故能得無量無邊佛法是故當知為諸菩薩講說法者其恩難報舍利弗乃往過去無量無邊阿僧祇劫爾時有佛號曰普守如來應供正遍知明行足善逝世間解無上士調御丈夫天人師佛世尊壽七萬歲其聲聞眾有三大會初會說法八十那由他人皆得成道中

會說法六十那由他人後會說法四十那由他人亦皆得道舍利弗彼佛滅後正法住世滿四千歲法欲滅時有一比丘名曰妙智利根聰達多聞智慧時閻浮提王名曰歡喜王所住城亦名歡喜其城縱長十二由旬廣七由旬豐樂安隱第七人民充滿時此城十八中有一長者名曰柔輦長者有子名曰利意詣妙智所於一面坐妙智比丘即時為說菩薩之法是長者子聞法歡喜即持寶衣價直億金以為供養作如是言善哉法師所說微妙願顧我

舍說如斯法當今我等獲大利益法師法施亦得大果我從今日當盡形壽供養衣服飲食湯藥資生所須并及法師同意徒友我亦盡形供養供給妙智比丘可言善哉時長者子頭面禮足右遶已去於後妙智往詣其舍教化立意父母眷屬皆令志求無上菩提是長者子以此功德經歷無量阿僧祇劫未曾離佛常得聞法遇善知識舍利弗汝謂立意是異人乎勿造斯觀即我身是時立意父柔輒長者迦葉佛是舍利弗汝意謂是立意父

母家內眷屬於無上道有退轉乎勿造斯觀所以者何是諸人等皆已必定無上菩提今於我所淨修梵行吾即爲授無上道記舍利弗妙智比丘即於彼身而般涅槃若此比丘不以小乘入涅槃者但爲立意一人說法福德因緣應成佛道況乃復爲柔輒長者及諸眷屬說法功德舍利弗若是比丘不入涅槃不見世間所有一切供養之具能報其恩所以者何我從妙智得聞法故速大清淨甚深佛法是故當知若人能爲菩薩說法示教利

喜必獲無量無邊功德所以者何菩薩發心
爲起無量利益事故舍利弗譬如大海初漸
起時當知皆爲有價無價摩尼寶珠作所住
處此寶皆從大海生故菩薩發心亦復如是
初漸起時當知便是諸智慧寶之所生處若
有世間及出世間有漏無漏有爲無爲若垢
若淨一切法器舍利弗譬如大海初漸起時
當知便爲大身衆生作所住處從中生長滋
育繁茂菩薩發心亦復如是初漸生時當知
便爲無量無數大智慧身大善根身諸衆生

等作所住處皆依是心漸得增長舍利弗譬
如大海初漸起時當知便爲諸大龍王作所
住處其大龍王不爲金翅之所吞食雙翼扇
風亦不能惱是諸龍王從大海出能起大雲
覆八萬洲普注洪澤無不沾洽舍利弗菩薩
發心亦復如是初漸生時當知便爲成佛道
時大菩薩龍作所住處是大龍王不爲金翅
之所吞食如是菩薩住深佛法魔若魔民不
能得出是大龍王不爲金翅翼風所惱若欲
惱者即時銷滅菩薩如是魔若魔民不能惱

壞欲生惱心即皆銷滅能壞魔縛魔業魔事
舍利弗是大龍王從大海出於四天下及八
萬洲普降惠澤皆令沾洽卉木叢林百穀藥
樹皆得生長亦令二足四足衆生無飢渴想
降此雨已還處本宮大菩薩龍亦復如是從
佛法出能於三千大千世界城邑聚落雨大
法雨能斷無量無數衆生三種渴愛欲愛色
愛及無色愛舍利弗譬如大海初欲成時於
四天下八萬諸洲所有流水及大小雨江河
泉源流入其中皆悉能受不增不減海法應

爾種種水入皆捨本名俱名海水皆失本味
同爲一鹹菩薩發心亦復如是從初欲成至
得阿耨多羅三藐三菩提時具足佛法能以
智慧斷衆生疑諸大論師福德智慧善根成
就若未成者佛爲斷疑皆失本稱但同一號
名佛弟子如大海水等一鹹味我諸弟子同
得離欲一解脫味舍利弗譬如大海漸次轉
深若大海水初便頓深諸求寶者無能得入
以漸漸深乃至無等故成大海諸菩薩心亦
復如是初發意時漸漸轉深乃成無等舍利

弗是菩薩心漸漸深者是檀波羅蜜尸波羅蜜羸提波羅蜜毗梨耶波羅蜜禪波羅蜜其甚深者所謂般若波羅蜜是無等深者諸法也舍利弗若菩薩道初便頓深證於實際無量衆生求法寶者則不能入舍利弗譬如大海所以成者皆爲利益一切世間菩薩發心亦復如是從初已來皆爲利益一切世間舍利弗譬如大海初漸起時有寶洲性菩薩發心亦復如是初便漸有念處正勤四如意足根力覺道及諸禪定解脫三昧法寶洲性舍

利弗白佛言希有世尊能樂說是大海譬喻以明菩薩發心功德無量無邊佛告舍利弗菩薩心者不可以是大海譬喻所能知也所以者何是心深發大願莊嚴如來若說此心功德若滿一劫若過一劫猶不能盡所以者何諸菩薩等發如是心能成大事難勝難壞最上最妙能與衆生一切樂具轉三界苦生大智慧難測崖底無所障礙大光明事舍利弗以要言之諸菩薩心所成大事說不可盡舍利弗譬如三千大千世界初漸起時當知

便爲其中所有一切衆生作依止處菩薩初
心亦復如是發阿耨多羅三藐三菩提願當
知便爲無量衆生得智慧故舍利弗譬如須
彌山王初漸起時當知便爲無量諸天作所
住處因是山王初利諸天便能破壞阿脩羅
衆菩薩初心亦復如是發阿耨多羅三藐三
菩提心修道成佛能爲無量無數弟子作依
止處如忉利天因須彌山則能破壞阿脩羅
衆如是衆生因如來故能壞魔衆舍利弗譬
如鐵圍山王初漸起時當知便爲其中衆生

障蔽八哆呵婆羅風使不能壞諸菩薩心亦
復如是初發無上菩提之心漸次轉高堅固
難沮當知能爲親近菩薩所有衆生障諸魔
風使不惱壞舍利弗如雪山王初漸起時當
知便爲諸藥草等依止生處諸菩薩心亦復
如是若初生時廿七便爲無量無數衆生集諸法
樂壞煩惱病舍利弗譬如寶性初生時當
知便爲無量百千萬億衆生作利益分諸菩
薩心亦復如是從初始起大智寶性當知便
爲無量無邊阿僧祇衆生作利益分舍利弗

譬如日天子宮初欲成時當知便為照四天下八萬諸洲能照能熱諸菩薩心亦復如是從初起時漸漸增長成佛住處當知便為三千大千世界衆生作大法明亦能乾竭諸貪愛等煩惱淤泥舍利弗譬如阿耨達池初漸起時當知便為阿耨達龍作所住處從此池邊流四大河皆為二足四足衆生而作利益捨除渴乏生諸金寶漸入大海是大乘法初漸起時亦復如是諸菩薩等因是乘故能集佛法得阿耨多羅三藐三菩提已則能流演

四大法河謂義無礙法無礙言辭無礙樂說無礙空無相無願八解脫味根力覺道如是等音無量無數衆生聞已斷煩惱渴能令得證永離真際如是舍利弗諸菩薩心初漸起時能成大事難勝難壞無等等事亦大利益無量衆生令發第七無上菩提之心舍利弗如來十三雖作是說不能窮盡是故當知本人能為菩薩說法示教利喜所得功德無量無邊不可稱數舍利弗我以佛眼觀此福報不見邊際隨向何乘皆能得到如人施佛所種善根乃

至泥洹終不中盡舍利弗乃往過世有一菩薩名曰樂法生長王家所聞善言皆寫讀誦時此王子爲求法故遊諸國邑時有一人住深坑側語樂法言王子汝來我當相與佛所說偈時此菩薩上坑岸上呼其人言咄善男子汝當與我佛所說偈是人答言不空相與樂法菩薩身著寶衣此衣價直二十億金摩尼瓔珞以爲首飾其珠價直四十億金是人見已心生貪著作如是念若此王子與我寶衣摩尼瓔珞然後當與佛所說偈爾時王子

語是人言爲須何物當以相與汝當與我佛所說偈是人貪心增長熾盛語菩薩言若能與我所著寶衣及珠瓔珞聞佛偈已投此深坑能如是者當先立誓然後爲汝說佛一偈王子答言咄哉仁者汝欲令我投此深坑爲得何利是人答言我無所得但恐汝今捨此寶衣及珠瓔珞旣聞偈已便生悔心恃豪勢力而還奪我王子答言汝但說之我終不悔是人即言若不肯誓當知汝心則爲已悔菩薩復言汝但說之當相隨意與汝寶衣及珠

瓔珞亦投深坑是人聞誓便爲菩薩說佛一
偈爾時菩薩即與寶衣摩尼瓔珞又立誓言
若我誠心捨此寶衣及摩尼珠歡喜無悔以
是實語當令我今從高墜下安隱平住無所
傷損作是誓已便自投身未到地頃四天王
來徐接置地安立而曰咄仁希有佛所說偈
甚深微妙有^{廿七}大利益是人即便從高而下到
菩薩所作如是言王子希有能爲難事欲求
何法菩薩答言我以是事當得阿耨多羅三
藐三菩提成佛道已未度者度未解者解未

滅者滅未安隱者令得安隱舍利弗是人聞
已便生信心語菩薩言還取寶衣及珠瓔珞
所以者何汝服寶衣佩此珠瓔珞正是所宜菩
薩答言是事不可猶如人吐豈可還食是人
自言若不還取願受我悔後作佛時當見救
濟舍利弗汝謂爾時樂法王子爲一偈故脫
身寶衣及摩尼珠與彼人已又以自身投深
坑者豈異人乎勿造斯觀即我身是爾時是
人爲我說偈後於我所得信心已作如是言
汝成佛時當度我者豈異人乎勿造斯觀今

和伽利比丘是也舍利弗我曾一時與諸比丘處在深澗遊空經行時和伽利在高岸上我呼之言自投身來信佛語故便自投身無所傷損得六神通舍利弗汝且觀是善根之力是人為我但說一偈信我語故自身歸命今得解脫舍利弗是人但以貪心為本種諸善根尚得漏盡況復有人信受我語通達佛慧說菩薩法一四句偈示教利喜我不見此福德有盡除入泥洹佛說華手經卷第七

音釋

黠胡八切 脆此為切 刖魚厥切 鉞戰徒
浮切 紀逆切 魚切 初限切 淤濁泥也 戛依据切 怙恃也 彘提 駝何切 豬徒

永樂北藏

佛說華手經

第五〇册

佛說華手經卷第八

欲八

姚秦三藏法師鳩摩羅什譯

毀壞品第二十六

舍利弗白佛言世尊若人為菩薩說一四句
偈示教利喜助成佛道得爾所福若復有人
為欲破壞菩薩心故而作障礙當說是人得
幾許罪所以者何若已壞亂當壞亂者聞是
事已便自改悔佛告舍利弗若人障礙壞菩
薩心得無量罪如人欲壞無價寶珠是人則
失無量財利如是舍利弗若人壞亂菩薩心

永樂北藏

佛說華手經

第五〇册

者則為毀滅無量法寶舍利弗如種藥樹有
人剪伐不令增長是人則壞無量眾生療治
病事令多眾生為病所困如是舍利弗若人
欲壞是菩薩心大安樂心滅除無量眾生苦
患大智藥心當知是人則令無量無數眾生
為諸貪欲恚癡憍慢慳嫉諂曲無慚無愧諸
煩惱病之所侵害亦令無量阿僧祇眾失於
泥洹安隱住處舍利弗若人毀壞阿耨達池
殺大龍王當知是人則為壞失二足四足渴
乏眾生八功德水如是舍利弗若人壞亂善

薩心者則為破壞能除無量衆生渴愛八聖
道水舍利弗譬如有人壞日宮殿是人則為
滅四天下衆生光明如是舍利弗若人壞亂
菩薩心者當知是人則為毀滅十方世界一
切衆生大法光明舍利弗如人破壞一切寶
性當知是人則壞無量衆生珍寶如是舍利
弗若人壞亂菩薩心者當知是人則壞無量
阿僧祇衆法寶之分亦為毀滅如是等經令
不聞見舍利弗如從寶性出無量寶給足衆
生如是舍利弗諸菩薩心是法寶性從此法

寶生諸佛法不可思議神通智力是故舍利
弗當知破壞菩薩心者則得無量無邊深罪
舍利弗如人惡心出佛身血若復有人破戒
不信毀壞捨離是菩薩心其罪正等舍利弗
置是惡心出佛身血我說具足五逆重罪若
人毀壞菩薩心者其罪過此所以者何起五
逆罪尚不能壞一佛之法若人毀壞菩薩心
者則為斷滅一切佛法舍利弗譬如殺牛則
為已壞乳酪酥等如是舍利弗若人破壞菩
薩心者則為斷滅一切佛慧是故舍利弗若

人破戒不信訶罵毀訾壞菩薩心當知此罪過於五逆舍利弗置五逆罪令四天下滿中羅漢若有一人皆奪其命汝意云何是人得罪寧為多不舍利弗言甚多世尊佛言我今告汝誠言若人訾毀壞亂菩薩令其信受捨離是心失佛智慧比前罪者百分千分百千萬分尚不及一乃至譬喻亦不能及所以者何雖奪爾所阿羅漢命不能障礙諸佛十力四無所畏四無礙智十八不共法大慈大悲佛不虛行不障如來象王迴觀師子奮迅無

見頂相不障如來吹百千種具足法貝亦不妨轉無上法輪不障聖主自在神力亦不障礙能知衆生諸根利鈍種種欲樂差別智慧舍利弗若菩薩發阿耨多羅三藐三菩提心得成大乘堅誓莊嚴若有人來壞亂此心令其退捨是人則障佛十種力乃至衆生種種欲智舍利弗置四天下若滿三千大千世界諸阿羅漢譬如竹葦稻麻叢林若有一人皆奪其命汝意云何是人得罪寧為多不甚多世尊舍利弗若復有人懷恚輕慢破戒不信

毀壞散亂是菩薩心此人得罪唯佛能知所以若何此人壞亂菩薩深心則爲毀滅一切佛法斷諸佛種所以者何若無菩薩最初心者云何當有如是佛慧佛自在力出於世間是故舍利弗此無上心大心深心諸菩薩心若比丘比丘尼優婆塞優婆夷天龍夜叉捷闍婆阿脩羅迦留羅緊陀羅摩睺羅伽人非人所一切世間皆應禮敬所以者何有此心者當知卽是未來世尊舍利弗汝意云何如來稱讚是菩薩心頗於是中分別齊限衆

生名字若刹利家婆羅門家居士大家轉輪聖王四天王天釋提桓因若忉利天若焰摩天兜率陀天若化樂天他化自在天若梵天若大梵王諸名字不不也世尊所以者何世尊但說是清淨心大心深心汝意云何若我如是稱讚此心是中頗說若大力士那羅延等若少若老富貴貧賤上下人不不也世尊舍利弗汝見是心所在之處若少若老富貴貧賤有力無力汝等皆應敬念防護助成此人爲聲聞無上報恩能以法施化菩薩故

舍利弗若聲聞人能如是者則爲具足供養
如來謂能示教令諸菩薩於無上道心不退
轉舍利弗白佛言世尊菩薩有三種心一初
發心二者轉心三者成心是三心中世尊稱
讚攝護何心佛言如是如汝所言菩薩有三
種心初心轉心及成就心舍利弗是中如來
稱讚攝護初心轉心令得成就所以者何若
或有人發阿耨多羅三藐三菩提心令不退
轉墮於聲聞辟支佛地以不墮故漸當得成
無上菩提是故菩薩發菩提心應當觀察是

心空相舍利弗何等是心云何空相舍利弗
心名意識即是識陰意入眼界心空相者心
無心相亦無作者所以者何若有作者則有
彼作而此人受若心自作則自作自受舍利
弗是心相空無有作者無使作者若無作者
則無作相若人戲論是心相者則與無礙空
無相諍若與無礙空無相諍是人則與如來
共諍與如來諍當知是人則墜深坑其深坑
者所謂地獄餓鬼畜生及諸得見陰界入見
我見人見衆生之見舍利弗取要言之佛法

僧見及涅槃見如是皆名有所得見如是諸見為惡趣原衆生貪著是諸見故自墜深坑亦陷他人令墜深坑其深坑者所謂五道生死是也爾時會中有一乞人名曰選擇從座而起恭敬合掌白世尊曰我今不欲墜是深坑亦不欲與如來計人共認我從昔來生如是心五欲得阿耨多羅三藐三菩提還自生念我是貧人多諸苦惱資生艱難此諸利利婆羅門等居士大家尚不能集無上菩提況我乞人第一貧賤今從佛聞但稱讚是菩薩初心此

中不說利利大姓婆羅門家居士大家及四大王釋提桓因忉利天餓摩天兜率陀天化樂天他化自在天不說梵世及梵王天亦復不說貧富貴賤我從今日定發阿耨多羅三藐三菩提心不自輕身佛言善哉選擇汝今乃能隨學如來決定發此無上道心爾時選擇即於佛前而說偈言
我不求稱讚 稱讚非上妙 但求最勝慧
諸佛無上智 佛於世間上 亦世間無上
於苦惱衆生 能為作歸趣 佛證無漏法

微妙淨無量	愍衆生故說	度脫生死患
佛神通無礙	光明亦無邊	得無崖智慧
功德巍巍尊	世尊我本心	亦謂得成佛
心還生退沒	誰與貧賤者	有諸王居士
釋梵諸尊神	大威德人天	是尚不能得
況我貧賤者	乞白自濟命	佛智世無上
云何而可得	世尊知我心	告舍利弗言
我說是發心	無貧富貴賤	亦不說利利
娑羅門居士	諸天龍神等	但說發淨心
今聞佛所說	我心得勢力	謂必當成佛

能發深心故	天地可易位	須彌可粉塵
虛空尚可變	我心不可轉	假使衆生類
一切皆為魔	悉來見燒亂	我心定不轉
若人於我前	而作如是言	佛智甚難得
誰與貧賤者	我聞已答言	汝是貧賤者
汝無信等財	我有當作佛	諸佛無有性
亦無決定種	但一心迴向	於無上大乘
是則諸佛性	亦為如來種	一心求佛道
供養故成佛	我不惜身命	亦不貪世樂
唯志無上道	度一切衆生	今於法王前

真實語無畏 若當有錯謬 唯佛哀愍說

爾時世尊以偈答曰

汝發無上心 乘於無上乘 是中無錯謬

當成佛法王 選擇聞佛說 心得無量喜

以心清淨故 飛高七多羅 世尊時微笑

口出五色光 普照明天地 還從頂上入

阿難即合掌 諮問兩足尊 世雄智無礙

此為何因緣 是王舍城中 最下賤乞人

住在虛空中 合掌禮敬佛 今諸天龍王

夜叉人非人 皆一心合掌 禮敬是乞人

我今問世尊 何故笑放光 誰專行佛道

而欲為授記 誰當住佛道 而發無上心

當證最勝慧 度眾老病死 誰當坐道場

破壞魔王軍 得無上佛道 轉最妙法輪

誰當獲大智 逮無量神通 得普智無礙

分別眾生根以八 誰當得梵音 言說皆奇特

真智無礙故 所演無變異 誰證無上道

常處微妙定 通達三界心 哀愍故說法

誰當說法時 天人皆歡喜 當得不虛行

象王迴觀法 誰為大眾導 嚴淨佛世界

離一切諸難 廣開寂滅道 大威德世尊
 我今問此事 何緣故微笑 願說令眾喜
 爾時世尊告阿難曰如來因是選擇乞人是
 故微笑放大光明即時會中天龍夜叉緊陀
 羅摩睺羅伽人非人等有八十億那由他眾
 皆發無上菩提之心我為是等授阿耨多羅
 三藐三菩提記爾時世尊欲明此義而說偈
 言
 如來說此因緣時 滿八十億那由他
 眾悉發無上心 此等皆當得成佛

今是選擇深智人 歡喜合掌立空中
 恭敬讚歎供養我 自願逮覺如今佛
 是人福德因緣故 終不墜落諸惡趣
 生生常離八難處 世世恒得見諸佛
 既得值遇諸佛已 為得無上菩提故
 寶蓋幢幡華香等 以此供具供養佛
 歷侍諸佛修道時 上妙衣服及眾味
 牀榻卧具湯藥等 以此供具供養佛
 當漸次第值彌勒 為求佛故深加敬
 以七十億那由他 摩尼寶珠為供養

一一摩尼珠光明	能照八十由旬內
集此寶珠衆光力	悉能遍照諸世界
又以七寶起塔廟	滿七十億那由他
其塔縱廣各十里	以衆妙寶爲莊嚴
衣服牀榻及茵褥	亦七十億那由他
以如是等莊嚴具	上彌勒佛及衆僧
安居三月設供養	如是不倦經百歲
是人然後當出家	彌勒法中修梵行
如是愛樂恭敬心	深加供養彌勒佛
漸次習行菩薩道	悉見賢劫一切佛

從是復得見諸佛	其數過如恒河沙
見已心得深清淨	皆加供養修佛道
是人淨心功德報	我今略說不能盡
其果無量無可喻	誰聞是已不求佛
是人往來生死中	恒河沙劫求佛道
末後當證無上智	成佛號名集堅實
壽命算數一千劫	時佛國土甚清淨
閻浮提地亦莊嚴	如須彌頂忉利宮
集堅實世尊	聲聞衆大會
如恒河沙數	過億那由他
二一大會中	如恒沙等人

皆得阿羅漢	自在神通力	悉通達三藏
明了諸問答	如我舍利弗	智慧中第一
有菩薩大會	其數復倍上	彼佛大菩薩
亦名阿逸多	彼諸菩薩眾	得無生法忍
轉身生諸國	隨處各成佛	一一大會中
恒沙數菩薩	彼佛與授記	當成無上道
彼佛滅度後	法住滿一劫	舍利廣流布
亦如我滅後	集堅實舍利	天人所供養
隨眾所樂	現諸神通力	是舍利塔廟
皆以七寶成	欄楯及寶柱	華香眾幡蓋

以是妙寶飾	莊校如來塔	以此諸塔廟
嚴淨閻浮提	若人持眾華	供散於佛塔
即變成華蓋	有如是神力	集堅實世尊
形像在諸塔	隨眾所樂	微笑現光明
大光普照已	還入於本處	若入頂相中
自知受佛記	若光從口入	知受緣覺乘
光若從臍入	自知受聲聞	彼世尊形像
有是神通力	如是滿一劫	劫盡乃當滅
有為法無常	故當勤精進	
爾時舍利弗白佛言	希有世尊	選擇乞人如

是下賤而心成就上妙貴法何有智者輕賤之耶佛告舍利弗如是如是如汝所說何有智者輕賤此人唯除凡夫無聞無智舍利弗以是義故我經中說智者不應輕量他人輕量他人則為自傷舍利弗汝意謂此選擇乞人本來頗為天龍夜叉捷闍婆阿脩羅摩睺羅伽人非人等所敬禮不不也世尊所以者何此貧賤人未為如來所授記時無人禮敬今為世尊所授記已世間天人阿脩羅等咸皆敬禮舍利弗是謂諸佛未來世中無礙知

見不與聲聞辟支佛共是故舍利弗我諸弟子信受佛語若為衆生演說法時應先稱揚佛之功德衆生聞已或能發心求佛智慧以發心故佛種不斷舍利弗一切世間甚有衆生為他求利自利利人是最為難舍利弗且置為他求利衆生試入但能自利是人尚難所以者何今凡夫人欲求自利而反自傷所以者何舍利弗我不見人若侵害他自不哀惱是故當知住自利因是則為難又於是中自利利他最為甚難故舍利弗若人毀發大乘心

者當知是人不能自利亦不利他斯則不名
修行道者舍利弗是愚癡人行於邪道爲失
自利亦失他利以此因緣是人當得八衰惱
法何謂爲八失所愛重親友家屬國土喪亂
財產日耗災火焚燒縣官所侵諸根毀壞死
入地獄獄卒拷掠是名爲八次復有八大不
安法何謂爲八謂生地獄餓鬼畜生是大不
安若得人身常生邊地不識善惡無佛無法
無聖衆處是大不安設得人身生於中國聾
盲瘖瘂癘殘百疾是亦名爲大不安法雖生

中國具足人身常爲衰弊心懷諂曲虛僞奸
詭是亦名爲大不安法受外道法好邪論議
邪見惡行成就不淨身口意業諸佛賢聖尚
不能救是亦名爲大不安法若生中國具足
人身佛得道夜即便命終不值佛法是亦名
爲大不安法次八是爲輕毀求佛道者八不安法
舍利弗當知是人若生地獄必墮阿鼻大地
獄中得大身形多受衆苦續起重罪若墮畜
生爲惡蟲獸恒苦飢渴侵奪他命殘食肌肉
以自濟活隨所生處續增罪業若爲水性作

摩伽魚繫民伽羅失收摩羅及鬱陀羅等人
所網釣生被刀割備受衆惱求死不得若復
陸生或爲駝驢牛羊猪犬若作駝牛爲人穿
鼻身常負重加諸杖痛呻嗥大呼無有救者
中路疲乏不能前進命未盡間生被割剥殘
食其肉猶並罵言多食喜卧大折損我舍利
弗汝且觀是罪業因緣如我所知若廣說者
從劫至劫猶不能盡舍利弗取要言之若人
毀壞菩薩心者若離八難無有是處所以者
何是人續起衆罪業故當知汝等得脫此難

爲自救濟

衆雜品第二十七

佛告舍利弗有四救法何謂爲四怖畏衆生
如來能救入邪徑者聖道能救諸惡業者念
處能救在八難者菩薩能救是爲四舍利弗
有四安法何謂爲四生得值佛爲大安隱得
無難處爲大安隱能信佛法爲大安隱具聖
正見爲大安隱是名爲四舍利弗復有四法
能成事業何謂爲四四大柔和令身安隱正
見能生質直淨心見佛得信爲衆樂因發無

上心能滅無量無數衆生諸煩惱病是爲四
法能成事業又舍利弗世有四願何謂爲四
諸病瘦者願欲得治飢渴所逼願得飲食苦
惱所切願欲得樂行峻路者願得安隱是爲
四願又舍利弗世間凡有四貪著處以貪著
故當墮惡道何謂爲四一者貪身十二二者壽命
三利財產四耽愛欲是名爲四舍利弗有七
藏處所謂風藏生藏熟藏冷藏熱藏見藏欲
藏舍利弗是諸藏中欲藏最牢此欲藏者爲
何所依依止洩唾痰癢膿血筋骨皮肉心肝

五藏腸胃屎尿爾時會中有一居士名曰選
擇居士有妻其名妙色面貌端嚴姿容挺特
選擇居士深生愛著煩惱熾盛聞佛所說即
白佛言世尊莫作是說貪欲之心起於屎尿
所以者何我妻端嚴無諸臭穢佛知居士貪
垢情深即時化作一婦人像端嚴淨潔狀如
妙色整容徐步來入衆中居士見已即作是
念我妻何緣來入此會作是念已即問之曰
汝以何故而來此耶答言欲聽世尊說法居
士即牽坐白衣上佛以神力令是婦人糞汗

其衣使此居士不堪臭處以手掩鼻顧視左右誰為此者時跋難陀在右邊坐語居士言何故掩鼻而顧視我答言是處甚大臭穢以佛神力令跋難陀及諸眾會見此婦人便棄糞穢汗居士衣時跋難陀語居士言且觀汝妻所為臭穢居士答言我無所疑我妻淨潔身無諸穢若有疑者自當觀之語跋難陀我意謂汝為此穢汗時跋難陀即大恚怒從座而起語居士言汝無慚愧誰名字汝為居士耶汝今應名屎居士也何不自以手牽汝妻

坐衣上耶汝妻坐時便此糞穢汝自坐上為屎所塗而無羞恥反欲謗人會中唱言此屎居士可遣出眾便謂之言不淨弊人不應在眾即以手牽令出眾外選擇心惑語其妻曰我敬汝故令坐衣上汝為大人法應爾耶妻即答言汝近糞囊法自應爾居士爾時即生厭心欲去衣糞更汗身體謂跋難陀當何方便得離此穢跋難陀言非直此糞汗染汝身更有諸衰是汝之分若欲離者當遠逃逝以汝妻糞令此大眾頭痛悶亂居士答曰諸釋

子等皆多惡愆汝甚惡口乃如是耶跋難陀言如汝今者何可憐愆佛之所說而敢違逆作如是言我妻端正無諸臭處汝今自觀爲淨潔不而欲謗我爾時居士謂其妻曰汝可還歸旣遣之已語跋難陀我今明見女人詔曲多諸過咎不淨充滿心生厭離欲於佛法出家爲道跋難陀言汝今形體臭穢如是若以香塗經歷年載然後或可堪任出家居士答曰我若塗香經歷年歲或身無常或佛滅度壞我出家求道因緣今若見聽得出家者

我不復住城邑聚落僧房精舍作阿蘭若乞食納衣於空閑處誰聞我臭佛言居士汝欲於我法中出家即白佛言唯然世尊佛言善來汝爲沙門修行梵行即時居士鬚髮自落袈裟著身執持應器如比丘像佛爲說法苦集滅道聞是四諦第八遠塵離垢得法眼淨成須陀洹重爲說法教化漸令得斯陀含阿那含果過是夜已執衣持鉢詣王舍城次行乞食遂到本舍在門外立時妻妙色自見其夫剃頭法服出家爲道即語之曰法應見捨爲沙

門耶選擇答言汝昨不應於我衣上便棄不淨汗我身耶妙色答言汝爲比丘應謗人耶我從父舍到汝家來未見外門況詣竹園至彼會中爾時比丘語妙色言有跋難陀爲我時人於大衆中見遣令出時有惡魔隨逐選擇而語之言汝昨見者非妙色也是化所作眩惑汝心今可還以五欲自娛沙門瞿曇欺誑汝耳汝今虛妄非實比丘瞿曇沙門常以此術誘惑多人令其出家如今誑汝選擇比丘證真法故即覺魔爲謂言惡人汝亦變化

我亦變化是妙色姊俱爲變化佛所說法皆空如化爾時妙色聞此法已即於諸法遠塵離垢得法眼淨蠲除疑悔不隨他語於佛法中得無畏力謂選擇言所爲甚善能於佛法樂修梵行我亦於法出家爲道爾時佛告舍利弗言若人發心求無上道應離四法何謂爲四離惡伴黨諸惡知識及不善行是爲初法所應遠離又舍利弗若人發心求無上道應當遠離貪著女相不與女人共處同事是第二法所應遠離又舍利弗若人發心求無

上道應當遠離外道書論謂裸形論路伽耶論末伽梨論非佛所說不應親近聽受讀誦是第三法所應遠離又舍利弗若人發心求無上道不應親近邪見惡見是第四法所應遠離舍利弗如來不見更有餘法深障佛道如此四法是故菩薩應當捨離又舍利弗若欲疾得無上道者當修四法何謂為四菩薩應當隨善知識善知識者謂諸佛是若聲聞人能令菩薩住深法藏諸波羅蜜亦是菩薩善知識也應當親近供養恭敬又舍利弗善

薩應當親近出家亦應親近阿蘭若法離女色故又舍利弗菩薩應當親近修習大空正見離邪見故舍利弗若諸菩薩欲疾速得無上菩提應當親近如是四法爾時世尊欲明此義而說偈言

遠離女人事	及離惡知識	亦遠外道論
并餘諸邪見	若親近女人	及諸惡知識
受外道論義	增長諸邪見	增長邪見故
速墮諸難處	難得離八難	亦難信佛法
若人欲為惡	即便造惡行	若作惡行者

則便墮惡趣	是故求道者	勿習近女色
常當生厭離	觀之如罔猪	勿近惡知識
令住非法者	若近行非法	令人失心目
莫親近外道	尼捷等論議	言辭雖嚴飾
能生諸過咎	悉捨是眾事	則離諸邪見
我說此四事	往來生死本	遠離下劣法
習近上妙行	我本所修習	當行如是法
謂出家梵行	親近善知識	諸佛及弟子
令我住佛道	我常修行空	空空及大空
雖行是空法	而不著於空	若法及所得

二俱不在空	是名為真空	世間所不測
我本為佛道	所修行諸法	是法甚微妙
非凡智所及	我求佛道時	諸所聞經法
內心自思量	不隨他人說	我自通達已
而為他人說	是名正真道	空無礙寂滅
空中無有生	亦無有老者	空中亦無死
是名常住相	是名法實相	道場所通達
壞破諸魔兵	得成無上道	我之所得法
即以為人說	令證無上際	而無所轉相
若欲得佛道	及欲坐道場	欲破諸魔眾

當修此空法	若有人欲轉	無上妙法輪
度無量衆生	當學是空法	欲住佛十力
及四無所畏	處衆師子吼	當習是空法
欲得大名聞	廣流布十方	當正心修習
通達是空法	諸菩薩智者	隨我學空法
能得無上道	是名最勝智	比丘比丘尼
若隨學我行	當得無上道	如我今所得
非但是二衆	能行此空法	一切衆生類
亦學成佛道	我以八直道	修行是空法
通達諸法相	速無上正覺	我修習是法

能得無礙智 是諸佛真道 謂常習空法
 是故諸菩薩 爲利衆生故 應當學此法
 所謂諸法空

舍利弗菩薩摩訶薩復有四法世世轉身不
 失正念能如說行於諸法中得決定心得無
 礙辯利辯深辯及無等辯諸佛知己加神通
 力當於後世守護法城何謂爲四常樂出家
 世世修習是出家法爲衆生故求法無厭說
 法無倦習無依定壞諸法相常勤修習念佛
 三昧於諸緣中而無諍相是名初法不失正

念又舍利弗菩薩摩訶薩自求佛道兼化衆
 生令住其中常樂稱揚諸佛功德是第二法
 不失正念又舍利弗菩薩摩訶薩成就甚深
 無生法忍是第三法不失正念又舍利弗菩
 薩摩訶薩於命終時心不散亂常念諸佛及
 甚深法以是深忍不失正念是名為四爾時
 世尊欲明此義而說偈言
 菩薩常求法 亦常行法施 是故於諸法
 終不失正念 以化無量衆 令住佛道故
 世世轉身時 常得不失念 習近佛所讚

甚深空寂法	是故此菩薩	疾得無生忍
亦不生無生	無生即無生	以是深忍故
常不失正念	是菩薩智者	不亂心命終
常專念諸佛	及諸佛深法	是人命終時
其心不退沒	故世世轉身	常不失正念
是故若有人	欲得無上道	當一心修習
如是等四法	是法最第一	諸佛之所讚
我今亦稱揚	汝等當修學	如來所說法
為利汝等故	佛為利益者	非強為汝說
若汝求佛智	當修學是道	修學是道故

從此生佛慧	若人懷懈慢	及生退沒者
終不得佛道	當遠離是事	若人計我心
及住衆生想	若依止諸法	不能證佛道
當離是等心	常修學空相	壞散一切法
乃獲甚深智	勿有所依止	依止即動相
好樂動法故	往來生死中	

衆妙品第二十八

佛告舍利弗菩薩有四法能致一切最勝妙法何謂爲四若人發大乘心見法欲壞爲久住故勤加精進求法不倦若見如來塔廟毀

壞勤加修治令得久住爲樂法故不惜身命見苦衆生生大悲心轉加精進作如是願何時當得修習佛道爲斷此苦而爲說法舍利弗菩薩摩訶薩求法無厭爲求法故發大深心而生大欲菩薩摩訶薩爲求大智威德難勝壞憍慢故菩薩摩訶薩常於衆生樂行慈心爲之求利作如是念此衆生等無有救者唯我一人菩薩摩訶薩爲無瞋恨修大悲故菩薩摩訶薩爲無嫉妬令衆生得真智慧故菩薩摩訶薩爲無慳心常以法施攝衆生故

菩薩摩訶薩為大施者能以深心樂佛道故
菩薩摩訶薩於一切法心無所著菩薩摩訶
薩為善來說者顏色和悅言常含笑見苦眾
生倍加精進菩薩摩訶薩喜深佛法菩薩摩
訶薩為無所畏於大眾中師子吼故菩薩摩
訶薩為無驚怖住佛法故菩薩摩訶薩常勤
精進集善根故菩薩摩訶薩於諸國界城邑
聚落無所專繫菩薩摩訶薩常勤教化十方
世界一切眾生菩薩摩訶薩聰明利根通達
諸法菩薩摩訶薩求真實義如實思量一切

法故菩薩摩訶薩於佛法中求真實義為欲
自得無上道故菩薩摩訶薩為覺悟者善能
知時化眾生故舍利弗菩薩摩訶薩能如法
壞外道論者菩薩摩訶薩於一切法決定義
者菩薩摩訶薩為佛法性菩薩摩訶薩為法
寶因生法寶故菩薩摩訶薩為如大海受一
切法無厭足故菩薩摩訶薩如鐵圍山能障
無量無數眾生煩惱風故菩薩摩訶薩如大
海水演法無盡故菩薩摩訶薩其心清淨如
虛空故菩薩摩訶薩為無盡者等虛空故菩

薩摩訶薩如須彌山積善法故菩薩摩訶薩
爲如大地受憎愛故菩薩摩訶薩爲如良田
種諸善根不敗失故菩薩摩訶薩爲如猛日
能與衆生法光明故菩薩摩訶薩猶如淨月
壞諸冥故菩薩摩訶薩爲如巨蓋障諸衆生
姪怒癡等煩惱熱故菩薩摩訶薩猶如密蔭
爲諸衆生安隱息故菩薩摩訶薩猶如大樹
能爲衆生所歸趣故菩薩摩訶薩能爲世間
度者歸者所依止者無畏施者菩薩摩訶薩
爲世間師於諸技藝悉通達故菩薩摩訶薩

爲衆生利能與今世後世涅槃樂故菩薩摩
訶薩一切衆生皆應禮敬舍利弗若諸衆生
能知菩薩爲之如是難行苦行求樂因緣而
作重擔如我知者一切衆生皆應頂戴若肩
荷負從初發心乃至成佛於是時中一切世
間諸天及人所有樂具盡以供養亦常頂戴
令不在地又是菩薩趣道場時以已上服或
以天衣衆妙蓮華爲敷高座上至有頂以天
寶衣而爲軒蓋障蔽風日得阿耨多羅三藐
三菩提已以諸華香幢幡伎樂亦以自身供

養給侍是諸衆生如是恭敬供養給事猶不能報菩薩之恩所以者何菩薩摩訶薩爲與衆生無漏清淨無上道樂發大莊嚴舍利弗以世間樂欲比是者百分千分百千萬分尚不及一乃至譬喻所不能及所以者何衆生所奉菩薩樂具皆是世間有漏虛誑無常變異菩薩所施衆生之樂皆出世間無漏真實無熱無惱無量無限畢竟常樂是故舍利弗當知衆生以一切樂具供養菩薩猶不能報舍利弗菩薩摩訶薩於睡眠者而爲覺悟於

放逸者而爲精進於狂惑者常修正念於盲冥者常爲明目於病瘦者爲大醫藥於邪見者爲示正道能於未起善法衆生起善法於未增長善法衆生增善法舍利弗取要言之更無餘人能爲衆生歸者救者究竟道者唯有諸佛而諸佛法如來法自然法非從餘出一切皆因菩薩道生

逆順品第二十九

爾時舍利弗白佛言希有世尊是菩薩道微妙甚深能自嚴淨亦淨衆生譬如世尊勿利

天上波隸質多拘毗羅樹其華敷開既自端
嚴亦能嚴飾忉利諸天菩薩摩訶薩亦復如
是具足佛法得阿耨多羅三藐三菩提已既
自莊嚴亦為無量衆生所歸成聲聞乘皆得
遊戲根力覺道禪定解脫以自娛樂亦如彼
樹其華敷開忉利諸天以為娛樂世尊何有
智人不乘是乘但為我等本以懈怠隨信他
語於所聞法生安隱心便謂得樂今者乃知
自無勢力能令一人住是道中世尊我從今
已有所說法先應開演是菩薩乘然後當說

諸聲聞法所以者何我如是者或報佛恩所
謂能令乃至一人發無上心速逮正覺佛告
舍利弗善哉善哉汝今乃能發如是心欲演
大法教化菩薩所以者何於當來世多有輕
賤此大乘法如是等經無人信受舍利弗於
爾時世若善男子善女人求善法者當自正
念依義依法勿處衆中所以者何爾時衆會
非行道者我聲聞衆修行道者不輕菩薩毀
壞大乘況如是等佛之所說甚深經法而生
違逆所以者何若生違逆是非行者非行者

業是凡夫業非智者業舍利弗是故當學起
智者業離凡夫行若有比丘以我為師應如
是行舍利弗當來世中求佛道者深信精進
一心慚愧樂求善法或為餘人之所輕毀作
如是言是懈怠者無方便力不能現世得沙
門果為受五欲而作國王現行法門自言善
薩受他供養稱揚讚歎是大乘法佛不說此
名為行者舍利弗觀是愚人以微因緣而謗
毀我我說此人為真行者彼以為非若如來
說最勝行者勝解脫者彼乃以為非是行者

非解脫者舍利弗時有白衣為彼弟子信受
其說見諸菩薩比丘比丘尼優婆塞優婆夷
讀誦修習如是等經生怨賊心舍利弗觀是
愚人何有持戒我經中說若見杻樹似人相
者尚不應瞋況有識者而是惡人常懷瞋惱
舍利弗汝且觀彼時世顛倒法欲八非法想非法
法想善非善想非善善想於行者中生非行
想非行者中而生行想於解脫者生不解脫
想非解脫者而生解脫想當知是人廿三不名行
者不名脫者既不知法亦不知善不能隨順

佛所教法是愚癡人瞋恚所蔽慳貪嫉妬憍慢所覆自誇矜高毀下他人貪欲瞋恚愚癡所害深入諸惡遠離善法舍利弗若我具說此人過者續增罪業不可救療如是癡人應當遠離如避惡牛舍利弗如來但爲慚愧者師非無慚愧者信受者師非無信者順法者師非壞法者精進者師非懈怠者攝念者師非亂念者智慧者師非愚癡者舍利弗是愚癡人非我弟子我非彼師汝觀斯人如是佛乘如來智慧如來久遠所修學處久修學已

通達大慧成無上道即以此法爲菩薩說作如是念若有菩薩隨學是法修習佛慧便能逮得無上菩提拔濟衆生令脫生死不斷佛種如來亦自恭敬此法而是愚人輕毀恥賤形笑不信甚爲不善第一不善當柰之何是故汝等當依法行勿依於人當自依止勿依止他舍利弗是則名爲如來教法云何比丘依止法行不依於人當自依止不依止他舍利弗比丘隨離隨順泥洹修四念處何謂念處於身受心法常念不捨又舍利弗如實見

法無所有性於是法中正念不謬是名念處
是爲比丘依止法行不依於人常自依止不
依止他舍利弗若能如是修習念處悉斷貪
著名阿羅漢名漏盡者無煩惱者世福田者
名自在者無染汙者名爲智者到彼岸者爲
導師者婆羅門者舍利弗阿羅漢者遠離一
切惡不善法不樂有爲滅除諸業更不令起
舍利弗若阿羅漢起罪福業無有是處所以
者何捨三求故轉九結故於一切法心無所
著出過欲界色無色界無有渴愛無熱無惱

心如虛空名阿羅漢舍利弗名漏盡者於一
切法漏盡無餘到畢竟盡無煩惱者阿羅漢
心本來常空無垢淨故無染汙者於六塵中
若好若醜若毀若譽心無有異斷戲論故世
福田者斷諸熱惱能與第一淨法施故名自
在者見一切法空無所有於空法中得到彼
岸離虛妄論故名自在婆羅門者障諸惡法
離一切法無所染故爲導師者等爲人說無
生死道所名智者是人能知欲界色界及無
色界業緣果報皆從虛妄分別故起於中得

脫故名智者到彼岸者能破眾魔及諸煩惱
能到一切諸法彼岸已出淤泥安住陸地是
故名爲到彼岸者舍利弗如來能隨漏盡阿
羅漢所有功德說無增減諸阿羅漢爲大福
田無有穢惡亦無栽藥及諸瓦礫舍利弗漏
盡阿羅漢若人於八謗毀而不生念是人罵我若
人稱讚亦不生念是人譽我心無分別念無
所疑善攝六根住必定地依止於法不依於
人能自依止不依止他是故舍利弗如是行
者終不違逆諸佛菩提亦終不起非行者業

如是不爲修梵行者之所訶責亦深守護諸
佛菩提今得久住舍利弗阿羅漢者於諸法
中心無所疑所作已辦住正道中時舍利弗
白佛言世尊阿羅漢者終不違逆不信佛法
所以者何若違逆者凡夫所爲非羅漢業佛
言如是舍利弗違逆法者凡夫所爲非智者
業如來但爲當來世有耆年比丘多知多識
心得躉住獨處遠離不見女色便自謂言我
是羅漢心生貢高爾時人衆多有信者謂是
羅漢恭敬供養是愚癡人亦貪名利受是供

養自謂我有阿羅漢法不起結使是人不知
無分別法喜生分別以結小息便謂得道若
入聚落執持威儀若在獨處便自縱逸在衆
亦異是人樂畜多弟子衆多知多識國王大
臣大得供養名聞流布多人愛敬煩惱充滿
而便自謂無有結使聞如是等甚深經典空
相應法我好弟子愛重聽受求解義趣以恭
敬心修行是法而是癡人不肯信受破壞違
逆便作是言此非佛語非大師教非法非善
是人於法生非法想於非法中而生法想不

善法中而生善想於善法中生不善想舍利
弗是諸癡人隨所得法便自稱讚所不得法
毀訾輕賤自大貢高毀下他人如是愚人但
有持戒攝念一處調伏惡心博聞讀誦多畜
弟子人所宗奉稱讚供養心生憍慢我慢上
慢隨聞如是諸第八甚深經起重罪業是愚癡人
而不自知我有是罪轉增憍慢愚癡之心違
逆是經起重罪已墮大地獄

佛說華手經卷第八

音釋

翦即淺切也 訾將此切也 葦于鬼切 匄乞居太切
 茵即淺切也 如欲切 藉也同 瘖瘖瘖於金切 瘖瘖瘖於金切
 力中切 姦姦姦切 詭詭詭切 居類也同 瘖瘖瘖於金切 瘖瘖瘖於金切
 殘病也 姦姦姦切 詭詭詭切 居類也同 瘖瘖瘖於金切 瘖瘖瘖於金切
 胡刀切 呻呻呻切 呻呻呻切 啞啞啞切 啞啞啞切 執執執切 呻呻呻切 啞啞啞切
 魚列切 筋筋筋切 骨骨骨切 裸裸裸切 體也切 杙杙杙切 無枝也切 藥藥藥切
 木餘也 斫斫斫切 礫礫礫切 小石也切 赤體也切 杙杙杙切 無枝也切 藥藥藥切

永樂北藏

佛說華手經

第五〇册

永樂北藏

佛說華手經

第五〇冊

佛說華手經卷第九

欲九

姚秦三藏法師鳩摩羅什譯

不退行品第三十

佛告舍利弗如來今當斷汝等疑亦令將來
讀誦是經說者受者皆得斷疑舍利弗如來
名爲一切智者一切見者一切說者無法不
見無法不聞無法不覺無法不知通達三世
無所罣礙舍利弗如來名爲無等等者於一
切法悉得解脫自然自在無有所師如來今
欲於大衆中作師子吼置是愚人行邪道事

永樂北藏

佛說華手經

第五〇册

不須廣說若善男子善女人發阿耨多羅三
藐三菩提心於是法中應當一心勤行精進
所以者何應作是念諸佛無量阿僧祇劫所
集阿耨多羅三藐三菩提法我於是中若生
懈怠必當不信違逆不受不能通達舍利弗
菩薩若行四法則壞諸佛無上菩提何謂爲
四遠離善友屬惡知識隨其所學毀壞大乘
是名初法又舍利弗菩薩有所得見深計我
心聞甚深經便大驚怖當墜大坑是第一法
又舍利弗菩薩雜學外道經書巧於諍論多

人所敬是人不能自調伏心亦復不能調伏
 諸法不調伏故不信大乘是第三法又舍利
 弗菩薩毀禁不能隨順佛所制戒聞是深空
 清淨戒法心不通達不能信樂違逆不受是
 第四法菩薩有是四法不能信受毀壞菩提
 爾時世尊欲明此義而說偈言
 若近惡知識 亦隨其所行 故不樂佛道
 壞無上菩提 雜學外經典 善巧諸諍論
 其有發言者 即皆能破壞 雖自稱智者
 而實是愚癡 以是因緣故 不信無上道

若人貪著我 隨有所得見 聞是甚深法
 而生大驚怖 是人不能解 如實空寂義
 不通達菩提 故不能信樂 以破戒因緣
 能起不善業 不能隨順學 如佛所說戒
 惡口而兩舌 好出他人過 如是不善人
 無惡而不造 是故當遠離 不信菩提道
 隨我所讚法 常當勤修學 若人欲見佛
 欲知如是法 當安住持戒 從是生真智
 若人持淨戒 菩提心轉固 以清淨持戒
 能滅惡覺觀 故求菩提者 當清淨持戒

是人於佛道 無有所疑難

又舍利弗菩薩有四法能護佛道何謂為四
自行持戒深發善心安住戒品博聞正典不
雜邪論聞佛經法能勤讀誦常樂獨處順遠
離行舍利弗菩薩成就如是四法能護佛道

爾時世尊欲明此義而說偈言

菩薩住戒品 不以戒自高 更求甚深法
決定微妙義 以第一淨法 求無上菩提
但修佛正法 不習外道論 終不樂讀誦
路伽耶經典 不好譏刺論 但守護佛法

常行寂滅法 樂住空閑處 無有諸色欲

能燒亂心者 我今所讚歎 是微妙四法

為成佛道故 汝等當修學 我於世世中

常行如是法 守護佛法已 故能成大智

護持佛法故 不墮賤惡道 常生尊貴處

為眾所侍衛 能得大財富 而不為放逸

速以造福業 知財無常故 若施則屬我

不施非己物 我身及財產 命終皆捨去

能得善眷屬 亦得善知識 父母諸親族

能令住佛法 常樂行善法 亦令他信樂

以是得大喜	我修正法故	常生於世間
富貴族姓家	所生不放逸	常樂行善法
於身命財利	不生堅固想	諸佛甚難值
無難處亦難	見佛得無難	能起大利益
心常樂出家	因是生智慧	心生大歡喜
求最勝智慧	常安住法中	能起無上道
又舍利弗菩薩有四法	心常歡喜修道自慰	能自了知必當作佛名聞十方何謂為四內
外所有盡能惠施安住戒品修諸功德於衆	智中為最尊勝為深法故不惜身命見有讀	

誦是深經者能加供養恭敬守護具此四法	心常歡喜能自安慰我必作佛名聞十方爾	時世尊欲明此義而說偈言	悉捨諸財產	安住淨戒品	智慧中最勝
不疑空寂法	若見有讀誦	受持及演說	如是深經者	供以衆樂具	是故此菩薩
常喜心行道	能自受記勅	當為世中尊	若過去未來	今現在諸佛	皆為授記言
汝必當逮覺	若人修學此	諸佛所學法	當知是菩薩	安住無上道	此法佛所讚

諸菩薩所行	是人住其中	故能成佛道
譬如以坏瓶	從高而墜下	中間無障礙
當知必破壞	菩薩亦如是	能修習此道
中間無障礙	必當得作佛	譬如人織作
以經緯相次	於中無妨礙	能速得成就
菩薩亦如是	常修習此法	於中不懈息
乃至得佛道	若人於良田	殖諸果樹
時時加溉灌	漸令得滋茂	隨時而養護
為障風寒熱	此樹漸增長	榮鬱妙華實
其蔭甚清涼	令人樂止息	華果給眾生

為之作利益	菩薩亦如是	始種菩提心
漸修菩薩道	諮問多聞者	以時行施惠
常淨持禁戒	諸餘菩薩法	亦行不懈息
如是次第行	當坐於道場	壞破諸魔眾
得成無上道	隨時轉法輪	世間所不轉
漸度脫眾生	將導無量眾	如是智慧人
發此無上心	世世不退轉	乃至成菩提
是故汝等今	當漸修此法	時至當作佛
隨時轉法輪		
又舍利弗菩薩有四法終不退轉無上菩提		

捨身當爲轉輪聖王得隨意福得大身力如
那羅延作轉輪王捨四天下而行出家既出
家已能得自在修四梵行命終當得生梵世
上作大梵王何謂爲四舍利弗菩薩若見塔
廟毀壞當加修飾乃至一塊若一搏泥是爲
初法乃至得作大梵天王又舍利弗菩薩若
於四衢道中多人觀處起佛塔廟造立形像
爲作念佛功德因緣若轉法輪及出家相若
坐道場若壞魔軍若現神通若般泥洹若從
天上來下之相是第二法乃至得作大梵天

王又舍利弗菩薩若見衆僧壞爲二部諍訟
瞋恚互相過惡菩薩爾時勤求方便令其和
合是第三法乃得作大梵天王又舍利弗菩
薩若見佛法欲壞能讀誦說乃至一偈令法
不絕勤行精進爲護法故供養法師專心護
法不惜身命是第四法菩薩成就是四法者
世世轉身作轉輪王得大身力如那羅延捨
四天下而行出家既出家已能得隨意修四
梵行命終當得生梵世上作大梵王爾時世
尊欲明此義而說偈言

若見佛塔壞	能勤加修飾	菩薩以是故
當得大身力	於四衢道中	造立佛塔廟
顯示佛功德	令眾心清淨	故獲大功德
名聞廣流布	亦得大眷屬	多人所稱讚
見眾生毀壞	更共相諍訟	方便令悔過
還使得和合	是福因緣故	勇健無能勝
能獲大身力	猶如那羅延	見佛法欲滅
無有信受者	能一心守護	不貪惜身命
見護持法者	加供養恭敬	為諸天侍衛
諸佛所護念	以守護法故	當為轉輪王

遊行四天下	以法化諸國	雖治諸國土
而不為放逸	能惡獸眾欲	捨國行出家
能修習四禪	具諸神通力	淨修四梵行
常樂諸功德	於此命終已	得生梵世上
於諸梵天中	常為自在王	是四上妙法
諸佛所稱讚	我本為菩薩	亦親近修習
隨所聽聞法	如說而修行	具足到彼岸
逮得無上道	若人能修學	我本所行法
世世常尊貴	大力難沮壞	當得人中尊
切利諸天王	亦於欲界中	得作自在王

又至色界中	而作自在王	一切處尊貴
誰不行是道	清淨持禁戒	能深有慚愧
所願皆成就	住諸功德本	勤修行精進
具忍辱禪定	得無上智慧	明了一切法
百千萬億種	無量方便事	皆悉能成辦
通達其義趣	能於一句中	演散無量義
善巧眾技術	常於中最勝	常得大智慧
辯才無有量	專心行菩提	捨離餘智慧
常行質直心	善修正見故	能得值諸佛
捨離一切難	是乘為最大	諸佛之所讚

於是微妙乘	不限諸過咎	不限諸盲者
亦不限聾者	及瘖殘百疾	瘖瘖諸醜陋
亦不限貧窮	及失功德者	不限造惡業
惡趣因緣者	誰聞讚是乘	無一切諸惡
而當不修學	唯除樂惡者	是故求智者
當求是佛慧	修學此智慧	到諸法彼岸
我世世所生	常處尊貴家	端正力勇猛
具足諸眷屬	我初不懈怠	勤修行精進
清淨持禁戒	常一心智慧	隨我過去世
所修行善法	今皆受果報	汝等且具觀

過百千萬億	無數那由他	於爾所世界
我智悉通了	亦悉知是中	一切衆生心
又知其所行	及深心所樂	我知其所應
化以菩提心	亦知調伏心	又能令熾然
我以佛眼見	是世界衆生	知所應教化
拔濟生死中	隨時往說法	教化示導之
現諸神通力	皆令得歡喜	衆生若貪著
身色及財富	爲現諸過失	因是得泥洹
若人有染縛	依止諸邪見	亦爲示有見
令知其過咎	隨衆所尊貴	種種諸形色

我即爲化現	示令知正道	是人得法已
歡喜加恭敬	即念言是佛	愍我故教化
即時歸命我	又歸命聖法	然後漸令得
拔諸苦惱箭	爲是人說法	令得寂滅道
是人聞我法	漸漸至泥洹	如我知現在
諸法悉無礙	於過去未來	其智亦如是
佛身甚高大	不可得限量	大神通力者
尚無能見頂	佛力無有量	亦無有邊際
以是無量力	彌覆恒沙界	何等是如來
眞實形色相	一切衆生類	無能限量者

若有衆生來	欲見佛形色	即見種種身
不能取定相	見佛變化身	心得大歡喜
種種稱讚我	是則爲錯謬	一切衆生類
無能見佛身	乃至以天眼	亦所不能觀
汝等今所見	是佛神通力	眞佛身相者
不可得思議	佛於一毛孔	所現神通力
所利益衆生	尚不可思議	於一毛孔中
出無數億光	能過恒沙等	無量諸世界
汝等今謂我	眞坐於此衆	十方世界中
亦各自謂爾	我以一切智	說佛智慧力

猶尚不能盡	何況諸聲聞	諸佛難思議
法亦難思議	若能信此者	果報難思議
爾時會中有七歲童子名曰選擇	從座而起	合掌向佛而說偈言
世尊我發心	願當如法王	聞不思議法
而發大莊嚴	請一切衆生	設大法施會
作是師子吼	如所說能成	世尊我從今
永不貪家屬	今於佛法中	出家修正道
出家行精進	及禪定智慧	故逮是正覺
我今亦修學	我深生欲樂	願速聽出家

剝頭被法服	當修行上法	當以知見力
揀擇是世間	我當為世尊	唯願聽出家
我無眾生想	無有眾生故	通達是法已
當為眾生說	破魔軍眾已	恐怖諸外道
壞裂邪見網	為眾作大利	我行安隱道
能至於泥洹	是道無生相	故不可思議
除斷諸癡冥	法明照世間	當說如實法
隨諸法性相	得大神通力	現諸希有事
眾生若見者	漸斷一切疑	
爾時世尊告選擇言善哉童子汝於我法欲		

出家耶唯然世尊即時如來而說偈言		
雖不服染衣	心無所染著	則於佛法中
名真實出家	雖不除飾好	能斷諸結縛
心無縛無解	是名真出家	雖不受禁戒
心常離諸惡	開定慧功德	是名真出家
雖不受持法	能壞諸法故	離一切諸相
是名真出家	若不分別我	亦不得眾生
而心不退沒	是真發菩提	若發菩提心
不得是心相	無得而不動	是人不可壞
爾時舍利弗作如是念今此童子發意已來		

其已久如佛乃為說是甚深法時舍利弗以偈問佛

是選擇童子	所行為多少	聞是甚深法
而心不驚畏	是人於先世	曾見幾所佛
聞此甚深法	即便能信受	曾從幾如來
聞如是深法	今聞世尊說	而心不退沒
即時世尊以偈答曰		
是選擇童子	曾於此世界	從無量諸佛
聞是甚深法	我知此童子	驚伽摩伽國
所問諸佛事	修行菩提道	能明了通達

陰界亦諸入	及三解脫門	是處非處等
迦尸橋薩羅	此中所問法	我皆悉知見
亦如上二國	是選擇童子	到智慧彼岸
善法極增長	故得如是智	算數諸技藝
及世間文頌	如是等諸智	悉皆可忘天
一切世間智	無不可廢忘	出世間智慧
所謂諸法空	若人能通達	一切法空相
經歷無量劫	終不失此智	是名大智慧
能滅諸煩惱	樂此空智者	於法無惱患
時舍利弗問童子言汝於佛法欲出家耶童		

子對曰不欲出家我今即為已出家也時舍利弗以偈問曰

我今不見汝 身被染法服 亦不剃鬚髮

云何言出家 汝亦無應器 和尚阿闍梨

又不受禁戒 云何名出家 於何處受戒

誰為白羯磨 此是佛法中 次第出家法

汝無此眾事 云何名出家 如是等諸問

當先如實答

時選擇童子以偈答曰

若不著袈裟 不著非袈裟 不捨不受法

名著真袈裟 我受智袈裟 不生諸憂惱

是衣淨無垢 我常著此服 斷除諸結使

則為剃鬚髮 慧刀所斷故 後更不復生

我器不思議 能受一切法 不盈亦不減

常持眾善法 我自行善法 終不從他受

九

自成一切智 是受具足戒 佛為我羯磨

觀法平等故 常修行佛道 隨逐於諸佛

是名我出家 亦是我戒法 是則我衣鉢

亦是白羯磨 我所行無量 於尊法造業

從一佛國土 復至一佛國 安處於道場

行不思議施 我終不獨飯 當共無量眾
爾時世尊諦視童子即時童子鬚髮自墮
袈著身如新除髮七日之後得五神通即於
其處忽然不現時此世界地大震動眾生怖
畏天鼓自鳴百千伎樂同時俱作有大光明
普照天地時佛微笑種種妙色無量焰光從
口而出三遶世界還從頂入爾時阿難偏袒
右肩合掌向佛以偈問曰
眾中最勝調御師 行上功德巍巍尊
智慧通達無障礙 今問普智無上覺

世尊何因故微笑 佛不妄笑必有因
誰應從佛得授記 唯願世尊斷我疑
世尊口出大光明 其明普照諸世界
周而遶此世界已 還從頂上入不現
當爲何人作利益 誰於佛慧得授記
故使世尊現微笑 大光普照佛世界
今是世界悉莊嚴 一切眾生皆悅樂
而心安靜不放棄 現如是等神通力
佛告阿難汝今見是選擇童子身被法服即
於此處忽然不現耶阿難對曰唯然已見阿

難當知今是童子於此滅已即便現於阿閼
佛國妙喜世界盡彼壽命淨修梵行即於是
身續增其壽如此天帝釋提桓因即於現身
更增壽命選擇童子即以此身從一佛土至
一佛土亦於諸國續增壽命如是展轉經歷
無量阿僧祇劫未曾離佛於諸佛所皆以現
身續增其壽過是無量阿僧祇劫然後當得
無上菩提成佛號名大智選擇其佛世界名
常照明阿難彼土衆生終不受胎皆悉化生
於蓮華上結跏趺坐彼佛國土具如是等種

種衆妙功德莊嚴阿難菩薩有四法轉身當
作善來比丘終不受胎蓮華化生即於現身
續增壽命何謂爲四自樂出家亦勸他人令
行出家亦爲佐助出家因緣既出家已爲之
說法示教利喜是名初法復次阿難菩薩自
能勤行精進求諸佛法亦化他人精進求法
是第二法復次阿難菩薩自行柔和忍辱亦
化他人令住忍中是第三法復次阿難菩薩
自能習行方便深發大願亦化他人令行方
便及發大願是第四法阿難菩薩成就是四

法者轉身當作善來比丘終不受胎蓮華化
 生即於現身續增壽命復次阿難菩薩摩訶
 薩成就四法終不退失無上菩提何謂為四
 菩薩摩訶薩堅固深發無上道心常樂見佛
 聽法無厭常行實語不樂欺誑阿難菩薩成
 就是四法者於無上道終不退轉即時世尊
 欲明此義而說偈言
 堅固深發心 常樂見諸佛 聽法無厭足
 常住實語中 見苦惱衆生 深生憐愍心
 知衆生心已 隨應而說法 是人當聽法

其心無厭倦 常發勤精進 增長智慧故
 常為誠信者 安住實語中 其有所言說
 終無有錯謬 若於是四法 隨時而修學
 當得無上道 轉無上法輪 我說是法中
 得無量果報 誰聞如是法 而不修學者
 復次阿難菩薩摩訶薩成就四法終不忘失
 無上道念諸天神等皆來勸助常不遠離賢
 聖福田若無賢聖便於衆會自為福田何謂
 為四菩薩摩訶薩勤行精進教化衆生令發
 無上菩提之心勤行精進供養如來為求法

故以恭敬心供養法師若見衆生怖畏苦惱
施以無畏阿難菩薩成就是四法者世世不
失無上道念爾時世尊欲明此義而說偈言
供養諸佛恭敬佛法亦以敬心供養法師
見諸苦惱怖畏衆生即施無畏救諸苦惱
以是善根常得見佛若得見佛當起精進
若不見佛及佛弟子辟支佛等諸聖福田
能自出家修寂滅智入深禪定起五神通
得神通已遊諸世界入諸聚落令衆住法
衆生聞法遠離不善不起惡業轉相敬順

衆生從是皆得安隱彼以法尊我亦如是
人自行法得是功德自利利他誰不行善
故求佛道當行是法終不失佛不思議智
我本修是法度功德彼岸通達是法已
逮得無上道我實是世雄亦世間最勝
又能與世間九無上妙智慧十四
阿難以是因緣當知菩薩能行是法利益衆
生則能修習具足佛法阿難乃往過去無量
無邊阿僧祇劫於此間閻浮提處有大國
王名曰方音王大夫人生一太子時諸天神

同聲唱言行善法人今出世間今出世間王
 聞是聲即時驚怪何名爲法何名非法阿難
 是王太子漸漸長大至年七歲請父王所稽
 首禮足於一面立問父王言云何爲法云何
 非法時方音王以偈答曰

布施持戒斷愛欲 忍辱堅住諸功德
 離殺盜淫諸不善 是名賢聖所讚法

爾時太子以偈問曰

如父所說法 若在家治國 可得遍行耶
 願具答此事 可行不可行 唯願如實答

實語度惡道 不畏墮地獄 妄語墜惡趣
 當受無間苦 是故勿妄語 如實爲我說
 時方音王即以偈答

若在家治國 不能具諸善 刀杖楚害人
 是中何有法 若人不從命 我瞋發惡口

強奪他財物 繫閉加楚毒 我若出遊觀

民衆悉怖畏 皆念王今出 我等遭何罪

若我處正座 有司將罪人 羅列在我前

言王隨意治 我審其罪咎 即便加楚害

徒爲他事故 自起衆罪業 若縱則相妨

國界則亂壤	故我苦切治	民衆則怖畏
言王大威嚴	甚惡無慈愍	誰當住此國
敢不隨教命	時太子法行	從王聞此偈
生厭心白王	我欲具行法	我不貪國位
爲他起罪業	當捨離父歟	出家具修法
王若不見聽	我今當自害	飲毒自墜高
或以刀自殺	王聞子誓已	即大憂惱言
汝隨意自娛	我當治國事	當恣汝財產
遊戲諸林觀	何用是出家	爲人所形笑
盛年受五欲	老至當出家	命促難保信

勉勿生厭心	答言受世樂	無厭增瞋惱
出家離衆穢	常修行慈惠	獨在空閑野
於是起淨樂	當依止此處	持戒修梵行
王可共出家	國民衆何益	爲他造惡業
自受地獄苦	吞食熱鐵丸	及飲沸銷銅
邪行起罪業	宛轉地獄中	鐵釘釘其體
熱鐵鏃纏身	又以熱鐵犁	耕裂壞其體
獄卒甚可畏	青眼而黃頭	持人倒爨鑊
鐵叉迴轉身	經歷千萬歲	備受衆苦惱
罪業深重故	求死不能得	若從鑊湯出

復入大火坑	其身猛燄起	如焚乾竹林
若得出火坑	即復墮火山	從火山下已
復入沸屎坑	是中沸燄起	鐵劈蟲咬身
無量億千歲	涌沒於其中	或於此得脫
復入竹刺林	猛火大燄起	熱竹燒爍身
入此林中時	四面大風起	鼓動此竹林
刺割其身軀	或從此得出	即復入刀林
枝葉如劔戟	刀槩及戈鉞	即入此林時
四面起暴風	飄雨諸鋒刃	段段割截身
如是兩刀劔	割截身體時	無量億千歲

苦毒不可忍	或於此得出	即入鹹河中
皮肉悉爛盡	唯有骸骨連	經歷無量歲
具受眾苦惱	或從此得出	復入銷銅河
融銅汎溢滿	擊浪震大音	迴旋百千市
波湧而揚濤	經流地獄壑	罪人悉入中
即墮此中時	波浪所顛覆	不能得涯底
漂沒於中流	或從此得出	羅刹在岸邊
黃眼而長齒	還捉收縛之	捉已而問言
汝欲何所求	答言我飢乏	唯須食為先
即時惡羅刹	置熱鐵地上	令吞熱鐵丸

燒爛其五臟	內外俱焦然	遙見大鹹河
謂是清冷泉	奔走自投身	若於此得脫
還入沸屎池	刀山火坑等	輪轉此衆苦
王富貴無常	不义當敗壞	身命及尊貴
佛說皆無常	故當受我言	捨國共出家
命終當生天	亦得離衆苦	出家處空閑
修淨戒禪定	常樂行慈悲	及修空寂滅
爾時自當知	無有與等者	得寂滅安樂
猶如大梵王	太子如是說	時王及夫人
并餘一切衆	無能障礙者	王子出家已

求法行禪定	具足五神通	爲衆演說法
修行寂滅心	樂說空無我	諸法無縛解
常說如是法	諸人今皆當	一心正觀法
是陰界入中	何有我我所	百千億衆生
聞法已出家	父王及夫人	亦於法出家
是人出家已	發如是願言	王子所求法
願我皆得之	隨學是菩薩	皆發無上心
隨其所說行	成佛入泥洹	阿難彼王子
求法化父母	令住佛法者	汝謂異人乎
阿難汝勿疑	即今我身是	爲衆作大利

令住佛道中	我從發意來	常一心求法
精進力堅固	終無有懈怠	我常修是法
無有懈倦心	終不生狐疑	當得佛道不
常志樂菩提	修習上精進	求法以樂心
故得最勝慧	若人求菩提	當如我修學
終不退失利	成佛轉法輪	
為法品第三十一		

佛告阿難菩薩有四法聞所說法通達意趣
 能得智慧得堪受法得堅固念具足威儀何
 謂為四發勤精進求如是等甚深經法得是

法已如所說住自住於法亦能勸導令多眾
 生入是法中入法中已能為解說示教利喜
 爾時世尊欲明此義而說偈言

菩薩求深法	能得無上樂	未得如是法
終不中懈怠	聞是甚深法	於獨處思惟
如其所聞法	常一心修學	能教化他人
今如已所住	非但以言說	身行引導之
復次阿難菩薩摩訶薩為斯法故常隨法師		
作是念言我所不聞不知之法或當乖互失		
是法利爾時世尊即說偈言		

若有多聞人	常隨逐親近	視之如法王
為修習法故	我所未聞法	不知其義趣
因緣或乖錯	則失是法利	生堅固精進
捨離一切欲	當求決定法	以增真智慧
親近有智人	多聞及利根	為眾所尊故
能持此經者		
復次阿難菩薩摩訶薩	如所聞法廣為人說	
而不為法之所傷害	阿難云何為法之所傷	
害若有比丘貪著名稱	衣服飲食卧具湯藥	
種種利養為他講說	隨順頭陀甚深淨戒空	

相應法又自不能如說	修行是名比丘為法
所害爾時世尊欲明此義	而說偈言
菩薩聞是法	為大眾廣說
勿為法所害	勿為資生故
恒以慈悲心	而說無上法
而起大慈悲	當一心說法
若人以利養	為大眾說法
則為法所害	當隨從智者
不為法所害	是名守護法
皆稱讚是人	善哉能說法
	亦住此法中

欲九

十九

復次阿難菩薩摩訶薩若求法時不取法師
 惡視顰蹙輕賤傲慢如是等過但如所應一
 心求法阿難菩薩云何如應求法若諸師長
 如法教授安住其中為具足法勤行精進以
 諸衣服飲食卧具湯藥所須而供養之是名
 菩薩如應求法爾時世尊而說偈言

菩薩求法時 不取法師過 隨為他人說
 亦自住其中 菩薩求法時 如所說應住
 如法而求法 安住是法中 是故求法者
 應如所說住 是名為初法 謂能如說行

故能證寂滅 如我之所說 我本學是法
 能得無上道 常應勤求法 於法生敬心
 所從聞法者 應生世尊想 應作如是念
 此則我大師 是人開導我 令住正道中
 是則我世尊 心常加恭敬 因是大師故
 捨離世間樂 阿難汝當知 乃往過去世
 過無量無邊 不可思議劫 有佛現於世
 號須彌山王 是佛滅度後 弟子違頭羅
 利根大智慧 為眾講說法 決了甚深義
 通達陰界入 能到戒彼岸 分別阿毗曇

善修三學法	堅持佛法藏	須彌山王佛
加其神通力	求諸佛智慧	通達甚深義
是比丘功德	說之不可盡	時華大城中
有豪貴長者	富有諸財產	福德故高明
其名爲樂善	多人所宗敬	持戒有威德
名聞廣流布	是長者一時	到違頭羅所
即以多聞智	隨宜爲說法	長者聞法已
喜心發是言	我所有財產	盡以相供養
時彼比丘言	善哉能大施	聞法得信解
是佛法根本	以所有財物	奉上法師已

於二十歲中	常隨爲給侍	是樂善長者
隨從法師時	得聞種種法	心終無厭足
又發如是心	欲種種供養	如是供養時
心終不懈倦	一來問訊時	持二十億金
以奉上法師	即皆爲受用	常如是數數
隨時而供養	以是供養故	心得大歡喜
違頭羅法師	所將諸弟子	亦復皆供養
各以千兩金	既奉爾所金	又各獻三衣
一一衣價直	二十億兩金	又爲違頭羅
及諸比丘等	各各起房舍	高廣甚嚴好

造一一諸坊	各二十億金	牀榻被褥等
皆具足莊嚴	法師常隨時	於此中說法
為眾作大利	乃至終其壽	是樂善長者
加供養其屍	積眾香鬘維	起塔百由旬
十層七寶塔	以盛師舍利	安置大塔中
常華香供養	此樂善長者	如是設供養
終值無量佛	永不墮惡道	是福因緣故
八十億劫中	常為大梵王	亦恒見諸佛
又八十億劫	為忉利天王	常得見諸佛
以種種供養	又於爾所劫	為轉輪聖王

常得見諸佛	亦皆深供養	從是已次第
復得值無量	無數阿僧祇	那由他諸佛
既值無量佛	亦無量供養	能問諸佛道
佛亦隨義答	阿難汝謂彼	於華大城中
大名聞長者	為是異人乎	汝勿懷此疑
即今我身是	我爾時奉事	違頭羅法師
為具佛法故	作如是供養	是善根因緣
今得無上道	我供養法師	所造功德本
能獲大果報	至今猶不盡	我從是因緣
世世轉高貴	得見無量佛	亦聞諸佛法

彼諸佛所答 亦如我今說 是名眞佛道
汝等當修學

阿難白佛言甚竒希有如來乃從久遠已來
深積德本於過去世常得尊貴世尊是違頭
羅比丘今爲現在爲入泥洹佛告阿難是比
丘今未入泥洹於我法中行菩薩道阿難復
言希有世尊樂善長者供事法師因是德本
逮無上覺而是法師今猶甫爾行菩薩道
佛告阿難是違頭羅不能如我發菩提心但
以樂道而求菩提捨是苦行阿難我於長夜

常以苦道求阿耨多羅三藐三菩提我本修
行菩薩道時作如是願若有衆生多隨惡業
墮三惡道備受衆苦我於爾時當成正覺度
脫此等苦惱衆生阿難是違頭羅所修行願
說不可盡筭數譬喻亦不能明以大布施深
發無上菩提之心廿九以此善根作如是願若我
修行菩薩道時其有衆生未入法位及求聲
聞辟支佛者此諸衆生得見我身若聞我名
皆得必定無上菩提阿難白佛言世尊是違
頭羅法師受彼樂善上供養者今或在此大

衆會中佛告阿難違頭羅比丘在此衆中今於我前立者是也

歎會品第三十二

阿難白佛言希有世尊今此大衆清淨人會佛言如是阿難如汝所言此衆皆是清淨人

會謂諸菩薩摩訶薩衆阿難此會大衆爲師子會無所畏會爲大龍會爲殊特會無比之會阿難白佛言世尊以何故名爲大人會師子等會阿難於一切法破大無明利益無量無數衆生發大願故名大人會是諸菩薩發

大莊嚴能攝一切諸佛法故名師子會又復阿難如師子王處深谷中隨所住處諸小蟲獸不能得近以不堪受其氣響故若有近者聞其氣響即皆僻地阿難是菩薩會諸大人會大師子會殊特之會及無比會亦復如是九隨所在處魔九若魔天魔所使人不能得近或十三來近者即得苦惱怖畏心悔還沒不現不堪菩薩大威德故阿難如師子王三發聲吼其聲遍聞一由旬內上下亦各徹一由旬阿難是師子吼諸小師子尚皆怖畏況餘鳥獸白

香象王聞其吼聲亦皆怖畏不能自制失聲
大呼阿難是菩薩會大師子會無所畏會諸
新學者假名菩薩如小師子聞大吼聲即時
潛伏阿難是大衆中諸惡菩薩貪著利養求
廣名稱聞大菩薩說甚深法皆大驚怖墜深
坑谷所以者何是大菩薩說空無相無願之
聲諸小菩薩貪著吾我陰界諸入貪著持戒
禪定智慧著諸道果亦著泥洹及諸佛故不
能堪受阿難於佛法中何謂爲空無相無願
我雖說空而於其中無法是空亦無所屬無

以爲空亦無處所阿難我雖說無相此中無
法可名無相亦無所屬亦無法以爲無相
亦無處所阿難我雖說無願是中無法可名
無願亦無所屬亦無法以爲無願亦無處
所阿難如來雖說是可斷法而於此中無可
斷法亦無斷者無用斷法無所斷處阿難如
來雖說是可證法而於此中無所證法亦無
證者無用證法無所證處阿難如來雖說是
可修法而於是中無所修法亦無修者無用
修法亦無修處阿難如來雖說是散壞法而

於是中無法可壞亦無壞者無用壞法亦無壞處阿難如來雖說是有爲法而無有法是有爲也亦無所屬亦無所用是有爲法阿難如來雖說是無爲法而於其中無無爲法亦無所屬亦無所用是無爲法阿難如來雖說垢法而於是中第九無法是垢亦無所屬亦無所用是垢法也阿難如來雖說淨法而於是中無法是淨亦無所屬亦無所用是清淨法阿難是則名爲一切法印不可壞印不可變異於是印中亦無印相阿難若諸菩薩能得此

印是名真實人中師子能獨步者無驚怖者以師子吼怖諸外道皆令潛伏壞諸魔衆諸貪著者所不能及怖增上慢動我見者不信魔使悅諸佛子能爲十方一切衆生開佛法藏能建法幢擊大法鼓吹大法螺令諸佛子得飲法味分別法施能演說法充足善人阿難如師子王從所住出三發聲吼善師子子聞是音聲歡喜奮迅無所怖畏顧視四方阿難是大智慧師子之會無怖畏會大智士會有真菩薩摩訶薩等深發無上菩提心者善

根成熟若聞如是諸法實相師子吼聲不驚
 不怖更增歡喜阿難如師子王隨所住處獨
 步無畏如是大師子會無怖畏會有於佛法
 發大莊嚴發無等侶無二莊嚴作如是念我
 當獨得成無上道當無等侶證諸佛法阿難
 如師子王有師子牝若懷妊時一受無二阿
 難是師子會無怖畏會大菩薩會所有菩薩
 發大乘心更不復受二乘之念阿難如師子
 王欲害諸獸若大若小等加一力阿難是師
 子會無怖畏會大菩薩會所有說法皆以一

永樂北藏

佛說華手經

心普令等解是故阿難今此大會名師子會

佛說華手經卷第九

音釋

譏居依切 蒯必列切 坏鋪枚切 未未古切 漑古代切
注鏢與涉切 爨七亂切 嘒即委切 唼子合切
也鏢切 梨所角切 牝昆忍切 妊汝鴉切
也式灼切 與稍同切 母畜也切 子也切

第五〇册

永樂北藏

佛說華手經

第五〇册

佛說華手經卷第十

欲十

姚秦三藏法師鳩摩羅什譯

上堅德品第三十三

爾時會中有一比丘名曰堅意即從座起偏袒右肩恭敬合掌白佛言世尊我欲供養是經法故亦欲供養三世諸佛及諸菩薩學是法者亦欲勸助令增善根以是事故今以所珍奉上世尊即以上衣散如來上又執中衣而白佛言今以此衣奉獻世尊願於來世在所從聞此法者隨佛意故亦奉是衣即時

堅意往詣星得比丘所言汝善知識請從我故共以此衣奉上如來即與星得共持是衣為增善根欲以上佛即時如來現大神通爾時阿難及諸四眾皆於衣中得見如來種種神變阿難白佛言希有世尊如來雖知故問阿難汝見何事名為希有爾時阿難欲明此事以偈白佛我等於比丘見無量菩薩勇猛發菩提讚佛已飛去又見諸菩薩皆從此衣中取無量百千阿僧祇種衣取是等衣已

即奉十方佛	我見此彼處	無量神通力
奉上佛衣者	佛皆與授記	是人漸行道
皆當得作佛	隨其所住處	皆能淨佛土
衆生各各謂	於此處成佛	又見無量億
種種諸妓樂	從是出法音	空中聞佛聲
我見三千界	諸佛皆克滿	世尊我今念
自謂非聲聞	神通力希有	曜惑我心目
我今以聖智	觀三界皆空	我於此空智
及盡無生智	如是衆智中	常不失正念
但以業報根	於中有錯謬	四衆咸歡喜

飛在虛空中	皆悉坐衆寶	千葉蓮華上
又於此衣中	見十方世界	諸佛世導師
及大衆圍遶	又見諸上人	行不思議施
為求菩提故	常親近諸佛	以如是因緣
能大利衆生	能自身現化	遍十方說法
我衣中所見	其事不可盡	見衣中菩薩
歡喜心恭敬	如梵王自在	通達神通力
多聞大辯才	皆得陀羅尼	轉佛智慧輪
如是遍十方	又見菩薩等	所遊諸世界
皆變成衆寶	華香等莊嚴	見佛坐道場

轉無上法輪	如是佛神力	皆於衣中現
能於諸世界	變化若干形	說法為利益
皆令住菩提	今所見希有	是事難可信
佛神力無量	能示於衆生	佛為良福田
受施中第一	施者得大果	能斷一切苦
若我千萬劫	稱揚不能盡	為誰故示現
如是神通事	誰當淨佛土	修是菩薩道
誰得是神通	願佛斷我疑	七寶諸蓮華
其大如車輪	衆菩薩坐上	遊空到十方
覲佛已還此	即逮無上覺	國土廣嚴淨

現不思議力 我於此世界 見有一菩薩
 精進行菩提 手執衣而立 願佛說是事
 云何而修學
 此必昔曾無量施 亦行無量隨喜心
 願與一切衆生共 是故今見皆得樂
 世尊為我說是事^{第十} 斷一切衆心所疑^三
 是何比丘造此願 為是星得為堅意
 佛告阿難且待須臾堅意菩薩欲有所問後
 當答此時堅意菩薩白佛言世尊欲有所問
 若佛聽許乃敢諮請佛告堅意恣汝所問當

為汝說令得歡喜時堅意言世尊所言入法門者云何為法云何為門云何得入唯願世尊具分別說此名為法是名為門如是得入此名入者爾時堅意以偈問曰

云何為上法 云何是法門 云何入此門

唯願答是義 云何入是門 能得無上道

云何說法時 辯才無窮盡 是法從何來

今為住何所 云何於諸法 其念不錯謬

云何名入相 云何名已入 云何說法時

諸法現在前 說種種法時 云何心不亂

云何無量劫 辯才不斷絕 是諸菩薩等

為何所志求 說法無邊際 而無增上慢

是菩薩先世 云何施迴向 世世說法時

辯才不斷絕 本云何持戒 云何淨修戒

云何戒迴向 而心不劣弱 云何修忍辱

云何修習忍 以是故能到 無盡無上際

云何發精進 云何而修習 常能於世世

不離佛菩提 云何起禪定 云何而修習

於定觀何法 能得無盡辯 云何求智慧

親近而修習 是慧在何處 而得不斷辯

住無上善法	說諸法實相	思量佛智慧
甚深寂滅空	讀誦種種經	決定諸義趣
而不欲演說	以離實智故	我問佛是義
斷一切眾疑	於未來世中	當有諸法師
云何當親近	云何諮問法	云何隨法行
云何守護法	以處非處力	為我說是義
令我斷未來	一切眾生疑	

爾時佛告堅意菩薩善哉善哉能問如來是甚深義汝於過去無量佛所久殖德本供養恭敬諮受難問堅意我念汝昔於此世界虛

空分中曾從六萬八千諸佛問如是義諸佛答汝所問義時無量眾生得大利益是故當知汝於過去諸如來所深種善根堅意乃往過去無量無邊阿僧祇劫有佛出世號出寶光如來應供正遍知明行足善逝世間解無上士調御丈夫天人師佛世尊壽命半劫有七十億阿羅漢眾皆悉漏盡心得自在出寶光佛與諸大眾遊行國邑俱共安居是時閻浮提地甚大廣博縱廣七萬那由他由旬爾時世有利利灌頂轉輪聖王名上堅德王四

天下堅意爾時閻浮提中有八十億城皆悉
廣大長四十由旬廣三十由旬安隱豐樂人
民熾盛閻浮提中有一大城縱廣正等八十
由旬街巷端直行列相當一一街巷各廣五
里中有小城名曰安隱上堅德王止住其中
堅意是大城傍七萬園林適無所屬衆生普
共遊戲娛樂有一大園縱廣正等八十由旬
王所遊觀寶樹七重周而圍遶亦以七寶七
重羅網彌覆其上樓閣七重亦以七寶七重
牆壁七重寶塹周迴圍遶時出寶光佛與七

十億阿羅漢衆恭敬圍遶遊行諸國到安隱
城上堅德王聞佛大衆俱遊諸國來到此城
心大歡喜往詣佛所頭面禮足於一面坐爾
時彼佛觀王深心宿行因緣即便爲說斷衆
生疑令衆歡喜菩薩藏經上堅德王聞法歡
喜作如是念我今寧可以衆妙具嚴飾此園
奉上如來令其受用即於其中起七十億諸
僧房舍妙衣覆地有七十億經行之處牀榻
卧具亦七十億皆悉辦已往詣佛所頭面禮
足而白佛言唯願世尊哀愍我故及諸大衆

受明日請出寶光佛嘿然許之王知受已頂
禮佛足右遶已去即於其夜爲佛及僧備諸
供具種種餽饍轉輪聖王所食之味晨朝詣
佛而白佛言飯具已辦唯願知時時出寶光
佛著衣持鉢與七十億大阿羅漢恭敬圍遶
往詣園中次第而坐堅德王見佛及僧衆
坐已定手自斟酌種種美味恣其所須皆令
飽滿知佛及僧飯食已訖澡手滌鉢奉佛及
僧各以一衣如是施已自執金鍾澡如來手
而作是言我以此園及諸房舍經行之處牀

榻卧具并守園者施佛及僧唯願受用亦以
自身供養給事佛告堅意上堅德王供養供
給出寶光佛朝夕隨時常來聽法如是供養
乃至半劫諮問彼佛諸法因緣果報相續佛
隨問答利益無量無數衆生堅意汝謂彼時
名上堅德轉輪王第十者豈異人乎勿造斯觀即
汝身是堅意我念汝昔於過去世聞是法故
以無上供供養千佛如來於今亦當爲汝說
此法門入法相故
法門品第三十四

佛告堅意法名無思無慮無相無作無憶無念清淨無緣無有文字亦無言說不可顯示堅意諸法不會諸根不可以智知不可以無智知非可知非不可知復次堅意法名衆緣所成如來能知如如來知不可言說而如來以不可說法說是諸法所有說道即是法門所以者何以諸行印印一切法令一味故堅意諸法無盡盡際無盡故堅意諸法究竟不增不減入無際故以是義故如來以語言文字分別解說堅意阿字門入一切法以阿字

門分別諸法先入阿字門然後餘字次第相續是故言從阿字邊變出諸字從諸字邊會成諸句以諸句故能成諸義是故如來說阿字門入一切法堅意此是法門何等是法堅意所謂法者本來無作無說無示無知故知無說故說無示故示如是阿字能作一切語言是名法門若善男子善女人入是門者得無盡慧及無盡辯其無盡者過去無盡無盡中無相無說諸有所知皆為無知諸有所示皆為無示有所分別皆無分別故名無盡堅

意是名爲門是爲阿門是諸法門何等是法
佛所不得又此門者觀一切法入無思慮所
以者何一切語言皆非語言一切言說皆無
有盡一切言說皆如不離如一切知皆非知
堅意是名金剛句也何故名爲金剛句耶若
法無作則不可壞不可壞故名金剛句諸法
無業若無有業則無有報是故如來說一切
法無業無報是名法印如來所可說業果報
皆以是印是印不可破壞堅意若善男子善
女人欲知業報當入是門堅意一切諸法無

來無去是入法門我因是門爲衆生說生死
差別堅意若善男子善女人欲入衆生生死
智者以是印入是名法印名無文字印無障
礙印堅意如來有所言說皆以是印一切有
身皆如來身所以者何是諸身性不相違背
佛以是印說衆生身相是名身印又以是印
顯示演說一切身相所以者何堅意諸法無
門不可入故法不可入以不出故諸法無出
不可入故是故如來若有所說皆不離是無
礙際說以無礙際說一切法亦以是際知諸

衆生隨宜爲說堅意無礙際者即無邊際無邊際者即是一切衆生性也是名際門入是際門則能開演千億法藏此法藏者即非藏也堅意如來衆法藏中有所說法皆說是際復有色藏受想行識藏是藏非藏不自在藏是名諸藏以阿字門入爾時堅意白佛言世尊是門甚深佛言堅意我不生念是深是淺世尊佛說法耶堅意不如凡夫所貪著說隨智者所解名爲如來說法如如來如實所知無示無說所以者何一切諸法不可說相唯

智者能知凡夫若有所知皆著文辭是故佛說文字語言即非語言佛復告堅意一切諸法如日明淨隨所正觀皆入無際堅意一切諸法皆能照明能起一切智慧光故堅意一切諸法無所障礙如虛空故堅意隨著二法是中如來行無礙眼堅意是名法眼佛以是眼見一切法無障礙相堅意是名諸法無障礙門善男子善女人若入是門諸所言說皆有益皆無障礙皆示義趣皆說深義無所貪著復次堅意諸法無垢不染不離堅意法

無所屬以不受故堅意一切法無邊本末不可得故堅意諸有所說文字語言當知是中無有文字亦無語言堅意是文字門云何有入但說是法無有障礙是名爲入堅意如是入者即名非入註十入法性故堅意如來所說諸三昧門爲何者是堅意有一相三昧有衆相三昧一相三昧者有菩薩聞某世界有某如來現在說法是菩薩取其佛相以現在前若坐道場得無上道若轉法輪若與大衆圍遶說法取如是相以不亂念守攝諸根心不馳

散專念一佛不捨是緣亦念是佛世界之相而是菩薩於如來相及世界相通達無相常如是行常如是觀不離是緣是時佛像即現在前而爲說法菩薩爾時深生恭敬聽受是法隨所信解若深若淺轉加宗敬尊重如來是菩薩住是三昧聞佛說法皆壞敗相聞已受持從三昧起能爲四衆演說是法堅意是名入一相三昧門復次堅意是菩薩住是三昧中還能壞滅是佛相緣亦壞自身以是壞相壞一切法壞一切法故入一相三昧從是

三昧起能為四衆解說是法堅意是名為入
一相三昧門方便復次堅意菩薩緣是佛像
而作是念是像從何所來我何所趣即知佛
像無所從來我無所至菩薩爾時作如是念
一切諸法亦復如是無所從來去無所至是
菩薩如是行如是念不久當得無礙法眼得
法眼已便為諸佛之所知念諸甚深法皆現
在前以是深法得無礙辯雖講說法而不見
法堅意如如來於過去世無礙智慧亦諸相
中智無障礙於過去世亦不作緣亦非不知

不隨憶想堅意菩薩亦如是住是三昧雖演
說法不見是法是菩薩住是三昧深修習故
隨所聞因緣第二佛取相現前若坐道場得
無礙道若轉法輪若於大衆圍遶說法是菩
薩亦受持是第二佛法亦不捨本佛相亦見
是佛而是菩薩俱緣二佛取相現前聽受說
法堅意是亦名為入一相三昧門復次堅意
菩薩以善修習一佛相故隨意自在欲見諸
佛皆能現前堅意譬如比丘心得自在觀一
切入取青色相能得信解一切世界皆一青

相是人所緣唯一青色觀內外法皆一青色
於是緣中得自在力故取意菩薩亦復如是
隨其所聞諸佛名字在何國土即取是佛及
國土相皆緣現前是菩薩善修習此念佛緣
故觀諸世界盡皆作佛常善修習是觀力故
復能通達一切諸緣皆爲一緣所謂現在佛
緣是名得一相三昧門堅意白佛言世尊以
何方便得是三昧佛告堅意於是佛緣繫念
不散不離是緣是名三昧門堅意以是一緣
通達諸法見一切法皆平等相是名一相三

昧菩薩住是三昧又入法門謂一切語譬如
來語一切有身皆如來身不離如故復次堅
意菩薩聞諸佛名若二若三若四若五若十
二十三十四十五十若百若千若萬若過是
數一時專念盡現在前及諸世界弟子衆數
皆現在前恭敬尊重亦念是佛具足妙身形
色相好盡現在前恭敬尊重亦復一一取三
十二大人之相及不虛行相師子奮迅相無
見頂相象王觀相取大光相以信解觀作無
量相亦取諸佛國土之相以信解觀作無量

清淨相亦取弟子衆以信解觀作無量相爾時作是思惟如是諸佛從何所來我何所至即知諸佛及以己身無所從來亦無所至如是觀知如是信解爾時菩薩作如是念是中無決定法名爲如來如是觀時知一切法空無所有一相無相用無相門入一切法如是信解通達一切諸法一相堅意菩薩能緣諸佛繫念一處是名衆相三昧相門堅意若是菩薩入是三昧通達諸法一相無相是名衆相三昧是菩薩住是三昧所知所見無非如

來又亦不見不知如來所知所見無非是法亦不見法所有知見皆佛弟子亦不見不知佛弟子衆所知所見無非說法亦復不見不知說法所有見知無非是緣亦不見緣所有見知無非是辯亦不見辯諸有所見無非佛土亦不見佛土諸所有見無非世間亦不見世間諸所有見無非衆會亦不見衆會無法不說而無所說無法不現亦無所現無不信解亦無信解無不分別亦無分別無法不壞亦無所壞無法不出亦無所出無法不照亦

無所照堅意是名諸菩薩三昧門入是門者
當於諸法得無礙智能如是觀名無礙眼於
是事中亦不貪著是名法眼堅意菩薩以是
三昧能得無量無邊辯才爾時堅意菩薩白
佛言世尊幾所菩薩於當來世成是三昧能
得無量無邊辯才何等菩薩於當來世成是
三昧能得無量無邊辯才堅意菩薩若於後
世從比丘所聞是三昧當知是比丘成是三
昧能得無量無邊辯才堅意如汝所問幾所
菩薩成是三昧得無邊辯才若人常修是三

昧者則能成就得是三昧亦得無量無邊辯
才堅意是門能開八百法藏於今現在阿閼
佛土諸菩薩等常用是門堅意於是一門攝
一切法門諸三昧門是名重句門是故堅意
若人如法欲入法門是三昧門重句門者應
當親近諸善知識問云何行云何觀察云何
修習當隨其教如說修行堅意若有四法當
知是為善知識也何等為四一能令人入善
法中二能障礙諸不善法三能令人住於正
法四者常能隨順教化有是四法當知是為

善知識也爾時世尊欲明此義而說偈言

當近善知識 能障惡法者 能說佛所讚

是人應親近 隨佛道教化 能生人善法

如所聞安住 能增益智慧 可近法當近

應遠法當離 遠離惡法已 當修佛所讚

若欲得辯才 欲演自智慧 當疾修是定

常隨善知識 隨所教修行 於法無秘悞

自所得善法 亦應為他說 深心行是法

捨離諸諂曲 常近善知識 修行如是法

故近善知識 遠離惡知識 從是得多聞

疾得是三昧

復次堅意若有四法當知是為善知識相何

等為四善知識教化善知識修道知教化過知修

道過堅意有是四法當知是為善知識也爾

時世尊而說偈言

知教化修道 亦知是過失 既知是法已

令住無礙法

堅意復有四法當知是為善知識相何謂為

四知地知說知人知行云何知地隨人知地

云何知人隨其所行能知是人住多欲地是

人住多恚地是人住多癡地是人住決定貪
 欲地是人住決定瞋恚地是人住決定愚癡
 地是人住決定貪欲瞋恚地是人住決定貪
 欲愚癡地是人住決定瞋恚愚癡地是人住
 決定貪欲瞋恚愚癡地衆生若在三毒等地
 皆悉能知知已隨所住地如應教化隨諸善
 障種種欲樂皆悉能知堅意若人成就是四
 法者當知是爲善知識也堅意復有四法當
 知是爲善知識相何謂爲四能調伏語能令
 人住甚深法中能隨時教隨時消息爾時世

尊即說偈言
 知隨人所行 諸地有差別 知隨他教化
 故能速成就 能說法調伏 令住甚深法
 隨時而呵責 亦隨時消息 雖有善好言
 非時則不受 是故有智者 隨時而縱捨
 堅意復有四法當知是爲善知識相則能令
 人修是三昧何等爲四能令弟子出家遠離
 又能令人入深法觀能令住定於一切緣而
 無障礙遠離諸相堅意有是四法當知是爲
 善知識也佛說偈言

若人讚出家 及遠離住處 令弟子住中
 是名善知識 令住第一義 甚深妙法中
 令住無相定 是真善知識
 復次堅意菩薩成就四法能修習是三昧何
 謂為四捨離自心隨順師意離一切事為是
 三昧常勤精進終不懈息亦為欲得是三昧
 故樂住閑處離眾憤鬧菩薩成就是四法者
 能得習是三昧堅意菩薩復有四法能疾得
 是三昧何謂為四善取佛相乃至夢中亦見
 諸佛善取說法相乃至夢中亦得聞法為眾

生說而不疲倦得深法忍壞諸法故行無依
 定隨離心故堅意菩薩有是四法能疾得是
 三昧爾時世尊說此偈言
 是人捨諸世尊相常緣佛相不離目前
 具足見佛相三十二聽佛說法諦取是相
 於深決定法中得忍不依禪定樂隨離心
 非滅法故壞裂諸法諸法非法是人所樂
 觀諸相時無所分別信解諸法皆是佛身
 不著言辭不隨他語自知是相亦為人說
 菩薩若得如是法忍是名智者逮是三昧

近善知識 修佛讚法 教化衆生 住深定法
堅意菩薩 若有四法 則能修習 逮是三昧 何
謂爲四善 知緣相善 分別緣善 知轉緣善 知
本行有是 四法則能 成就通達 是定爾時 世
尊而說偈言

菩薩多聞有智者	應爲他說是三昧
又從諸佛聞善法	亦應爲人而演說
以緣佛身諦取相	修是寂滅妙三昧
又於諸佛世尊身	深取種種差別相
三十二相及身相	形相色相光明相

永樂北藏

佛說華手經

面貌眉間白毫相	當取如是人尊相
取是諸相在現前	常當觀察差別相
亦緣各各諸身分	不以一法爲佛身
以心分析諸佛身	是以無形本性淨
新新隨緣念念滅	在緣會生各異相
既知心相不暫停	當知是緣亦生滅
是法皆從分別生	若無分別是最樂
善知心性是轉相	亦知諸緣是轉相
知世間空皆如燄	能知是已念不亂
能如是知諸法義	即能變化多佛相

第五〇册

而於佛相無所著 知諸世間皆空故
 於諸緣中不取相 當知身心是轉相
 如是法中能通達 故能疾得是三昧
 於說法時現神力 亦於所說無錯謬
 能令衆生起善福 亦能疾得如是法

堅意菩薩有四法能成就是三昧成就已能
 為他說何謂為四為得是三昧故勤行精進
 不休不息晝夜經行若欲坐時先念諸佛坐
 於道場令現在前法施衆生無所吝惜於說
 法者視如世尊分析自身不依止法以無依

止為衆說法菩薩能如是行如是念如是緣
 安處法座廣行法施得是三昧或有菩薩從
 法座起得是三昧復次堅意菩薩成就四法
 應修學是三昧何謂為四若菩薩為出家人
 修遠離行捨憤鬧故但畜三衣離貪著故於
 在家衆及出家衆不作諸緣離非時過故得
 深法忍樂空寂故堅意菩薩成就是四法應
 修學是三昧堅意在家菩薩成就四法能得
 是三昧何謂為四菩薩若在居家受持五戒
 常日一食依止塔廟廣學多聞通達諸論亦

應親近諸善知識善能教化是三昧者堅意
 在家菩薩有是四法則能修習得是三昧復
 次堅意若在家出家菩薩成就四法應修習
 得是三昧何謂爲四具足戒品清淨活命離
 諸疑悔爲是三昧不貪身命不依止法隨所
 從聞及能教化是三昧者於是人中生世尊
 想修習如是念佛三昧時應離慳心堅意若
 有在家出家菩薩有此四法則應修習得是
 三昧堅意若人發大乘心欲得是三昧當修
 四益法何謂爲四應順觀身不生身覺應順

觀受不生受覺應順觀心不生心覺應順觀
 法不生法覺堅意菩薩成就是四法者助是
 三昧爾時世尊欲明此義而說偈言
 菩薩應修習 佛所讚念處 比丘自行處
 能得是三昧 常應分析身 亦不應依止
 以無依止心 當得是三昧 於受心法中
 亦無所依止 是法不思議 當得是三昧
 應修習四禪 及修四正勤 不依止是法
 當得是三昧 於四如意足 及四無礙智
 當修習是法 莫生慳恪心 應安住戒品

親近善知識	說是三昧者	應生世尊想
以多聞為本	從是起三昧	隨諸佛所說
如教而修學	是名為上眼	法眼無有上
是中無障礙	以教化眾生	是眾經之本
能生多聞法	菩提從此成	是故當修學
佛所有十力	及四無礙智	皆從是中出
是故當修學	菩薩能得是	佛所說三昧
是人說法時	辯才不可盡	是人於諸法
能通達平等	如海無增減	無能窮竭者
若得是三昧	不隨他人教	若聽受法時

不觀他人說	諸天鬼龍王	夜叉緊陀羅
人非人眾等	觀菩薩所說	皆言云何入
云何而修學	從何得此法	今為我等說
住是三昧故	知眾生深心	亦知心所樂
隨宜為說法	今我是經中	有所說諸佛
住是三昧故	悉知其名字	亦能知諸佛
所說種種法	隨心所緣念	即時皆能知
一切諸世尊	所有弟子眾	住是三昧故
皆悉能知見	知諸佛世界	種種莊嚴事
亦知彼壽量	得是三昧故	知諸劫歲數

及日月時節	十方世界中	諸佛兩足尊
皆知是諸佛	亦知是佛土	亦知諸世尊
若干差別名	善修是三昧	故能悉知見
亦知諸世尊	所有弟子眾	為眾所說法
皆悉能知見	一切佛所行	及諸深妙法
善習三昧故	皆悉能知見	於未來世中
無量諸世尊	名字及種姓	一切悉知見
亦知其壽量	及諸弟子眾	所說諸經法
皆能悉了知	知諸佛世界	及種種莊嚴
諸佛滅度後	法住之久近	住是三昧中

皆悉知此事	故求多聞者	當修是三昧
若修是三昧	通達諸義趣	當知是三昧
入佛智初門	從是生眾刹	亦生佛智慧
亦於中出生	無量諸功德	若有人發心
求無上菩提	盡供過去佛	及諸弟子眾
為供一一佛	及諸弟子眾	能捨滿三千
大千界珍寶	以爾所財寶	具滿一劫中
皆如是供養	諸佛及聖眾	於未來世中
所有諸世尊	亦皆盡供養	及諸弟子眾
堅意汝當知	是人所得福	求佛無上法

不可思議智	若人求佛道	修習是三昧
從是三昧故	多聞轉高勝	既得多聞已
廣為衆生說	是福過於彼	不可得思量
是福無有量	能增長智慧	若修是三昧
不須供養佛	若以華塗香	衣食湯藥等
以此供養佛	不名真供養	如來坐道場
所得微妙法	若人能修學	是真供養佛
若求佛道者	欲得見諸佛	應勤修是法
疾得是三昧	若聞是三昧	能生歡喜心
當知是衆生	曾見數千佛	

復次堅意若善男子善女人求佛道者供養莊嚴如來塔廟則得具足四大淨願何謂爲四能得第一清淨色身能得常生離諸難處亦能堅固受持善法能見諸佛得不壞信漸當速得無上菩提轉妙法輪是名爲四爾時世尊欲明此義而說偈言

智者能供養	諸佛尊塔廟	能具聖所讚
四種大淨法	常生離難處	能得正直見
常能見諸佛	見已心清淨	得深心堅固
不動如須彌	必定佛智慧	速轉無上輪

囑累品第三十五

復次堅意若善男子善女人發大乘心若佛
現在若滅度後眾華瓔珞若上華香以為供
養以是經故當得八具足福身色具足財物
具足眷屬具足持戒具足禪定具足智慧具

足多聞具足所願具足是名八具足福爾時

世尊欲明此義即說偈言

若求佛道者	供養佛塔廟	世世得福報
汝當一心聽	常具足身色	見者心清淨
福德大財富	及得善眷屬	安住於戒品

能深入禪定 得多聞智慧 無量如大海

諸有所願求 皆悉能成就 世間中尊上

第一良福田 以是善根故 得相三十二

相相各明顯 以自莊嚴身 是一一諸相

以眾好莊嚴 一一諸相中 各有八十光

是一一光中 其明甚清徹 於八十種好

亦出諸光明 從善業因緣 亦從願故生

隨諸願差別 故得如是相 足輪相一指

以眾好莊嚴 是功德神力 汝當一心聽

我是足指中 有好名照明 有光名極高

安住於此中 能演出光明 猶如過愛珠

是光如半月 在於須彌山 有相名堅集

有八十億光 諸光各有名 亦各有明色

我從一光邊 出千種色明 圍繞大千界

下方作佛事 我今若普放 廿一 善業所得光

世間若小大 廿十 一切皆迷悶

從是光現無量佛 遣到十方諸世界

廣化衆生作佛事 有如是等神通力

我有三昧能普照 用是三昧見世間

此三昧名須彌相 是中有光名善法

有三昧名首楞嚴 於一切中為最勝

因清淨心故能得 通達十方無罣礙

有人見佛現滅度 或有見佛初入胎

有人見生無所畏 其心安靜行七步

或有人見坐道場 謂我方今始成佛

有復見我轉法輪 有見修行菩薩道

汝等觀是三昧力 佛住是中得自在

有人知我壽劫數 或有知我壽半劫

有見我壽一小劫 若二三四若過是

有見我壽一億歲 有見過是若復少

此閻浮提世界人 知我壽命八十歲
有見我壽一日夜 有人知我壽長遠
或有三十大千界 謂我壽天一日夜
我知是人心喜樂 隨其所樂為說法
隨眾所應為示現 各各自謂為我說

見已歡喜生信解 是佛希有神通力
我若示汝所為事 一切凡夫皆狂惑
如來所行所為事 汝等設見亦不識
菩薩若知我深行 是人便能轉法輪
諸說法者各所樂 不能盡知我所行

若不能知普智行 是人所說甚微淺
若聞是法心退沒 我以是故無所說
若人能知普智行 是人心終不退沒
知一切法皆平等 是人隨順我所行
堅意當知是等經 於將來世無受者
唯除此會八菩薩^{第十} 今於我前合掌立^{十二}
堅意當知如是人 則能知我甚深行
亦為先佛法之首 常能照然佛法炬
常教眾生意菩提心 常為諸佛所稱讚
如今於我現前立 過去佛所亦如是

如恒沙數諸世尊 是人皆於現前立
 時五百人從座起 合掌白言當護法
 皆是佛聽護法者 堅意汝亦在是數
 復有八十菩薩起 皆為守護佛法故
 世尊我於未來世 受持佛法如說行
 常於濁亂惡世中 廣宣流布是法種
 世尊尋便為授記 即飛空中七多羅
 八十億人得深喜 各各自聞得授記
 爾時佛告阿難曰 汝能於後惡世中
 受持如是等經不 答言世尊我不堪

佛知故問迦葉言 汝能於我滅度後
 受持如是等經不 答言世尊我不堪
 我能把持三千界 及大海水諸山林
 諸餘麤重悉能持 不能惡世護持法
 今世比丘多慳惡 不隨世尊所教法
 何況世尊滅度後 誰能信受是深教
 必當語我如是言 汝年老耄無智慧
 云何反能教我等 利根聰辯解義者
 世尊如是慳惡人 樂世文頌外道論
 捨離甚深禪定樂 皆悉樂著世間事

多欲難滿無厭足
貪著美味求利養
我不能救是惡人
見已反增我憂惱
我在空閑獨處時
釋梵諸天來語我
今世尊說如是法
令多衆生得聖道
有某比丘得無漏
某得神通到彼岸
我聞是已心歡喜
而答釋言何足怪
於後惡世釋梵天
來至我所啼哭言
大德當知佛法壞
我聞是已懷憂惱
不能廣說是罪緣
亦復不能持此經
亦不能爲作證明
惡世比丘難與語

時諸天神皆啼哭
爾時佛告迦葉言
我亦先知汝不能
受持守護我法種
我諸聲聞弟子等
無能受持如是經
但諸菩薩承佛力
則能受持如是法
於後惡世或生疑
我今當斷此人惑
是經何故先來無
但是比丘自造作
或見是經多無量
爲讀誦故心驚怖
是經廣博多散亂
誰能讀誦令究竟
若人今見汝問我
亦聞我今爲汝說
是人於後甚惡世
能聞是經得歡喜

佛說如是護法時 無量眾發菩提心
 是等眾皆念言 我於來世聽是法
 後當供養諸世尊 一心求覓佛智慧
 供養舍利及塔廟 種種嚴飾尊形像
 爾時阿難從座而起偏袒右肩右膝著地合
 掌白佛言世尊林十當何名此經云何受持佛告
 阿難此經名為攝諸善根亦名功德依止亦
 名安慰諸菩薩心亦名菩薩所問亦名斷一
 切眾疑當如是持佛說是經慧命阿難堅
 意菩薩諸天龍神健闍婆阿脩羅人非人等

一切大眾皆大歡喜信受佛語

佛說華手經卷第十

音釋

慙善滅切 老莫報切
 急性也 慙昏忘也

法集經卷第一

難一

元魏三藏法師菩提留支譯

如是我聞一時婆伽婆在虛空界法界差別
住處普皆嚴潔清淨無垢諸佛如來福智莊
嚴如意所化超於三界有為數行過一切譬
喻不可思議諸佛如來果報所生於最勝樓
閣妙寶臺上與大比丘衆千二百五十人俱
皆是阿羅漢具四無礙得俱解脫與菩薩摩
訶薩衆皆悉清淨得常無常三昧境界觀一
切智智行處得無中無邊法界彼岸滿足一

切菩薩所願具足一切菩薩自在得十無盡
無量功德以自莊嚴具足一切菩薩陀羅尼
三昧四無礙智與大威德天龍夜叉乾闥婆
阿脩羅迦樓羅緊那羅摩睺羅伽釋提桓因
梵天四天王其數百千萬及眷屬亦百千萬
爾時婆伽婆所說經名入一切修行次第法
門所謂見諸賢聖能生信心得信心者成就
欲心得善法欲心者成就不斷心得不斷心
者成就義心得義心者成就增上心修行檀
波羅蜜者成就大富故修行尸波羅蜜者成

就人天果報故修行羸提波羅蜜者成就一切莊嚴故修行毗梨耶波羅蜜者成就一切佛法故修行禪波羅蜜者成就調柔心故修行般若波羅蜜者成就過一切世間智故修行方便波羅蜜者成就一切無障礙故修行願波羅蜜者自然成就一切事故修行力波羅蜜者成就不可破壞故修行智波羅蜜者成就一切世間歸依處故出家者為成聖道故著染衣者遠離一切世間事故乞食者為破一切憍慢心故住阿蘭若處者成就無怖

畏故處宴坐者成就神通無量等故聞法受持者成就四無礙故修念方便者成就陀羅尼故修意方便者成就差別法智故修堅固行者成就無大衆畏故修樂說方便者成就記說不錯謬故修陰方便者成就般若差別故修界方便者成就微細般若差別故修入方便者成就遠離內外迷心故修諦方便者成就不誑一切衆生故修念處方便者成就隨順一切佛意故修舍摩他方便者成就寂靜心故修毗婆舍那方便者成就調伏心故

修不高心者成就一切智智滿足故修不憍
慢者成就敬信心故修不誑一切衆生者成
就乃至能令一人信故修行堅固般若者成
就一切天人行故修如說修行者成就滿足
善知識法故修行內思惟者成就自然覺故
修行降伏心者成就法王義故修行不憍身
者成就佛身故修行恭敬三寶不壞心者成
就是處非處智力故修行善巧所作者成就
業報智力故修行不毀他智者成就諸根利
鈍智力故修行入微細因緣集智者成就種

種性智力故修行三寶中教化衆生者成就
信欲智力故修行一切處不壞威儀爲諸衆
生平等說法者成就一切至處道智力故修
行禪法中教化衆生者成就禪定三昧三摩
跋提垢淨起智力故修行正道爲失正道衆
生示正道者成就第一天眼智力故修行與一切
衆生正念者成就宿命智力故修行與一切
衆生白淨法者成就漏盡智力故修行多聞
教化衆生者成就無大衆威德畏故如是世
尊說此名入一切修行次第法門時彼大衆

中有二菩薩一名無所發二名奮迅慧與諸眷屬於別樓閣寶堂上坐此二菩薩於彼處坐起如是心有諸菩薩摩訶薩廣大法集我等應說作是語已奮迅慧菩薩語無所發菩薩摩訶薩言善男子云何菩薩摩訶薩知諸佛如來應供正遍知生云何菩薩摩訶薩知諸佛如來真實身云何知諸佛如來爲他因緣故成云何知諸佛如來真實常住云何菩薩知諸佛如來大般涅槃云何菩薩知諸佛如來行云何菩薩知譬喻相應云何菩薩知

幾種佛云何菩薩知諸佛如來唯依言辭說法云何菩薩知空義云何菩薩知空所對法云何菩薩知說空者云何菩薩知法師義云何菩薩知與法師相應譬喻云何諸菩薩知不共住法云何諸菩薩知應化事云何菩薩知諸善根勝妙果報善男子云何菩薩知諸無漏善根得勝妙果報爾時無所發菩薩摩訶薩語奮迅慧菩薩言善男子汝善能問此甚深法集善男子此是勝妙廣大法集法門善男子汝今諦聽我當

承佛威神如來加力而為汝說何者是廣大
法集法門

善男子菩薩入十種法行能知如來應供正
遍知生何者為十所謂遠離一切所作分別
心故而生轉離一切心意意識身故而行寂
靜一切生滅故而示現生滅行依過去行起
故而行一切果報行得無障礙法界所作集
故而集一切作業以十大願為首滿足百千
萬阿僧祇願莊嚴故而為莊嚴得一切諸佛
如來所加故名諸佛加隨教化一切衆生善

根所作故而為一切作業集起大慈大悲故
而方便教化衆生隨時住持衆生善根吹心
故而得深心隨衆生心行差別故而現種種
生善男子是名菩薩摩訶薩入十種法行能
知如來應供正遍知生

又善男子菩薩摩訶薩入十種法行能知如
來真實身何者為十所謂真實為體以清淨
無垢故法界為體以無差別故實際為體以
遍至故空無相無願為體以真實寂靜故幻
化燄響水中月乾闥婆城旋火輪為體以為

化因緣而有故不生不滅為體以無物故一切法自性為體以自性鮮白故過去不來以無間故未來不去以無形故現在不住以過去未來無故善男子是名菩薩摩訶薩入十種法行能知如來應供正遍知真實身

又善男子菩薩摩訶薩入十種法行知如來為他因緣故成何者為十所謂以不放逸行為種子故而成善法果以智慧方便生故而無過失以尸波羅蜜行為足故而能善去以菩提心為命根故而不死滅以舍摩他毗婆

舍那為手故而能善巧作業以信業果報為眼故而現見智慧成就修行一切諸波羅蜜故而善住無上處依四攝行住故而修行堅固修空慧為首故而無所分別修行不疲倦不驚不怖不畏故而不捨一切眾生所作事業善男子是名菩薩入十種法行能知諸佛如來應供正遍知為他因緣故成善男子菩薩摩訶薩入十種法行知諸佛如來應供正遍知真實常住何者為十所謂遠離一切瞋恨過故不取我我所事常為一切

衆生作善法依止故猶如良醫過去善願滿
足故所得不退於彼衆生起大慈故善作諸
業唯爲他事起心故能利益一切衆生捨自
利益故代他受苦遠離分別涅槃心故以世
間涅槃爲一味相不疲倦行故一切所作自
然成就遠離一切所求事故無骨肉身無障
礙相故於一切處示現涅槃善男子是名菩
薩入十種法行能知諸佛如來應供正遍知
真實常住
善男子菩薩摩訶薩入十種法行知諸佛如

來應供正遍知大般涅槃何等爲十所謂畢
竟離一切煩惱障智障故遍知我空法空無
我故得具足轉離意生法身故於一切衆生
作佛事自然不休息得具足智故得一切諸
佛無差別法身故遠離世間涅槃二心故清
淨一切法根本故得修行一切法不生不滅
智故得真如法性實際平等智故得一切法
自性涅槃性平等智故善男子是名菩薩摩
訶薩入十種法行能知諸佛如來應供正遍
知大般涅槃

復次善男子菩薩摩訶薩入十種法行知諸佛如來應供正遍知得大般涅槃何者為十所謂一切煩惱求為根本因求而起諸佛無有彼求則離煩惱離煩惱故得大涅槃以不求故名為如來不取一法不取者不行不住以不取故名得涅槃云何如來不行不住離彼二法法身不滅不滅不生是故如來名得涅槃云何如來不生不滅彼佛如來無能說者不可說故是名如來得大涅槃無我無眾生唯是生滅法離彼依止法是故如來名得

涅槃一切煩惱隨煩惱等唯是客塵法性寂靜不來不去是故法性非客非主法性平等是故如來得大涅槃真如為實體非真如法即是虛妄實體即真如真如即如來是故如來名得涅槃實際不戲論餘法即戲論諸佛如來究竟實際是故如來名得涅槃不生為實餘生滅法即是顛倒虛誑妄語佛不妄語離於虛妄真實為體是故如來名得涅槃不實法可作實法不可作如來即實法身身即無為是故如來名得涅槃善男子是名菩薩

摩訶薩入十種法行能知諸佛如來應供正
遍知大般涅槃

復次善男子菩薩摩訶薩入十種法行知諸
佛如來應供正遍知大般涅槃何者爲十所
謂布施及布施果報無我所如來善知
布施及布施果報遠離分別心無有顛倒是
故如來名得涅槃持戒及持戒果報無我無
我所如來善知持戒及持戒果報遠離分別
心無有顛倒是故如來名得涅槃忍辱及忍
辱果報無我無我所如來善知忍辱及忍辱

果報遠離分別心無有顛倒是故如來名得
涅槃精進及精進果報無我所如來善
知精進及精進果報遠離分別心無有顛倒
是故如來名得涅槃禪定及禪定果報無我
無我所如來善知禪定及禪定果報遠離分
別心無有顛倒是故如來名得涅槃般若及
般若果報無我所如來善知般若及般
若果報遠離分別心無有顛倒是故如來名
得涅槃一切衆生非衆生一切法無我如來
遠離一切顛倒相遠離一切顛倒法相是故

如來名得涅槃有我相者則有所求以有求故有煩惱染離我相者無一切求以無求故離煩惱染以離煩惱染是故如來名得涅槃有為法可量無為法不可量如來遠離有為無為法故唯有無為法身不可限量是故如來名得涅槃如來若離於空不見衆生亦不見法空者即是法法者即是法身法身者即是如來是故如來名得涅槃善男子是名菩薩摩訶薩入十種法行能知諸佛如來應供正遍知大般涅槃

又善男子菩薩摩訶薩入十種法行知諸佛如來應供正遍知行何者為十所謂法持為持善清淨法故衆生持為持自願滿足故自利利他無有二相以同事行故如清淨摩尼無有分別以不分別法界清淨故得安隱處滅除一切衆苦刺故得無畏處永斷一切煩惱怨故得無大衆威德畏遠離一切法中疑故降伏一切諸魔怨敵得一切衆生平等心故能為無量百千萬億應化等身得善清淨神通力故善巧示現一切色像無所障礙得

如虛空善清淨故善男子是名菩薩摩訶薩
入十種法行能知諸佛如來應供正遍知行
復次善男子菩薩摩訶薩入十種法行知諸
佛如來應供正遍知行何者爲十所謂如來
不起是心世間之法多諸過失涅槃寂靜無
量功德如來於世間涅槃得平等心不住世
間不住涅槃而不棄捨利益一切諸衆生故
善男子諸佛如來不起是心是諸衆生顛倒
智慧種種煩惱隨煩惱染我能度脫如是衆
生而諸如來依過去願行隨諸衆生根性信

等彼彼行中無所分別自然成故善男子諸
佛如來不起是心我說如是修多羅如是祇
夜如是和伽羅那如是伽陀如是優陀那如
是尼陀那如是伊諦越多伽如是闍陀伽如
是毗佛略善男子諸佛如來不起是心我說
阿浮陀達摩而諸如來無所分別彼彼衆生
隨所聞法自然成故善男子諸佛如來不起
是心我爲乞食入其國土大小城邑及諸聚
落我至如是刹利婆羅門毗舍首陀國王王
子大臣人民諸衆生所而諸如來智慧爲首

身口意業自然成故善男子諸佛如來無有
飢渴大小便利身無羸損疲乏病苦為衆生
故現行乞食然諸衆生謂如來食而諸如來
實不食也示現教化諸衆生事於一切事無
所分別自然成故善男子諸佛如來不起是
心此諸衆生下中上根我為此等下中上根
諸衆生類隨順宣說下中上法而諸如來無
分別心所說之法自然而成不增不減隨器
受故善男子諸佛如來不起是心若諸衆生
不供養我不恭敬我毀罵於我如是衆生我

不教化復有衆生供養恭敬尊重讚歎給侍
於我如是衆生我應教化而諸如來寂靜三
昧慈悲普覆於彼衆生自然住於平等法故
善男子如來無高心無下心無憍慢心無愛
心無貪心無恨心無隨貪心無著心無礙心
無障心無離心煩惱心無隨煩惱心無瞋心
無癡心無隨瞋心無隨癡心善男子而諸如
來自然寂靜寂靜境界住於讚歎寂靜境界
故善男子如來無有一法不知不解不覺於
一切境界畢竟滿足現前悉知而諸如來見

彼彼事彼彼衆生所作諸業自然成故善男子如來見諸衆生修行成就不以爲喜見諸衆生不修行者亦不生憂而諸如來於修正行衆生無障大慈常現在前於邪行衆生無障大悲常現在前善男子是名菩薩摩訶薩入十種法行能知如來應供正遍知行善男子菩薩摩訶薩入十種法行知諸佛如來應供正遍知譬喻相應何者爲十善男子譬如日出於上中下諸衆生等若信不信若恭敬不恭敬平等出現平等普照善男子如

來應供正遍知亦復如是於上中下諸衆生等若信不信若恭敬不恭敬平等出現平等智慧光明普照善男子譬如虛空於一切衆生無有障礙而彼虛空爲諸煙雲塵霧等事之所翳障善男子諸佛如來亦復如是於一切衆生無有障礙而爲煙雲塵霧我見煩惱客塵所障不見如來不受如來功德利益善男子譬如樹木雖有火性以無因緣而不現用善男子諸佛如來亦復如是雖有無量神力自在以諸衆生遠離精進信等因緣不出

於世不作佛事善男子譬如種種熏色置一器中熏種種衣復以衆雜染色置一器中染所熏衣隨其所熏受色不同而彼諸色不生分別差別之心善男子諸佛如來亦復如是種種善根功德莊嚴隨諸衆生信等熏異見佛如來所受功德差別不同而佛如來不生分別差別之想善男子譬如諸河流流水盈滿若人讚毀悉皆順流若逆流者無有是處善男子諸佛如來亦復如是若人讚毀悉皆常隨智慧而行若隨憍慢無有是處善男子譬

如甘蔗若人割截若不割截不失甘味善男子諸佛如來亦復如是若人親近供養恭敬及不親近供養恭敬終不捨於解脫甘味善男子譬如大地其性安固於諸衆生無所分別有人欲得求其果實若能耕種隨時隨時耘除草穢彼人至時收穫果實若不耕種耘除草穢是人終不得其果實善男子諸佛如來亦復如是如彼大地寂然常住於諸衆生無所分別若有衆生求佛功德能生信心供養恭敬彼人成就功德果實若不生信供養

恭敬則不能得功德果實善男子譬如有人
若於栴檀龍腦等香瞋謗毀罵然後塗身而
彼栴檀龍腦等香終不爲是而不出香善男
子諸佛如來亦復如是若人瞋謗毀罵而復
親近供養恭敬如說修行然諸如來常與衆
生具足功德善男子譬如橋梁平坦王道於
諸衆生上中下性有往來者平等而住與無
障礙遊行之業善男子諸佛如來亦復如是
於諸衆生上中下性有修行者平等而住無
有高下與無障礙修行之業善男子譬如雪

山有藥樹王名曰善見彼藥樹王其有見者
即得遠離一切病苦善男子諸佛如來亦復
如是衆生見者遠離一切煩惱病苦善男子
是名菩薩摩訶薩入十種法行能知諸佛如
來應供正遍知譬喻相應

善男子菩薩摩訶薩入十種法行能知諸佛
何者爲十所謂習氣佛果報佛三昧佛願佛
心佛實佛同佛化佛供養佛形像佛善男子
云何習氣佛習氣佛者諸波羅蜜所得果報
諸波羅蜜能成彼法彼依諸波羅蜜而生是

名習氣佛善男子云何果報佛果報佛者依
彼習氣果報佛所生以彼果報成色身報佛
依衆生住持依法力住持是名果報佛善男
子云何三昧佛三昧佛者隨如來入何等三
昧以彼所入三昧之力自然不復作心能現
百千萬佛依彼三昧住持力故十一而能示現是
名三昧佛善男子云何願佛願佛者諸菩薩
等作如是願隨何等何等衆生以何等因何
等法示現種種色身度彼衆生彼衆生如
是如是示現形色狀貌威儀去來隨彼衆生

應以佛身得度者而現佛身化彼衆生是名
願佛善男子云何心佛心佛者諸菩薩等得
心自在是諸菩薩依心自在於種種法隨心
成就此諸菩薩隨彼衆生應見佛身而可化
者即自在心即成佛身是名心佛又善男子
復有異議諸衆生等自心清淨能見於佛知
佛信佛是名心佛善男子云何實佛實佛者
遠離一切諸煩惱染不可思議無垢清淨種
種形色三十二相八十種好大丈夫相畢竟
成就佛微妙色而可現見是名實佛善男子

云何同佛同佛者與一切衆生共其資業受用飲食行住去來威儀進止是名同佛善男子云何化佛化佛者諸佛如來及諸菩薩得示現一切色身三昧彼諸佛菩薩成就自在大慈大悲皆能示現化佛色身度諸衆生是名化佛善男子云何供養佛供養佛者有人若師若和尚如佛世尊當如是見彼人於師和尚如佛世尊應如是見供給供養依彼受法滿足佛法成就佛法是名供養佛善男子云何形像佛形像佛者有人若他作佛像若

自作佛像以一切供養恭敬等事而供養恭敬尊重讚歎親近給侍此人如是依彼形像滿足佛法成就佛法是名形像佛善男子是名菩薩摩訶薩入十種法行能知十種佛善男子菩薩摩訶薩入十種法行知諸佛如來應供正遍知第十一唯依言辭說法何者為十所謂說陰唯是言辭說界說入說衆生說業說生說老說死說死已更生為離彼事故說涅槃亦是言辭善男子云何說陰唯是言辭善男子第一義中無彼色陰若第一義中有色

陰者捨彼色陰即是斷滅捨彼法者即是解脫若如是者第一義中則爲有色及以解脫去住之處而義則不然是故說色陰唯是言辭善男子受想行識亦復如是善男子第一義中無彼識陰若第一義中有識陰者捨彼識法即是斷滅捨彼法者即是解脫若如是者第一義中則爲有識及以解脫去住之處而義則不然是故說識唯是言辭善男子界入之義亦復如是善男子云何說衆生唯是言辭善男子唯是有爲無有衆生若衆生實

有者不應同陰盡滅若同陰盡滅應如虛空若不爾者應同五陰俱是有爲而義則不然是故說衆生唯是言辭善男子云何說業唯是言辭善男子作業者非有非無若作業是有者作業之者無彼作者猶如虛空又如陰是有爲作者亦復如是律一以是義故無彼作者亦無作業猶如虛空云何得有作者是故無有作業者離彼作者云何有業是故說業唯是言辭善男子云何說生唯是言辭善男子第一義中無生若第一義中有生者生即是

常若如是者生則非生又復生能生生者生能惱者竟爲是誰是故說生唯是言辭善男子云何說老唯是言辭善男子第一義中無老若第一義中有老老者則無一人而有老者又復若有老者即是少時老若少時老非老時老以少者無老是故少時無老若離於老云何名老如是老不能老若言老能老者即是少時老是故說老唯是言辭善男子云何說死唯是言辭善男子第一義中無死若第一義中有死者即是死法可得若可得者

唯應一人得餘不應死而更有死者是故第一義中無有死法又復死者無所從來去無所至而是死法體性空寂是故說死唯是言辭善男子云何說死已更生唯是言辭善男子第一義中死更不生若第一義中死更生者死即是生生即是死若如是者死生即是一法又復應是二身一者能託生二者已受生若有受生者必有五陰受生何以故以離五陰無彼識生以依色受想行等法識心得生以依止諸陰識緣彼住若離依止則彼識

心一念不住如彼法住如是受生如種生芽
是故說死已更生唯是言辭善男子云何為
離彼事說般涅槃唯是言辭善男子第一義
中無彼涅槃涅槃者知世間寂滅名為涅槃
而非即世間名為涅槃亦不離世間而有涅槃
世間者如夢如幻非有非無亦非有無而
是有法如是非有非無亦非有無如是名生
如是非有非無亦非有無如是名滅而寂滅
一切世間相名為涅槃如是想如陽燄受如
泡沫如彼陽燄泡沫生滅不實世間涅槃亦

復如是是故說世間涅槃唯是言辭善男子
是名菩薩摩訶薩入十種法行能知諸佛如
來應供正遍知唯依言辭說法
善男子菩薩摩訶薩入十種法行善能知空
義何等為十所謂知無我空無衆生無命無
壽者無造者無生無滅無作無教者無增上
者善男子云何菩薩摩訶薩知無我空善男
子空者非有非無善男子若空是有者空即
有為如其實有應即是常善男子若空非無
者空即非空是故彼空非有非無如是名為

知無我空善男子云何知無衆生空善男子
衆生非空非不空若衆生空者殺生之業應
無有罪若衆生不空者即應是常是故如來
說衆生非常非不常非有爲非不有爲如是
名爲知衆生空善男子云何知無命空善男
子空者不生不死何以故善男子眼空離我
我所云何眼空離我所彼法不生不滅故
如是耳鼻舌身空離我所云何耳鼻等空
離我所彼法不生不滅故如是名爲知無
命空善男子云何知無壽者空善男子空者

不名壽者之數彼陰界入皆悉是空依彼陰
界入等而有假名壽者以假名故彼有無相
不可得說如是名爲知無壽者空善男子云
何菩薩知無造者空善男子若離於空無有
一法名爲造者又若空能有造者無有是處
如是名爲知無造者空善男子云何知不生
空善男子空法不生若空可生即非是空如
是空即非空若本無空則無空法又空始生
者此即非空如是名爲知無生空善男子云
何知無滅空若法生者則有其滅空法不生

云何有滅如是名為知無滅空善男子云何
知無作空善男子空非他作亦非自作陰界
入等皆悉是空依陰界入而有空法如是名
為知無作空善男子云何知無教者空善男
子無有一人教於空者造作如是種種等事
如是名為知無教者空善男子云何知無增
上者空善男子空無境界離於境界遠離心
意識如是名為知無增上者空善男子是
名菩薩摩訶薩入十種法行善能知空義
善男子菩薩摩訶薩入十種法行能知空所

對法何等為十所謂無明法愛法業法識法
取法見法疑法邪取法慢法掉法善男子是
名十種空所對法
善男子無明有二種能四種因何者二能一
者煩惱障二者是智障何者是四因所謂貪
欲界因貪色界因貪無色界因貪十無有因
善男子愛有二種因四種求何者二種因一
者有枝根本二者資生根本何者是四種求
一者欲愛二者色愛三者無色愛四者無有
愛善男子業有一種起因三種相三種果報

善男子何者一種起因所謂爲心何者三種相所謂身口意業善男子何者三種果報所謂黑黑果報白白果報黑白黑白果報

善男子何者是識所謂六種眼耳鼻舌身意等識是名六種識此識復有三種何者是三一顛倒念二不顛倒念三者無念善男子何者是顛倒念所謂念欲界念色界念無色界何者是不顛倒念謂念小乘涅槃何者是無念所謂離彼二念名爲無念云何離彼二念謂念無上諸佛法故

善男子取因有四種所謂欲取見取戒取我取善男子何者是見取見取有二種所謂邪智見智邪智者謂邪見智故見智者謂阿羅漢妄見涅槃妄求涅槃是名見智如是見智諸佛所訶

善男子何者是疑疑有二種十九一者障於大乘二者障於正位善男子云何名爲障大乘疑謂聲聞等其心狹劣希求速證小乘菩提何以故彼作是念佛道長遠無量諸行難可得成是故我當求聲聞乘速離諸苦以是義故

退於大乘是名障大乘疑何者障正位疑以彼疑故不證正位不得菩薩大乘智地是名障正位疑

善男子何者是邪取邪取者所謂檀等諸行求有果報起如是心我修如是布施持戒等行取彼天人勝樂果報如是等一切邪求是名邪取
善男子何者是慢起高下心名之為慢彼下於我我高於彼如是高下勝負等心是名為慢

善男子何者是掉掉有二種一者能生煩惱二者動亂生煩惱者妄想分別見色為淨以是因緣身口意業皆悉顛倒是故為諸聖人所訶何者是動亂動亂者彼於出世道中心不住故是名為掉善男子是名菩薩摩訶薩入十種法行能知空所對法

善男子菩薩摩訶薩入十種法行能說空者何等為十所謂不破壞者不擾動者不貪不厭者不修行非不修行者不諍不競者不增不減者聞說一切有為諸行自性寂滅能

忍辱者聞諸凡夫不生一法諸佛如來不滅
一法不驚不怖者聞世間性涅槃性是二平
等不生疑者聞諸佛如來常樂妙身無盡法
身正信正入者

善男子云何名不破壞能說空者善男子能
說空者世間之法所不能壞何以故心不依
止世八法故何者為八而不依止於利衰等
事不生憂喜稱譏之音而無欣感毀譽二法
心不高下於諸苦樂不貪不厭如是世法不
能破壞是故名為不破壞能說空者善男子

是名菩薩不破壞能說空者

善男子云何知不擾動能說空者善男子能
說空者不取於法不捨於法於何等法而不
取捨即知是法空即見是法空若能如是不
取不捨名為心不擾動能說空者

善男子云何名不貪不厭能說空者善男子
能說空者無法可貪無法可厭於何等法而
不貪厭即知是法空即見是法空若於諸法
生貪厭者如是菩薩不名知空不名見空若
能於法心無貪厭名不貪不厭能說空者

善男子云何名不修行非不修行能說空者
善男子能說空者不修行法非不修行法能
說空者於何等法不修行非不修行即知是
法空即見是法空非不修行助菩提法若能
如是知空見空是名菩薩不修行非不修行
能說空者

第一

世一

善男子云何不諍不競能說空者善男子其
說空者若與衆生有所諍競則不知空不見
於空以是菩薩於諍競者知見空故無所諍
競如是名為不諍不競能說空者

善男子云何知不增不減能說空者善男子
能說空者不知一法增不知一法減不見一
法增不見一法減若於諸法見增減者如是
菩薩則不知空不見於空若能知空見空即
於諸法不見增減是名不增不減能說空者
善男子云何聞說一切有爲諸行自性寂滅
其心安忍能說空者善男子能說空者不見
一法生不見一法滅是名聞說一切有爲諸
行自性寂滅其心安忍能說空者
善男子云何聞諸凡夫不生一法諸佛如來

不滅一法不驚不怖能說空者善男子能說空者不生是心此是凡夫此是諸佛知佛如來及諸凡夫其相平等若見凡法是下佛法為勝如是菩薩不知見空若聞凡夫不生一法即是凡夫空若聞諸佛不滅一法即諸佛空如是聞說凡夫不生一法諸佛如來不滅一法不驚不怖是名不見一法生不見一法滅能說空者

善男子云何知世間性涅槃性是二平等不生於疑知能說空者善男子若見離世間性

有涅槃性如是菩薩不知見空若見世間真如性涅槃真如性此二法性唯是一相所謂無為之性若見世間真如性涅槃真如性其相平等無有高下不生於疑不驚不怖是名知世間性涅槃性二法平等能說空者

善男子云何聞說諸佛如來常樂妙身無盡法身正信正入能說空者善男子若生是心諸佛如來是盡滅身如是菩薩不知見空何以故諸佛如來身是真如空身非客塵煩惱隨煩惱身如是名為聞說如來常樂妙身無

盡法身能說空者善男子是名菩薩知聞說
 諸佛如來常樂妙身無盡法身正信正入能
 說空者善男子是名菩薩摩訶薩入十種法
 行知能說空者
 法集經卷第一

音釋

羸提 羸 梵語也此云忍 羸 力追切
 羸 羸 力追切
 耘 耘 于分切

掉 掉 徒弔切
 也 也 掉 徒弔切

法集經卷第二

難二

元龜三藏法師菩提留支譯

善男子菩薩摩訶薩入十種法行能知法師
義何等為十所謂成就多聞成就總持成就
聞慧海聚集聞慧藏而於此聞慧不生高心
具足義無礙法無礙辭無礙樂說無礙而不
休息希求精進知世知時知節知法知衆生
而不捨於修敬長德所修行知論知義知可
化衆生而不捨於諮問之事成就少欲知足
等行而不捨於供給尊者之業成就妙靜寂

靜柔輒心不怯弱而不捨於慙愧正行成就
甚深不可稱量具足功德而能示現世間垢
行不得解脫為隨順衆生故成就自性直心
輒心安樂心而能現同一切破戒等行成就
布施持戒忍辱精進禪定智慧而於一切處
不生著心難二不分別境界遠離一切貪等隨煩
惱刺而不捨為一切衆生斷煩惱精進之行
善男子是名菩薩摩訶薩入十種法行能知
法師義

復次善男子菩薩摩訶薩入十種法行能知

法師義何等為十所謂菩薩摩訶薩遠離一切諸求而不捨一切菩薩摩訶薩功德精進善知一切諸法寂滅不證菩提而不捨一切布施精進現知諸法畢竟無盡而不捨於忍辱安樂之行常在三昧甚深境界而能不捨一切衆生善根所作之事真足妙靜寂靜而常不捨亂心顛倒心教化衆生之行成就陀羅尼及四無礙而常不捨求於多聞智慧精進成就諸法秘藏而能不捨為於一偈經百千由旬求法精進知一切法不由於他而常

不捨親近師尊敬重精進知一切法不生不滅而常不捨護法精進不見衆生及衆生名而常不捨化一切衆生得大菩提精進善男子是名菩薩摩訶薩入十種法行能知法師義

復次善男子菩薩摩訶薩入十種法行能知法師義何等為十所謂成就攝受語故能行布施愛語利益同事之行成就柔軟語故能起大慈悲心成就隨順語故則能隨順寂靜隨順離煩惱隨順解脫成就隨順語故則能

隨順奢摩他隨順毗婆舍那隨順真如道成就善巧語故則能具足顯了語無譏嫌語無能奪語成就字義語故則能離於惡語具足義語成就遠離諂曲語故能破衆生無明欺誑成就無疑語故則能現見一切法相成就遠離一切煩惱使語故則能滅諸煩惱隨煩惱因成就不起根本語以無垢無所發故善男子是名菩薩摩訶薩入十種法行能知法師義

法師義何等為十所謂菩薩摩訶薩諸所說法皆依妙法所持而說不依供養恭敬所持而說依一切諸佛所持說法不依自心所持而說依大慈大悲根本說法不依煩惱隨煩惱根本而說依斷隨順二凡夫駛流說法不依斷絕隨順佛法僧寶如法修行而說依大慈悲利他說法不依受樂自利而說夫說法者依彼甚深法說以空無相無願畢竟故說法者依彼勝人而說以能隨順轉大法輪故說法者降伏一切魔怨而說以能降伏陰魔死

魔煩惱魔天魔故說法者隨順道場而說以一切世間所應供養故說法者隨順一切智智而說以畢竟得十力四無所畏十八不共法故善男子是名菩薩摩訶薩入十種法行能知法師義

復次善男子菩薩摩訶薩入十種法行能知法師義何等為十所謂樂於梵行資生之業不樂世間資生之具樂於聖人所行之法而不能不捨教化衆生凡夫所作可呵之事菩薩常樂法食不貪世味常樂阿蘭若處不著城

色聚落常樂佛菩提不求聲聞辟支佛菩提常樂斷智障不樂斷煩惱障常樂三十二相八十種好成就色身不樂唯證法身常樂成就十力四無所畏十八不共法不樂唯證四諦之法常樂成就隨一切衆生善根不樂唯

集自身善根常樂斷除一切煩惱及煩惱習氣非唯樂斷煩惱障法善男子是名菩薩摩訶薩入十種法行能知法師義

善男子菩薩摩訶薩入十種法行能知法師相應譬喻何等為十所謂善男子譬如大地

其性平等廣能荷負一切衆生而於衆生不求報恩善男子菩薩法師如彼大地其心平等普能荷負一切衆生而於衆生不求報恩善男子譬如大水其性普洽澤潤一切皆令滋茂而於彼物不求報恩菩薩法師亦復如是律以已功德利潤衆生悉令安隱而於衆生不求報恩善男子譬如火性力能成熟一切果實而於彼事無所希望菩薩法師亦復如是律以已功德智慧成熟一切衆生善根果實而於衆生不求報恩善男子譬如風性力能

生長一切藥草諸種而於彼物不生分別無所希望菩薩法師亦復如是力能增長一切衆生身法身而於衆生不求報恩善男子譬如空界無量無邊體無障礙容受一切而於彼物無所分別無所貪著菩薩法師亦復如是成就無量無邊諸善功德體無障礙利益一切衆生而於衆生無所分別無所貪著善男子譬如明月顯處虛空清淨圓滿衆生見者無不愛樂光照世間一切羣像而不為彼昏翳所汙菩薩法師亦復如是出現於世

功德具足在在處處一切見者皆悉愛樂救
度世間而不為彼世法所染善男子譬如日
出光明普照破諸闇冥無有翳障一切衆生
所作事業皆悉成就而被日性於諸衆生無
有分別希報恩心菩薩法師亦復如是出現
於世破諸衆生無明黑闇以智慧光普照衆
生種種善根皆令增長而被菩薩於諸衆生
無有分別求少報恩善男子譬如船舫堅厚
善縛不破不壞能於大海渡諸衆生而於衆
生不求價直菩薩法師亦復如是以智慧為

厚諸波羅蜜為堅大慈悲為善縛能於生死
大海渡諸衆生而於衆生不求價直善男子
譬如暴河漂流迅急險難可畏中有橋梁於
諸衆生平等悉與濟渡之樂而無分別濟渡
之想菩薩法師亦復如是於煩惱暴河駛流
難渡險難可畏駛流惡道能於其中作大橋
梁於諸衆生平等施與解脫之樂而無分別
度脫之心善男子譬如闇室然大燈明於下
中上一切衆生平等普照而被燈明無我我
所照了之想菩薩法師亦復如是於無明闇

室然智慧燈於下中上一切衆生平等普照而彼菩薩無我我所能照之心善男子是名菩薩摩訶薩入十種法行能知法師相應譬喻

善男子菩薩摩訶薩入十種法行知不共住法何等為十所謂小心少求狹劣衆生皆不共住不起廣心不起大行懈怠衆生亦不共住依止慢心增上慢我慢猶如高幢如是衆生亦不共住慳嫉破戒瞋恨懈怠亂心愚癡衆生皆不共住貪欲瞋恚惱害覺觀等心亦

不共住一切分別差異分別種種分別亦不共住一切蓋障隨煩惱使亦不共住一切聲聞辟支佛及世間念亦不共住一切希求恭敬讚歎禮拜之念亦不共住一切我我所心亦不共住善男子是名菩薩摩訶薩入十種法行能知不共住法

復次善男子菩薩摩訶薩於十種捨心皆不共住何等為十所謂捨於攝受妙法之心亦不共住捨於聽聞妙法之心亦不共住捨於教化衆生之心亦不共住捨於法施衆生之

心亦不共住捨於一切尊重恭敬供養之心亦不共住捨於降伏魔等之心亦不共住捨於摧滅外道之心亦不共住捨於護持妙法之心亦不共住捨於諸波羅蜜修行之心亦不共住捨於三聚迴向之心亦不共住善男子是名菩薩摩訶薩於十種捨心皆不共住善男子菩薩摩訶薩入十種法行知應化事何等為十所謂轉輪王化帝釋王化梵王化聲聞化辟支佛化菩薩化諸佛化佛國土化道場化大衆化善男子此諸應化菩薩摩訶

薩皆依衆生諸根性欲又善男子若諸衆生其心尊重轉輪聖王持戒修行十善威儀彼時菩薩摩訶薩即現轉輪聖王莊嚴之事利益衆生又善男子轉輪聖王輪寶莊嚴者千輻具足純是閻浮檀金過於人天非人所為目願如意功德所生觀者無厭餘凡輪王所不能象寶者其身殊大鮮白光潔六牙具足衆相圓滿見者無厭乘空而行其去迅疾猶如堙羅婆那金翅鳥等殊勝善根福力所生餘凡輪王所不能有馬寶者其色紺青厥

性良善猶若婆羅呵馬王飛空而行駿疾如風其猶如意寶珠隨王所念無不稱意餘凡輪王所不能有摩尼寶者楞相成就非工所造自然而有具足光明其色照曜能蔽日月星宿諸火明等隨其所須一切稱意餘凡輪王所不能有女寶者膚艷鮮潔妙相奇挺黑白長短肥瘦得所威儀動靜靡不具瞻世間技術五明論等無不通達言音和雅柔輒微妙辭韻善巧辯才成就如如意寶具足一切勝妙之事心常安樂諸善法行餘凡輪王所

不能有主藏臣寶者其身廣大志性堅固猶如金剛力士毗沙門王色貌端嚴言辭流澤其見聞者無不欣樂成就肉眼具足慈悲如如意寶所念皆得此藏臣寶同彼輪王善根所生餘凡輪王所不能有主兵臣寶者一切功德善根所生如摩尼寶鏡像義故王所未念先已成辦見相即知一切諸事所依殊勝無可譏嫌飛空而行自在無礙隨王所念導前而去其所至處靡不摧伏餘凡輪王所不能有如是一切輪王七寶莊嚴化事皆是善

薩摩訶薩得心自在神力所為欲與一切衆生安隱樂事此人王寶及作業者一切殊勝無可譏嫌能以實心深心柔軟心隨順法心轉大法輪受持十善具足三十二相教化衆生是名菩薩摩訶薩轉輪聖王莊嚴大化

善男子若諸衆生其心尊重切利天王菩薩爾時化作帝釋身有百眼處三十三天說一切諸法皆悉無常汝等應當遠離放逸善男子若諸衆生其心尊重大梵王菩薩爾時化作梵王威儀殊勝為諸梵衆說四禪等善男

子若諸衆生應以聲聞身得度者不以辟支佛身不以佛身而可度者菩薩爾時化作聲聞身為彼衆生說盡諸苦得無為樂善男子若諸衆生應以辟支佛身得度者不以聲聞身不以佛身而可度者菩薩爾時化作辟支佛身為說辟支佛道明一切諸法皆悉無常樂於空閑寂靜之處說諸禪定解脫三昧三摩跋提四如意足說辟支佛為大福田說微妙法教化衆生令其正信善男子若諸衆生應以菩薩身得度者菩薩爾時以已微妙清

淨色身說六波羅密四種寂法大慈大悲及諸自在諸忍諸地化彼衆生善男子若諸衆生具上根性應以佛身而得度者菩薩爾時化作佛身爲說十力四無所畏十八不共法示現諸佛殊勝神通化彼衆生

善男子若諸衆生應以勝妙莊嚴清淨佛土而得度者菩薩爾時即變三千大千世界平坦如掌無有高下其地柔軟如迦隣陀草其有觸者無不受樂或如瑠璃玻瓈等色或出優羅伽栴檀之香無諸惡趣亦無女人黃門

之身或作種種莊嚴七寶之山種種奇異華果香樹無諸黑山坑坎堆阜沙礫荆棘雜穢草木現此勝事化彼衆生善男子若諸衆生應見勝妙莊嚴道場而得度者菩薩爾時示現莊嚴道場之樹其形高廣十二由旬根盤幽固不可傾動以閻浮檀金爲莖金銀瑠璃玻瓈碼碯種種諸寶以爲枝葉又現無量天女之身化彼衆生善男子若諸衆生應見勝衆而得度者菩薩爾時即現大威德天諸龍夜叉乾闥婆阿脩羅迦樓羅緊那羅摩睺羅

伽釋提桓因梵天王四天王或為聲聞得四無礙及俱解脫或為菩薩住第十地得首楞嚴三昧化彼衆生善男子是名菩薩摩訶薩入十種法行能知應化事

善男子菩薩摩訶薩入十種法行知諸善根勝妙果報何等為十所謂善男子譬如因彼虛空月形即見水中種種月像而虛空月不至水中善男子如是諸善根業行因緣而有種種勝妙果報隨心所樂一切成就如虛空月不至水中如是所作諸善因緣不至於果

雖不至果而依彼諸善根因緣有勝妙果報差別不同善男子譬如業行因緣於彼孔雀一毛輪中見種種色如是菩薩摩訶薩依諸善根業行因緣而有無量果報差別如彼業行不至毛輪雖復不至而依彼業因緣力故於毛輪中有種種色如是所作諸善根業不至於果雖不至果而依彼諸善根因緣有勝果報差別不同善男子譬如依彼勝妙善根於虛空中兩種種華如是諸華具足妙好色香味觸而彼善根不至華中以諸善根與虛

空華相各異故如是所作善根業行不至於果雖不至果而依彼善業因緣有勝果報差別不同善男子譬如依彼勝妙善行於虛空中自然而作種種伎樂微妙音聲歡娛之事以為供養然彼善行不至伎樂音聲等中以此善行與諸伎樂相各異故其相雖異而依彼業有虛空中種種伎樂如是依諸善根業行因緣有勝果報然彼善行不至於果雖不至果而依彼善根因緣有勝果報差別不同善男子譬如虛空雜色虹起依彼四大增上

因緣而彼四大不至虹中雖不至虹中以彼四大因緣力故生諸虹色種種不同地大因緣而生黃色水大因緣生於青色火大因緣生於赤色及諸綺色風大因緣生虹輪相如是依諸善根增上因緣而有勝妙果報具足善男子譬如輪王受持十善業道因緣得七寶具足及自然粳梁不假種植而彼受持十善業道因緣不至七寶亦復不至自然粳梁以依受持十善業道因緣而有輪王勝妙果報如是善發勝心善起諸行善能受持善根

力故有彼輪王勝妙果報然彼業因不至果中故說因果不相似善男子譬如諸天勝善因緣自然而有曼陀羅華諸妙天宮百味甘饌而彼善根不至果中非不依彼善根因緣而有諸天勝妙果報善男子譬如殊勝如意神通因緣力故於彼石壁無所障礙而彼神通因緣不至無障礙中而依彼神通因有無障果如是不放逸善根因緣有彼勝妙果報善男子譬如依風生火離彼不生火既生已力能成熟光色明照而彼火性不從風來以

彼明色熱觸風中無故如是一切善根果報從因緣生應知善男子譬如法行比丘得無漏善根功德自在隨念即成虛空處一切入地水火風青黃赤白自在成就無有障礙而彼無障礙心不至虛空無障礙等雖不至彼而即念能成無障礙事是故不離彼心能成地等無障礙事如是一切無漏善根因緣而有果報勝事善男子是名菩薩摩訶薩入十種法行能知諸善根勝妙果報
善男子菩薩摩訶薩入十種法行能知得無

漏善根勝妙果報何等爲十所謂六通三明
八解脫八勝處十一切入十自在十諦九次
第定三摩跋提十力十智善男子何者是六
通所謂天眼天耳他心智宿命智如意通智
漏盡智是名六通

善男子菩薩摩訶薩十二天眼者具足一切善根
功德無礙無著無量無障無住無行無錯無
謬能如是見無可譏嫌不與一切世間聲聞
辟支佛共遠離一切煩惱及一切煩惱習氣
不謬見不謬記菩薩摩訶薩天眼見諸衆生

若生若死若好若醜若麤若妙隨彼衆生業
行所造稱其因果能如實知菩薩摩訶薩天
眼畢竟能得佛智畢竟成就佛智是名菩薩
摩訶薩天眼

善男子菩薩摩訶薩天耳者無有障礙具足
一切善根功德過一切凡夫釋提桓因四天
王天龍夜叉乾闥婆阿脩羅迦樓羅緊那羅
摩睺羅伽聲聞辟支佛以此勝妙無所障礙
清淨天耳聞一切聲天龍夜叉乾闥婆阿脩
羅迦樓羅緊那羅摩睺羅伽聲乃至蚊蚋蠅

蟻等聲聖人非聖人聲皆悉得聞而於聖人聲不起樂心於非聖人聲不起厭心聞凡夫聲不生下想聞聲聞辟支佛聲不生勝想聞非聖人聲聽不生厭聞聖人聲聽不生樂於一切聲不生美惡之想唯聞一切聲悉如響空離我所寂靜空故不著耳入不著聲入是名菩薩摩訶薩天耳

善男子菩薩摩訶薩他心智者菩薩摩訶薩如實知自心以如實知自心故如實知一切衆生心所謂如實知貪心離貪心菩薩摩訶薩如實知貪心而不生瞋知離貪心而不生喜唯於貪心衆生生於大悲於離貪心衆生生於大慈如是如實知瞋心離瞋心癡心離癡心愛心離愛心取心離取心染心離染心思量心不思量心三昧心離三昧心如實知解脫心不解脫心菩薩摩訶薩如是如實知衆生心於未得解脫衆生不生瞋心得解脫衆生不生喜心唯於得解脫衆生生大慈心未得解脫衆生生大悲心如實知一切法唯是一心而於彼心此心不生貪著菩薩摩訶

薩彼知他心智如實知一切衆生心彼諸衆生若菩薩不與念力則不能知菩薩心乃至天眼亦不能知一切聲聞辟支佛亦不能知何況無智凡夫而能得知是名菩薩摩訶薩他心智

善男子菩薩摩訶薩宿命智者一切善根具足故能知自身過去無量宿命及一切衆生過去無量宿命能知一生二生百生千生百千萬生乃至無量阿僧祇生無量百千億那由他生善知劫成善知劫壞乃至善知無量

阿僧祇劫成劫壞乃至善知無量無邊百千億那由他劫數成壞善知大劫成善知大劫壞善知大劫百劫善知大劫千劫善知大劫百千劫百千萬劫乃至善知大劫無量百千萬劫菩薩摩訶薩彼宿命智唯除諸佛如來及住地菩薩^{第二}一切世間天人聲聞辟支佛之所迷悶菩薩如是知我於彼處如是生如是性如是色如是名如是飲食如是命如是住如是長短如是闊狹如是好醜如是苦樂我於彼死生於某處於彼處死於此處生如是

生如是性如是色如是名如是飲食如是命
如是住如是長短如是闊狹如是好醜如是
苦樂如是知己身知一切衆生身亦如是知
乃至蚊蚋蠅蟻等亦如是知菩薩摩訶薩彼
宿命無礙無著無住無障無滯不失時與大
慈大悲相應甚深不可思量遠離使煩惱及
習氣煩惱一切清淨功德智慧以爲莊嚴是
名菩薩摩訶薩宿命智
善男子何者是菩薩摩訶薩如意神通智所
謂一切福德智慧成就無障礙自然無分別

無量阿僧祇百千萬億那由他劫修行布施
持戒忍辱精進禪定三昧三摩跢提智慧增
上自身力故如來淨天增上緣故是菩薩彼
如意現前自然無障礙勝一切世間而作利
益衆生是菩薩如是隨心欲住能如是住隨
心欲示現如是境界能如是示現是菩薩一
切處自在如意通示現無障礙是菩薩應以
一衆生形相現一切衆生形相而可化者是
菩薩爲彼現一衆生形色世現爲一切衆生
形色隨彼衆生應受道器現諸化身作種種

事種種言語種種威儀而現在前是菩薩心
念一切衆生色像欲作一切佛像即時能現
一切衆生色像成一切佛像是菩薩心念一
切佛色像欲作一切衆生色像即時能成一
切佛色像成一切衆生色像是菩薩念欲令
成劫壞即示成劫壞彼諸衆生即見成劫作
壞劫是菩薩欲令壞劫作成劫即能示現壞
劫作成劫彼諸衆生即現壞劫作成劫如是
一切成壞而示現成壞是菩薩如是念欲令
一劫示現一日初分即能示現彼諸衆生即

見一劫爲日初分是菩薩以日初分示現一
劫彼即如是成彼諸衆生亦如是見是名菩
薩摩訶薩變化如意通菩薩摩訶薩現前如
意通者是菩薩依不可思議功德智慧增上
自然無心現前成就一切事不壞而能現前
是名菩薩摩訶薩現前如意通

善男子何者是菩薩摩訶薩自然如意通若
諸衆生應如是信如是見種種形色種種威
儀是菩薩不思量不分別自然而現色是名
菩薩摩訶薩自然如意通是菩薩若干世界

衆生應見諸佛出世而可度者即時示現爾
所世界佛出於世從兜率天退入胎出胎出
家苦行詣道場降伏魔成正覺轉法輪現大
涅槃如是教化彼諸衆生善男子菩薩摩訶
薩如是如意通無量境界是名菩薩摩訶薩

如意神通智

難二

十六

善男子何者是菩薩摩訶薩漏盡智通善男
子菩薩遠離四漏所謂欲漏有漏見漏無明
漏菩薩摩訶薩遠離如是等漏不復受生是
菩薩更不受生而能隨順可化衆生示現一

切處生是名菩薩自然不休息行於菩薩道
是名菩薩摩訶薩六通

善男子何者是菩薩摩訶薩三明所謂天眼
智明宿命智明漏盡智明善男子何者名爲
智有天眼智天眼明云何爲天彼清淨天勝
妙上天等天眼智菩薩摩訶薩畢竟得彼天
眼智清淨天者謂聲聞辟支佛菩薩諸佛如
來勝妙上天者謂諸佛如來於聲聞辟支佛
天等爲上是菩薩摩訶薩得彼諸佛如來天
眼是名初明善男子何者是菩薩摩訶薩宿

命智明善男子諸佛如來過去未來現在無
有境界不知不見不覺菩薩摩訶薩得彼境
界彼宿命智明此明不同一切聲聞辟支佛
是名第二明善男子何者是菩薩摩訶薩漏
盡智明菩薩摩訶薩遠離四漏及煩惱習氣
所謂欲漏有漏見漏無明漏菩薩摩訶薩證
見道時即得遠離如是等煩惱及煩惱習氣
非但證斷煩惱障法亦復不同聲聞辟支佛
等得漏盡已於一切生處及教化一切衆生
而無障礙是名菩薩漏盡智明是名菩薩摩

訶薩三明

善男子何者是菩薩摩訶薩八解脫所謂有
色見色是名初解脫內有色相見外色是名
第二解脫信淨是名第三解脫是菩薩過一
切色相滅一切有對相不念一切異相知無
邊虛空即入無邊虛空行是名第四解脫是
菩薩過一切虛空無邊相知無邊識即入無
邊識行是名第五解脫是菩薩過一切無邊
識相知無所有即入無所有處行是名第六
解脫是菩薩過一切無所有處知非有想非

無想安隱即入非有想非無想處行是名第七解脫是菩薩過一切非有想非無想行滅一切受想入滅盡定行是名第八解脫善男子云何有色見色有色者皆是因緣而生見空無壽者能如是見得脫於縛是名解脫云何內有色相見外色見空無壽者皆是因緣生能如是見得脫於縛名爲解脫云何信淨淨者若分別淨不淨相名爲邪見以信淨故得脫於縛名爲解脫過一切色相滅一切有對相不念別異相知無邊虛空即入無

邊虛空行無量虛空虛空空能如是知得脫於縛名爲解脫過一切虛空知無邊識即入無邊識行無量識無邊識此無邊識即是空能如是知得脫於縛名爲解脫過無邊識知無所有少即入無所有行所有者名爲貪瞋雜二癡煩惱入無所有行者滅彼煩惱能如是知得脫於縛名爲解脫過無所有者知非有想非無想安隱即入非有想非無想行非有想者性空寂靜非無想者以依因緣而有能如是見得脫於縛名爲解脫過一切非有想非

無想滅一切受想入滅盡定行是菩薩如是見想如陽燄受如泡想即是受受即是想無知者無壽者能如是見得脫於縛名為解脫善男子何者是菩薩摩訶薩八勝處所謂有色見色彼色中得自在而知彼色中得自在而見是名初勝處內身有色相見外色若好若醜彼色中得自在而知彼色中得自在而見是名第二勝處內身有色相見外色無量若好若醜彼色中得自在而知彼色中得自在而見是名第三勝處內身有色相見外色

少若好若醜彼色中得自在而知彼色中得自在而見是名第四勝處內身有色相見外色青見青色青色青光譬如優摩歌華青見青色青色青光菩薩亦復如是內有色相見外色青見青色青色青光彼色中得自在而知彼色中得自在而見是名第五勝處內身有色相見外色黃見黃色黃色黃光譬如伽尼歌羅華黃見黃色黃色黃光菩薩摩訶薩亦如是內身有色相見外色黃見黃色黃色黃光彼色中得自在而知彼色中得自在而

見是名第六勝處內身有色相見外色赤見
 赤色赤色赤光譬如槃頭視婆華赤見赤色
 赤色赤光菩薩摩訶薩亦是內身有色相
 見外色赤見赤色赤光彼色中得自在
 而知彼色中得自在而見是名第七勝處內
 身有色相見外色白見白色白色白光譬如
 優沙私多羅白見白色白色白光菩薩摩訶
 薩亦如是內身有色相見外色白見白色白
 色白光彼色中得自在而知彼色中得自在
 而見是名第八勝處是名菩薩摩訶薩八勝

處

法集經卷第二

音釋

譏譏居衣切譏誦也
 嫌嫌戶兼切嫌疑也
 翅翅式利切翅疾也
 駿駿須閏切駿疾也
 虹虹胡公切虹蜺也
 虫虫胡公切虫莫耕切
 埤埤於真切

法集經卷第三

難三

元魏三藏法師菩提留支譯

善男子何者是菩薩摩訶薩十一切入所謂地一切入水一切入火一切入風一切入虛空一切入青一切入黃一切入赤一切入白一切入識一切入是名十一切入是菩薩若欲以一切界入一界者即一切界入一界所謂入地界若欲以一切界入一界者即一切界入一界所謂入水界若欲以一切界入一界者即一切界入一界所謂入火

界若欲以一切界入一界者即入一界所謂入風界若欲以一切界入一界者即入一界所謂入虛空界若欲以一切入一入即入一入所謂青入若欲以一切入一入即入一入所謂黃入若欲以一切入一入即入一入所謂赤入若欲以一切入一入即入一入所謂白入若欲以一切入一入即入一入所謂識入若欲以一切地水火風空青黃赤白識入一入即入一入是故名爲一切入一入一入即成一切入是故名爲一切入

難三

是名菩薩摩訶薩十一切入

善男子何者是菩薩摩訶薩十自在所謂命自在心自在物自在業自在生自在如意自在信自在願自在智自在法自在是名菩薩摩訶薩十自在

善男子得上甘露名為命自在能知一切唯是一心名為心自在於其掌中出諸珍寶亦以虛空而為庫藏名為物自在遠離一切煩惱煩惱習氣及無明使名為業自在於禪定解脫三昧三摩跋提隨意迴轉名為生自在

於一切行自然而行名為如意自在於一切入中得自在觀名為信自在即生心時現前成就一切諸事名為願自在一切身口意業以智為本名為智自在現得平等真如法界實際無垢智慧名為法自在

復次善男子得命自在故對治一切世間死怖畏得心自在故對治一切世間煩惱怖畏得物自在故對治一切世間貧窮怖畏得業自在故對治一切世間惡行怖畏得生自在故對治一切世間惡道怖畏得如意自在故

對治一切世間追求怖畏得信自在故對治一切世間謗法罪怖畏得願自在故對治一切世間心念縛怖畏得智自在故對治一切世間云何云何疑刺怖畏得法自在故對治一切世間大衆怖畏

復次善男子遠離殺生之罪與一切衆生無瞋害心是命自在因於受樂衆生無障礙大慈於受苦衆生無障礙大悲是心自在因平等心捨一切事及迴向大菩提是物自在因入一切所作業所謂清淨身口意業是業自

在因以菩提心為本攝取一切善根十善業道是生自在因以一切供養恭敬禮拜讚歎象馬車乘捨與衆生是如意自在因於三寶中教化一切衆生是信自在因與一切衆生清淨身口意業是願自在因遠離供養恭敬飲食貪心能施一切衆生法食是智自在因辨三平等教化一切衆生說一切衆生平等法界說一切衆生諸佛如來以為法身非飲食身是法自在因是名諸菩薩摩訶薩得十自在善男子何者是菩薩摩訶薩十諦所謂世諦

第一義諦相諦差別諦觀諦事諦生諦盡無
生智諦入道智諦集如來智諦是名十諦
善男子世諦者所謂有限齊名數爲他人說
狹劣不廣是名世諦第一義諦者所謂甚深
空相應法無有限齊不斷絕處非他因緣平
等一切無有高下不亂不靜相一切法真如
相是名第一義諦相諦者所謂逼惱者苦相
生者集相淨者滅相乘者道相是名相諦
復次善男子知一切法自性無我相證道相
作證相是名相諦如是知一切法自性淨相

知自性遠離相知自性空相知自性不生不
滅相證道相作證道相是名相諦差別諦者
一切法皆是一相依他因緣而差別說一相
者所謂空相彼空依他差別而說又復一切
法無相無願無行不生不滅彼一切差別皆
是空相皆悉是空不相違相是名差別諦何
者是觀諦觀者徹觀故數見思惟知見覺證
知於彼境不相違背是名觀諦事諦者所謂
事智事者謂陰界入知彼陰界入唯是因緣
生無事無壽者能如是知而證於道是名事

諦何者是生諦所謂依彼智斷煩惱依彼行
斷煩惱依彼道斷煩惱而得十力四無所畏
十八不共法復證一切法得一切如來勝自
在法對三是名生諦盡無生智諦者說一切有為
法盡彼有為法盡不盡以盡無盡若盡有盡
者即有盡盡是故盡不盡是故盡不生不滅
是名盡無生智諦何者是入道智諦以何等
智以何等道以何等功德聚集以何等智聚
集知一切法不生不滅依彼法自入令他人
入是名入道智諦何者是集如來智諦謂法

雲地如來地中間集如來智諦得彼自然道
證如來智是名集如來智諦是名菩薩摩訶
薩十諦

善男子何者是諸菩薩摩訶薩九次第入三
摩跋提菩薩摩訶薩離諸欲諸惡不善法有
覺有觀離生喜樂入初禪行善男子離諸欲
者謂初禪所對愛染法遠離彼法名離諸欲
離諸惡不善法者謂因貪瞋癡起殺生偷盜
邪淫妄語兩舌惡口綺語貪瞋邪見是名諸
惡不善法遠離彼法是名初禪有覺者謂共

覺故何者是覺依何境界隨順初禪是覺有種種異名謂知覺思惟觀集定等是名為覺何者是觀即彼隨順初禪覺行思惟觀受欲定知覺是名為觀依於厭行共彼有覺有觀而成初禪依於厭行共彼有喜有樂而成初禪是名有喜有樂第五入初禪行行者所謂受持護念喜樂知等是名為行菩薩摩訶薩住初禪中得無生法忍增上欲心是故入禪求無生法忍是菩薩摩訶薩為得轉勝無生法忍欲心求心故於彼初禪中生不堅固心是故

菩薩捨彼初禪求第二禪是菩薩離彼初禪有覺觀心滅於彼心離於彼心淨於彼心寂靜彼心為入第二禪為成就第二禪思惟行是菩薩離彼覺觀內淨心一處無覺無觀定生喜樂入第二禪行內淨者謂對治障彼第二禪法菩薩寂靜彼法清淨無濁是名內淨心一處者謂滅彼初禪一切覺觀寂靜一味猶如大海善男子譬如一切諸水入於大海皆同一味所謂鹹味如是菩薩摩訶薩入第二禪滅彼初禪一切覺觀寂靜一味無覺無

觀是名得無覺無觀三昧是菩薩依彼三昧
生喜謂於佛法僧中生於喜心依彼喜心諸
善功德自然滿足是菩薩為彼無生法忍增
勝光明轉轉光明轉轉勝妙轉轉柔軟得上
欲心是菩薩依彼無生法忍上欲心故於彼
第二禪中不住不樂更求勝上第三禪行是
菩薩生如是心知彼喜心障第三禪及障無
生法忍是故菩薩離喜行捨憶念安慧身受
樂是樂聖人亦說亦捨遠離喜樂入三禪行
是菩薩得三昧樂狀於彼喜生如是心此無

喜樂是無常樂是盡滅法非常非恆非真實
樂非究竟樂是菩薩知如是已轉復得彼無
生法忍增上欲心是菩薩依彼無生法忍增
上欲心不樂苦樂是菩薩遠離苦樂先滅憂
喜不苦不樂捨念清淨入四禪行是菩薩得
第四禪三摩^三趺提柔軟心自在心寂靜心光^六
明心正直心以彼一切樂事捨與一切眾生
是菩薩與一切眾生現前安隱樂時即得無
生法忍光明現前是菩薩得彼無生法忍光
明現前故令行速疾是菩薩於彼第四禪勝

妙樂中不生樂心遠離彼樂捨念清淨唯見
虛空現前是菩薩過一切色相滅一切有對
相不念種種相知無邊虛空即入無邊虛空
行是菩薩如是觀色略有二種一者四大二
者依四大四大者謂地水火風依四大者謂
色香味觸如是廣有八種色離彼一切色相
無彼色相滅彼色相故言過一切色相隨何
等法有其色相彼法必有礙相是故過一切
色相滅一切有對相不念不行種種異相以
過種種異相以不念種種異相故唯見虛空

相是故菩薩知無量虛空即入無邊虛空行
是菩薩入無邊虛空處三昧生如是心虛空
無邊虛空無際虛空無涯隨何等法以無邊
等故彼法無有前際中際後際如是觀一切
法無前中後際是菩薩入如是三昧即於一
切眾生起大慈心難三即於一切法得平等智而
現在前是菩薩爾時於無生法忍中始得勝
進光明現前是菩薩過一切無邊虛空相現
前知無邊識相入無邊識處行是菩薩生如
是心是無邊虛空相唯是識想分別是菩薩

得如是心知一切唯是識相是識無量無邊
是菩薩入如是三昧得無生法忍非究竟成
就無生法忍是菩薩過一切無邊識相處現
前知無所有處入無所有無少處行無所有
者無彼所有何者是所有謂人具瞋癡分別種
種分別虛妄分別一切有為法皆從虛妄分
別心生無彼所有故言無所有無少者如向
所說法中少相細相微相等名為少相無彼
少相故言無少過彼一切麤細相故言無所
有無少是菩薩住如是三昧得轉勝無生法

忍光明現前是菩薩為得彼無生法忍不樂
彼無所有無少三昧是菩薩更求增上三昧
生勝欲心是菩薩轉求增上三昧勝行生如
是心是無所有無少行相亦是細相虛妄分
別故次觀非想想非想想何等法是非想想非
想想非想者是空非非想者從因緣生菩薩爾
時得非想想非想想三昧現前是菩薩過一切
無所有處少想入非想想非想想三昧行菩
薩住於彼處生如是心彼非想想非想想處無
所可樂是菩薩遠離彼處是菩薩遠離彼處

即時一切法不生不滅現前是菩薩知一切法不生不滅見一切法自性寂滅是菩薩不行不住菩薩爾時得勝上清淨無生法忍是菩薩自此以上得自然不休息菩薩道是名菩薩摩訶薩九種次第入三摩跋提

善男子何者是菩薩摩訶薩十力所謂信力第三內力修行力忍辱力智力離力聞慧力樂說力功德力如實修行力善男子何者是信力信力者菩薩摩訶薩信何等何等法彼彼法中隨心即成決定信力

是菩薩於信力中一切世間天人諸魔不能擾動是名菩薩摩訶薩信力

善男子何者是菩薩摩訶薩內力菩薩起貪心時修不淨觀即滅貪心起瞋心時修行大慈即滅瞋心起癡心時修因緣行即滅癡心是菩薩若為他人訶罵打縛生如是心此聲如響訶罵等如夢菩薩爾時得平等智信知打罵繫閉等唯是自業能如是見即時消滅是菩薩知此身中有何等事所謂逼惱割截等事如水中月菩薩爾時得平等智能如是

知即時消滅舉要言之菩薩能知諸煩惱門
皆是清淨門是名菩薩摩訶薩內力

善男子何者是菩薩摩訶薩修行力謂信行
地力見道地力所有對治障法而彼障法所
不能障是菩薩彼信行地中見道地中一切

世間天人魔梵不能擾動是名菩薩摩訶薩
修行力

善男子何者是菩薩摩訶薩忍辱力若菩薩
爲他所罵而不加報以得如響平等智力故
若菩薩爲他所打而不加報以得鏡像平等

智力故若菩薩爲他所惱而不加報以得如

幻平等智力故若菩薩爲他所瞋而不加報
以得內清淨平等智力故世間八法所不能
染以得世法清淨平等智力故一切煩惱不
能染不能勝以得集因緣平等智力故舉要

言之是菩薩見一切染法門皆是清淨門是
名菩薩摩訶薩忍辱力

善男子何者是菩薩摩訶薩智力謂菩薩摩
訶薩知陰界入空不生不滅以何等智能集
大菩提於彼智中一切諸魔外道邪見現作

佛形所不能動亦不擾亂不能令疑是名菩薩摩訶薩智力

善男子何者是菩薩摩訶薩離力若菩薩身住一處一切衆生到菩薩所惡口毀罵誹謗菩薩亦復毀罵佛法僧寶或捉菩薩若割若截菩薩爾時於彼衆生不生惱害及以瞋心亦復不起煩惱使心及習氣煩惱心若有衆生來化菩薩令起諸惡菩薩爾時化令從已於三寶中得堅固心是名菩薩摩訶薩離力善男子何者是菩薩摩訶薩聞慧力善男子

菩薩摩訶薩多聞聞持聞慧海藏聞慧聚集是菩薩成就如是多聞慧力若三千大千世界衆生懷種種疑詣菩薩所一時發問各異不同菩薩爾時其心不動以一音答斷一切疑如是百千萬劫種種疑問菩薩一時一音而答是名菩薩摩訶薩聞慧力

善男子何者是菩薩摩訶薩樂說力菩薩在於百千萬那由他大衆中說法彼菩薩不思惟不分別何等何等衆生樂何等何等法菩薩隨彼衆生而爲說法菩薩說法不失字義

亦不重說不遲疾說不惡聲說不多少說是
名菩薩摩訶薩樂說力

善男子何者是菩薩摩訶薩功德力菩薩若
於樹下若在自舍若在空中一切諸魔及其
眷屬詣彼菩薩為作破壞為欲擾亂然彼諸
魔及其眷屬不能壞亂彼菩薩行彼諸魔衆
而自驚怖破壞離散自見摧滅無有救者彼
諸魔衆所持器仗刀劍鉞稍長鈎鉞斧聞輪
縹索弓箭戈戟如是等事猶如雲雨以彼菩
薩摩訶薩功德力故即時變成種種諸華所

謂曼陀羅華摩訶曼陀羅華盧遮華摩訶盧
遮華陀羅華摩訶陀羅華瞻婆華脩摩那華
憂波羅華鉢頭摩華如是等種種諸華如雲
雨下供養菩薩彼諸魔衆所有種種麤穢言
語聞者驚怖如是等聲以是菩薩功德力故
即時變成種種讚歎微妙音聲十一是時菩薩於
彼諸魔種種麤惡六塵境界以是菩薩功德
力故彼惡境界即滅不現是時菩薩即隨心
念而虛空中一切妙境即時現前是菩薩依
自功德增上因緣以彼虛空而為庫藏於自

掌中成就一切殊勝財寶而現在前悉令一切衆生受用是菩薩掌中勝妙珍寶皆由自力功德而成善男子若以劫壽說是菩薩功德之力不可得盡是名菩薩摩訶薩功德力善男子何者是菩薩摩訶薩如實修行力善男子菩薩摩訶薩有十種如實修行力何者爲十所謂布施修行力持戒修行力忍辱修行力精進修行力禪定修行力般若修行力方便修行力願修行力力修行力智修行力是名菩薩摩訶薩波羅蜜相應十種如實修

修行力善男子諸菩薩摩訶薩其餘一切無量如實修行力皆悉攝在十種如實修行力善男子何者是菩薩摩訶薩布施修行力善男子菩薩摩訶薩無有一物恪而不捨唯除惱害諸衆生事菩薩隨何等心能行施者而彼施心唯除諸佛如來及得忍菩薩餘一切衆生不能得信何況能知是名菩薩布施修行力善男子何者是菩薩持戒修行力善男子菩薩持戒修行力有十種何者爲十所謂聲聞

持戒修行辟支佛持戒修行菩薩持戒修行
 攝受一切善法持戒修行求善知識不捨持
 戒修行護攝受妙法持戒修行常為利益他
 持戒修行迴向大菩提持戒修行常寂靜入
 三昧持戒修行斷煩惱及煩惱習氣持戒修
 行善男子諸菩薩等善能分別微密持戒以
 是義故彼諸菩薩所修持戒非一切種智人
 不能得知是名菩薩摩訶薩持戒修行力
 善男子何者是菩薩忍辱修行力菩薩摩訶
 薩有三種忍辱所謂諸苦忍辱他所加惡不

第三

十二

報忍辱知諸法無生忍辱善男子諸苦忍辱
 者以知自作業故不報惡忍辱者以於一切
 衆生得一子心故諸法忍辱者以於一切法
 得無生智故是名菩薩三種忍辱善男子是
 名菩薩摩訶薩忍辱修行力
 善男子何者是菩薩摩訶薩精進修行力善
 男子菩薩隨何等處隨何等行為成就彼善
 法修行力故彼彼法中生如是心我成就此
 善法為令一切衆生同得故是名菩薩摩訶
 薩精進修行力

善男子何者是菩薩摩訶薩禪定修行力善
男子菩薩不見一法而非寂靜見一切法自
性寂靜滅一切諸覺遠離心意意識不生不
滅不動不亂是菩薩不見自心定他心亂不
見離自身不見離他身更有三昧而能修習
一切功德精進不息釋三是名菩薩摩訶薩禪定
修行力

善男子何者是菩薩摩訶薩般若修行力善
男子菩薩不見一法離因緣集不見一法離
於空無相無作解脫不見一法離虛空解脫

而能修習助菩提法精進不息亦化衆生而
不休息是名菩薩摩訶薩般若修行力
善男子何者是菩薩摩訶薩方便修行力善
男子菩薩摩訶薩不見自身而常護自身密
行不見衆生而常教化衆生不見不見煩惱
而常守護諸情根行菩薩見一切色不離佛
色而常求見諸如來色菩薩聞一切聲不離
諸法聲而常求聞法無有厭足不見世間而
常厭離一切世間不見涅槃而爲得涅槃捨
於一切內外之物不見佛及菩提而恒爲得

佛及菩提而常作百千萬願現前修行是名
菩薩摩訶薩方便修行力

善男子何者是菩薩摩訶薩願修行力善男
子菩薩摩訶薩不見一法增不見一法減而
能隨喜一切衆生所作善根迴向阿耨多羅

三藐三菩提亦以自己一切善根共諸衆生
迴向阿耨多羅三藐三菩提而作是言我因
此諸善根必成阿耨多羅三藐三菩提我因
此諸善根成就如是如是佛國土我因此諸
善根得如是如是大衆菩薩如是大願成就

不可破壞是菩薩修持淨戒不破不漏不點
不汙智者讚歎是菩薩住彼如是淨持戒中
所作大願皆悉成就是名菩薩摩訶薩願修
行力

善男子何者是菩薩摩訶薩力修行力若有

衆生現作佛身第三諸菩薩所欲退十四菩薩菩提之
心而作是言何處當有此菩提法廣說種種
破壞之言然是菩薩不可得退轉不可破壞
轉念菩提轉念道場念降伏魔念轉法輪念
大慈悲於彼破壞衆生邪教衆生不生惡心

而以慈悲還教彼人置於善法而是菩薩不失淨信精進正念三昧般若等力是菩薩依彼不退轉力令無量阿僧祇衆生得佛菩提入佛菩提是名菩薩摩訶薩力修行力

善男子何者是菩薩摩訶薩智修行力善男子菩薩如實知一切法無有衆生不生不老不病不死唯見於法離我我所是菩薩依如是知諸法智力令無量阿僧祇衆生入彼智中是菩薩一切世間諸魔外道尚不能轉彼真如心何況迴置世間法中是名菩薩摩訶

薩智修行力善男子是名菩薩摩訶薩十種修行力

善男子何者是菩薩摩訶薩十智所謂苦智集智滅智道智於苦中法智於集滅道中法智陰智界智入智過去未來智於道及果智

是名諸菩薩十智

釋三

十五

善男子何者是苦智謂苦中苦智於苦中集智於苦中滅智於苦中道智復次善男子於苦空智空無相智苦無願智苦因緣生智唯是苦生如是苦中苦智復次善男子知無明

智知愛智知取智名為苦智

善男子何者是集智隨何等法集彼集彼智
中集智彼集唯是苦是名集智復次善男子
知愛是集智名為集智

善男子何者是滅智謂過去無所從來智未
來不生智現在不住智是名滅智復次善男
子知過去法不滅知未來現在法不滅是名
滅智

善男子何者是道智謂苦智集智滅智道智
中求道智知道智是名道智

善男子何者是於苦中法智集滅道中法智
菩薩生如是心此苦集滅道唯是法如是知
於苦中法智於集滅道中法智是名苦中法
智乃至道中法智

善男子何者是陰智謂五陰中如幻夢智五
陰一合智聚集智和合智是名陰智復次知
色如聚沫知受如水泡知想如陽燄知行如
芭蕉知識陰如幻是名陰智

善男子何者是界智謂地界法界而法界非
堅相如是水界法界而法界非濕相火界法

界而法界非熱相風界法界而法界非動相
如是知名為知界復次善男子知微細智是
名性智知一切法根本名為界智復次善男
子苦智集智滅智道智名為界智復次善男
子有二界謂有為界無為界彼有為無為中
智名為界智復次善男子眼界色界眼識界
法界而法界非見相亦非可見相亦非可知
相如是耳界聲界耳識界法界而法界非聞
相亦非可聞相亦非可知相鼻界香界鼻識
界法界而法界非聞相亦非可聞相亦非可

知相舌界味界舌識界法界而法界非嘗相
亦非可嘗相亦非可知相身界觸界身識界
法界而法界非聚集和合相亦非觸相亦非
陽燄相意界法界意識界法界而法界非生
住滅相是名菩薩摩訶薩界智

善男子何者是菩薩入智謂入中廣智深智
普智縛智刺智怖智誑智無常智障礙智是
名菩薩摩訶薩入智復次善男子菩薩知入
如空聚落如彼空聚落而自不知是空聚落
如是彼諸入自不知是空如空聚落菩薩若

如是知是名入智復次善男子菩薩如是知十二入所謂眼入色入耳入聲入鼻入香入舌入味入身入觸入意入法入此諸入無我無我所菩薩若如是知名爲入智

善男子何者是過去未來智謂菩薩知過去

辨三

十七

知未來是名過去未來智復次善男子知未來無作者知過去滅盡是名菩薩摩訶薩過去未來智

善男子何者是於道中及果中智謂於六波羅蜜中智是名道智謂十地中及如來地中

智是名果智彼於道中及果中智是名菩薩摩訶薩於道中及果中智善男子是名菩薩摩訶薩十智說此法集法門時七萬六千菩薩摩訶薩善聚集過去諸業得無生法忍爾時奮迅慧菩薩語無所發菩薩摩訶薩言

善男子汝應當說菩薩摩訶薩諸波羅蜜相應法集何以故善男子此是最勝所說法集所謂說諸波羅蜜何者是諸波羅蜜何者是波羅蜜法集爾時無所發菩薩語奮迅慧菩薩言善男子諸波羅蜜者謂檀波羅蜜尸波

羅蜜羸提波羅蜜毗離耶波羅蜜禪波羅蜜
般若波羅蜜方便波羅蜜願波羅蜜力波羅
蜜智波羅蜜善男子是名諸波羅蜜何者是
波羅蜜法集所謂不見布施名為檀波羅蜜
而常捨一切內外之物不見持戒名為尸波
羅蜜而常修持一切淨戒頭陀功德等不見
忍辱名為羸提波羅蜜而常修行忍辱安樂
之行不見精進名為毗離耶波羅蜜而常修
習一切善根無有休息不見禪定名為禪波
羅蜜而常尊重寂靜之心不見智慧名為般

若波羅蜜而常修習聞慧之法不見方便名
為方便波羅蜜而常現同一切外道為諸衆
生發起所念善根事故不見願名為願波羅
蜜而常求一切善根共一切衆生迴向阿耨
多羅三藐三菩提不見力名為力波羅蜜而
常求那羅延身維三金剛力士為教化衆生降伏
憍慢故不見智名為智波羅蜜而常修行一
切工巧技術五明論等善男子是名菩薩摩
訶薩諸波羅蜜相應法集復次善男子菩薩
不求一切果報而常不捨施心於一切時捨

一切事不分別持戒而能捨於身命不毀淨
戒一切諸法不能擾動而常遠離瞋害之心
不求一切法而常念一切善根不分別寂靜
心而常修行禪定神通三昧於一切法中無
有疑心而常求於聞思修慧不求一切法而
心常念種種善根之法常住寂靜心而常修
行一切諸願斷除一切憍慢高心而常修行
成就堅固金剛之身善知一切諸經論等而
常求於一切尊重諸善知識善男子是名菩
薩摩訶薩諸波羅蜜相應法集復次善男子

菩薩摩訶薩心常愛樂檀波羅蜜而現隨順
慳嫉衆生心常愛樂修持淨戒而現隨順破
戒衆生心常愛樂忍辱之事而現隨順不能
忍辱顛倒衆生心常愛樂精進之行而現隨
順懈怠懶惰顛倒衆生心常愛樂禪定三昧
而現隨順多事散亂顛倒衆生心常愛樂般
若妙慧而現隨順信非善處癡癡衆生心常
愛樂方便善巧而現不求一切所作事心常
愛樂大願善根而現隨順厭離世間衆生等
行心常愛樂有力而現隨順無力衆生心常

愛樂勝智而現隨順無智衆生善男子是名
菩薩摩訶薩諸波羅蜜相應法集復次善男
子菩薩摩訶薩修行檀波羅蜜者得如意寶
手及以虛空而為庫藏修行尸羅波羅蜜者
超過一切惡道而得生死自在及柔軟心隨
自在心修行羸提波羅蜜者得如來色身莊
嚴成就三十二相八十種好見者無厭修行
毗離耶波羅蜜者得四無畏及四無礙修行
禪波羅蜜者得一切聲中自在及一切所作
業中自在修行般若波羅蜜者得一切法中

無所障礙謂一切法菩提平等故修行方便
波羅蜜者得所作業自然謂得身口意業自
在故修行願波羅蜜者得於一切生中宿命
自在及隨順行隨順所作事修行力波羅蜜
者一切煩惱及一切諸魔外道不能擾亂則
得一切世間最高大身故修行智波羅蜜者
謂能超過陰死煩惱天魔等故善男子是名
菩薩摩訶薩諸波羅蜜相應法集復次善男
子菩薩摩訶薩讚歎布施而不以彼布施為
清淨讚歎持戒忍辱精進禪定般若方便願

力讚歎智等而不以彼等為清淨何以故雖
修如是一切法等以能捨故是一切法以分
別心故有是故分別心及分別心所生法皆
悉捨離是故菩薩分別心及分別一切法心
所生法不與共住不生心以為清淨而是菩
薩生如是心知無分別無戲論境界證阿耨
多羅三藐三菩提心奮迅慧菩薩言善男子
言菩提者於何法而說無所發菩薩言善男
子言菩提者無分別無戲論法即其言也善
男子見我者名為戲論此非菩提遠離我見

非三

二十

無有戲論名為菩提善男子著我所者名為
戲論此非菩提遠離我所無有戲論名為菩
提隨順老病死者名為戲論此非菩提不隨
順老病死寂靜無戲論名為菩提慳嫉破戒
瞋恨懈怠散亂愚癡無智戲論此非菩提布
施持戒忍辱精進禪定智慧無戲論法名為
菩提邪見惡覺觀惡願名為戲論此非菩提
空無相無願無戲論法名為菩提復次善男
子亦得言一切法是菩提亦得言一切法非
為菩提問曰以何義故一切法名為菩提一

切法非菩提答曰於一切法著我我所此非
 菩提覺一切法平等知一切法真如名為菩
 提復次善男子言菩提者名為寂靜寂靜者
 名為一切法真如問曰善男子所言真如真
 如者於何法說答曰善男子言真如真如者
 名為空彼空不生不滅問曰若如是一切法
 空是故一切法不生不滅無所發菩薩言如
 是如是善男子如汝所知一切法不生不滅
 問曰若如是何故如來說有為法皆悉生滅
 佛說有為法皆生滅者此言何謂無所發菩

薩言善男子為愚癡凡夫著生滅法故諸佛
 如來以大慈悲為護驚怖隨順世諦作如是
 說諸法生滅而一切諸法不生不滅是故善
 男子菩薩摩訶薩應知諸佛應知諸佛法應
 知諸眾生應知諸法應知自身應知身法爾
 時無所發菩薩摩訶薩欲重宣此義而說偈
 言
 佛及佛出世 諸佛法實體 菩薩如彼法
 不放棄而知 諸善無漏聚 佛世智者最
 依眾生心成 修善行因緣 是能知諸法

是能覺諸法	是人到諸行	若能知諸佛
菩提無與者	亦無人取彼	實知自身法
名為覺覺者	若能知自身	唯是相無實
是能知如佛	及知菩提法	唯相諸衆生
虛妄分別說	菩薩如實知	如夢幻等相
妄覺實覺者	無能知此行	若調諸根馬
是能依定知	是人無怨親	及作不可作
亦無取捨法	是名真法集	能正知諸法
故說法集義	不正知諸法	是故說惡法
貪法及離貪	清淨平等見	見貪癡亦然

是名真法集	為利諸衆生	發大慈悲心
而不見衆生	若離於真空	若如是知法
平等無垢處	得妙洲覺處	彼點成正覺
如世間幻師	發心度幻人	彼幻不著幻
以未曾有故	知三界如幻	發大菩提心
為度諸衆生	實知彼衆生	自身如虛空
衆生自性空	一切處見法	得忍住勝洲
不行於諸法	亦不還諸法	以不行不還
得住淨行洲	若住如是實	平等法界心
即時諸佛記	是必成大覺	自身佛亦然

及得受佛記 見彼法平等 即時諸佛記

得無障礙處 證滅行世間 一切處無過

以大悲為身 若菩薩有智 欲如是法集

修行是法行 必得是法集

無所發菩薩說此偈時六萬二千菩薩得無

生法忍八千天子遠塵離垢得法眼淨

復次無所發菩薩摩訶薩語奮迅慧菩薩言

善男子菩薩應修行實諦法集何以故諸菩

薩以實諦智以為法集善男子何者是實諦

善男子菩薩發阿耨多羅三藐三菩提心乃

至捨身命不捨彼心不捨諸眾生是名菩薩

摩訶薩實諦善男子若菩薩發阿耨多羅三

藐三菩提心又時捨心捨眾生者如是菩薩

則為可訶是人名為最上妄語問曰云何菩

薩發阿耨多羅三藐三菩提心不復捨彼心

不捨諸眾生答曰若菩薩知苦諦集諦滅諦

道諦是菩薩不復捨彼心何以故是菩薩知

實諦是故菩提心不退轉問曰何者是苦云

何知苦答曰於五陰愛不愛逼惱是名為苦

菩薩知於彼苦空無壽者無我我所唯是因

緣和合而生是名知苦菩薩見彼苦唯是集
虛妄不堅固無壽者名為知集菩薩知彼苦
從本際不來不至未來際不在現在際無始
無終自體本來寂滅自體空自體寂靜如是
知名為知滅問曰所言滅者此說何法答曰
善男子言滅者不可言問曰善男子若言滅
者不可言何故言滅答曰善男子說滅者謂
客煩惱諸障不實虛妄分別法菩薩不分別
彼不實法爾時得言名為滅滅而虛妄法本
來無法可滅是故如來說一切法本來寂滅

問曰善男子如來說菩薩不證滅若菩薩證
滅是菩薩墮聲聞辟支佛地如來何故作如
是說答曰善男子言證者名為現見然滅法
不可現見是故如來說滅法不可見若法不
可見彼法亦不可證是故如來說菩薩不見
滅不證滅依此義故如來說菩薩不證滅聲
聞取法相故證滅知滅以何等念何等觀何
等行如是知如是見如是決定名為知道復
次善男子言苦者名為我彼我有相若如是
集名為知集菩薩見彼集不見一法能集如

是知名為知滅若能如是觀若能如是求名為知道復次善男子隨所隨所法上心著名為苦何以故善男子如來常說隨所心著名為苦隨所心著處不實是故從心著生集名為集苦不著心苦名為滅以何等智不著彼第三智名為知道善男子我今依實諦智能說諸菩薩若一劫及無量劫說而不可得盡說此實諦智時六萬菩薩依實諦熏修智得不退轉地虛空中無量百千天女於諸法中遠塵離垢得法眼淨

法集經卷第三

音釋

鉞稍

鉞莫辨切句兵也稍所角切矛屬

網

古照也

痲

烏下切

法集經卷第四

難四

元魏三藏法師菩提留支譯

爾時奮迅慧菩薩語無所發菩薩言善男子何者是菩薩摩訶薩心念處智何者是念云何心念處爾時無所發菩薩摩訶薩語奮迅慧菩薩言善男子菩薩摩訶薩以於一切法中無生智為心念處智以無生智為最勝諸菩薩彼無生智以無生智業得名一切處不亂一切處直一切處不動如大海水不可量一切聲聞辟支佛無能知以何等心念能聞

永樂北藏

法集經

持一切諸佛如來所說法而不散失是菩薩心念處諸佛如來現前知此是如是菩薩心念處彼菩薩心念處有十種處何等為十所謂身念處受念處心念處法念處佛念處念法念僧念戒念捨念天心念處是名十種念處

善男子何者是菩薩身念處菩薩如是安心此身來不從本際去不至後際不住本際未來際唯從虛妄分別心而生無作者無壽者無前中後際不住無根本無教者無取者而

第五〇册

但以客塵言語而說若身體形狀若質若入
若如是觀身此身不堅固唯是父母赤白和
合不淨而生臭穢以為體貪瞋癡怖以為賊
亂破壞不住種種無量百千萬病以為窟宅
復次善男子菩薩於身中如是安念是身從
頭至足衆分聚集所謂足足指跟踝踵脛胫
膝髓骨腰脊胷脅腹肋觀手手指肘腕肩臂
頭頰頸項觸膜眼耳如是等事積聚成身以
業有為作者以種種煩惱隨煩惱虛妄分別
百千萬種為窟宅此身多有種種不淨所謂

髮毛爪齒血肉皮骨肝膽腸胃生熟二臟脾
腎心肺肪膏腦膜黃白痰癢涕唾目淚大小
便利臭穢可惡是等無量不淨物聚集如是
等中何者是身菩薩如是觀身作是思惟此
身無實猶如虛空是名菩薩如虛空念處如
是安心見一切法皆如虛空菩薩如是知身
於諸法中無有動心不住心是菩薩不動不
住名住念處如是住念中能如是知如菩提
身亦如是此中不可得生厭心何以故一切
是邪念非正念於何等法中生厭心是名菩

薩摩訶薩身念處

又善男子何者是菩薩受念處善男子菩薩
生如是心言受者名為覺彼覺有三種謂顛
倒不顛倒離彼二受顛倒受者謂一切凡夫
散亂心顛倒心彼諸凡夫以無常受為常以
苦受為樂以無我受為我以不淨受為淨是
名顛倒受不顛倒受者受無常為無常受苦
為苦受無我為無我受不淨為不淨此謂聲
聞辟支佛受是名不顛倒受離彼二受者受
無常非常非無常受苦非苦非無苦受無我

非我非無我受不淨非淨非不淨是名菩薩
受念處菩薩如是受而不見受者不見能受
者亦不見所受菩薩作是思惟如來常說一
切有為法以為受若以一切法為受者此中
何等法以為受者非所受以為能受以彼所
受非能受故而非無為法能受有為法離無
為法有為法無受者菩薩如是彼所受不見
能受復不見能受者能教彼所受者是菩薩
見如菩提所能受亦如是是名菩薩摩訶薩
受念處

又善男子何者是菩薩心念處善男子菩薩作是思惟彼受唯是心而心不住不可取無形何等法不可取無形彼所受法爲何所以非心非心知非心非心見復作是思惟隨何等心從因緣生見彼諸心皆由他力而有是菩薩不見離心而有菩提知此心法即是菩提菩薩爾時即得心自在以得心自在故即於大乘而得自在爾時即於一切衆生得平等心是菩薩爾時住於大乘中不依他力是名菩薩心念處

善男子何者是菩薩摩訶薩法念處善男子菩薩隨何等法而生正念若善法不善法若可呵法不可呵法若有漏無漏世間出世間法若聲聞辟支佛法若凡夫法非凡夫法是菩薩於彼彼法而生正念善巧能知善業柔軟善能修習善修畢竟善修自力善修自在知平等法不生不滅是菩薩不見一法離於不生不滅不見一法離於空無相無願菩薩作是思惟一切諸法無有壽者以自性寂靜故一切法無我以自性不二故一切法無障

礙以自性如虛空故一切法無分別以遠離
心意識故一切法寂靜以無煩惱性故一切
法無言語以自性不可說故一切法不盡以
無為性淨故一切法不可數以過一切數量
故一切法正直以過一切戲論故一切法無
根本以無種子故一切法無過失以根本自
淨故一切法不來以無形故一切法不去以
無住故一切法光明以自性空故一切法空
以從因緣而有故一切法無諍以無分別故
一切法依自智力以隨所念而覺故一切法

菩提以智境界故一切法唯是名字以無實
物故一切法離諸見以不可見故一切法不
縛不脫以無形相故一切法不去以真如為
體故一切法一界以不差別於真法界故一
切法不差別以實諦平等故菩薩如是觀一
切法修行一切法不見衆生差別不見法差
別不見乘差別不見佛國土差別不見法差
別不見妙法差別不見縛不見脫不見世間
不見涅槃不捨不取不行不住不受不捨而
住於寂靜住於不動諸佛如來能見如是寂

靜解脫菩薩在彼諸佛國土即時諸佛為是
菩薩授阿耨多羅三藐三菩提記是名菩薩
摩訶薩法念處

又善男子何者是菩薩念佛善男子菩薩修
行念佛念一切衆生我為一切衆生成就阿
耨多羅三藐三菩提修四是菩薩安住五如是念處
念諸佛如來有十力四無畏十八不共法彼
諸佛法我必成就復能念彼諸佛如來有如
是念不可思議廣大清淨無垢光明離一切
使煩惱及斷煩惱習氣以智慧為首智慧為

增上以諸佛無為增上至一切所證增上法
遠離一切智障煩惱一切聲聞辟支佛不能
測量以無分別為體以自然無障礙為無行
無礙不住照一切衆生心如虛空無分別諸
佛如來有如是念菩薩念彼諸佛念寶諸佛
如來財寶諸佛如來庫藏念如是等法名為
念佛善男子諸佛不念亦非不念於一切處
自然無分別諸佛如來有如是念菩薩念於
彼念故名念佛諸佛於一切衆生一切法不
差別相念於彼念故名念佛諸佛無分別亦

非無分別不取亦非不取不去亦非不去不生不滅念如是念故名念佛復次善男子諸佛如來以大功德智慧莊嚴以大慈大悲爲行以度衆生聚以爲救者爲大醫師拔煩惱刺於一切衆生起平等心常在寂靜三昧境界不住離世間涅槃到一切煩惱障智障彼岸大衆生住持大衆生依止滅一切生身得法身住法境界一切處心無障礙於一切時利益一切衆生身口無失不虛妄授記於一切事不可嫌身口意業遠離貪瞋癡等一切

煩惱降伏一切諸魔外道不與一切世間諍訟深於一切世間大海重於一切須彌寶山不動不搖過於大地柔軟於水光明於火不著於風無垢於空去速於意如意踰於摩尼寶一切種智平等無二於一切衆生遠離一切著處度一切衆生精進不休息無量色身四無量音聲無量功德無量境界不可思議得畢竟不可思議法身超過心意意識境界以明行心斷除三趣惡法大悲增上所有功德與一切衆生共於一切衆生猶如父母怨親

平等於諸衆生香塗刀割不生憂喜心住一切處有大光明不可限量究竟彼岸大心衆生大法資財成就大明行成就大法師能說大法成大丈夫畢竟成就大丈夫相一切世間不能降伏能照一切世間光明大方便行大善境界畢竟大解脫畢竟大身以大衆生爲眷屬大身衆生圍繞無障礙見聞供養修行親近遠離自樂愛樂滅他苦愛樂正法以法爲錢財以法爲食以法爲衣糧以法爲根本以法爲自在爲大法王爲法施主常樂捨

法常不放逸常樂寂靜一切衆生以爲橋梁如大王道平坦無障如日光明破諸闇冥如大梵王大智金剛是大法箭清淨色身見無歇足諸佛如來有如是等無量功德菩薩念彼諸功德已爲成就彼功德故修行爲成就彼功德故正念是故名爲念佛解四是名菩薩摩訶薩念佛處善男子何者菩薩摩訶薩念法處善男子菩薩作是思惟諸佛如是無量功德皆從法生從法化從法得從法增上從法有從法境界

從法依從法成就復作是思惟諸佛如來有相好莊嚴彼亦從法生從法化從法得從法成就諸佛如來有十力四無畏十八不共法亦從法生從法化從法得從法成就諸佛如來有十八不共法彼法亦從法生從法化從法得從法成就所有世間出世間樂彼諸樂事亦從法生從法化從法得從法成就是故我求諸佛菩提應尊重法依法境界依法修行依法畢竟依法堅固是名菩薩法念處復次善男子菩薩作是思惟法平等住於一切

衆生法非見高下衆生而生差別我亦如法心無分別平等無異法非見面而起作業以法不朋黨故我亦如法其心平等法非見時而起作業以法無時來而知內心自解故我亦如法其心平等法非於大衆生而起作業於下衆生不作業以法不高不下故我亦如法其心平等不生分別法非於淨衆生而作利益於不淨衆生不作利益以法遠離高下心故我亦如是其心平等不生分別法非於聖人作利益於非聖人不作利益以遠離福

田非福田心故我亦如是其心平等不生分別法非晝作利益夜不作利益非晝不作利益夜作利益以法常不休息作利益故我亦如是其心平等不生分別法不過可化衆生時節我亦如是其心平等不生分別法非於難四瞋衆生不作利益於不瞋衆生欲作利益以一切處不著故我亦如是其心平等不生分別法不增不減法無量阿僧祇如虛空不盡不增長我亦如是其心平等不生分別衆生不護法法不護衆生我亦如是其心平等不

生分別法與一切世間作歸依我亦如是其心平等不生分別法無有處生瞋害心以無害相故我亦如是其心平等不生分別法不住煩惱使以法遠離使煩惱故我亦如是其心平等不生分別法非怖世間求涅槃以法常無分別故我亦如是其心平等不生分別菩薩如是於法中正念是故名爲念法善男子是名菩薩摩訶薩念法處善男子何者是菩薩摩訶薩念僧善男子菩薩作是思惟僧者名爲如法語者名爲法行

者名為思法者名為福田法者名為住持法
者名為依法者名為供養法者名為所作如
法者名為如境界法者名為修行成就法者
名為實法者名為真法者名為實清淨法者
名為救眾生者名為大慈悲者名為常寂靜
境界者名為常歸依法者名為常白淨行法
者復次善男子菩薩作是思惟如來說僧非
唯一種所謂世諦僧第一義諦僧慙愧僧無
慙愧僧聖人僧調伏僧不退轉僧又善男子
菩薩於世諦僧攝受修行於第一義諦僧供

養修行慙愧僧令得解脫修行無慙愧僧呵
責修行聖人僧供養恭敬親近修行調伏僧
如佛如是修行不退轉僧說法修行復次善
男子菩薩依是思惟僧者名為不斷佛種以
佛子故僧者能與所樂果報以其福田故僧
者離煩惱以無畏故僧者捨一切所著以得
解脫故僧者名為寂靜以調伏心故僧者名
為不雜以無煩惱故僧者遠離惡法以有慙
愧故僧者名為隨順語以可化故僧者名為
知自身以無憍慢故僧者名為寂靜以無高

心故僧者名為知足以無顛倒心故僧者名為斷絕分別以無病故僧者名為到妙洲渚以得無畏處故僧者名為見寶相以不放逸故僧者名為彼岸以能到彼妙洲彼岸故僧者名為不惡以行阿蘭若行故僧者名為快以畢竟趣道場故僧者名為知三學以修行弟子行故僧者名為行於四念境界以勝諸念修行者故僧者名為修行四正勤境界以修行精進故僧者名為修行四如意足境界以不疲倦故僧者名為修行五根境界以不

破壞故僧者名為修行五力境界以降伏諸煩惱刺故僧者名為修行七覺行以無障礙故僧者名為修行八聖道境界以正見故僧者名為修行實諦境界以得歸處故僧者名為修行諸禪境界以定心故僧者名為修行因緣集境界以能轉法輪故僧者名為大慈難四悲以不退轉處故僧者名為一切功德聚集以一生得大菩提故又善男子菩薩如是念僧已作是思惟僧者如是無量功德我皆欲得亦令一切衆生畢竟成就善男子是名善

薩摩訶薩念僧念處

善男子何者是菩薩摩訶薩念戒善男子善薩作是思惟所有世間出世間一切勝妙果報彼諸果報皆因持戒而得何以故依因淨戒根本力故善男子譬如一切草木叢林依地為根本如是一切世間出世間妙果依戒為根本菩薩摩訶薩住於持戒能與一切天人作大福田復能滿足施者功德善男子菩薩住於持戒生歡喜心心歡喜故不生憂惱不憂惱故心得踊悅得踊悅故得身心犍身

心犍故心得樂心心得樂心故而得三昧得三昧故得如實知以如實知故菩薩於一切眾生大慈悲菩薩作是思惟我今以此如實三昧法門如實知為令一切眾生成就是菩薩以大慈悲心熏修依彼大慈悲心修持十一增上戒增上三昧增上慧十一滿足得阿耨多羅三藐三菩提是故我今修持妙戒不動不放逸我憶念一切眾生而修持戒何以故若菩薩不憶念一切眾生持戒則非菩薩戒是故我今為令一切眾生得安隱樂修持淨戒復

次善男子菩薩作是思惟菩薩出家修持淨戒則能遠離一切世務之事菩薩著於染衣則能滿足捨一切所愛之物菩薩受持淨戒則能滿足身口意清淨菩薩愛念持戒則能滿足六通菩薩宴坐持戒則能滿足菩提分法菩薩聞於妙法修持淨戒則能滿足四無礙智菩薩推求多聞智慧修持淨戒則能滿足不自高心菩薩親近善知識修持淨戒則能滿足一切功德菩薩修持施波羅蜜戒則能滿足一切智智菩薩如所聞法如說修持

淨戒則能滿足為大法師菩薩如所聞法思惟持戒則能滿足得陀羅尼菩薩念菩提心修持淨戒則能超過一切諸惡得滿足戒菩薩不生害心修持淨戒則能滿足不失菩提心菩薩不失菩提心修持淨戒則能滿足不失三寶心菩薩作是思惟若有能護修持戒者世間所有可護之者皆悉能護是名菩薩摩訶薩念戒

善男子何者是菩薩摩訶薩念捨善男子菩薩作是思惟所有一切可捨之法皆悉攝於

二種捨中謂法捨財捨善男子菩薩資生施者悉能滿足三十二相八十種好淨佛國土教化衆生菩薩法捨者亦能滿足十力四無畏十八不共法能斷煩惱及以煩惱習氣復次善男子菩薩於資生能捨慳心捨法因緣能過聲聞辟支佛地復次捨財者能清淨生身捨法者能清淨法身復次捨財功德能捨父母生身何者有此捨力唯除初地菩薩一切世間所無捨法者能成就爲意通力誰有此力唯除諸佛如來及住地菩薩一切世間

雜四

十二

所無復次捨財能教化衆生施法能令得解脫復次捨財能得聚集功德施法能令到於彼岸復次捨財能施半施法一切捨復次施財能得斷煩惱解脫施法能成就離智障解脫復次捨者若能捨於虛妄分別此捨中最勝第一謂捨虛妄分別之心何以故菩薩捨於虛妄分別是故名為清淨菩薩問曰言虛妄者此說何法答曰善男子言虛妄者說不實戲論法問曰云何名為不實戲論答曰若人如是思惟我貪我瞋我癡我染我淨我不

淨我行世間我入涅槃如是等一切皆是不
實虛妄分別戲論之法何以故一切唯是因
緣而為無我無我所無衆生無人無命無我
無壽者無作者無教者彼諸因緣自性空寂
遠離心心意識彼諸因緣不能思惟不能分
別不能染不能淨不能行世間不能入涅槃
是故菩薩能知如是虛妄法不能作是思惟
是其實有捨如是心故名為捨菩薩若能念
如是法名為念捨復次善男子菩薩摩訶薩
有三種捨謂捨大捨增上捨何者是菩薩摩

訶薩捨謂飲食穀米倉庫衣服騎乘燈明香
熏華鬘塗香末香旛蓋幢帳車輦瓔珞首冠
金銀珍寶諸如是等不為惱害衆生之具唯
除能害衆生之事餘一切物無有不捨是名
菩薩摩訶薩捨何者是諸菩薩摩訶薩大捨
善男子菩薩摩訶薩成就捨已能捨所愛妻
子男女大小奴婢僕使臣佐吏民舍宅園觀
國土王位是名菩薩摩訶薩大捨何者是菩
薩摩訶薩增上捨善男子菩薩成就於捨及
以大捨故成就增上之捨所謂能捨手足耳

鼻頭目髓腦血肉筋骨舌斷齒連膚爪髮
如是一切悉皆能捨是名菩薩摩訶薩增上
捨又善男子菩薩念如是捨大捨增上捨我
當畢竟成就捨大捨增上捨爾時得名念捨
菩薩善男子是名菩薩摩訶薩念捨

善男子何者是菩薩摩訶薩念天善男子菩
薩念清淨天所謂念聲聞辟支佛菩薩諸佛
如來云何念彼修行念功德念不生念所受
境界念始行念修行念成就是名念天復次
善男子菩薩念諸天云何念諸天修善業行

得勝果報何者是善業行所謂十善業道遠
離不善業道以此善業因緣得彼諸天色妙
樂清淨諸根勝妙果報又菩薩於彼勝妙果
報起隨喜心而生大慈以彼妙樂果報共一
切衆生迴向阿耨多羅三藐三菩提菩薩作
是念欲令衆生得天妙樂復為成就彼諸善
根發大精進於生惡道衆生起大悲心菩薩
作是思惟我應教一切衆生修行善業令生
天上即於天中得阿耨多羅三藐三菩提菩
薩作是念已教諸衆生修善生天令不退失

彼天妙果即從彼樂得無上樂所謂如來寂靜妙樂是名菩薩念天善男子是名菩薩摩訶薩十種念處爾時無所發菩薩摩訶薩欲重宣此義而說偈言

不見苦為苦	以見苦即空	若不離苦法
空法不可得	欲得見空者	應見於苦義
以苦為空義	彼空無為故	苦無有作者
以苦非作法	離苦誰作者	而亦無前後
無有實集者	若能實集苦	此中何處集
以苦非作者	苦無所從來	去無所至處

與何法共合	離苦何處有	說愛以為集
若能集於苦	愛實無有愛	離愛云何集
以苦無所來	是誰得未來	說滅以為定
離於去來法	諸法自性滅	根本清淨明
諸法同寂靜	以離前後際	法若是先生
後則應有滅	離滅云何生	離生無彼滅
如是求智慧	說名無漏道	說道如棧喻
以必捨棧喻	若聚集捨法	彼法何應樂
捨道住妙洲	是名得解脫	說得解脫相
不諍於諸法	以於一切法	證真如道故

髮毛及爪齒	肝膽以腦膜	虛妄分別宅	及離於受者	說受名為受	差別不可得	其相如菩提	心中不見心	見法唯是心	以得無障境
脂膚血肉骨	心肺大小腸	智者如是觀	猶如空聚落	彼受誰能受	智者如是念	寂滅清淨明	是人離熱惱	遠離於分別	諸法不自生
洩唾大小便	聚積名為身	無有實作者	如是虛妄身	受者離於受	彼智者觀受	身中不見心	雖離而不喜	不捨真如行	亦復非他生

離諸數盡相	智者無去相	若能如是念	如諸佛福田	聚集清白法	亦念諸功德	是菩薩供養	以常定境界	得無上菩提	若作如是念
平等如虛空	知法亦不住	於諸法不動	知諸法名佛	安隱諸衆生	菩薩滿諸法	三世諸如來	善縛堅固鎧	菩薩堅固行	此念法應知
如實知此法	以住於平等	是人到彼岸	一切處無垢	念寂及妙色	必得無上道	法中念不動	念妙法境界	如法我亦然	所謂諸菩薩

離我及我所	如法我亦然	若能如是念
名修妙法念	諸佛弟子僧	是無上福田
必得佛菩提	常念如是人	如海不可量
我念如是人	迴此諸功德	令一切成佛
善修不退戒	我念彼戒行	所有諸功德
盡欲與衆生	迴向無上道	令得畢竟樂
如是名念戒	能與衆生樂	捨資生及法
亦捨諸煩惱	有福為衆生	迴向無上道
如是成捨心	不住於二道	離相自然行
所在如日照	一切凡聖天	皆從善業得

以彼諸因果 大悲施一切 如是諸妙行
 為與增上樂 即於彼天中 成無上正覺
 爾時無所發菩薩摩訶薩奮迅慧菩薩摩訶
 薩是二大士及無量眷屬俱詣佛所到佛所
 已頭面禮足遶百千而奉承尊意退坐一面
 并諸眷屬亦坐一面而白佛言世尊我等二
 人於勝樓閣妙寶臺上說法集時諸佛如來
 於一切法悉知見覺無有障礙世尊我等二
 人所說法集隨順佛意不耶爾時佛告二菩
 薩言善男子如汝所說諸佛如來於一切法

悉知見覺無有障礙善男子汝等二人所說
法集善順我意善男子一切菩薩所有言說
皆是諸佛如來威神之力善哉善哉善男子
汝今快說此妙法集若有諸菩薩欲說法集
者應如汝等所說善男子汝等所說妙法集
者則爲已作諸佛如來所作之事善男子我
於汝等二人所說法集生隨喜心爾時慧命
舍利弗語無所發菩薩摩訶薩言善男子汝
以何義名無所發無所發菩薩言大德舍利
弗若有菩薩休息一切身口意業不著一切

所作之事不求一法不離煩惱不欲得法見
過去未來諸法真如平等亦不見法有下中
上是故名爲無所發復次大德舍利弗一切
諸法皆無所發以本無故舍利弗法若有始
則有所發諸法無始無始云何言有所發慧
命舍利弗言法若如是汝云何言說於法集
無所發菩薩言大德舍利弗我無所發而說
法集無所發菩薩謂舍利弗言舍利弗於意
云何汝之所問爲有所發問爲無所發問若
言有所發問者依何因緣而有所發然不離

於法而有所發不離於法而有所問大德舍利弗若是無發問者則爲入我所說法集慧命舍利弗言善男子我有所問汝亦有說云何而言無所發耶無所發菩薩言大德舍利弗汝之所問我之所說皆如幻說如是菩薩摩訶薩安住真如法界所說應知大德舍利弗夫幻人者無心無心數法一切衆生亦復如是無心無心數法若如是者云何有發大德舍利弗如因幻師幻有所說如是菩薩摩訶薩依真如法界能有所說應如是知慧命

舍利弗言善男子譬如幻師所作幻事非實非不實若如此者汝亦應爾非實非不實無所發菩薩言大德舍利弗諸佛如來覺一切法皆如幻相故說諸法虛妄如幻舍利弗言如是善男子諸佛如來覺一切法如幻說一切法如幻無所發菩薩言大德舍利弗猶如雜四彼幻非實非不實一切諸法亦復如是非實非不實應如是知無所發菩薩言舍利弗若諸法有實不實者不應說言一切諸法猶如幻相慧命舍利弗言善男子汝何所爲行菩

薩行無所發菩薩言大德舍利弗我行菩薩
行不爲於義非不爲義何以故若有菩薩爲
義行者如是菩薩則有所見而行於行若有
所見而行其行如是菩薩則不隨順諸佛如
來何以故若有所見而行其行者如是之人
尚不能隨無生法忍何況即入無生法忍若
離無生法忍則不隨順諸佛如來若不爲義
而行於行如是之人行於邪道行邪道者此
則無實義慧命舍利弗言善男子若不爲義
非不爲義如是菩薩於何處行無所發菩薩

言大德舍利弗隨在何處一切毛道凡夫所
行菩薩即彼處行舍利弗言善男子毛道凡
夫於何處行無所發菩薩言大德舍利弗隨
諸佛如來於何處行毛道凡夫即彼處行而
毛道凡夫不知諸佛隨處行我亦彼處行慧
命舍利弗言善男子若毛道十九凡夫不知諸佛
所行境界云何而言諸佛如來隨何處行毛
道凡夫即彼處行無所發菩薩言慧命舍利
弗汝今能知佛境界不舍利弗言善男子我
但如彼文字而取云何能知諸佛境界善男

子然諸聲聞從於如來聞聲分別而言得知善男子諸佛境界無量無邊而不離諸佛境界更有凡夫境界無所發菩薩言大德舍利弗若不離諸佛境界更有凡夫境界者舍利弗向言諸毛道凡夫不知佛境界此言云何慧命舍利弗言善男子諸佛如來超過世間毛道凡夫於行世間是故諸毛道凡夫不知諸佛境界無所發菩薩言大德舍利弗於意云何諸佛如來有所得有所住有所利益不舍利弗言善男子諸佛如來無法不知知一

切法覺一切法已能於有為法中利益衆生無所發菩薩言若舍利弗如是知何故言諸佛如來超過世間此是大德舍利弗不思量而說舍利弗若如來超過世間即如來無所得無所住無所作利益舍利弗汝言已壞爾時慧命舍利弗語無所發菩薩言善男子我先已壞非適今也曾於過去退善根及一切智智心故善男子我於仁者樂說辯才深生隨喜願一切衆生皆得是辯才說此法集時八萬菩薩得無生法忍六萬天子得遠塵離

垢得法眼淨五千比丘轉聲聞心發阿耨多
羅三藐三菩提心彼諸比丘佛為授記各於
種種佛國土中成阿耨多羅三藐三菩提爾
時無所發菩薩摩訶薩白佛言世尊世尊云
何菩薩摩訶薩善知可取能取法佛言善男
子若菩薩知一切法菩薩爾時善知可取能
取法無所發菩薩言世尊云何善知一切法
佛言見一切法如夢幻乾闥婆城陽燄火輪
水中月化鏡中像無所發菩薩言世尊何者
是一切法而見如夢幻乾闥婆城陽燄火輪

第四

二十

水中月化鏡中像佛言善男子言一切法者
謂眼色耳聲鼻香舌味身觸意法善男子是
名一切法見如夢幻乾闥婆城陽燄火輪化
水中月鏡中像能取者謂眼耳鼻舌身意可
取者色聲香味觸法菩薩摩訶薩悉見知覺
能取可取諸法亦能善說是故名為一切智
者若一切智者是人離使煩惱若能離使煩
惱是人無我無我所如虛空無分別於一切
眾生得平等心以得平等心故得一切處寂
靜心得寂靜心故名為法行自然堅固者於

一切衆生作上首者一切法中無障礙者大
慈大悲者不可動轉者三藐三佛陀者無所
發菩薩言世尊菩薩欲得如諸佛如來妙法
云何修行佛言菩薩欲得諸佛如來如是法
應生平等心猶如大地以能忍受一切衆生
諸不善行及惡語言故又應生平等心猶如
淨水以能洗除身及衆生虛妄分別微塵煩
惱垢故又應生等心猶如猛火能以智火焚
燒自及諸衆生煩惱薪故又應生等心其相
如風以能遠離一切著故又應生等心猶如

虛空以一切處無障礙故善男子如師子王
菩薩亦爾以一切處不驚不怖故譬如龍象
菩薩亦爾以調伏心荷負一切衆生諸重擔
故譬如大雨菩薩亦爾以其降澍妙雨故譬
如日光菩薩亦爾以智慧光照一切衆生故
譬如明月菩薩亦爾以一切衆生隨其所在
見者愛樂故譬如大商主菩薩亦爾將導衆
生趣一切智大寶洲故譬如良醫菩薩亦爾
以能療治一切衆生煩惱病故如拔刺者菩
薩亦爾以能拔出一切衆生於諸法中疑惑

心故譬如海導師菩薩亦爾以能善知一切
智知諸方義故譬如船舫菩薩亦爾以能善
度諸衆生大海水故譬如衆水河池等菩薩
亦爾以能資潤一切衆生故如王大道菩薩
亦爾平等能津通諸衆生故譬如寶洲菩薩
亦爾以能具足一切菩提分法故譬如如意
寶須者皆得菩薩亦爾能與衆生無量利益
所求法故譬如良馬菩薩亦爾以能運代疲
苦衆生故譬如大海菩薩亦爾智慧甚深難
測量故譬如須彌山菩薩亦爾於佛菩提不

傾動故譬如一切諸妙寶樹菩薩亦爾以能
具足勝莊嚴故譬如閻浮檀金菩薩亦爾以
希有難得故譬如帝釋王菩薩亦爾於諸法
中能得增上自在力故譬如大梵王菩薩亦
爾具足寂靜諸威儀故譬如護世四天王等
菩薩亦爾以能護持勝妙法故譬如轉輪王
菩薩亦爾以能修行十善業故譬如大臣菩
薩亦爾以能守護諸佛如來秘密法故菩薩
應生出家心以善住沙門法故菩薩住沙門
法中以寂靜身口意業故菩薩住阿蘭若處

難四

廿二

以成就禪定三昧三摩跋提通明解脫故菩薩住禪定中以得真如甚深空故菩薩住寂靜處以能教化乾闥婆緊那羅摩睺羅伽成就呪術妙藥聖人法故菩薩安住明智以能具足成就三明故菩薩住於勝寂以得殊妙六通法故菩薩住多聞慧以能善知陰界入等差別法故菩薩住於師處以能善知一切諸論故菩薩住法師地以能遠離飲食供養說法教化故菩薩善住毗尼法中以能遠離貪瞋癡等諸煩惱故菩薩住於摩夷處以能

一切處寂靜故菩薩住於柔軟心以能遠離一切所求故菩薩不住掉心以能遠離貪煩惱故菩薩不住高心以能遠離瞋煩惱故菩薩不住諸惡語言以能遠離癡心故菩薩不住雜亂語言以能成就善護言語故菩薩住卅三於大師以能修行卅四大乘法故菩薩善住荷擔負重以能成就大菩提心故譬如大水菩薩亦爾以能利潤受用衆生故譬如大城菩薩亦爾以能滿足一切智智功德故譬如僮僕菩薩亦爾以心慈悲代諸衆生勤苦事故

復次善男子菩薩於惡衆生柔順心於憍慢衆生恭敬心於諂曲衆生質直心於稠林行衆生不生稠林行心於不修行衆生救度心於無慙衆生於慙心於無愧衆生於愧心於邪論衆生不怯弱心處於大衆不生怖心世間之法不能染汙一切諸魔不能破壞外道邪論不能降伏於所尊者生敬重心常於師長生供養心於多聞者生奇特心於得禪定者生希有心於黠慧者生深行心於諸法師生愛敬如佛心於諸菩薩

生歸依心於諸如來生究竟心於如實修行者生堅固心於一切煩惱不驚不怖不證涅槃起大慈悲行世間行爲度衆生不以染心說法教化而常遠離一切供養恭敬故遠離顛倒心以如實知無常苦空無我不淨故具足解脫心以能遠離境界故成就如實生以生聖人如實家故成就如實智慧以常出家心故成就聖行以如實知苦集滅道故成就大人相以具足持戒多聞不放逸故成就一切衆生平等心善知世間無我故成就不顛

倒法以聖印爲印故成就道場心以不退印
爲印故諸菩薩等常成就清淨心行成就普
莊嚴威儀行不樂說世間技術語言不樂近
惡知識不樂供養恭敬諸事不樂說世間雜
語不樂說諸國土事不樂說諸王事不樂說
賊盜事不樂說婦女事不樂說言會事不樂
說征戰事不樂朋黨諍訟不樂諸惡國城邑
聚落邊地難處不樂近妓樂歌儻戲笑等人
復次善男子不樂與慳嫉人俱不樂與破戒
邪見多集諸惡放逸輕法等人俱不樂與多

瞋恨顛倒亂心人俱不樂愚癡瘖瘂如是等
人悉不與俱菩薩摩訶薩常樂勇猛捨法資
生無畏等施斷除貪瞋癡煩惱大妙行者樂
離憤亂處樂於靜默常樂閑獨所謂高山巖
嶺溝壑草木叢林清泉流水樂如是等清閑
之處初夜後夜捐於睡眠精勤修行發聞思
修慧及諸禪定三昧陀羅尼自在神通無量
無邊百千萬億法門而現在前見無量百千
萬億佛得百千萬億三昧百千萬億陀羅尼
門能教化百千萬億衆生菩薩應成就如是

等心則能得彼如來妙法

爾時無所發菩薩摩訶薩白佛言世尊若能
如實修行者此大乘法故即是如說修行者
所乘之法若能不放逸者是人名為如實修
行世尊又如實修行者謂發菩提願不放逸

辨四

廿五

者謂滿足菩提願復次如實修行者謂修行
布施不放逸者謂不求報復次如實修行者
受持淨戒不放逸者成就不退戒復次修行
者始修忍辱行不放逸者得無生法忍復次
修行者求一切善根而不疲倦不放逸者捨

一切所作事故復次修行者始修禪定不放
逸者不住禪定復次修行者滿足智慧不放
逸者不戲論諸法復次修行者守護妙法不
放逸者不見諸法復次修行者令諸衆生得
大菩提不放逸者不見諸衆生復次如實修
行者聚集一切善根不放逸者迴向大菩提
復次如實修行者以菩提為實法不放逸者
如實知一切法如菩提相復次如實修行者
得無生法忍不放逸者願取有生復次如實
修行者往詣道場示現一切勝莊嚴事不放

逸者如實知阿僧祇劫復次如實修行者如實知菩提不放逸者過去諸業皆善修故復次如實修行者至大涅槃不放逸者善知諸法本性寂滅世尊菩薩摩訶薩善能如是修行及不放逸於得菩提不以為難世尊以是義故菩薩摩訶薩應當修習如實修行及不放逸世尊是則名為微妙法集

爾時慧命舍利弗白佛言世尊如我解佛所說義者若有菩薩摩訶薩於佛如來及諸菩薩所說法集聞而生信及能修行是諸菩薩

有妙法集何以故若不信法者則無法集若不行精進者亦無法集若人能於諸聖所說法中生希有心生如實心是菩薩有妙法集世尊若人不自讚已亦不毀他是人有妙法集世尊若人於聖慈心於非聖攝受心若有人不見自勝不見他劣若人於平等法生於等心於不平等法亦生等心於等亦生等心於等不等亦生等心而不分別等以不等是人有妙法集若人但聞一句而能了知百千萬句當知是人有妙法集若人聞法不靜不

卅四

廿六

永樂北藏

法集經

第五〇册

法集經卷第五

難五

元魏三藏法師菩提留支譯

爾時慧命大目犍連白佛言世尊若菩薩作是思惟我能說法集如是菩薩則不能說何以故有我見者生如是心我能說法彼人聽法若人遠離我相是人不見我能說法他能聞法不見彼二非不見二世尊一切有法皆非實有隨何等法生分別心謂是實有當知是法虛妄無實諸菩薩等於彼法中不生分別是法實有何以故不生分別謂是實有菩

薩摩訶薩知一切法虛妄不實猶如幻人有所言說世尊夫虛妄者實無而似有如是之法隨順於空不違因緣隨順不生不滅是人
不違空法及諸因緣隨順不生不滅捨離種種分別斷我見遠離一切邪見諸菩薩摩訶薩知諸法虛妄而能隨順世間說名為有
若能如是說虛妄法令他人知是名法集能說者說何等法以為法集說一切法法皆一
相如是法集是名微妙法集世尊我今所說法集為得隨順如來所說法集不耶佛言如

是目健連汝之所說隨順佛意

爾時慧命富樓那彌多羅尼子白佛言世尊
世尊若人爲求福故說於法集是人所說則
爲可呵何以故以著我故若著我我所相是
人所作罪行福行不動行不離邪見所作事
當知是人不能自利亦不利他世尊若人不
能知如是法集是人不起罪行福行及不動
行若人能知法集是人不集五陰亦非不集
不集十八界亦非不集不集十二入亦非不
集是人不取衆生亦非不取不取法亦非不

取不取實亦不取虛不取境界亦不離境界
是人_二不取貪瞋癡亦不離貪瞋癡不取世間
不取涅槃不取諍訟亦不取默然不取空亦
不取邪見不取無相亦不取覺觀不取無願
亦非不取不取諸佛法亦不取凡夫法不取
法亦不取非法不取_五聖僧亦不取外道僧世
尊菩薩摩訶薩知一切法不求究竟處何以
故是菩薩知一切法無非究竟故是菩薩不
求解脫一切諸法本性寂滅無非解脫是菩
薩不樂一法亦不厭一法是菩薩知諸佛法

非是自法亦非他法不取一法不捨一法若有取捨則為可呵不行不住若有行住是亦可呵不喜不憂若有憂喜是亦可呵世尊如是所說名為法集世尊我今所說法集為得隨順如來所說不耶佛言富樓那汝之所說隨順佛意

爾時慧命摩訶迦旃延白佛言世尊若人有法相非法相依此二相說法者是人名為住無明中何以故若人見非法如實見即是真法世尊若菩薩如實見非法即是真如世尊

夫真法者無所從來無所至去法不依人世尊法於人不遠不近法於處所亦無遠近世尊法無是念我於上衆生行於下中衆生不行於下中衆生行於上衆生不行世尊法非相得名亦非非相得名何以故世尊聖人見所有相者皆是縛^五非相者亦是縛^三世尊法非離亦非修行世尊能知法者遠離修行世尊法不與他亦不自取而隨所欲利益不同以無作者故世尊法於諸佛不生親想毛道凡夫不起怨心世尊以無分別戲論想故世尊

法不近佛不遠凡夫而隨所行得法不同世尊如是之法是名法集世尊我所說法集為得隨順如來所說法集不耶佛言摩訶迦旃延汝之所說隨順佛意

爾時慧命大迦葉白佛言世尊若人求於寂靜而說法集如是之人則無法集世尊一切諸法不離寂靜以無二故夫二法者不知於二以其遠離心意意識智故一法者亦不求二以其遠離求欲法故一法者亦不二以無所造作故復次世尊夫寂靜者即不二法不

二法者不離諸法世尊一切諸法不二相以自性空故自性無相自性無願自性無作自性不生不滅非清淨相而亦可得亦非不淨相而是可得非慳者得非能施者得非破戒者得非持戒者得非瞋恨者得非忍辱者得非懈怠者得非精進者得非散亂者得非禪定者得非愚癡者得非智慧者得若能如是不得諸法是則名為真實得法若於諸法有所得者則不能得有所行境界者則不能得心行境界者行二法者見所有法者依止法

者求證法者離煩惱者求究竟者見佛者見法僧者見世間者見涅槃者則不能得如是境界復次世尊若人求法者於一切法應無所求世尊於一切法無所求者名真求法世尊正見菩薩不見於法及以非法而於諸法如是思惟遠離我釋五所心無所著名為真法若遠離虛妄不實名為真法若遠離一切求名為真法若知一切法離戲論名為真法若有菩薩能如是說是則名為真實法集世尊我今所說妙法集為得隨順如來法集不耶佛

言迦葉汝之所說隨順佛意

爾時慧命須菩提白佛言世尊夫言法者名為不諍若能不諍是人有法世尊眼之與色無有諍競耳聲鼻香舌味身觸意法亦無所諍是名為法又云何眼色二法無所諍競以不和合故以此二法不相到故耳聲鼻香舌味身觸意法亦不和合不相到故夫不到不合法皆無違諍世尊法無有二是故法不諍世尊諸法無二各不相知不知不分別離種種分別不生不滅不增不減不樂不厭不住

世間不住涅槃夫真法者不言人能得法法
爲人得世尊諸法不厭不樂不染不淨世尊
若人言我知我覺我說如是之言皆是虛妄
分別十二入法世尊而此諸入無如是心我
能分別若人能知如是之法當知是人^五不與
物諍若能不與物諍是人隨順沙門道法若
能隨順沙門行法是人不去不來不行不住
不進不退見諸法即法行見諸法即解脫行
見諸法即法界見諸法即究竟而不見有究
竟之者諸所見法唯是名字唯是虛假唯是

幻偽若能如是見虛假不實如是等人名爲
見法世尊見法者名爲見佛見非法名爲見
佛見佛者名見諸衆生見非衆生名見因緣
見非因緣名爲見空見非空名爲不見世尊
是名正見諸法世尊若能如是正見諸法當
知是人能隨佛意隨順於法隨順於僧世尊
若諸菩薩得如是等無諍法忍尚不與彼諸
魔共諍況復與其同行菩薩而生違諍若與
違諍無有是處何以故是菩薩見一切語言
皆能成就我行是故不應與彼諍法以無諍

法故菩薩畢竟得無諍法以畢竟得無諍法故是菩薩名為得一切畢竟法於一切法中得平等如見自身平等見一切法亦復如是平等住平等忍是故名為得畢竟諸法平等無所去無所來是故名為得畢竟世尊菩薩如是得諸法畢竟如是菩薩所有言說皆是法集悉與衆生安隱樂須菩提白佛言世尊我今所說法集為得隨順如來法集不耶佛言須菩提汝之所說隨順佛意須菩提汝今說是法集時五千天子遠塵離垢於諸法中

得法眼淨五千天子發阿耨多羅三藐三菩提心須菩提若有菩薩聞汝所說微妙法集是菩薩即知自身到大法海即知此身為不空過必得妙樂須菩提是名諸佛如來第一法集

爾時慧命阿那律第五白佛言世尊六一切法文字名為法集何以故文字之性無有盡相無盡相者即是文字世尊我說言語唯是文字世尊夫文字者不從自身出不從他身出是諸名字不作是念我出音聲世尊諸文字者不

增不減世尊菩薩知諸文字與一切法其性平等世尊菩薩若能如是畢竟知諸法音聲是故菩薩不為音聲之所障礙諸有所聞一切音聲皆是佛聲皆是空聲是無相聲是無願聲是法界聲是實際聲是菩薩無有一法能為障礙一切智是菩薩不見有法離佛菩提是菩薩見一切法悉無障礙能見諸法同佛菩提不相違背是菩薩不見諸法有進有退是菩薩不見諸法而常利益一切衆生菩薩如是於諸法中得畢竟忍得是忍故成就

甚深樂說辯才何者是甚深樂說辯才隨諸菩薩所有辯才聲聞辟支佛不能測量是菩薩得安隱樂說辯才安隱樂說辯才者隨以辯才能令一切衆生得安隱樂又得應說辯才應說辯才者隨諸衆生所應聞法稱彼根性廣略說法是名應說辯才又得捷疾辯才捷疾辯才者隨以辯才言辭速疾教化一切衆生又得聰利辯才聰利辯才者隨諸衆生上根利智為其說法令得利疾解脫又得同上樂說辯才同上樂說辯才者所有說法上

與佛同又得增長辯才增長辯才者隨以辯才說一字句能生百千萬億上上辯才又得輕樂說辯才何者是輕樂說辯才隨何等辯才知相貌而說法又得愛樂辯才愛樂辯才者隨以辯才令聞法者無有厭足又得調順辯才調順辯才者所有辯才不違佛意又得柔軟辯才柔軟辯才者所有辯才不生憍慢無放逸心又得寂靜辯才寂靜辯才者隨以辯才能令自他寂靜又得隨順音聲辯才隨順音聲辯才者隨以辯才教化衆生入聲聞

乘又得遠離辯才遠離辯才者隨以辯才教化衆生令得辟支佛乘又得最勝辯才最勝辯才者隨以辯才說辯才隨何等辯才教化衆生令入大乘又得不共辯才不共辯才者隨以辯才能說十力四無畏十八不共法又得寂滅辯才寂滅辯才者隨以辯才能說諸菩提分法又得無譏嫌辯才無譏嫌辯才者隨以辯才令衆生歡喜信樂又得諸力辯才諸力辯才者隨以辯才悉能降伏一切衆魔外道邪論又得善說辯才善說辯才者所有

辯才為四衆說法不生畏懼世尊如是名妙
法集世尊我今所說法集為得隨順如來所
說不耶佛言阿那律汝之所說隨順佛意
爾時慧命羅睺羅白佛言世尊菩薩欲說法
集應當推求受持法者何以故從受持者而
得於法是故應求唯以專心求法為最何以
故由於重法而能得法不由重食得正法利
知捨身命必有來果非於所觀而得其報常
求靜處不樂憤鬧近安隱者非破戒者近恭
敬者非憍慢者近安樂行者非剛犷者近柔

輒心者非堅韌者近寂靜心者非著心者近
發露罪者非覆藏惡者近樂一切施者非慳
嫉者近持戒者非破戒者近忍辱者非瞋恨
者近精進者非懈怠者近禪定者非散心者
近智慧者非愚癡者近多聞者非少聞者近
正念者非邪念者近修善業者非行惡業者
近愛樂佛法者非樂世法者近樂空者非於
邪見退沒者近持戒者非自歸者復次世尊
若人能持戒是人則有法何者是戒世尊一
切諸戒悉皆攝在三種戒中何等為三所謂

增上戒增上定增上慧世尊若菩薩能於此
三種戒中學者當知是人已於一切大乘戒
中學世尊何者是菩薩摩訶薩增上戒世尊
菩薩能持波羅提木又戒而不以波羅提木
又戒為清淨以依修持菩薩戒菩薩成就諸
威儀境界而不以威儀為清淨九以依菩薩威
儀境界故乃至小罪心懷怖懼以依菩薩智
慧故何者是菩薩智慧謂菩薩如實知一切
法以其不畏諸業煩惱故是名菩薩智慧何
者是菩薩境界所謂為空非是種種分別境

界知平等戒以學於戒知空平等而學於戒
是故言知空平等而學於戒知無相平等知
無願平等知無作平等知無生無滅平等而
學於戒是故言知平等而學於戒復次世尊
菩薩作是念我今以此波羅提木又戒令一
切衆生受持是名菩薩增上戒學世尊何者
是菩薩增上定學所謂修習四禪四空三摩
趺提菩薩又作是念我今以此增上定學成
就一切衆生是名菩薩增上定學何者是菩
薩增上慧學所謂菩薩學十八空菩薩又作

是念我今以此十八空法令諸衆生皆悉知見是名菩薩增上慧學世尊菩薩此三種學悉能攝取一切諸學復次世尊若有菩薩能護衆生如是菩薩能持淨戒若持淨戒而不著持戒如是菩薩依彼持戒滿足一切諸衆生心世尊出家持戒菩薩於一切物不生愛著寂靜持戒菩薩於一切言語不生樂心冥坐持戒菩薩於一切所說音聲不生樂心禪定持戒菩薩於一切境界不生樂心解脫持戒菩薩於一切生處不生樂心聞法持戒菩

薩於世間所說不生樂心說法持戒菩薩乃至往詣百千萬億由旬說法而不疲倦護法持戒菩薩於一切惱害逼切事中不生疲倦菩提心持戒菩薩諸所修行悉爲安樂一切衆生不爲自身深心持戒菩薩欲令一切衆生先得菩提不求自證增上深心持戒菩薩於利他事多生歡喜不於已利而生喜心修行持戒菩薩爲一一菩提分法於無量劫精勤修行能成彼法而不疲倦布施持戒菩薩乃至能捨頭目髓腦利益衆生尸羅持戒菩

第五

十

薩不捨破戒衆生忍辱持戒菩薩不畏一切
諸魔擾亂精進持戒菩薩爲諸衆生修習菩
提而不疲倦禪定持戒菩薩於一切音聲及
一切所作事不生染著般若持戒菩薩見一
切法其性平等如菩提相空行持戒菩薩不
行世間行大悲持戒菩薩不入涅槃世尊如
是持戒名爲法集世尊我今所說法集爲得
隨順如來所說不耶佛言羅睺羅汝之所說
隨順佛意
爾時慧命優波離白佛言世尊若菩薩自遠

離煩惱亦令衆生遠離煩惱所有衆生界法
界貪瞋癡界菩薩作是念乃至衆生界盡法
界盡貪瞋癡界盡於爾所時教化衆生而不
疲倦菩薩又作是念一切諸法本性寂滅而
諸衆生不覺不知何以故諸法空寂彼處不
行所謂一切邪見及諸諍訟皆悉不行一切
法無相滅彼處一切覺觀思惟等心皆悉不
行一切法無願滅彼處一切所求願欲等法
皆悉不行一切法無我滅彼處一切所著皆
悉不行一切法無衆生滅彼處一切種種皆

悉不行一切法無命滅彼處一切生死皆悉
不行一切法實諦滅彼處一切虛妄皆悉不
行一切法因緣集滅彼處一切壽者皆悉不
行一切法四念處滅彼處一切諸念諸行皆
悉不行一切法四正勤滅彼處一切諸法無
取無捨不行一切法四如意足滅彼處無去
來不行一切法五根滅彼處一切高下不行
一切法五力滅彼處一切降伏不行一切法
七覺分滅彼處一切闇相不行一切法八聖
道滅彼處惡業邪思惟皆悉不行一切法十

力滅彼處一切習氣不行一切法四無畏滅
彼處一切驚怖畏懼不行一切法十八不共
法滅彼處一切功用行不行一切法智慧滅
彼處一切無明不行一切法無作者滅彼處
一切行不行一切法無念滅彼處一切智識
不行一切法無覺滅彼處一切名色不行一
切法無依滅彼處一切六入不行一切法不
盡滅彼處一切觸不行一切法不知滅彼處
一切受不行一切法無我滅彼處一切愛不
行一切法無所取滅彼處一切取不行一切

法無身滅彼處一切有不_行一切法不滅彼處一切生不行一切諸法堅固滅彼處一切老不行一切法不盡滅彼處一切死不行世尊是名諸菩薩無障礙智門菩薩住此無障礙智門一切諸魔不能降伏外道論師不能破壞知一切煩惱不能染汙一切諸佛常共讚歎一切諸天之所歸敬世尊菩薩摩訶薩能到如是畢竟智門名為得大法藏名為不貧窮名為守護諸佛如來密藏名為諸佛如來所可信者名為所應作已作所應辦已辦

第五

十二

名爲逮得已利猶如大海不可測量如須彌山不可傾動世尊如是名爲勝妙法集世尊我今所說法集爲得隨順如來所說不耶佛言優波離汝今所說隨順佛意優波離諸菩薩摩訶薩依此法集而修行者能得阿耨多羅三藐三菩提

爾時慧命阿難白佛言世尊諸菩薩護持妙法於諸業中最爲殊勝世尊菩薩若能修行護持妙法隨順菩提及諸佛如來何以故諸佛如來尊重法故世尊云何是護持妙法所

謂菩薩能說諸佛一切甚深修多羅能讀能誦思惟修習是名菩薩護持妙法復次世尊若菩薩攝受修行名為護持妙法世尊何者是菩薩攝受修行世尊諸菩薩等所有身業口業意業皆為利益一切衆生大悲為首大慈第五增上加護衆生得安隱樂護法菩薩如是十三深心作是思惟隨以何行能與衆生安隱樂事我應修行如是等行是故即成五陰中觀雖作此觀而能不求捨離五陰觀界如毒蛇以修於行而心不求捨十八界觀入如空聚

落以修於行而心不求捨十二入如是觀色如聚沫以修於行而心不捨成就諸佛如來色身莊嚴觀受如泡以修於行而心不捨成就諸佛如來禪定三昧三摩趺提諸佛妙樂觀想如陽燄以修於行而心不捨成就諸佛如來智慧修行觀行如芭蕉以修於行而心不捨成就諸佛如來妙法修行觀識如幻以修於行而心不捨成就智慧為首身口意業清淨修行修行布施不求果報修行持戒救破戒衆生修行忍辱能調伏衆生修行精進

成就一切善法修行禪定成就身心柔軟修行般若照了一切法相修行四念處則身心無垢修行四正勤得無障礙智修行五根能成進趣行修行五力則不退菩提修行七覺分則無疑網修行八正道則無過失修行四梵行得如意自在復次世尊若菩薩知空則能攝受妙法又空者名無戲論世尊有戲論者則無攝受妙法世尊若知空無相是人名爲攝受妙法若取相者則爲無有攝受妙法世尊以諸法空無相故則無有願無有願者

則能攝受妙法依止願者則無攝受妙法世尊見諸法者則無攝受妙法依止我所者則無攝受妙法有憍慢者則無攝受妙法依供養恭敬讚歎者則無攝受妙法依嫉妬慳吝者則無攝受妙法著欲害瞋恚者則無攝受妙法世尊攝受妙法者以菩薩於衆生不生差別相於法不生差別相故世尊如是菩薩攝受妙法世尊菩薩見諸法不生不滅是名菩薩攝受妙法菩薩見諸衆生不去不來是名菩薩攝受妙法見自身不染不淨是名

難五

十四

菩薩攝受妙法於諸佛法不樂於外道法不
厭是名菩薩攝受妙法受持八萬四千法藏
而不起法想之心是名菩薩攝受妙法不共
一切煩惱隨煩惱及住一切惡不善法而不
起非法想是名菩薩攝受妙法得解脫心而
不起心我得解脫是名菩薩攝受妙法於一
切諸佛作弟子之業而不起身口意心以修
於行是名菩薩攝受妙法於一切法皆悉自
在而不起法非法想是名菩薩攝受妙法於
一切諸法不取不捨而修於行是名菩薩攝

受妙法不為得法亦不為證而修於行是名
菩薩攝受妙法於一切物中不生著心是名
菩薩攝受妙法若菩薩起非凡夫非學人非
羅漢心無所依止而斷貪瞋癡結是名菩薩
攝受妙法若菩薩於菩提得受記而十五不求
佛菩提是名菩薩攝受妙法若菩薩詣道場
時於一切處皆見道場是名菩薩攝受妙法
若能降伏諸魔而不見諸魔及魔眷屬是名
菩薩攝受妙法若能成佛菩提而不證先所
無法是名菩薩攝受妙法若能轉大法輪而

不成衆生不壞衆生是名菩薩攝受妙法若能降伏諸魔外道而不鬪諍是名菩薩攝受妙法若能生而非新生而非故生是名菩薩攝受妙法若能死而不盡是名菩薩攝受妙法若能超過三界而無去處是名菩薩攝受妙法若能離諸言語音聲而無言語是名菩薩攝受妙法能於一切法不貪於一切法不厭是名菩薩攝受妙法世尊是名勝妙法集世尊我今所說法集隨順如來所說法集不耶佛言阿難汝所說法集深得我意阿難說

是妙法集時八萬天子發阿耨多羅三藐三菩提心三萬二千菩薩得無生法忍五百比丘遠離諸漏心得解脫

爾時彌勒菩薩摩訶薩白佛言世尊世尊譬如捨於糠粃取於米實世尊菩薩亦復如是捨於非法取於正法又菩薩捨於慳貪取於布施捨於破戒取於持戒捨於瞋恨取於忍辱捨於懈怠取於精進捨於散亂取於禪定捨於愚癡取於般若若是名勝妙法集復次世尊有所求者則是非法若不求者則是不取

若不取者則是不護若不護者則是不染若不染者則是不諍若不諍者則是不悟若不悟者則是不損若不損者則是不行若不行者則不退轉若菩薩不退轉者是菩薩諸佛如來為授阿耨多羅三藐三菩提記世尊是名為法第五是名勝妙法集復次世尊若菩薩生如是心我不退轉阿耨多羅三藐三菩提心是菩薩諸佛如來則不與授記何以故世尊一切煩惱以求為根本世尊遠離諸求名為離煩惱以離煩惱故諸佛如來為其授記復

次世尊菩薩作是思惟受記者是世間虛妄言說何以故受記之人是無能授記者亦無若俱無者何處受記唯世尊大悲隨順世間有是言說若菩薩能知如是諸法名菩薩受記世尊譬如幻師為幻授記而彼幻化者無如是心我受記我成正覺世尊菩薩亦復如是如彼幻化無分別心而菩薩作是思惟菩提非可證相亦非可捨相菩提非是生相亦非滅相菩提非是身證亦非心證菩提不在內亦不在外亦非中間菩提無如是心我

是菩提菩薩能證於我世尊是名勝妙法集
復次世尊菩薩於歡喜地中不慙愧不憂惱
於離垢地中不增不減於明地中不闇不明
於燄地中不取不捨於難勝地中無勝無負
於現前地中不自覺不因他覺於遠行地中
不去不住於不動地中不動不分別於善慧
辯五
地中不成亦不欲成於法雲地中不自覺亦
不他覺於佛地中能作一切事而亦不作一
切事是故如來自然無戲論世尊是名菩薩
摩訶薩勝妙法集世尊菩薩如是至隨順智

於所說法中而得自在云何說法自在於一
切言語不著故又得清淨自在云何清淨自
在於一切處不染故又得樂說自在云何樂
說自在謂依一法字句不暫休息於百千萬
劫說不可盡故又得智自在云何智自在於
一一法字句能說為百千萬法門故又得生
自在云何生自在隨所隨所利益眾生之處
於彼彼處生故又得三昧自在云何三昧自
在於念念中若欲入三昧即能入三昧故又
得住持自在云何住持自在隨所隨所住持

加故所謂若麀鹿若鳥獸若草木若石壁能說諸佛妙法故又得眷屬自在云何眷屬自在得無量眷屬不可壞眷屬故又得見自在云何見自在謂見妙色故又得聞自在云何聞自在謂聞妙聲故又得鼻自在云何鼻自在所聞一切香唯是妙法香故又得舌自在云何舌自在謂食法味不食食味故又得身自在云何身自在得成就法身非食身故又得心自在云何心自在乃至蚊蚋蟻子知行知心故世尊是名勝妙法集

爾時見者愛樂菩薩白佛言世尊世尊菩薩如是如是行以是等行衆生見者即生歡喜何以故世尊菩薩餘無所作唯教化衆生世尊是名菩薩根本勝妙法集世尊是故菩薩應當修學樂法之行世尊何者為愛樂法菩薩有四種愛樂法何者為四所謂不求果報而施一切衆生平等之心以愛語防護一切衆生惡行利益成就愛一切衆生猶如自身以同事故世尊是名菩薩四種愛樂法為一切衆生之所愛樂復次菩薩摩訶薩有四種

第五

十八

法能作愛樂事何者為四謂多聞慧以無憍慢心故說法忘相以離供饒心故於彼尊者生於尊重以求智慧故發行精進以教化一切眾生故是名菩薩四種法能作愛樂事復次菩薩有四種法能作愛樂事何等為四所謂成就淨戒以法施施故成就知足以寂靜處住故以往閑默處故得於禪定善住城邑聚落以不破諸威儀境界故是名菩薩四種法能作愛樂事復有四法所謂實語者以樂說故法語者以說空故忍辱語者以平等心

故寂滅語者以護諸根故是名菩薩四法能作愛樂事復次菩薩有四種法能作愛樂事何者為四所謂先意問訊以善語故其意易滿以隨得少事而知足故成就不諂曲以如語如說行故無欺詐稠林行以不誑一切眾生故是名菩薩四種法能作愛樂事復次菩薩有四種法能作愛樂事何者為四所謂不生惡心以內寂靜故不生癡心以外不顛倒故不生慳心以觀一切事無常故不生憍慢心以如實知諸法故是名菩薩四種法能作

愛樂事復次菩薩有四種法能作愛樂事何者爲四所謂得甚深心先意問訊故遠離愛染得柔軟愛語故捨離一切諸心而常不捨菩提心故深心第一義而隨順世諦故是名菩薩四種法能作愛樂事故世尊是名勝妙法集復次世尊菩薩得第一空得大通明得大自在善知說於法集愛樂甚深之法隨順諸衆生畢竟得不可思議希有法者得柔軟法者得大通者得大法師者得大法王者得大所作者作大衆生依者得大神通奮迅者

爲教化衆生不退而生不生而死不死所作已成而成菩提得解脫心而發精進入於涅槃而行滿足而求不求而修行一切智而問於他世尊一切諸海可以量知而彼菩薩摩訶薩大乘智海不可量知世尊虛空清淨可以塵垢而彼菩薩摩訶薩心不可得染世尊風雖無形可以手執而彼菩薩摩訶薩心六塵境界所不能著世尊春陽之燄可以撮摩而彼菩薩摩訶薩我所心不可而得世尊是名勝妙法集

爾時善目菩薩摩訶薩白佛言世尊世尊菩薩修一切諸法唯是發菩提心以為根本何以故世尊一切諸法皆是虛妄離心分別體無諸物離一切物如幻無根本隨所求而成遠離作者受者其性不住離於諸住故世尊

雜五

二十

一切諸法無始無終以無二離二故世尊諸法無我無我所以無王故諸法平等如彼法界以非客故世尊諸法非主以遠離諸貪故諸法離於分別及種種分別以遠離可取及捨心故諸法不來不去唯是智境界故以其

無知空主者故世尊是諸毛道凡夫於無我法中而生我相於無眾生中而生眾生相菩薩作是思惟我以如是妙法令諸眾生而得解悟世尊是名菩提心一切眾生安隱心樂心無上心法界心光明心眾生住持心依如是心而生名為發菩提心復次世尊修行檀波羅蜜名為寂靜心修行尸波羅蜜名為不缺心修行忍辱波羅蜜名為不損心修行精進波羅蜜名為不退心修行禪波羅蜜名為不亂心修行般若波羅蜜名為不分別虛妄

心修行大慈名為柔輭心修行大悲名為不
 退轉心修行大喜名為無厭足心修行大捨
 名為無垢心修行大施名為不憍心修行愛
 行名為不稠林心修行利益行名為平等心
 修行同事名為最上心修行空慧名為無分
 別心修行無相智名為無念心修行無願名
 為不住心修行菩提行名為三十七菩提分
 心修行進趣行名為念佛心修行不破壞行
 名為念法心修行法界心名為念僧心修行
 無量心名為念戒心修行不取心名為念捨

心修行念天心名為念諸善根以為諸善根
 聚集莊嚴故以彼勝生為發菩提心聚集諸
 善根故世尊我依發菩提心說彼一劫若無
 量劫而不可盡如是諸菩薩聚集無量因緣
 而發菩提心是故世尊菩薩欲推求諸善法
 者應於發菩提心中而知而求世尊是名勝
 妙法集
 爾時善生菩薩白佛言世尊世尊諸法善生
 以根本清淨故世尊何者是諸法根本世尊
 諸法以空為根本以彼處無諸見故諸法以

無相爲根本以彼處無諸覺觀故諸法以無願爲根本以彼處無三界煩惱故諸法以無作爲根本以彼處無作者故諸法以無我爲根本以彼處不見我行故諸法以離衆生爲根本以彼處不見衆生行故諸法以無命爲根本以彼處見命不行故諸法不生以彼處不行常見故諸法不滅以彼處不行斷見故諸法無物以彼處不行有見故諸法如涅槃平等以彼處不行離有見故諸法如菩提以彼處不行見佛故諸法不作以彼處不行見

法故諸法不和合以彼處不行見僧故世尊是名勝妙法集

爾時大導師菩薩白佛言世尊世尊若菩薩欲先與一切衆生大菩提不爲自身證大菩提若菩薩諸所作業爲一切衆生不爲自身

第五

廿二

而不見衆生而不捨大慈大悲心是名菩薩世尊何者是諸菩薩大慈大悲世尊若菩薩不見衆生而不捨一切諸善根修行彼諸善根迴向大菩提是名大慈若菩薩不捨諸衆生所作之事是名大悲若菩薩見世間法即

是涅槃而不捨集道精進是名大慈若不捨
衆生是名大悲若自身發菩提心是名大慈
若教化諸衆生是名大悲若捨內外一切諸
物是名大慈若捨內外善根爲一切衆生得
佛菩提迴向無上道是名大悲若淨持諸戒
不毀不犯是名大慈若自持淨戒增長衆生
淨戒是名大悲若自修行安隱忍辱樂行是
名大慈若以安隱樂與諸衆生是名大悲若
於自身常能修行精進之行爲得諸佛無上
菩提是名大慈若以大精進行令諸衆生得

此精進是名大悲若於自身常行寂靜是名
大慈若以寂靜行令諸衆生得此寂靜是名
大悲若爲自身修滿智慧是名大慈若以自
智慧增長一切衆生智慧是名大悲若不修
行非不修行是名大慈若不作亦非不作是
名大悲若生而不去是名大慈若去而不動
是名大悲若說而無言是名大慈若著而不
縛是名大悲若縛而不得是名大慈若入涅
槃而不滅是名大悲若出自身舍利而無骨
肉筋血是名大慈若彼修身骨不增不減是

卷五

廿三

名大悲若捨施而不捨物是名大慈若護諸
護而不成就是名大慈若增長而不高是名
大悲世尊是名勝妙法集

爾時光明幢菩薩白佛言世尊世尊菩薩以
寂靜定心為最上業何以故菩薩住寂靜心
中諸佛妙法自然現前世尊菩薩尊重寂靜
定心安隱樂故而得菩提及得諸陀羅尼門
世尊何者是菩薩陀羅尼所謂隨所隨所聞
法能不忘失隨所隨所聞法而能受持隨所
隨所聞法而能了知及諸衆生亦令了知是

名陀羅尼隨何等陀羅尼不增長不分別隨
何等陀羅尼能受持八萬四千法門而不忘
失而不遺漏隨何等陀羅尼知諸衆生心心
所行以知諸衆生心故隨彼彼衆生如是如
是說法隨何等陀羅尼能聞一切衆生語言
以聞諸聲聞凡夫聲得於大悲聞諸聖人聲
得於大慈隨何等陀羅尼聞取一句法能於
無量劫說如是菩薩樂說辯才不留不盡亦
無際畔隨何等陀羅尼如實知諸言音隨何
等陀羅尼知一切言說皆是佛語隨何等陀

羅尼於十方世界諸佛菩薩所住之處說法
音聲所聞之者一切受持如是菩薩於一佛
所聞法如是於第二佛所說法無有障礙世
尊是名菩薩受持陀羅尼世尊菩薩得起陀
羅尼隨何等陀羅尼現前說一切法如說一
法一字一句如是說一切法界然是菩薩不
生憍慢之心不起放逸之行得增上陀羅尼
隨何等陀羅尼能說一切世間現前見法及
一切世間現前見得奮陀羅尼隨何等陀羅
尼能斷一切衆生疑惑及斷一切煩惱得爲

增上及奮陀羅尼隨何等陀羅尼能令增長
一切白法能令盡一切煩惱得行陀羅尼隨
何等陀羅尼知一切法知一切法光明是菩
薩如實知諸法而不分別修行諸法而自身
心實不修行說於諸法而不說諸字捨於諸
法而亦不失增長諸法而不增一物損減諸
法而不損一法說於諸法而無言說令入涅
槃而於世間不動令得聖人地而不離於凡
夫地降伏一切諸魔而非身心意所起作業
世尊是名諸菩薩勝妙法集

爾時解脫月菩薩白佛言世尊一切諸法以
解脫爲相世尊菩薩不分別是縛是脫何以
故世尊解脫非他他非解脫世尊解脫者不
增一法亦不減一法世尊解脫無所從來世
尊縛亦無所至去世尊得解脫菩薩不生如
是心我得解脫其心唯知廿五猶如解脫一切諸
法亦復如是世尊若菩薩起如是心世間是
垢染法涅槃是清淨法是菩薩不得解脫何
以故有我見者生如是心世尊若人起如是
心我厭陰界入求入涅槃是人不得解脫何

以故有我見有我見者生如是心世尊得解
脫心比丘作是思惟一切諸法如解脫相而
諸毛道凡夫不識不知生如是心我以如是
法令一切衆生知故世尊得解脫心比丘我
得解脫生如是心是諸凡夫於一切法常解
脫中而求解脫我於彼彼衆生生大悲心何
以故若人求解脫是人不得解脫是故世尊
比丘欲得解脫者應觀能縛及所縛應知能
縛及所縛是不分別解脫若不分別者是
人則得解脫世尊是名菩薩勝妙法集

法集經卷第五

音釋

捷疾葉切 憤古對切 獷古猛切 鞭魚孟切
敏疾也 憤心亂也 獷惡也 鞭與頭同切
也 外古也 麀諸良切 蚊與頭同切
也 麀鹿屬也 蚊無蚊
分切 糠魚紀切

法集經卷第六

難六

元魏三藏法師菩提留支譯

爾時大海慧菩薩白佛言世尊世尊菩薩不應畏諸煩惱何以故以有煩惱隨何處有煩惱彼處有菩提斷煩惱者則無菩提世尊空及一切煩惱此二即一無有差別世尊菩提及一切煩惱一切衆生此等諸法亦即是一無有差別但諸毛道凡夫墮顛倒心分別我染我淨世尊正行菩薩不斷煩惱不取淨法而是菩薩觀諸煩惱門得諸三昧及諸陀羅

尼門是故世尊菩薩知諸佛法以煩惱為性彼如是煩惱隨何等衆生具散亂心顛倒心彼毛道凡夫衆生必入惡道受諸苦惱諸菩薩如是正觀能得諸佛菩提是故世尊諸菩薩則應修行隨順逆流不隨順順流世尊諸菩薩得解脫者於涅槃中非於世間中何以故諸菩薩應畏於涅槃不畏世間以觀世間得於大悲及證大菩提故若分別涅槃厭畏世間如是菩薩以厭世間故退於諸佛無上菩提世尊諸菩薩於世間衆生成大慈大悲

難六

非於得涅槃衆生世尊所言涅槃涅槃者是於寂滅虛妄分別不實之心世尊是故菩薩願見涅槃應觀虛妄分別寂滅之心如是之處得於涅槃世尊是名勝妙法集

爾時觀世音菩薩白佛言世尊菩薩不須修學多法世尊菩薩若受持一法善知一法餘一切諸佛法自然如在掌中世尊何者是一法所謂大悲菩薩若行大悲一切諸佛法如在掌中世尊譬如轉輪王所乘輪寶隨往何處一切四兵隨順而去世尊菩薩摩訶薩亦

復如是乘大悲心隨至何處彼諸佛法隨順大悲自然而去世尊譬如日出明照萬品一切衆生作業無難世尊菩薩摩訶薩亦復如是隨於何處大慈悲日照於世間彼處衆生於一切菩提分法修行則易世尊譬如諸根以意為本釋六悉能隨意取於境界世尊菩薩摩訶薩亦復如是依於大悲住持一切菩提分法隨諸分中隨可作事中自然修行世尊譬如依彼命根有餘諸根世尊菩薩摩訶薩亦復如是依於大悲有餘一切菩提分法世尊

是名勝妙法集

爾時堅意菩薩白佛言世尊諸法直心深心
以爲根本世尊若菩薩無直心深心是菩薩
則爲遠離諸佛妙法世尊成就直心深心菩
薩若無佛說法於上虛空及樹木石壁等中
自然出於法聲世尊直心深心菩薩意自能
念聞於法聲隨順一切諸佛妙法是故世尊
菩薩摩訶薩應當修行直心深心世尊如人
有足則能遊行如是世尊菩薩摩訶薩亦復
如是有直心深心諸佛妙法自然修行世尊

譬如有人具足上分則有壽命世尊菩薩摩
訶薩亦復如是若有直心深心如是菩薩則
有諸佛菩提世尊如人有命則得諸事世尊
菩薩摩訶薩亦復如是若菩薩有直心深心
是菩薩則得成就一切佛法世尊譬如於
可然故有能然釋六離於可然則無能然世尊菩
薩摩訶薩亦復如是若有直心深心則能熾
然諸佛妙法若離直心深心則不熾然諸佛
妙法世尊譬如雲則能有雨世尊菩薩摩
訶薩亦復如是以有直心深心則有諸佛法

雨世尊譬如樹根腐敗則不能生芽葉華果
世尊菩薩摩訶薩亦復如是若無直心深心
則一切諸佛善法不復生長是故世尊菩薩
欲得諸佛善提應自善取直心深心善自守
護直心深心善自清淨直心深心世尊是名

勝妙法集

爾時善護菩薩白佛言世尊菩薩不須守護
諸法世尊若菩薩但能善護自心是菩薩善
護自心故則能成就諸佛妙法世尊若菩薩
守護諸法是菩薩則不能得無生法忍世尊

若菩薩不護諸法而入禪定是菩薩則無過
失亦不違於諸佛菩薩則能自心知諸佛法
而不護自心見如是心依因緣生如是見一
切諸法依因緣生見自心如幻如是見諸法
如幻而心非內非外非二中間可得如是見
一切諸法見即如心無於色相不可得示不
可得見無於形礙不可執捉不照不住見一
切諸法其相如是若能如是見者是菩薩則
能得於平等之心以得平等心故如是菩薩
不復更得於法是菩薩不復住不復行不取

不捨及以不求以不求故而能不取以不取
故而無所著以不著故而能不染以是菩薩
不染一切法世尊是名勝妙法集

爾時虛空菩薩白佛言世尊菩薩不作如是
言以何等言說能生他人瞋心菩薩不作如

第六

四

是言以何等言說能生他人惱心菩薩不作
如是言以何等言說能令他人不知菩薩不
作如是言以何等言說無義虛妄菩薩不作
如是言以何等言說能令不生智慧光明菩
薩不作如是言以何等言說能令其心不生

歡喜亦不具足及以耳聞不生喜樂菩薩不
作如是言以何等言說令破壞二處世尊菩
薩不作如是言以何等言說令他不能解空
何以故世尊一切言說彼如是言說最為堅
固以何等言說令他能知於空世尊若菩薩
能知諸法空義無心無我其相不二遠離二
相而不捨一切衆生所作事業是名菩薩無
障礙大悲若菩薩行於無障礙大悲是菩薩
能學諸佛所學若學諸佛所學是菩薩能知
諸法如虛空以知諸法如虛空故是菩薩得

虛空藏是菩薩若欲捨者能捨諸捨而於捨
及慳不生二心破戒持戒忍辱瞋恨精進懈
怠散亂禪定愚癡智慧不生二相是菩薩不
復求諸佛妙法不捨諸凡夫惡法世尊譬如
一切諸水入於大海皆同一味五所謂鹹味世
尊菩薩亦復如是入於第一義大海所見一
切諸法皆是一味六所謂真解脫味世尊譬如
日光等照一切衆生世尊菩薩智慧亦復如
是等照一切諸法世尊一切諸法不違於空
世尊若菩薩能如是知是菩薩能於一切法

中見真菩提若菩薩於一切法中見真菩提
是菩薩知所說言音皆是佛語是菩薩無所
著而說於法是菩薩名為得無障礙樂說辯
才世尊是名勝妙法集
爾時文殊師利菩薩白佛言世尊世尊世間
之人顛倒妄取若如是言依波羅蜜故菩薩
得名此則不然何以故世尊依於菩薩諸波
羅蜜得名故世尊若依波羅蜜菩薩得名者
亦應依諸衆生名為菩薩此義不然何以故
世尊菩薩生諸波羅蜜菩薩知諸波羅蜜以

菩薩生諸波羅蜜為諸衆生說是故如來常說菩薩未曾有法而能生未曾成法而能成未曾說法而能說世尊諸波羅蜜不能護菩薩而菩薩能護諸波羅蜜是故說菩薩能護諸法世尊諸波羅蜜不能住持菩薩菩薩能住持諸波羅蜜是故說菩薩能受持法世尊一切諸法無病以自體無垢故世尊一切諸法不二以遠離衆生我身故一切諸法無心以遠離可取捨故一切諸法無意識以無始發故一切諸法無來相以無間故一切諸法

無去以不動故一切諸法無死以無命故一切諸法不活以本來不食故一切諸法無物以不和合故一切諸法不滅以法界無差別故一切諸法不可割截以無形故一切諸法如金剛以實際平等故世尊知如是諸法是菩薩能知諸法第六實體善知諸法六實體是菩薩能知於空若能知空是菩薩不與他諍競若不與他諍競是菩薩能住沙門法中若能住沙門法中是菩薩則能不住若能不住是菩薩於諸漏境界不起於漏若於諸境界不起

於漏是菩薩能無諸病若無諸病是菩薩名
為如來若菩薩得名如來是菩薩不說二語
若不說二語是菩薩不捨世間不取涅槃唯
為一切衆生而說遠離一切分別虛妄煩惱
世尊是名勝妙法集不顛倒集名為空集無
相無願無行不生不滅集無生法忍集大乘
集轉大法輪集大波羅蜜集諸大地集一切
諸法不顛倒集世尊諸菩薩依大法集修受
持行或於國土作轉輪王受持十善業道能
令衆生安住十善業道或作勝首教化衆生

令得出世間勝事或作大長者能令衆生厭
世間惡事或作天帝釋能令諸天不起放逸
或作梵王能令衆生住於禪定四無量等或
作四天王能令衆生於諸法中不能染心或
作沙門教化衆生令不聞惡法或作婆羅門
教化衆生令知寂靜之處釋六自身寂靜令諸眷
屬亦住寂靜自身柔軟令諸眷屬亦得柔軟
具足住於一切處以得大自在能作大法師
以能斷一切衆生疑故於一切處不生怯弱
以一切煩惱盡故世尊是名勝妙法集

爾時世尊告文殊師利菩薩摩訶薩文殊師利若有衆生聞說文殊師利如是勝妙法集及聞諸菩薩勝妙法集及諸聲聞勝妙法集而能知能信彼諸衆生深種善根非於一佛而修供養非於一佛二佛而種善根何以故文殊師利諸佛如來甚深菩提是點慧者能知法者深妙境界文殊師利是妙法門微妙善根衆生不能得聞假令得聞亦不能信若菩薩自身能證是菩薩能信復有諸善知識護故是人能信而能受持能得無生忍文殊

師利離此法行無有一人成佛文殊師利過去恒河沙諸佛如來成佛菩提彼諸佛行如是法行得阿耨多羅三藐三菩提文殊師利若人遠離此法行欲得菩提者是人如縛虛空不能得法離此法行隨順法忍尚不可得何況能得無生法忍而成阿耨多羅三藐三菩提文殊師利我諸聲聞得俱解脫得八解脫及四無礙彼諸聲聞亦不離此法行而得解脫文殊師利寧聞此深妙法門起謗生於惡道不能於餘淺法門起信生於善道何以

故謗此法門者生於地獄因聞此法門現前
得於解脫非聞餘淺法門生於善道文殊師
利菩薩摩訶薩有四種法聞此法門能生於
信何者為四所謂是人過去世曾聞此法門
聞以隨喜有大善根有大善根莊嚴諸善知
識善護成就受持聞慧之行文殊師利是名
菩薩四種法聞此法門能生於信復次文殊
師利菩薩更有四種法聞此法門能生於信
何者為四所謂常思惟正念常畏諸不善業
常作大菩提願自性質直柔軟安隱樂修勝

行文殊師利是名菩薩成就四種法聞此法
門能生於信復次文殊師利菩薩成就四種
法聞此法門不生於謗何者為四所謂畢竟
成就菩提願得無生法忍成就正見得不退
阿耨多羅三藐三菩提心文殊師利是名得
畢竟成就四種法聞此法門不生於謗文殊
師利菩薩復有四種法聞此法門能生於信
何等為四所謂成就聞慧成就般若成就空
以禪定得大陀羅尼文殊師利是名菩薩有
四種法聞此法門能生於信文殊師利菩薩

復有四種法聞此法門而能了知何等為四
所謂成就功德莊嚴成就聞慧莊嚴成就智
莊嚴成就諸禪定柔軟心莊嚴文殊師利是
名菩薩四種法聞此法門而能了知文殊師
利菩薩復有四法聞此法門得受阿耨多羅
三藐三菩提九記何等為四所謂菩薩見一切
色佛色聞一切法佛法遠離一切諸求乃至
不求佛菩提不退於大悲文殊師利是名菩
薩有四種法得受阿耨多羅三藐三菩提記
是故文殊師利諸菩薩常應求聞讀誦此經

文殊師利菩薩欲願速得菩提常應勤求聞
此法門菩薩欲願速得受記常應勤求聞此
法門菩薩欲願得斷於業障願得斷於煩惱
障願得斷於智障是菩薩常應求聞此經菩
薩願得諸佛如來無上供養是菩薩常應求
聞此經願得常護妙法是菩薩常應聞受持
讀誦此經文殊師利若人聞此法門能信能
忍不生於謗文殊師利我授是人阿耨多羅
三藐三菩提記
爾時無所發菩薩摩訶薩於頸上脫八千萬

阿僧祇寶瓔珞奉散如來作如是言世尊因
 此功德令一切衆生成就諸佛如來應正遍
 知爾時彼瓔珞於如來頂上住虛空中作種
 種勝妙莊嚴大寶帳而住四角形量過於天
 人妙相莊嚴彼諸聲聞及一切菩薩釋提桓
 因梵天王四天王未曾見聞是大寶帳隨如
 來去而去隨如來住而住現如是妙事時無
 量諸天人等皆生希有奇特之心僉於頂上
 合掌而住讚歎如來瞻仰如來目不暫瞬
 爾時無所發菩薩摩訶薩生於歡喜希有之

心偏袒右肩禮如來足合掌向佛以偈讚言
 諸功德衆如來器 天人衆生唯佛救
 佛於世間無勝者 無勝寂靜及平等
 等心無諂行亦然 於世以悲牽縛心
 如空平等心無染 安樂多人而說法
 世尊無親第六無諸怨 無有諸憂無歡喜
 能救世間如良醫 於世行慈無分別
 脩羅天人龍夜叉 歸依於佛得寂靜
 佛於三界為最上 是故今者我歸命
 善逝有為更無過 而於寂靜靡功德

捨於二道無分別
 寂滅境界不可測
 如地及空不可量
 不沉不浮大波浪
 有海彼岸唯佛到
 如蓮處水無能汙
 更無有能與佛等
 如來無法而不知
 於衆奮迅無與比
 能受諸佛甘露法

已得寂滅行世間
 唯乃十力知如來
 是故合掌而頂戴
 不漂不住無上人
 無比智海我歸命
 佛行世間法不染
 以無等故我歸依
 以有十力過一切
 是故名佛勇獨步
 是故遠離一切畏

無上醫師勝應供 是故歸命大悲者
 爾時無所發菩薩摩訶薩白佛言世尊世尊
 唯知我心我不爲自身供養如來世尊我奉
 瓔珞供養如來及讚歎如來因此善根功德
 願令一切衆生得於無上諸佛菩提世尊此
 是我意爾時世尊^{第六}熙怡而笑諸佛如來熙怡^{十一}
 而笑必不虛妄爾時如來從面門放種種色
 無量光明譬如青黃赤白紅紫玻璃金銀等
 無量種色普照十方無量無邊世界滅除一
 切惡趣衆生無量苦惱生諸天人無量喜樂

已還攝光明圍繞如來百千萬帀於如來頂
 上而設爾時彼諸大眾見是光明心生歡喜
 踊躍安樂合掌向佛於一面住而作是念如
 來何因熙怡而笑爾時阿難從座而起偏袒
 右有合掌向佛以偈而問微笑因緣

無上第一尊 世間及天人 瞻仰如來住
 疑於喜笑事 大師離煩惱 知法及化人
 熙怡必不空 願佛為解說 面門放光明
 清淨生喜悅 天人及惡道 光觸身安樂
 大人放光明 於其面門出 是光為何義

唯願大慈說 齒出勝妙光 明艷甚鮮白
 顯現最殊勝 隱蔽一切光 餘明闇不現
 以是世間喜 佛悲何所為 何人功德起
 願說慈所為 除斷我等疑 遠離煩惱人
 非無因緣笑 妙光出面門 普照於十方
 所作已還攝 入於如來頂 此光起佛意
 為表聖心出 如電晝在空 普照而不停
 爾時佛告阿難此無所發菩薩摩訶薩於未
 來世過十二劫當成阿耨多羅三藐三菩提
 佛號大光明如來應供正遍知明行足善逝

世間解無上士調御丈夫天人師佛世尊劫
名諸天讚歎世界名大歡喜阿難彼大光明
如來應供正遍知壽命住一大劫彼國衆生
壽命十二小劫阿難譬如他化自在天所受
妙樂彼佛國土衆生所受妙樂亦復如是

第六

十二

爾時慧命須菩提語無所發菩薩言大士快
得善利如來今日授仁者記必得阿耨多羅
三藐三菩提無所發菩薩言大德須菩提汝
見何法名為成佛須菩提言善男子我不見
有法成阿耨多羅三藐三菩提問曰若大德

須菩提若不見有法得成佛何故誑我大士
受於阿耨多羅三藐三菩提記須菩提言善
男子如來與仁者授記必得成佛是故我作
此說無所發菩薩言大德須菩提諸佛如來
如實知法是故佛言汝當得阿耨多羅三藐
三菩提云何如來如實知法須菩提若有菩
薩求菩提者諸佛不與是人授記若有菩薩
不求菩提諸佛如來則與授記諸佛如來如
實知法無授記相而為衆生種諸善根故作
是說汝當成佛須菩提汝見何法而作是言

大士必得阿耨多羅三藐三菩提須菩提言
善男子諸佛如來依世俗文字而說授記我
諸聲聞隨佛世尊故如是說無所發菩薩言
大德須菩提夫文字者若依世俗名為文字
若於聖人則非文字何以故聖人所說皆是
真實世俗言語辨六悉為虛妄是故大德須菩提
不應以此世俗邪語聖法中說大德須菩提
諸菩薩等為護衆生若聞甚深第一義諦驚
怖不信是故聖人以大悲心捨真實法而說
世間虛妄之語為欲將護毛道凡夫終不為

聖作如是說若為聖人則說實法以此實法
聖所愛樂何等名為聖人實法大德須菩提
聖實法者菩提之法本性常寂名為真實如
菩提相本性清淨一切諸法亦如是相是則
名為聖人實法須菩提言善男子有四真諦
名為實諦何等為四苦諦集諦滅諦道諦無
所發菩薩言大德須菩提汝不說苦是有為
耶須菩提言如是善男子我常說苦是有為
法無所發菩薩言大德須菩提如來常說一
切有為皆是虛妄須菩提言如是善男子如

來常說有為之法皆是虛妄無所發菩薩言
若如是者汝云何言苦是實諦大德須菩提
若言苦是有為法者即是虛妄須菩提言善
男子苦是有為虛妄不實我說知苦以為實
諦無所發菩薩言須菩提若苦是有為虛妄
不實知彼苦智亦應虛妄不實非是真實須
菩提言善男子如是如是知苦智者亦是虛
妄無所發菩薩言大德須菩提若如是者云
何知苦是聖諦智須菩提言善男子滅諦是
無為法若爾何故非聖諦無所發菩薩言大

德須菩提滅何等法名為滅諦為即自滅故
名為滅更有所滅稱為滅耶須菩提言善男
子有為說者言滅盡諸苦名為滅諦無所發
菩薩言須菩提汝不說苦是有為虛妄不實
耶須菩提言如是善男子我向說言苦是有
為法虛妄不實無所發菩薩言大德須菩提
若法虛妄不實是法無滅若如是者云何而
言滅盡諸苦名為滅諦爾時慧命須菩提白
無所發菩薩摩訶薩言善男子我於大士如
是無礙樂說辯才生隨喜心善男子願諸眾

生皆得辯才須菩提言善男子何者是諸菩薩摩訶薩實諦證智無所發菩薩言須菩提一切諸法與實諦行不相違背是故證一切法名證實諦須菩提一切諸法從因緣生能如實知因緣生法名為實諦一切法空如實知空名實諦證空者名證實諦一切諸法不生證諸法不生名為證實諦隨何法證於實諦於彼法中乃至無有一法可取一法可捨須菩提是名諸菩薩摩訶薩證實智須菩提言實諦者即是宣說無分別法何以故須菩

提所有分別者皆是邪法須菩提汝向所言大士快得善利受阿耨多羅三藐三菩提必得成佛須菩提若人自謂快得善利佛則不與是人授記若人遠離快得善利如是之人佛則授記若人於得利養不生歡喜若失利養亦不憂惱非六是人受記若人不離世間而得涅槃是人受記若人不捨凡法而證聖道是人受記若人聞得記不喜是人受記須菩提言善男子所向所知若如是知其義甚深無所發菩薩言須菩提若人見有去來是人

則知甚深須菩提言此甚深法難得知無所發菩薩言須菩提若人欲見是甚深是人則不能見須菩提言如是知者難可了知無所發菩薩言須菩提無修行者亦難了知須菩提言善男子何等衆生於甚深法能生信心無所發菩薩言須菩提若人已曾供養過去無量佛是人能信須菩提若人不能種諸善根亦不修行供養諸佛如是之人終不能得聞此法門須菩提言善男子云何得爲供養諸佛無所發菩薩言若人能住如實修行

是人名爲供養諸佛須菩提言善男子云何能住如實修行無所發菩薩言若人能爲諸衆生發心修行須菩提言云何爲諸衆生發心修行無所發菩薩言若能不捨大悲須菩提言何等名爲菩薩大悲無所發菩薩言若有菩薩能捨身命及諸善根施與衆生而不求報恩是名大悲須菩提言何等名爲菩薩大悲無所發菩薩言若菩薩先與衆生無上菩提然後自證是名大悲說此甚深法門時七萬六千衆生發阿耨多羅三藐三菩

提心二百比丘遠離諸漏心得解脫

爾時會中有一天子名善思惟白佛言世尊云何菩薩住佛菩提根本行處佛言天子菩薩若能成就深直之心發無上意是名菩提根本住處善思惟天子言如是發心諸菩薩等以何等法而為境界佛言若能修行布施境界而不希求報恩等門若能修行持戒境界而不分別持戒行門若能修行忍辱境界而不見盡滅法門若能修行精進境界而不發起修行等門常行禪境界而能現前一

難六

十六

切法門修行般若境界而不見彼無戲論門現前常求聞慧境界而不見於語言等門現前修行舍摩他境界而見諸法本來清淨寂靜法門修行毗婆舍那境界而一切法不可見門現前修行四念處境界而無念無思惟門現前修行四正勤境界而無所作門現前修行四如意足境界而斷一切願欲門現前修行五根境界而過諸根法門現前修行五力境界而不破壞法門現前修行七覺分境界而佛菩提門現前修行八聖道境界為救

行邪道衆生故修行教化衆生境界而無衆
生無度脫法門現前修行斷煩惱境界而見
諸法本性離煩惱門現前修行諸波羅蜜境
界而不著於此岸彼岸故修行世間境界而
涅槃門現前修行涅槃境界而不行諸行門
現前修行生境界而不生不滅門現前修行
陰境界而無煩惱門現前修行界境界而無
差別門現前修行入境界而聖人門現前修
行聞法境界而寂靜禪定門現前修行說法
境界而無言說門現前修行成就色相境界

釋六

十七

而法身門現前修行轉法輪境界而不轉不
說門現前修行聲聞境界而諸佛法門現前
修行辟支佛境界而行諸菩薩勝行門現前
天子是名菩薩摩訶薩境界

善思惟天子白佛言世尊何等名為諸菩薩
行佛言天子自捨已樂能與一切衆生樂常
在世間而能持戒多聞心無放逸常在涅槃
而不捨大悲涅槃門現前而不求證為化衆
生故隨順世間行護諸衆生能令衆生其心
平等令一切衆生得清淨心於一切衆生心

無差別所有之物與一切共為人說法不為
飲食畜清淨物而常知足常樂空閑正念思
惟常處大眾說法不懈入城邑聚落慈悲現
前不求讚歎供養恭敬當能遠離世間雜語
凡有言說不違佛法廣略得所愛語柔軟一
切身分禮敬三寶先意問訊心常愛樂第一
義諦於一切法心無所著於諸資生心不貪
染常近聖人遠離非法愛法如身重佛如命
愛敬修行猶如身首於一切衣服飲食卧具
湯藥資生之事得少為足敬重師長猶如世

尊乃至喪失身命終不捨於菩提之心初夜
後夜精勤修行禪定三昧常現在前如所聞
法思惟正觀以微妙慧求於解脫若修習清
淨無垢濁心能捨一切所有之物觀於內身
不隨外身能捨所施遠離瞋恚能滅愚癡增
長般若第六能護於戒不違修行於一切處生柔
軟心於一切處智慧為首不顛倒心無垢光
明心常修諸波羅蜜心不捨精進常求善根
如所聞法而不忘失如所聞法而為他說離
諸供養飲食等心常護諸根常在定心常隨

順涅槃心常不捨世間心得失利衰毀譽稱
譏苦樂不能動心於一切處生知足心布施
得大富持戒生天人忍辱得端正精進捨煩
惱禪定三昧得心柔軟修習般若能知世間
出世間法修行四攝無諸過失修行四無量
心無憍慢修行諦捨滅慧得寂靜調柔修行
禪定得自在心修習三昧得於深心修行於
諦如實知諸法修行於定遠離諸見修行無
相得無分別修行無願得無著心修行諸波
羅蜜得究竟大乘心修行方便波羅蜜得一

切智智處修行菩薩十地滿足諸菩薩行親
近善知識得一切功德門敬順和尚阿闍梨
能得隨順一切諸佛知自身心得一切種智
習無憍慢得大威勢恭敬禮拜一切衆生得
諸衆生無能見頂修行種種布施得具足妙
相身隨順諸衆生得具足八十種好說大乘
法得隨自在教衆生發菩提心得不退地
說諸法空能斷煩惱及煩惱習以法布施得
四無礙與衆生念得陀羅尼令衆生知法得
四無礙與衆生樂說因得無錯謬記於羸劣

衆生起忍辱心得那羅延身於破戒衆生起
忍辱心得諸衆生見者恭敬心能滅瞋恨心
衆生得常定心勤修精進得速證法修行以
三昧施諸衆生得陰密藏相施與威儀得一
切普莊嚴事令衆生得近善知識得佛菩薩
聲聞辟支佛常現在前捨於欲心常爲一切
世間所信捨於瞋心得一切世間之所愛樂
捨慳嫉心得一切名聞利養能與衆生作依
止處得一切世間之所歸依捨一切供養恭
敬讚歎得法喜食得美名聞施先意問訊得

清淨言音施於愛語得梵音聲施柔輒語得
迦陵頻伽聲遠離瞋恨得諸世間勝妙之身
不誑衆生得悉爲一切世間所信不說他過
得不入胎遠離殺生得壽無量命遠離劫盜
得以虛空而爲庫藏捨愛事得如意寶手迴
向善提得無盡資財遠離邪姪得大丈夫身
遠離妄語得口齒密遠離兩舌得不失菩提
心遠離惡口得一切世間讚歎遠離綺語得
不壞眷屬遠離貪心得無盡藏遠離瞋心得
與一切衆生而作橋梁遠離邪見得於正見

教化衆生住於大乘得佛十力能施一切不求果報得十八不共法捨諸所著得四無畏天子若我廣說如是菩薩無量境界菩薩無量修行者乃至百千萬億劫不能窮盡天子是名菩薩境界修行天子若菩薩如是成就境界如是修行於得菩提則為不難善思惟天子言世尊云何菩薩名為安隱佛言天子若菩薩常不捨離三昧而不依三昧生得三昧已隨有利益衆生之處彼彼處生天子菩薩如是名為安隱善思惟天子言世尊云何

第六

二十

菩薩名為寂靜佛言天子若菩薩見一切真如法界實際是菩薩處於大衆而能寂靜應如是知天子是則名為菩薩寂靜天子若菩薩不起二處心名為菩薩寂靜天子言世尊菩薩云何名為常在三昧佛言天子若菩薩心常不求一切諸事不見一法可取不見一法可捨是菩薩隨所見法悉知空寂無有真實天子菩薩如是名為常在三昧善思惟天子言世尊菩薩云何名為到一切處佛言天子若菩薩能見自身及諸衆生平等空寂天

子菩薩如是名為到一切處善思惟天子言
世尊云何菩薩名為調伏佛言天子若菩薩
一切分別所不能動名為調伏天子言云何
菩薩名為得滅佛言若菩薩不染不淨名為
得滅善思惟天子言世尊如我解佛所說義
者依止自心而得菩提世尊菩薩如是離諸
煩惱如是如是取於佛法世尊諸佛法者無
所從來去無所至世尊於諸法中清淨智名
為菩提天子菩薩如是隨順忍辱名為菩提
能如是知名為一切智者世尊若能入如是

平等法界是菩薩名為成就檀波羅蜜若能
如是知淨成就平等法界是菩薩名為成就
尸波羅蜜若能如是知忍平等法界名為成
就忍辱波羅蜜若能於此法門修行聞思修
慧名為成就毗離耶波羅蜜若能思惟是法
平等法界名為成就禪波羅蜜若能了達如
是法平等法界名為般若波羅蜜世尊若人
能信此法門者是人名為見法名為證法名
降伏魔世尊若人能說此法門者是人於如
來所轉法輪而得隨轉世尊若人能得此法

門者是人名得最上妙法

爾時世尊於善思惟天子所說法門讚言善哉善哉天子如是如是如汝所說天子一切諸佛阿耨多羅三藐三菩提藏皆悉在此法門中攝天子一切諸佛所有意趣於此法門皆已示現天子若人聞此法門者當知是菩薩快得善利天子若人手執此法門者當知是菩薩得大法藏天子若人攝受此法門者當知是菩薩名為可信者名為受持如來密藏者名為以最上供養供養如來者名為攝

受如來法門者天子若人聞此法門聞已能信者當知是菩薩名為報如來恩天子若人信此法門者當知是菩薩於十方界無有闍障爾時世尊告一切大眾唱如是言誰能於未來世護持此法門

爾時無所發菩薩第六即從座起偏袒右肩右膝廿二著地合掌向佛而作是言世尊我當能於未來世護持此法門世尊若菩薩有所發者不能護持此法是故我不發不起不受於一切眾生平等心能護持此甚深無生法忍法門

我遠離飲食心不求一切供養恭敬讚歎何以故世尊若依供養恭敬者不能護持此法世尊於如來滅後若有人聞此法能受能持能書寫能讀誦書寫已乃至受持經卷者當知皆是無所發菩薩威神力故

爾時世尊讚無所發菩薩言善哉善哉善男子若有如是心者是人則能護持妙法觀世音菩薩言世尊若人不斷大悲是人則能護持妙法是故我今依大悲心護持此法門彌勒菩薩言世尊若人有大慈心是人能攝受

妙法何以故若人多瞋恚是人不能攝受妙法是故我依慈心流通此法門

見愛樂菩薩言世尊若菩薩衆生見者無厭是人則能護持妙法世尊是故我於一切衆生不起瞋心護持此法門

導師菩薩言世尊若菩薩為一切衆生起心廿三我拔一切衆生苦若一切衆生欲聚集佛菩提欲度一切衆生是菩薩能受持此法門是故世尊我為一切衆生成佛菩提世尊我先度一切衆生然後自度而不見能度可度者

亦不見度衆生法是故世尊我畢竟起如是
心護持此法門

文殊師利菩薩言世尊世間人顛倒若人生
如是心我護持妙法即是顛倒何以故世尊
菩薩調柔自身寂靜自身是菩薩自調柔自
寂靜實法身即是護持妙法是故世尊我自
身柔軟自身寂靜自身法身即護持妙法爾
時世尊讚彼護持妙法菩薩言善哉善哉善
男子汝真是大士汝今能安樂一切衆生故
護持妙法護法菩薩正應如是以故此是

諸菩薩最妙勝業所謂護持妙法善男子是
諸法相應法集法門若菩薩受持讀誦修行
是菩薩於諸佛所得光明現前一切諸佛身
不生不滅於法中得大光明現前知一切法
非作非有爲於僧中得光明現前如來弟子
僧無我無我所於菩薩修持戒行光明現前
菩薩於諸學中大悲爲根本得樂說光明現
前一切語言樂說以無生爲體善男子是法
門多行於娑伽羅龍王世界多行帝釋住處
多行於阿那婆達多龍王住處然後行於閻

浮提中雖行閻浮提常於諸佛所護眾生中
 行於直心不諂曲心衆生中行於能信深法
 者常在如是衆生心手中行如來說此法門
 時無所發菩薩奮迅慧菩薩及彼諸菩薩摩
 訶薩及大聲聞天龍夜叉乾闥婆阿修羅迦
 樓羅緊那羅摩睺羅伽人非人等^{廿四}一切大衆
 聞說此法門歡喜奉行

法集經卷第六

音釋

怯乞柔切瞬舒困切熙許羈切
 畏懦也瞬目動也熙和也

大方廣圓覺修多羅了義經略疏序 難七

唐金紫光祿大夫中書侍郎兼御史中書門下平章事裴休述

夫血氣之屬必有知凡有知者必同體所謂
真淨明妙虛徹靈通卓然而獨存者也是衆
生之本源故曰心地是諸佛之所得故曰菩
提交徹融攝故曰法界寂靜常樂故曰涅槃
不濁不漏故曰清淨不妄不變故曰真如離
過絕非故曰佛性護善遮惡故曰總持隱覆
含攝故曰如來藏超越玄闕故曰密嚴國統
衆德而大備燦羣昏而獨照故曰圓覺其實

皆一心也背之則凡順之則聖迷之則生死
始悟之則輪迴息親而求之則止觀定慧推
而廣之則六度萬行引而為智然後為正智
依而為因然後為正因其實皆一法也終日
圓覺而未嘗圓覺者凡夫也欲證圓覺而未
極圓覺者菩薩也具足圓覺而住持圓覺者
如來也離圓覺無六道捨圓覺無三乘非圓
覺無如來泯圓覺無真法其實皆一道也三
世諸佛之所證蓋證此也如來為一大事出
現蓋為此也三藏十二部一切修多羅蓋詮

此也然如來垂教指法有顯密立義有廣略乘時有先後當機有深淺非上根圓智其孰能大通之故如來於光明藏與十二大士密說而顯演潛通而廣被以印定其法爲一切經之宗也圭峯禪師得法於荷澤嫡孫南印上足道圓和尚一日隨衆僧齋于州民任灌家居下位以次受經遇圓覺了義卷末終軸感悟流涕歸以所悟告其師師撫之曰汝當大弘圓頓之教此經諸佛授汝耳禪師既佩南宗密印受圓覺懸記於是閱大藏經律通

唯識起信等論然後頓轡於華嚴法界宴坐於圓覺妙場究一雨之所霑窮五教之殊致乃爲之疏解凡大疏三卷大鈔十三卷略疏兩卷小鈔六卷道場修證儀一十八卷並行於世其叙教也圓其見法也徹其釋義也端如析薪其入觀也明若秉燭其辭也極於理而已不虛騁其文也扶於教而已不苟飾不以其所長病人故無排斥之說不以其未至蓋人故無宵臆之論蕩蕩然貫十二部經之眼目三十五祖之骨髓生靈之大本三世之

達道後世雖有作者不能過矣其四依之一乎或淨土之親聞乎何盡其義味如此也或曰道無形視者莫能覩道無方行者莫能至況文字乎在性之而已豈區區數萬言而可詮之哉對曰噫是不足以語道也前不云乎統衆德而大備燦羣昏而獨照者圓覺也蓋圓覺能出一切法一切法未嘗離圓覺今夫經律論三藏之文傳于中國者五千餘卷其所詮者何也戒定慧而已修戒定慧而求者何也圓覺而已圓覺一法也張萬行而求之

者何衆生之根器異也然則大藏皆圓覺之經此疏乃大藏之疏也羅五千軸之文而以數卷之疏通之豈不至簡哉何言其繁也及其斷言語之道息思想之心忘能所滅影像然後為得也固不在詮表耳嗚呼生靈之所以往來者六道也鬼神沉幽愁之苦鳥獸懷七猶狘之悲修羅方瞋諸天正樂可以整心慮趣菩提唯人道為能耳人而不為吾末如之何也已矣休常遊禪師之閩域受禪師之顯訣無以自効輒直讚其法而普告大衆耳其

他備乎本序云云

略疏序

終南山草堂寺沙門宗密述

元亨利貞乾之德也始於一氣常樂我淨佛之德也本乎一心專一氣而致柔修一心而成道心也者冲虛妙粹炳煥靈明無去無來

冥通三際非中非外洞徹十方不滅不生豈四山之可害離性離相奚五色之能盲處生死流驪珠獨耀於滄海踞涅槃岸挂輪孤朗於碧天大矣哉萬法資始也萬法虛偽緣會而生生法本無一切唯識識如幻夢但是一心心寂而知目之圓覺彌滿清淨中不容他故德用無邊皆同一性性起為相境智歷然相得性融身心廓爾方之海印越彼太虛恢恢焉晃晃焉迥出思議之表也我佛證此愍物迷之再歎奇哉三思大事既全十力能摧

樹下魔軍爰起四心欲示宅中寶藏然迷頭
捨父悟有易難故仙苑覺場教興頓漸漸設
五時之異空有迭彰頓無二諦之殊幽靈絕
待今此經者頓之類歟故如來入寂光土凡
聖一源現受用身主伴同會曼殊大士創問
本起之因第七薄伽至尊首提究竟之果照斯真
體滅彼夢形知無我人誰受輪轉種種幻化
生於覺心幻盡覺圓心通法徧心本是佛由
念起而漂沉岸實不移因舟行而驚驟頓除
妄宰空不生華漸竭愛源金無重鑿理絕修

證智似階差覺前前非名後後位況妄忘起
滅德等圓明者焉然出廐良駒已搖鞭影埋
塵大寶須設治方故三觀澄明真假俱入諸
輪綺互單複圓修四相潛神非覺違拒四病
出體心華發明復令長中下期克念攝念而
加行別徧五習業障惑障而銷亡成就慧身
靜極覺徧百千世界佛境現前是以聞五種
名超刹寶施福說半偈義勝河沙小乘寔由
無法不持無機不被者也噫巴歌和衆似量
騰於猿心雪曲應稀了義匿於龍藏宗密髻

尊魯誥冠討竺墳俱溺筌筍唯味糟粕幸於
涪上針芥相投禪遇南宗教逢斯典一言之
下心地開通一軸之中義天朗耀頃以道非
常道諸行無常今知心是佛心定當作佛然
佛稱種智修假多聞故復行詣百城坐探羣
籍講雖濫泰學且師安叨休猶吾之納謬當
真子之印再逢親友彌感佛恩久慨孤貧將
陳法施採集般若綸貫華嚴提挈毗尼發明
唯識然醫方萬品宜選對治海寶千般先求
如意觀夫文富義博誠讓雜華指體投機無

偕圓覺故叅詳諸論反復百家以利其器方
為疏解冥心聖旨極思研精義備性相禪兼
頓漸勒成三卷以傳強學然上中下品根欲
性殊今將法彼曲成從其易簡更搜精要直
注本經庶即事即心日益日損者矣

大方廣圓覺修多羅了義經

唐 罽賓 沙門 佛 陀 多 羅 譯

如是我聞一時娑伽婆入於神通大光明藏
三昧正受一切如來光嚴住持是諸衆生清
淨覺地身心寂滅平等本際圓滿十方不二

隨順於不二境現諸淨土與大菩薩摩訶薩
十萬人俱其名曰文殊師利菩薩普賢菩薩
普眼菩薩金剛藏菩薩彌勒菩薩清淨慧菩
薩威德自在菩薩辯音菩薩淨諸業障菩薩
普覺菩薩圓覺菩薩賢善首菩薩等而為上
首與諸眷屬皆入三昧同住如來平等法會
於是文殊師利菩薩在大眾中即從座起頂
禮佛足右繞三匝長跪叉手而白佛言大悲
世尊願為此會諸來法眾說於如來本起清
淨因地法行及說菩薩於大乘中發清淨心

遠離諸病能使未來末世眾生求大乘者不
墮邪見作是語已五體投地如是三請終而
復始爾時世尊告文殊師利菩薩言善哉善
哉善男子汝等乃能為諸菩薩諮詢如來因
地法行及為末世一切眾生求大乘者得正
住持不墮邪見汝今諦聽當為汝說時文殊
師利菩薩奉教歡喜及諸大眾默然而聽善
男子無上法王有大陀羅尼門名為圓覺流
出一切清淨真如菩提涅槃及波羅蜜教授
菩薩一切如來本起因地皆依圓照清淨覺

相永斷無明方成佛道云何無明善男子一切衆生從無始來種種顛倒猶如迷人四方易處妄認四大為自身相六塵緣影為自心相譬彼病目見空中華及第二月善男子空實無華病者妄執由妄執故非唯惑此虛空自性亦復迷彼實華生處由此妄有輪轉生死故名無明善男子此無明者非實有體如夢中人夢時非無及至於醒了無所得如衆空華滅於虛空不可說言有定滅處何以故無生處故一切衆生於無生中妄見生滅是

故說名輪轉生死善男子如來因地修圓覺者知是空華即無輪轉亦無身心受彼生死非作故無本性無故彼知覺者猶如虛空知虛空者即空華相亦不可說無知覺性有無俱遣是則名為淨覺隨順何以故虛空性故常不動故如來藏中無起滅故無知見故如法界性究竟圓滿徧十方故是則名為因地法行菩薩因此於大乘中發清淨心末世衆生依此修行不墮邪見爾時世尊欲重宣此義而說偈言

文殊汝當知	一切諸如來	從於本因地
皆以智慧覺	了達於無明	知彼如空華
即能免流轉	又如夢中人	醒時不可得
覺者如虛空	平等不動轉	覺徧十方界
即得成佛道	衆幻滅無處	成道亦無得
本性圓滿故	菩薩於此中	能發菩提心
末世諸衆生	修此免邪見	

於是普賢菩薩在大衆中即從座起頂禮佛足右繞三匝長跪叉手而白佛言大悲世尊願爲此會諸菩薩衆及爲末世一切衆生修

大乘者聞此圓覺清淨境界云何修行世尊若彼衆生知如幻者身心亦幻云何以幻還修於幻若諸幻性一切盡滅則無有心誰爲修行云何復說修行如幻若諸衆生本不修行於生死中常居幻化曾不了知如幻境界令妄想心云何解脫願爲末世一切衆生作何方便漸次修習令諸衆生永離諸幻作是語已五體投地如是三請終而復始爾時世尊告普賢菩薩言善哉善哉善男子汝等乃能爲諸菩薩及末世衆生修習菩薩如幻三

昧方便漸次令諸衆生得離諸幻汝今諦聽
 當為汝說時普賢菩薩奉教歡喜及諸大衆
 默然而聽善男子一切衆生種種幻化皆生
 如來圓覺妙心猶如空華從空而有幻華雖
 滅空性不壞衆生幻心還依幻滅諸幻盡滅
 覺心不動依幻說覺亦名為幻若說有覺猶
 未離幻說無覺者亦復如是是故幻滅名為
 不動善男子一切菩薩及末世衆生應當遠
 離一切幻化虛妄境界由堅執持遠離心故
 心如幻者亦復遠離遠離為幻亦復遠離離

遠離幻亦復遠離得無所離即除諸幻譬如
 鑽火兩木相因火出木盡灰飛煙滅以幻修
 幻亦復如是諸幻雖盡不入斷滅善男子知
 幻即離不作方便離幻即覺亦無漸次一切
 菩薩及末世衆生依此修行如是乃能永離
 諸幻爾時世尊欲重宣此義而說偈言
 普賢汝當知 一切諸衆生 無始幻無明
 皆從諸如來 圓覺心建立 猶如虛空華
 依空而有相 空華若復滅 虛空本不動
 幻從諸覺生 幻滅覺圓滿 覺心不動故

若彼諸菩薩 及末世眾生 常應遠離幻
諸幻悉皆離 如木中生火 木盡火還滅
覺則無漸次 方便亦如是
於是普眼菩薩在大眾中即從座起頂禮佛
足右繞三匝長跪叉手而白佛言大悲世尊
願爲此會諸菩薩衆及爲末世一切眾生演
說菩薩修行漸次云何思惟云何住持衆生
未悟作何方便普令開悟世尊若彼衆生無
正方便及正思惟聞佛如來說此三昧心生
迷悶則於圓覺不能悟入願興慈悲爲我等

輩及末世眾生假說方便作是語已五體投
地如是三請終而復始爾時世尊告普眼菩
薩言善哉善哉善男子汝等乃能爲諸菩薩
及末世眾生問於如來修行漸次思惟住持
乃至假說種種方便汝今諦聽當爲汝說時
普眼菩薩奉教歡喜及諸大眾默然而聽善
男子彼新學菩薩及末世眾生欲求如來淨
圓覺心應當正念遠離諸幻先依如來奢摩
他行堅持禁戒安處徒衆宴坐靜室恒作是
念我今此身四大和合所謂髮毛爪齒皮肉

筋骨髓腦垢色皆歸於地唾涕膿血津液涎
沫痰淚精氣大小便利皆歸於水煖氣歸火
動轉歸風四大各離今者妄身當在何處即
知此身畢竟無體和合為相實同幻化四緣
假合妄有六根六根四大中外合成妄有緣
氣於中積聚似有緣相假名為心善男子此
虛妄心若無六塵則不能有四大分解無塵
可得於中緣塵各歸散滅畢竟無有緣心可
見善男子彼之衆生幻身滅故幻心亦滅幻
心滅故幻塵亦滅幻塵滅故幻滅亦滅幻滅

滅故非幻不滅譬如磨鏡垢盡明現善男子
當知身心皆為幻垢垢相永滅十方清淨善
男子譬如清淨摩尼寶珠映於五色隨方各
現諸愚癡者見彼摩尼實有五色善男子圓
覺淨性現於身心隨類各應彼愚癡者說淨
圓覺實有如是身心自相亦復如是十由此不
能遠於幻化是故我說身心幻垢對離幻垢
說名菩薩垢盡對除即無對垢及說名者善
男子此菩薩及末世衆生證得諸幻滅影像
故爾時便得無方清淨無邊虛空覺所顯發

覺圓明故顯心清淨心清淨故見塵清淨見
清淨故眼根清淨根清淨故眼識清淨識清
淨故聞塵清淨聞清淨故耳根清淨根清淨
故耳識清淨識清淨故覺塵清淨如是乃至
鼻舌身意亦復如是善男子根清淨故色塵
清淨色清淨故聲塵清淨香味觸法亦復如
是善男子六塵清淨故地大清淨地清淨故
水大清淨火大風大亦復如是善男子四大
清淨故十二處十八界二十五有清淨彼清
淨故十力四無所畏四無礙智佛十八不共

法三十七助道品清淨如是乃至八萬四千
陀羅尼門一切清淨善男子一切實相性清
淨故一身清淨一身清淨故多身清淨多身
清淨故如是乃至十方衆生圓覺清淨善男
子一世界清淨故多世界清淨多世界清淨
故如是乃至盡於虛空圓裹三世一切平等
清淨不動善男子虛空如是平等不動當知
覺性平等不動四大不動故當知覺性平等
不動如是乃至八萬四千陀羅尼門平等不
動當知覺性平等不動善男子覺性徧滿清

淨不動圓無際故當知六根徧滿法界根徧
滿故當知六塵徧滿法界塵徧滿故當知四
大徧滿法界如是乃至陀羅尼門徧滿法界
善男子由彼妙覺性徧滿故根性塵性無壞
無雜根塵無壞故如是乃至陀羅尼門無壞
無雜如百千燈光照一室其光徧滿無壞無
雜善男子覺成就故當知菩薩不與法縛不
求法脫不厭生死不愛涅槃不敬持戒不憎
毀禁不重久習不輕初學何以故一切覺故
譬如眼光曉了前境其光圓滿得無憎愛何

以故光體無二無憎愛故善男子此菩薩及
末世衆生修習此心得成就者於此無修亦
無成就圓覺普照寂滅無二於中百千萬億
阿僧祇不可說恒河沙諸佛世界猶如空華
亂起亂滅不即不離無縛無脫始知衆生本
來成佛生死涅槃猶如昨夢善男子如昨夢
故當知生死及與涅槃無起無滅無來無去
其所證者無得無失無取無捨其能證者無
作無止無任無滅於此證中無能無所畢竟
無證亦無證者一切法性平等不壞善男子

彼諸菩薩如是修行如是漸次如是思惟如是住持如是方便如是開悟求是法亦不迷悶爾時世尊欲重宣此義而說偈言

普眼汝當知 一切諸衆生 身心皆如幻

身相屬四大 心性歸六塵 四大體各離

第七

誰為和合者 如是漸修行 一切悉清淨

不動徧法界 無作止任滅 亦無能證者

一切佛世界 猶如虛空華 三世悉平等

畢竟無來去 初發心菩薩 及末世衆生

欲求入佛道 應如是修習

十二

於是金剛藏菩薩在大衆中即從座起頂禮佛足右繞三匝長跪叉手而白佛言大悲世尊善為一切諸菩薩衆宣揚如來圓覺清淨大陀羅尼因地法行漸次方便與諸衆生開發蒙昧在會法衆承佛慈誨幻翳朗然慧目清淨世尊若諸衆生本來成佛何故復有一切無明若諸無明衆生本有何因緣故如來復說本來成佛十方異生本成佛道後起無明一切如來何時復生一切煩惱惟願不捨無遮大慈為諸菩薩開秘密藏及為末世一

切衆生得聞如是修多羅教了義法門永斷
疑悔作是語已五體投地如是三請終而復
始爾時世尊告金剛藏菩薩言善哉善哉善
男子汝等乃能爲諸菩薩及末世衆生問於
如來甚深祕密究竟方便是諸菩薩最上教
誨了義大乘能使十方修學菩薩及諸末世
一切衆生得決定信永斷疑悔汝今諦聽當
爲汝說時金剛藏菩薩奉教歡喜及諸大衆
默然而聽善男子一切世界始終生滅前後
有無聚散起止念念相續循環往復種種取

捨皆是輪迴未出輪迴而辯圓覺彼圓覺性
即同流轉若免輪迴無有是處譬如動目能
搖湛水又如定眼由迴轉火雲駛月運舟行
岸移亦復如是善男子諸旋未息彼物先住
尚不可得何況輪轉生死垢心曾未清淨觀
佛圓覺而不旋復是故汝等便生三惑善男
子譬如幻翳妄見空華幻翳若除不可說言
此翳已滅何時更起一切諸翳何以故翳華
二法非相待故亦如空華滅於空時不可說
言虛空何時更起空華何以故空本無華非

起滅故生死涅槃同於起滅妙覺圓照離於
華翳善男子當知虛空非是暫有亦非暫無
況復如來圓覺隨順而為虛空平等本性善
男子如銷金鑛金非銷有既已成金不重為
鑛經無窮時金性不壞不應說言本非成就
如來圓覺亦復如是善男子一切如來妙圓
覺心本無菩提及與涅槃亦無成佛及不成
佛無妄輪迴及非輪迴善男子但諸聲聞所
圓境界身心語言皆悉斷滅終不能至彼之
親證所現涅槃何況能以有思惟心測度如

來圓覺境界如取螢火燒須彌山終不能著
以輪迴心生輪迴見入於如來大寂滅海終
不能至是故我說一切菩薩及末世衆生先
斷無始輪迴根本善男子有作思惟從有心
起皆是六塵妄想緣氣非實心體已如空華
用此思惟辯於佛境猶如空華復結空果展
轉妄想無有是處善男子虛妄浮心多諸巧
見不能成就圓覺方便如是分別非為正問
爾時世尊欲重宣此義而說偈言
金剛藏當知 如來寂滅性 未曾有終始

若以輪迴心 思惟即旋復 但至輪迴際
 不能入佛海 譬如銷金鑛 金非銷故有
 雖復本來金 終以銷成就 一成真金體
 不復重為鑛 生死與涅槃 凡夫及諸佛
 同為空華相 思惟猶幻化 何況詰虛妄
 若能了此心 然後求圓覺
 於是彌勒菩薩在大眾中即從座起頂禮佛
 足右繞三匝長跪叉手而白佛言大悲世尊
 廣為菩薩開秘密藏令諸大眾深悟輪迴分
 別邪正能施末世一切眾生無畏道眼於大

涅槃生決定信無復重隨輪轉境界起循環
 見世尊若諸菩薩及末世眾生欲遊如來大
 寂滅海云何當斷輪迴根本於諸輪迴有幾
 種性修佛菩提幾等差別迴入塵勞當設幾
 種教化方便度諸眾生惟願不捨救世大悲
 令諸修行一切菩薩及末世眾生十五慧目肅清
 照耀心鏡圓悟如來無上知見作是語已五
 體投地如是三請終而復始爾時世尊告彌
 勒菩薩言善哉善哉善男子汝等乃能為諸
 菩薩及末世眾生請問如來深奧秘密微妙

之義令諸菩薩潔清慧目及令一切末世衆生永斷輪迴心悟實相具無生忍汝今諦聽當爲汝說時彌勒菩薩奉教歡喜及諸大衆默然而聽善男子一切衆生從無始際由有種種恩愛貪欲故有輪迴若諸世界一切種性卵生胎生濕生化生皆因婬欲而正性命當知輪迴愛爲根本由有諸欲助發愛性是故能令生死相續欲因愛生命因欲有衆生愛命還依欲本愛欲爲因愛命爲果由於欲境起諸違順境背愛心而生憎嫉造種種業

是故復生地獄餓鬼知欲可厭愛厭業道捨惡樂善復現天人又知諸愛可厭惡故棄愛樂捨還滋愛本便現有爲增上善果皆輪迴故不成聖道是故衆生欲脫生死免諸輪迴先斷貪欲及除愛渴善男子菩薩變化示現世間非愛爲本但以慈悲令彼捨愛假諸貪欲而入生死若諸末世一切衆生能捨諸欲及除憎愛永斷輪迴勤求如來圓覺境界於清淨心便得開悟善男子一切衆生由本貪欲發揮無明顯出五性差別不等依二種障

而現深淺云何二障一者理障礙正知見二者事障續諸生死云何五性善男子若此二障未得斷滅名未成佛若諸衆生永捨貪欲先除事障未斷理障但能悟入聲聞緣覺未能顯住菩薩境界善男子若諸末世一切衆生欲汎如來大圓覺海先當發願勤斷二障二障已伏即能悟入菩薩境界若事理障已永斷滅即入如來微妙圓覺滿足菩提及大涅槃善男子一切衆生皆證圓覺逢善知識依彼所作因地法行爾時修習便有頓漸若

遇如來無上菩提正修行路根無大小皆成佛果若諸衆生雖求善友遇邪見者未得正悟是則名爲外道種性邪師過謬非衆生各是名衆生五性差別善男子菩薩唯以大悲方便入諸世間開發未悟乃至示現種種形相逆順境界與其同事化令成佛皆依無始清淨願力若諸末世一切衆生於大圓覺起增上心當發菩薩清淨大願應作是言願我今者住佛圓覺求善知識莫值外道及與二乘依願修行漸斷諸障障盡願滿便登解脫

清淨法殿證大圓覺妙莊嚴域爾時世尊欲
重宣此義而說偈言

彌勒汝當知 一切諸衆生 不得大解脫

皆由貪欲故 墮落於生死 若能斷憎愛

及與貪瞋癡 不因差別性 皆得成佛道

二障永消滅^若 求師得正悟^十 隨順菩薩願^{十七}

依止大涅槃 十方諸菩薩 皆以大悲願

示現入生死 現在修行者 及末世衆生

勤斷諸愛見 便歸大圓覺

於是清淨慧菩薩在大衆中即從座起頂禮

佛足右繞三匝長跪叉手而白佛言大悲世
尊爲我等輩廣說如是不思議事本所不見
本所不聞我等今者蒙佛善誘身心泰然得
大饒益願爲諸來一切法衆重宣法王圓滿
覺性一切衆生及諸菩薩如來世尊所證所
得云何差別今末世衆生聞此聖教隨順開
悟漸次能入作是語已五體投地如是三請
終而復始爾時世尊告清淨慧菩薩言善哉
善哉善男子汝等乃能爲末世衆生請問如
來漸次差別汝今諦聽當爲汝說時清淨慧

菩薩奉教歡喜及諸大衆默然而聽善男子
圓覺自性非性性有循諸性起無取無證於
實相中實無菩薩及諸衆生何以故菩薩衆
生皆是幻化幻化滅故無取證者譬如眼根
不自見眼性自平等無平等者衆生迷倒未
能除滅一切幻化於滅未滅妄功用中便顯
差別若得如來寂滅隨順實無寂滅及寂滅
者善男子一切衆生從無始來由妄想我及
愛我者曾不自知念念生滅故起憎愛耽著
五欲若遇善友教令開悟淨圓覺性發明起

滅即知此生性自勞慮若復有人勞慮永斷
得法界淨即彼淨解為自障礙故於圓覺而
不自在此名凡夫隨順覺性善男子一切菩
薩見解為礙雖斷解礙猶住見覺覺礙為礙
而不自在此名菩薩未入地者隨順覺性善
男子有照有覺第七俱名障礙是故菩薩常覺不
住照與照者同時寂滅譬如有人自斷其首
首已斷故無能斷者則以礙心自滅諸礙礙
已斷滅無滅礙者修多羅教如標月指若復
見月了知所標畢竟非月一切如來種種言

說開示菩薩亦復如是此名菩薩已入地者
 隨順覺性善男子一切障礙即究竟覺得念
 失念無非解脫成法破法皆名涅槃智慧愚
 癡通為般若菩薩外道所成就法同是菩提
 無明真如無異境界諸戒定慧及姪怒癡俱
 是梵行衆生國土同一法性地獄天宮皆為
 淨土有性無性齊成佛道一切煩惱畢竟解
 脫法界海慧照了諸相猶如虛空此名如來
 隨順覺性善男子但諸菩薩及末世衆生居
 一切時不起妄念於諸妄心亦不息滅住妄

想境不加了知於無了知不辯真實彼諸衆
 生聞是法門信解受持不生驚畏是則名為
 隨順覺性善男子汝等當知如是衆生已曾
 供養百千萬億恒河沙諸佛及大菩薩植衆
 德本佛說是人名為成就一切種智爾時世
 尊欲重宣此義而說偈言
華七
 清淨慧當知 圓滿菩提性 無取亦無證
 無菩薩衆生 覺與未覺時 漸次有差別
 衆生為解礙 菩薩未離覺 入地永寂滅
 不住一切相 大覺悉圓滿 名為徧隨順
十九

末世諸衆生 心不生虛妄 佛說如是人
現世即菩薩 供養恒沙佛 功德已圓滿
雖有多方便 皆名隨順智
於是威德自在菩薩在大衆中即從座起頂
禮佛足右繞三匝長跪叉手而白佛言大悲
世尊廣為我等分別如是隨順覺性令諸菩
薩覺心光明承佛圓音不因修習而得善利
世尊譬如大城外有四門隨方來者非止一
路一切菩薩莊嚴佛國及成菩提非一方便
惟願世尊廣為我等宣說一切方便漸次并

修行人總有幾種令此會菩薩及末世衆生
求大乘者速得開悟遊戲如來大寂滅海作
是語已五體投地如是三請終而復始爾時
世尊告威德自在菩薩言善哉善哉善男子
汝等乃能為諸菩薩及末世衆生問於如來
如是方便汝今諦聽當為汝說時威德自在
菩薩奉教歡喜及諸大衆默然而聽善男子
無上妙覺徧諸十方出生如來與一切法同
體平等於諸修行實無有二方便隨順其數
無量圓攝所歸徧性差別當有三種善男子

若諸菩薩悟淨圓覺以淨覺心取靜為行由
澄諸念覺識煩動靜慧發生身心客塵從此
永滅便能內發寂靜輕安由寂靜故十方世
界諸如來心中顯現如鏡中像此方便者
名奢摩他善男子若諸菩薩悟淨圓覺以淨
覺心知覺心性第七及與根塵皆因幻化即起諸
幻以除幻者變化諸幻而開幻眾由起幻故
便能內發大悲輕安一切菩薩從此起行漸
次增進彼觀幻者非同幻故非同幻觀皆是
幻故幻相永離是諸菩薩所圓妙行如土長

苗此方便者名三摩鉢提善男子若諸菩薩
悟淨圓覺以淨覺心不取幻化及諸靜相了
知身心皆為罣礙無知覺明不依諸礙永得
超過礙無礙境受用世界及與身心相在塵
域如器中錚聲出于外煩惱涅槃不相留礙
便能內發寂滅輕安妙覺隨順寂滅境界自
他身心所不能及眾生壽命皆為淨想此方
便者名為禪那善男子此三法門皆是圓覺
親近隨順十方如來因此成佛十方菩薩種
種方便一切同異皆依如是三種事業若得

圓證即成圓覺善男子假使有人修於聖道教化成就百千萬億阿羅漢辟支佛果不如有人聞此圓覺無礙法門一刹那頃隨順修習爾時世尊欲重宣此義而說偈言

威德汝當知無上大覺心 本際無二相

隨順諸方便其數即無量 如來總開示

便有三種類寂靜奢摩他 如鏡照諸像

如幻三摩提如苗漸增長 禪那唯寂滅

如彼器中鏗三種妙法門 皆是覺隨順

十方諸如來及諸大菩薩 因此得成道

三事圓證故 名究竟涅槃

於是辯音菩薩在大眾中即從座起頂禮佛足右繞三匝長跪叉手而白佛言大悲世尊如是法門甚為希有世尊此諸方便一切菩薩於圓覺門有幾修習願為大眾及末世眾生方便開示令悟實相作是語已五體投地如是三請終而復始爾時世尊告辯音菩薩言善哉善哉善男子汝等乃能為諸大眾及末世眾生問於如來如是修習汝今諦聽當為汝說時辯音菩薩奉教歡喜及諸大眾默

然而聽善男子一切如來圓覺清淨本無修習及修習者一切菩薩及末世衆生依於未覺幻力修習爾時便有二十五種清淨定輪若諸菩薩唯取極靜由靜力故永斷煩惱究竟成就不起于座便入涅槃此菩薩者名單

修奢摩他若諸菩薩唯觀如幻以佛力故變化世界種種作用備行菩薩清淨妙行於陀羅尼不失寂念及諸靜慧此菩薩者名單修三摩鉢提若諸菩薩唯滅諸幻不取作用獨斷煩惱煩惱斷盡便證實相此菩薩者名單

修禪那若諸菩薩先取至靜以靜慧心照諸幻者便於是中起菩薩行此菩薩者名先修奢摩他後修三摩鉢提若諸菩薩以靜慧故證至靜性便斷煩惱永出生死此菩薩者名先修奢摩他後修禪那若諸菩薩以寂靜慧

辨七

廿二

復現幻力種種變化度諸衆生後斷煩惱而入寂滅此菩薩者名先修奢摩他中修三摩鉢提後修禪那若諸菩薩以至靜力斷煩惱已後起菩薩清淨妙行度諸衆生此菩薩者名先修奢摩他中修禪那後修三摩鉢提若

諸菩薩以至靜力心斷煩惱復度衆生建立
 世界此菩薩者名先修奢摩他齊修三摩鉢
 提禪那若諸菩薩以至靜力資發變化後斷
 煩惱此菩薩者名齊修奢摩他三摩鉢提後
 修禪那若諸菩薩以至靜力用資寂滅後起
 作用變化世界此菩薩者名齊修奢摩他禪
 那後修三摩鉢提若諸菩薩以變化力種種
 隨順而取至靜此菩薩者名先修三摩鉢提
 後修奢摩他若諸菩薩以變化力種種境界
 而取寂滅此菩薩者名先修三摩鉢提後修

禪那若諸菩薩以變化力而作佛事安住寂
 靜而斷煩惱此菩薩者名先修三摩鉢提中
 修奢摩他後修禪那若諸菩薩以變化力無
 礙作用斷煩惱故安住至靜此菩薩者名先
 修三摩鉢提中修禪那後修奢摩他若諸菩
 薩以變化力方便作用至靜寂滅廿三二俱隨順
 此菩薩者名先修三摩鉢提齊修奢摩他禪
 那若諸菩薩以變化力種種起用資於至靜
 後斷煩惱此菩薩者名齊修三摩鉢提奢摩
 他後修禪那若諸菩薩以變化力資於寂滅

後住清淨無作靜慮此菩薩者名齊修三摩鉢提禪那後修奢摩他若諸菩薩以寂滅力而起至靜住於清淨此菩薩者名先修禪那後修奢摩他若諸菩薩以寂滅力而起作用於一切境寂用隨順此菩薩者名先修禪那後修三摩鉢提若諸菩薩以寂滅力種種自性安於靜慮而起變化此菩薩者名先修禪那中修奢摩他後修三摩鉢提若諸菩薩以寂滅力無作自性起於作用清淨境界歸於靜慮此菩薩者名先修禪那中修三摩鉢提

後修奢摩他若諸菩薩以寂滅力種種清淨而住靜慮起於變化此菩薩者名先修禪那齊修奢摩他三摩鉢提若諸菩薩以寂滅力資於至靜而起變化此菩薩者名齊修禪那奢摩他後修三摩鉢提若諸菩薩以寂滅力資於變化而起至靜清明境慧此菩薩者名齊修禪那三摩鉢提後修奢摩他若諸菩薩以圓覺慧圓合一切於諸性相無離覺性此菩薩者名為圓修三種自性清淨隨順善男子是名菩薩二十五輪一切菩薩修行如是

若諸菩薩及末世衆生依此輪者當持梵行
 寂靜思惟求哀懺悔經三七日於二十五輪
 各安標記至心求哀隨手結取依結開示便
 知頓漸一念疑悔即不成就爾時世尊欲重
 宣此義而說偈言

辯音汝當知 第七 一切諸菩薩 廿四 無礙清淨慧
 皆依禪定生 所謂奢摩他 三摩提禪那
 三法頓漸修 有二十五種 十方諸如來
 三世修行者 無不因此法 而得成菩提
 唯除頓覺人 并法不隨順 一切諸菩薩

及末世衆生 常當持此輪 隨順勤修習
 依佛大悲力 不久證涅槃
 於是淨諸業障菩薩在大衆中即從座起頂
 禮佛足右繞三匝長跪叉手而白佛言大悲
 世尊爲我等輩廣說如是不思議事一切如
 來因地行相令諸大衆得未曾有覩見調御
 塵恒沙劫勤苦境界一切功用猶如一念我
 等菩薩深自慶慰世尊若此覺心本性清淨
 因何染汙使諸衆生迷悶不入惟願如來廣
 爲我等開悟法性令此大衆及末世衆生作

將來眼作是語已五體投地如是三請終而復始爾時世尊告淨諸業障菩薩言善哉善哉善男子汝等乃能為諸大衆及末世衆生諮問如來如是方便汝今諦聽當為汝說時淨諸業障菩薩奉教歡喜及諸大衆默然而聽善男子一切衆生從無始來妄想執有我人衆生及與壽命認四顛倒為實我體由此便生憎愛二境於虛妄體重執虛妄二妄相依生妄業道有妄業故妄見流轉狀流轉者妄見涅槃由此不能入清淨覺非覺違拒諸

能入者有諸能入非覺入故是故動念及與息念皆歸迷悶何以故由有無始本起無明為己主宰一切衆生生無慧目身心等性皆是無明譬如有人不自斷命是故當知有愛我者我與隨順非隨順者便生憎怨為憎愛心養無明故相續求道皆不成就善男子云何我相謂諸衆生心所證者善男子譬如有人百骸調適忽忘我身四肢弦緩攝養乖方微加針艾則知有我是故證取方現我體善男子其心乃至證於如來畢竟了知清淨涅

槃皆是我相善男子云何人相謂諸衆生心
悟證者善男子悟有我者不復認我所悟非
我悟亦如是悟已超過一切證者悉爲人相
善男子其心乃至圓悟涅槃俱是我者心存
少悟備殫證理皆名人相善男子云何衆生
相謂諸衆生心自證悟所不及者善男子譬
如有人作如是言我是衆生則知彼人說衆
生者非我非彼云何非我我是衆生則非是
我云何非彼我是衆生非彼我故善男子但
諸衆生了證了悟皆爲我人而我人相所不

及者存有所了名衆生相善男子云何壽命
相謂諸衆生心照清淨覺所了者一切業智
所不自見猶如命根善男子若心照見一切
覺者皆爲塵垢覺所覺者不離塵故如湯銷
冰無別有冰知冰消者存我覺我亦復如是
善男子末世衆生不了四相雖經多劫勤苦
修道但名有爲終不能成一切聖果是故名
爲正法末世何以故認一切我爲涅槃故有
證有悟名成就故譬如有人認賊爲子其家
財寶終不成就何以故有我愛者亦愛涅槃

伏我愛根為涅槃相有憎我者亦憎生死不知愛者真生死故別憎生死名不解脫云何當知法不解脫善男子彼末世衆生習菩提者以已微證為自清淨猶未能盡我相根本若復有人讚歎彼法即生歡喜便欲濟度若復誹謗彼所得者便生瞋恨則知我相堅固執持潛伏藏識遊戲諸根曾不間斷善男子彼修道者不除我相是故不能入清淨覺善男子若知我空無毀我者有我說法我未斷故衆生壽命亦復如是善男子末世衆生說

病為法是故名為可憐憫者雖勤精進增益諸病是故不能入清淨覺善男子末世衆生不了四相以如來解及所行處為自修行終不成就或有衆生未得謂得未證謂證見勝進者心生嫉妬由彼衆生未斷我愛是故不能入清淨覺善男子末世衆生希望成道無七七令求悟唯益多聞增長我見但當精勤降伏煩惱起大勇猛未得令得未斷令斷貪瞋愛慢諂曲嫉妬對境不生彼我恩愛一切寂滅佛說是人漸次成就求善知識不墮邪見若

於所求別生憎愛則不能入清淨覺海爾時
世尊欲重宣此義而說偈言
淨業汝當知 一切諸衆生 皆由執我愛
無始妄流轉 未除四種相 不得成菩提
愛憎生於心 諂曲存諸念 是故多迷悶
不能入覺城 若能歸悟刹 先去貪瞋癡
法愛不存心 漸次可成就 我身本不有
憎愛何由生 此人求善友 終不墮邪見
所求別生心 究竟非成就
於是普覺菩薩在大衆中即從座起頂禮佛

足右繞三匝長跪叉手而白佛言大悲世尊
快說禪病令諸大衆得未曾有心意蕩然獲
大安隱世尊末世衆生去佛漸遠賢聖隱伏
邪法增熾使諸衆生求何等人依何等法行
何等行除去何病云何發心令彼羣盲不墮
邪見作是語已五體投地如是三請終而復
始爾時世尊告普覺菩薩言善哉善哉善男
子汝等乃能諮問如來如是修行能施末世
一切衆生無畏道眼令彼衆生得成聖道汝
今諦聽當為汝說時普覺菩薩奉教歡喜及

諸大衆默然而聽善男子末世衆生將發大
心求善知識欲修行者當求一切正知見人
心不住相不著聲聞緣覺境界雖現塵勞心
恒清淨示有諸過讚歎梵行不令衆生入不
律儀求如是人即得成就阿耨多羅三藐三
菩提第七末世衆生見如是人應當供養第八不惜身
命彼善知識四威儀中常現清淨乃至示現
種種過患心無憍慢况復搏財妻子眷屬若
善男子於彼善友不起惡念即能究竟成就
正覺心華發明照十方刹善男子彼善知識

所證妙法應離四病云何四病一者作病若
復有人作如是言我於本心作種種行欲求
圓覺彼圓覺性非作得故說名為病二者任
病若復有人作如是言我等今者不斷生死
不求涅槃涅槃生死無起滅念任彼一切隨
諸法性欲求圓覺彼圓覺性非任有故說名
為病三者止病若復有人作如是言我今自
心永息諸念得一切性寂然平等欲求圓覺
彼圓覺性非止合故說名為病四者滅病若
復有人作如是言我今永斷一切煩惱身心

畢竟空無所有何況根塵虛妄境界一切永
 寂欲求圓覺彼圓覺性非寂相故說名為病
 離四病者則知清淨作是觀者名為正觀若
 他觀者名為邪觀善男子末世衆生欲修行
 者應當盡命供養善友事善知識推七彼善知識
 欲來親近應斷憍慢若復遠離應斷瞋恨現廿九
 逆順境猶如虛空了知身心畢竟平等與諸
 衆生同體無異如是修行方入圓覺善男子
 末世衆生不得成道由有無始自他憎愛一
 切種子故未解脫若復有人觀彼怨家如已

父母心無有二即除諸病於諸法中自他憎
 愛亦復如是善男子末世衆生欲求圓覺應
 當發心作如是言盡於虛空一切衆生我皆
 令入究竟圓覺於圓覺中無取覺者除彼我
 人一切諸相如是發心不墮邪見爾時世尊
 欲重宣此義而說偈言
 普覺汝當知 末世諸衆生 欲求善知識
 應當求正見 心遠二乘者 法中除四病
 謂作止任滅 親近無憍慢 遠離無瞋恨
 見種種境界 心當生希有 還如佛出世

不犯非律儀 戒根永清淨 度一切衆生
 究竟入圓覺 無彼我人相 當依正智慧
 便得超邪見 證覺般涅槃
 於是圓覺菩薩在大衆中即從座起頂禮佛
 足右繞三匝長跪叉手而白佛言大悲世尊
 爲我等輩廣說淨覺種種方便令末世衆生
 有大增益世尊我等今者已得開悟若佛滅
 後末世衆生未得悟者云何安居修此圓覺
 清淨境界此圓覺中三種淨觀以何爲首惟
 願大悲爲諸大衆及末世衆生施大饒益作

是語已五體投地如是三請終而復始爾時
 世尊告圓覺菩薩言善哉善哉善男子汝等
 乃能問於如來如是方便以大饒益施諸衆
 生汝今諦聽當爲汝說時圓覺菩薩奉教歡
 喜及諸大衆默然而聽善男子一切衆生若
 佛住世若佛滅後釋七若法末時有諸衆生具大
 乘性信佛祕密大圓覺心欲修行者若在伽
 藍安處徒衆有緣事故隨分思察如我已說
 若復無有他事因緣即建道場當立期限若
 立長期百二十日中期百日下午期八十日安

置淨居若佛現在當正思惟若佛滅後施設
形像心存目想生正憶念還同如來常住之
日懸諸旛華經三七日稽首十方諸佛名字
求哀懺悔遇善境界得心輕安過三七日一
向攝念若經夏首三月安居當為清淨菩薩
止住心離聲聞不假徒衆至安居日即於佛
前作如是言我比丘比丘尼優婆塞優婆夷
某甲踞菩薩乘修寂滅行同入清淨實相住
持以大圓覺為我伽藍身心安居平等性智
涅槃自性無繫屬故今我敬請不依聲聞當

與十方如來及大菩薩三月安居為修菩薩
無上妙覺大因緣故不繫徒衆善男子此名
菩薩示現安居過三期日隨往無礙善男子
若彼末世修行衆生求菩薩道入三期者非
彼所聞一切境界終不可取善男子若諸衆
生修奢摩他先取至靜不起思辨七念靜極便覺
如是初靜從於一身至一世界覺亦如是善
男子若覺徧滿一世界者一世界中有一衆
生起一念者皆悉能知百千世界亦復如是
非彼所聞一切境界終不可取善男子若諸

衆生修三摩鉢提先當憶想十方如來十方世界一切菩薩依種種門漸次修行勤苦三昧廣發大願自熏成種非彼所聞一切境界終不可取善男子若諸衆生修於禪那先取數門心中了知生住滅念分劑頭數如是周徧四威儀中分別念數無不了知漸次增進乃至得知百千世界一滴之雨猶如目覩所受用物非彼所聞一切境界終不可取是名三觀初首方便若諸衆生徧修三種勤行精進即名如來出現于世若後末世鈍根衆生

心欲求道不得成就由昔業障當勤懺悔常起希望先斷憎愛嫉妬諂曲求勝上心三種淨觀隨學一事此觀不得復習彼觀心不放捨漸次求證爾時世尊欲重宣此義而說偈言

圓覺汝當知	一切諸衆生	欲求無上道
先當結三期	懺悔無始業	經於三七日
然後正思惟	非彼所聞境	畢竟不可取
奢摩他至靜	三摩正憶持	禪那明數門
是名三淨觀	若能勤修習	是名佛出世

鈍根未成者 常當勤心懺 無始一切罪
諸障若消滅 佛境便現前

於是賢善首菩薩在大衆中即從座起頂禮
佛足右繞三匝長跪叉手而白佛言大悲世
尊廣爲我等及末世衆生開悟如是不思議
事世尊此大乘教名字何等云何奉持衆生
修習得何功德云何使我護持經人流布此
教至於何地作是語已五體投地如是三請
終而復始爾時世尊告賢善首菩薩言善哉
善哉善男子汝等乃能爲諸菩薩及末世衆

生問於如來如是經教功德名字汝今諦聽
當爲汝說時賢善首菩薩奉教歡喜及諸大
衆默然而聽善男子是經百千萬億恒河沙
諸佛所說三世如來之所守護十方菩薩之
所歸依十二部經清淨眼目是經名大方廣
圓覺陀羅尼亦名修多羅了義亦名秘密王
三昧亦名如來決定境界亦名如來藏自性
差別汝當奉持善男子是經唯顯如來境界
唯佛如來能盡宣說若諸菩薩及末世衆生
依此修行漸次增進至於佛地善男子是經

名爲頓教大乘頓機衆生從此開悟亦攝漸
修一切羣品譬如大海不讓小流乃至蚊蟲
及阿脩羅飲其水者皆得充滿善男子假使
有人純以七寶積滿三千大千世界以用布
施不如有人聞此經名及一句義善男子假
使有人教百恒河沙衆生得阿羅漢果不如
有人宣說此經分別半偈善男子若復有人
聞此經名信心不惑當知是人非於一佛二
佛種種福慧如是乃至盡恒河沙一切佛所
種諸善根聞此經教汝善男子當護末世是

修行者無令惡魔及諸外道惱其身心令生
退屈爾時會中有火首金剛摧碎金剛尼藍
婆金剛等八萬金剛并其眷屬即從座起頂
禮佛足右繞三匝而白佛言世尊若後末世
一切衆生有能持此決定大乘我當守護如
護眼目乃至道場所修行處我等金剛自領
徒衆晨夕守護令不退轉其家乃至永無災
障疫病消滅財寶豐足常不乏少爾時大梵
王二十八天王并須彌山王護國天王等即
從座起頂禮佛足右繞三匝而白佛言世尊

我亦守護是持經者常令安隱心不退轉爾
 時有大力鬼王名吉槃荼與十萬鬼王即從
 座起頂禮佛足右繞三匝而白佛言世尊我
 亦守護是持經人朝夕侍衛令不退屈其人
 所居一由旬內若有鬼神侵其境界我當使

其碎如微塵

佛說此經已一切菩薩天龍鬼神八部眷屬
 及諸天王梵王等一切大眾聞佛所說皆大
 歡喜信受奉行

大方廣圓覺修多羅了義經

音釋

序

闕彼義切 幽深也切 轡彼義切 燦書藥切 獠猶也切 獠猶也切 獠猶也切
 我許月切 我許月切 我許月切 我許月切 我許月切 我許月切 我許月切 我許月切
 也田聊切 也田聊切 也田聊切 也田聊切 也田聊切 也田聊切 也田聊切 也田聊切
 也垂髮也 也垂髮也 也垂髮也 也垂髮也 也垂髮也 也垂髮也 也垂髮也 也垂髮也

經

髓髓腦切 髓髓腦切 髓髓腦切 髓髓腦切 髓髓腦切 髓髓腦切 髓髓腦切 髓髓腦切
 疾士切 疾士切 疾士切 疾士切 疾士切 疾士切 疾士切 疾士切
 鏗胡能切 鏗胡能切 鏗胡能切 鏗胡能切 鏗胡能切 鏗胡能切 鏗胡能切 鏗胡能切
 殫都寒切 殫都寒切 殫都寒切 殫都寒切 殫都寒切 殫都寒切 殫都寒切 殫都寒切
 痰徒甘切 痰徒甘切 痰徒甘切 痰徒甘切 痰徒甘切 痰徒甘切 痰徒甘切 痰徒甘切
 駛甘切 駛甘切 駛甘切 駛甘切 駛甘切 駛甘切 駛甘切 駛甘切

佛說施燈功德經

高齊北天竺三藏法師那連提黎耶舍譯

如是我聞一時佛在舍衛國祇樹給孤獨園
爾時世尊告舍利弗言舍利弗佛有四種勝
妙善法能令衆生得無量果無量光明無量
妙色無量福藏維無量樂藏無量戒一定智慧解
脫解脫知見辯才之藏一切無著無漏之法
舍利弗何等為四一者謂如來應正遍知得
尸波羅蜜具無量戒二者得禪波羅蜜具無
量定三者得般若波羅蜜具無量慧及廣智

慧觀達慧如性慧無數慧決定慧畢定知見
四者得無濁心善勝作心具妙解脫第一解
脫是為四種勝妙善法舍利弗是佛如來應
正遍知於一切惡皆悉遠離一切善法皆悉
成就衆行備滿具如實見遠離閻冥能為光
曜具足無量福智資糧隱蔽世間不為世間
之所映奪獲得戒定智慧解脫解脫知見具
足十力四無所畏得一切諸佛法力能具諸
佛法力得具諸佛大慈悲力及辯才力本願
方便皆悉滿足善修本業具智慧寶精進無

量終不休息離諸憂感無有逼惱無有取著
能善調伏為大龍王無有餘習為一切衆生
無上福田舍利弗若比丘比丘尼沙彌沙彌
尼優婆塞優婆夷清淨心為求福故為愛樂
福故思念如來無上方便本行滿足盡未來
際一切生死於現在世成就無量無著戒定
智慧解脫解脫知見乃至念佛一種功德念
功德已於無量億那由他百千劫中所習善
根三明福田所清淨戒所無等等戒所無量
真實大功德所或於塔廟諸形像前而設供

養為供養故奉施燈明乃至以少燈炷或酥
油塗然持以奉施其明唯照道之一階舍利
弗如此福德非是一切聲聞緣覺所能了知
唯佛如來乃能知也舍利弗求世報者福德
尚爾何況以清淨深樂心不求果報安住恭
敬相續無間念佛功德善男子善女人等所
生福德舍利弗照道一階福德尚爾何況全
照諸階道也或二階道或三階道或四階道
或及塔身一級二級乃至多級一面二面乃
至四面及佛形像舍利弗彼所然燈或時連

滅或風吹滅或油盡滅或炷盡滅或俱盡滅
譬如諸龍以瞋恚故出雲垂布於中起電起
已尋滅舍利弗如是少時於佛塔廟奉施燈
時若彼比丘比丘尼沙彌沙彌尼優婆塞優
婆夷若復餘人不受戒者為樂善故護己身
故信佛法僧如是少燈奉施福田所得果報
福德之聚唯佛能知一切世間人天魔梵沙
門婆羅門乃至聲聞辟支佛等所不能知如
是然少燈明所受福報不可得說舍利弗諸
佛境界不可思議唯有如來乃知此義舍利

弗彼施燈者所得福聚無量無邊不可算數
唯有如來乃能了知舍利弗然少燈明福德
尚爾不可算數況我滅後於佛塔寺若自作
若教他作或然一燈二燈乃至多燈香華瓔
珞寶幢幡蓋及餘種種勝妙供養舍利弗有
四種法應當信受何等為四一者佛法無量
應當信受二者少修善根獲無量報應當信
受三者若於三寶深生敬信善修業行所得
福報汝等聲聞現得見我尚不能得具足知
之亦復不能思惟測度況我滅後聲聞弟子

遠離我者能得見知及能測度若有能知及測度者無有是處應當信受四者是諸聲聞不能得知及能測量一切衆生所有作業及業果報舍利弗汝等聲聞於此事中不須思量何以故舍利弗如來常說一切衆生業行果報不可思量過去諸佛應正遍知已如是說衆生業報不可思量未來諸佛應正遍知當如是說衆生業報不可思量衆生心信及心自性亦不可知不可思量如是之義應當信受舍利弗汝等聲聞住聖種者於一切衆

生業報之中無有實眼及巧方便況餘輕微薄劣心者離戒定慧解脫解脫知見者失正念者無明闇冥厚翳目者於自己身內外諸法而不能知我竟是誰我是誰許我住何處我之功德爲大爲小我當云何爲與戒相應爲與戒不相應我爲正念戒我爲失念戒我所作業爲作智人業爲作愚人業爲從何來爲何處去舍利弗諸凡夫人顛倒見者於自己身如是等事尚自不知況能得知一切衆生種種業報若能知者無有是處舍利弗如

來應正遍知戒無滅定無滅智無滅解脫無
滅解脫知見無滅相無滅舍利弗如來應正
遍知無量戒無礙戒不思議戒無等戒究竟
戒清淨戒彼如來於一切衆生若業若業報
皆如實知舍利弗云何如來於一切衆生業
報得如實知第八舍利弗佛如實知或有衆生善
業盡不善業增或有衆生不善業盡善業增
或有衆生善業當生不善業當滅或有衆生
不善業當生善業當滅舍利弗如來如是入
一切衆生業及業報種種差別皆如實知彼

彼衆生或有無知或有愚闇或有善者或不
善者舍利弗我有如是智如是善巧於諸衆
生不可思議種種業報皆能記說舍利弗若
有衆生成就信心彼能信我若復衆生無有
信心遠離我法不信我語誹謗於我彼於長
夜無義無利墜墮苦惱舍利弗若彼衆生於
佛塔廟奉施燈明以此奉施所作善業能獲
安樂可樂之果彼施燈明作善業時欣喜相
應從信心起於現在世得三種淨心何等爲
三彼諸善男子善女人作是念我於如來已

設供養知身不堅攝堅身想知財過患攝堅財想舍利弗是名供養佛塔第一淨心復次舍利弗彼諸善男子善女人起如是心我於如來無上福田最勝福田能受最勝供養者所已作供養我今不畏墮於地獄畜生餓鬼我此善根已作人天善道之因得於妙色資生眾具又得智慧安隱快樂乃至能得菩提之果舍利弗是名供養佛塔第二淨心復次舍利弗彼諸善男子善女人作如是想我於諸佛已作捨施已作福德已捨慳貪已除慳

過作如是念已施心無慳施心增長舍利弗是名供養佛塔第三淨心復次舍利弗若善男子善女人於佛塔廟施燈明已臨命終時得三種明何等為三一者彼善男子善女人臨命終時先所作福悉皆現前憶念善法而不忘失舍利弗是為一明因此便能念知自己先於佛所植諸善業復次舍利弗彼善男子善女人於命終時得如是念我於佛像塔廟等前已曾供養作是念已心生踊悅舍利弗是為二明因此便能起念佛覺復次舍利

弗彼善男子善女人於命終時見餘衆生奉
行布施見他作已起如是念我亦曾於佛支
提所奉施燈明我今亦當復行布施念於布
施得欣喜心得喜心已無有死苦舍利弗是
為三明因此便得念法之心復次舍利弗佛
塔廟中布施燈者彼善男子善女人於臨終
時更復得見四種光明何等為四一者於臨
終時見於日輪圓滿涌出二者見淨月輪圓
滿涌出三者見諸天衆一處而坐四者見於
如來應正遍知坐菩提樹垂得菩提自見已

身尊重如來合十指掌恭敬而住舍利弗是
名於佛塔廟布施燈已臨命終時得見如是
四種光明爾時世尊說此義已復說偈言
無上法王大仙人 若人奉施彼塔廟
彼智慧者作業已 獲得無邊最勝樂
臨命終時不失念 能見自昔布施燈
得四種喜離諸罪 於彼死時不惑亂
臨死時見十方明 現觀日月從地出
見天千萬那由他 為彼天衆說佛法
父母妻子及親屬 皆悉圍遶大悲號

死者不念亦不視	彼人正念常不亂
現前得觀天宮殿	對諸天女心安隱
復見莊嚴諸園林	是中具足勝五欲
又見佛坐菩提樹	天人脩羅悉圍遶
自見合掌住佛前	於勝牟尼修供養
既見導師深敬重	其心欣喜請如來
世尊見彼心欣喜	於是不違受彼請
是人稱願喜充遍	於捨命時無苦惱
彼於佛所心喜已	無有臨終大怖畏
臨命終時不失念	彼觀十方皆大明

見未曾有勝妙色 此是施燈之果報
 死已必得生天上 自見已身坐天牀
 有諸天女圍遶之 供養佛故得此果
 復次舍利弗於佛塔廟施燈明已死便生於
 三十三天生彼天已於五種事而得清淨舍
 利弗云何彼天於五種事而得清淨一者得
 清淨身二者於諸天中得殊勝威德三者常
 得清淨念慧四者常得聞於稱意之聲五者
 所得眷屬常稱彼意心得欣喜舍利弗是名
 彼天於五種事而得清淨爾時世尊欲重宣

此義而說偈言

彼天獲得光明身 具足功德他尊重
與千天子爲上首 以燈施佛支提故
所聞天聲常稱意 哀美殊妙勝餘天
具足第一勝念慧 復得最上勝眷屬
隨彼天子所行處 一切諸天皆欽仰
本昔修習何等業 今得如是熾然身
有樹皆名上歡喜 周帀光照猶如月
彼天感得是妙樹 持此莊飾天宮園
無量諸天皆驚恠 今此樹華名何等

猶如燈明光照曜 普出如意妙熏香
彼天所有諸眷屬 以彼樹華莊嚴身
彼於無量億天中 光明照曜猶如日
復次舍利弗於佛塔廟布施燈明生三十三
天已彼天自知如是時中我住於此如是時
中我當命終彼勝天子臨命終時於其眷屬
及餘天衆說法勸化令其欣喜於彼天宮捨
壽命已不墮惡趣生於人中最上種姓信佛
法家是時世間若無佛者亦復不在輒取吉
凶邪見家生爾時世尊欲重宣此義而說偈

言

彼天生得如是智
 彼天亦復能自知
 五種死相出現時
 即為億天衆說法
 於天衆中作是言
 或有生者或有死
 彼諸眷屬皆悲惱
 雖復見已五種相
 在彼天宮命絕已

知爾許時天中住
 我今未幾當命盡
 彼天壽命臨欲絕
 遠離愚癡心不憂
 諸有無常亦無樂
 不念將死說是法
 無量天衆亦復然
 自念功德不憂愁
 尋即下來人間生

住胎出胎念不亂
 生已便得宿命通
 念人中苦不貪樂
 彼念天中果報已
 天中尚苦況復人
 彼人及其成立已
 心常不行惡覺觀
 世世恒得宿命通
 必定出家持淨戒
 恒常不盲及癡瞋

常受快樂無苦惱
 悉能憶念本來處
 須臾死來見逼切
 於此人間不為樂
 諸有不堅常流動
 必當捨家而出家
 彼當獲得如是果
 亦常不作諸惡業
 此是彼施燈明果
 眼一切時不闇昧

身亦無病無惡聲	心常點慧不愚惑
又復恒常無眼患	所在受生眼不眇
不無一眼及瞎眼	彼眼亦常不濁亂
眼目脩長黑白分	猶如淨妙青蓮葉
眼淨能見微細物	如彼明徹摩尼珠
無量阿僧祇劫中	得淨肉眼不失壞
彼亦常無眼諸病	此是奉施燈明果
善印善相善諸論	於諸工巧悉究了
彼有智人善觀察	妙慧能見第一義
善觀諸有不自在	於佛法中得照明

普見一切佛世尊	見已恭敬修供養
生生得勝端正色	親戚眷屬皆敬愛
得大財寶力自在	及得不壞諸眷屬
如彼燈明能破闇	熾然照曜遍諸方
彼人光明亦如是	不為闇冥所隱蔽
若於佛塔起信心	施勝燈鬘及瓔珞
施燈明時心清淨	獲得人中最勝尊
端正殊妙甚可愛	一切世間所喜樂
心不輒取於吉凶	亦不樂於世左道
世間所有諸惡見	及邪道等不信受

若為國王恒知足	不貪他土興戰諍
常無苦惱亦無愛	亦復無有諸惱熱
彼無一切諸退失	復無惡名無衰惱
若為王臣所發言	王及國人無不信
身常無有羸瘠病	不作黃門不非道
身相具足安樂住	患苦不能著其身
亦復不見諸惡夢	卧覺一切常安隱
生生能得諸伏藏	供養一切佛支提
諸佛功德無有邊	彼人所得亦如是
舍利弗若有衆生於佛塔廟施燈明者得於	

四種可樂之法何等為四一者色身二者資財三者大善四者智慧舍利弗若有衆生於佛支提施燈明者得如是等可樂之法爾時如來欲重宣此義復說偈言

身臚圓滿具大力	不與他人共戰諍
遍遊諸方無惱者	由燈奉施佛支提
生於大富上族家	具足功德人所敬
生生恒得宿命智	由燈奉施佛支提
於諸衆生常慈念	發言眷屬皆敬受
心無損害恒調柔	常不造作惡道業

復次舍利弗若有衆生供養佛塔得四種清淨何等為四一者身業清淨二者口業清淨三者意業清淨四者善友清淨舍利弗云何得於身業清淨若善男子善女人於彼彼生處遠離殺生無殺害意亦常遠離偷盜邪淫於己妻所尚不邪行況餘人妻亦不飲酒放逸自縱不以刀杖及餘苦具加逼衆生離不善法及諸惡業舍利弗遠離是等是名身業清淨舍利弗云何口業清淨是人世世常不妄語若不見聞終不妄說若見若聞合時諮

問然後乃語為利自他不作異說設若有人教令妄語為護實語終不妄言不以此語向彼人說不持彼事向此人道二朋先壞不令增長有所發言能善和諍若痛心語若麤語若苦惡語不喜語不樂語不愛語不入心語惱他語結怨語第八悉皆遠離有所發言潤語濡語意樂語不麤語悅耳語美妙語入心語多人愛語多人樂語可愛語可樂語能除怨語恒作如是種種美妙語復離綺語不作異想異語不作異印異期覆障實事不煩廣語不

非時語恒究竟語舍利弗如是遠離不清淨
 口業成就清淨口業舍利弗是名口業清淨
 舍利弗云何意業清淨於他所有珍寶資財
 不起貪著不起瞋心遠離害心又離邪見無
 諸惡見舍利弗遠離是等是名意業清淨舍
 利弗云何得善友清淨若諸善友遠離妄語
 亦不飲酒離諸麤穢調伏正見往詣其所親
 近諮受又詣諸佛菩薩緣覺聲聞等所親近
 供養諮受未聞舍利弗是名第四善友清淨
 舍利弗若善男子善女人於佛支提施燈明

已得如是等四種清淨爾時世尊欲重宣此
 義而說偈言

為欲照塔故然燈	身口意業善調伏
遠離邪見具淨戒	由是獲得如意眼
猶如淨日照十方	速能獲得於漏盡
彼大智慧具威德	得淨天眼離塵漏
智者能了衆生意	亦得通明及辯才
求二乘道得不難	由施佛燈獲是報
若求無上佛菩提	天眼智慧及財物
於此三事恒無減	由燈奉施佛支提

舍利弗若善男子善女人住於大衆於佛塔
廟施燈明已彼世世中得於八種可樂勝法
何等爲八一者獲勝肉眼二者得於勝念無
能測量三者得於勝上達分天眼四者爲於
滿足修集道故得不缺戒五者得智滿足證
於涅槃六者先所作善得無難處七者所作
善業得值諸佛能爲一切衆生之眼八者若
善男子善女人以彼善根得轉輪王所得輪
寶不爲他障其身端正或爲帝釋得大威力
具足千眼或爲梵王善知梵事得大禪定舍

舍利弗以其迴向菩提善根得是八種可樂勝
法復次舍利弗住於大衆善男子善女人復
得八種無量勝法一者得於無量佛眼二者
得於無量如來神通三者得於無量佛戒四
者得於無量如來三昧五者得於無量如來
智慧六者得於無量如來解脫七者得佛無
量解脫知見八者得入一切衆生心所樂欲
舍利弗善男子善女人於佛塔廟奉施燈明
能攝如是無量勝報復次舍利弗若有衆生
見說法者作如是念云何令彼常得宣說願

示佛法以燈施彼施油燈故令說法者得施
法燈作是念已持燈奉施以此布施燈明善
根得於八種無量資糧何等為八一者得於
無量正念資糧二者得於無量大智資糧三
者得於無量信心資糧四者得於無量精進
資糧五者得於無量大慧資糧六者得於無
量三昧資糧七者得於無量辯才資糧八者
得於無量福德資糧舍利弗是名施燈八種
資糧亦復得於四無礙辯乃至次第得一切
種智復次舍利弗若有善男子善女人於如

來前見他施燈信心清淨合十指掌起隨喜
心以此善根得於八種增上之法何等為八
一者得增上色二者得增上眷屬三者得增
上戒四者於人天中得增上生五者得增上
信六者得增上辯七者得增上聖道八者得
阿耨多羅三藐三菩提舍利弗是名八種增
上之法舍利弗何故能得此等八種增上勝
法舍利弗佛有無量戒定智慧解脫解脫知
見故供養彼者所得果報所得利益亦復無
量爾時世尊欲重宣此義而說偈言

造作出離行 勤修於佛法 棄捨死軍衆

如象碎葦林

爾時佛告慧命舍利弗有五種法最為難得
一者得人身難二者於佛正法得信樂難三者樂於佛法得出家難四者具淨戒難五者得漏盡難舍利弗一切衆生於是五法最為難得汝等已得爾時世尊重宣前義勸舍利弗等而說偈言

如來支提修布施 為利衆生求菩提

智者造作此勝因 生生常得最勝報

永樂北藏

施燈功德經

第五〇册

於天人中受勝生	為人天等修供養
譬如須彌安不動	光明普遍照十方
彼天衆見皆恭敬	亦復愛樂生信心
彼興供養亦讚美	一切皆喜數數見
奇哉是天福德相	猶梵天光照梵宮
此天曾作何等業	身光明燄得如是
見是誰不修習善	誰不修學聖種戒
誰見牟尼生厭心	誰聞妙法而放逸
彼昔在於人間時	常以燈施如來塔
曾佛法中設供養	善得福利生天中

願我恒得於人身	於佛法中生淨信
常不放逸住佛道	寧棄身命不捨法
獲得人身最為難	愚人云何不為福
徒費資財不為法	死已便墮大嶮坑
天見無垢威德已	心自悔責發願言
願我常得人間生	精勤修習於梵行
願我最後臨終時	於佛法中得淨信
願得正念不忘失	得見無量諸如來
為千億天所供養	與諸天女相娛樂
諸天女衆皆敬愛	天女莊嚴戲園林

諸方天香皆來熏	耳聞一切妙音聲
是天隨所遊行處	恒得觀見上妙色
所可見色皆可愛	彼常不覩諸惡色
亦復常得勝妙觸	皆由持燈施支提
從彼沒已生人道	正念處於父母胎
生已憶彼天中事	智慧之力不退失
彼人造作如是業	得於大力轉輪王
其王形貌極端嚴	施燈獲得如是報
由彼業故得命長	一向清淨安樂器
其身無有諸患病	然燈獲得如是果

無有王難怨賊難 不為惡人之所惱 安隱豐足無所畏 得勝瓔珞及園林 當得覩見佛世尊	他人不敢侵其妻 由持燈明施佛故 豪富自在饒財寶 斯由然燈奉施佛 見已心便生敬信	以欣喜心供養佛 佛無量智究竟智 於此佛塔施燈已 牟尼牛王清淨眼 得於無漏無上道	棄捨王位而出家 具可嘆德能化人 其人身光如燈照 以好燈明照彼塔 其身光明照十方
---	---	---	---

見四真諦具十力 得遍見眼成善逝 設令一切諸衆生 具大威德見實義 十方所有諸世界	不共之法亦究竟 此果皆由布施燈 昔曾供養無量佛 億劫來成緣覺道 悉布燈鬘無有餘	以是世界諸燈鬘 是人如是修供養 若人一燈奉施佛 燈油譬如大海水 有人能然如是燈	若人信心供養彼 於無量劫常不斷 得福過前無有量 其炷猶如須彌山 遍照一切諸世界
---	---	---	---

是人深心懷敬信	其志唯求緣覺道
十方遍置如是燈	一心恭敬而供養
若人發於菩提心	手執草炬暫奉佛
是人得福過於彼	我見實義作是說
十方一切諸衆生	一一供具皆如上
然經無量恒沙劫	其心唯求緣覺道
若有人於佛塔廟	然於一燈或一禮
求無上道為衆生	此福過前無有量
難見難思佛境界	智者聞即生欣喜
無信心者聞不樂	彼愚癡魔壞正法

證淨法界甚為難 一切世間獨善逝
 是故汝等應欣喜 於佛功德當願求
 爾時世尊說此法已慧命舍利弗等無量天
 人阿脩羅乾闥婆緊那羅摩睺羅伽人非人
 等聞佛所說皆發無上菩提之心欣喜無量
 作禮而去

佛說施燈功德經

音釋

癡癡 癡問員切手拘癡也 癡 瘠秦昔切 臍
 丑容切 濡正作濡乳 充
 圓直也 濡切與輭同

金剛三昧經卷上

難九

出北涼錄失譯師名

序品第一

如是我聞一時佛在王舍大城耆闍崛山中與大比丘衆一萬人俱皆得阿羅漢道其名曰舍利弗大目犍連須菩提如是衆等阿羅漢復有菩薩摩訶薩二千人俱其名曰解脫菩薩心王菩薩無住菩薩如是等菩薩復有長者八萬人俱其名曰梵行長者大梵長者樹提長者如是等長者復有天龍夜叉乾闥

婆阿脩羅迦樓羅緊那羅摩睺羅伽人非人等六十萬億爾時世尊四衆圍繞爲諸大衆說大乘經名一味真實無相無生決定實際本覺利行若聞是經乃至受持一四句偈是人則爲入佛智地能以方便教化衆生爲一切衆生作大知識佛說此經已結跏趺坐即入金剛三昧身心不動爾時衆中有一比丘名曰阿伽陀從座而起合掌胡跪欲宣此義而說偈言大慈滿足尊 智慧通無礙 廣度衆生故

永樂北藏

金剛三昧經

第五〇册

說於一諦義	皆以一味道	終不以小乘
所說義味處	皆悉離不實	入諸佛智地
決定真實際	聞者皆出世	無有不解脫
無量諸菩薩	皆悉度衆生	為衆廣深問
知法寂滅相	入於決定處	如來智方便
當為入實說	隨順皆一乘	無有諸雜味
猶如一雨潤	衆草皆悉榮	隨其性各異
一味之法潤	普充於一切	如彼一雨潤
皆長菩提芽	入於金剛昧	證法真實定
決定斷疑悔	一法之印成	

無相法品第二

爾時世尊從三昧起而說是言諸佛智地入實法相決定性故方便神通皆無相利一覺了義難解難入非諸二乘之所知見唯佛菩薩乃能知之可度衆生皆說一味

爾時解脫菩薩即從座起合掌胡跪而白佛言尊者若佛滅後正法去世像法住世於末劫中五濁衆生多諸惡業輪迴三界無有出時願佛慈悲為後衆生宣說一味決定真實令彼衆生等同解脫佛言善男子汝能問我

出世之因欲化衆生令彼衆生獲得出世之
果是一大事不可思議以大慈故以大悲故
我若不說即墮慳貪汝等一心諦聽爲汝宣
說善男子若化衆生無生於化不生無化其
化大焉令彼衆生皆離心我一切心我本來
空寂若得空心心不幻化無幻無化即得無
生無生之心在於無化

解脫菩薩而白佛言尊者衆生之心性本空
寂空寂之心體無色相云何修習得本空心
願佛慈悲爲我宣說佛言菩薩一切心相本

來無本本無本處空寂無生若心無生即入
空寂空寂心地即得心空善男子無相之心
無心無我一切法相亦復如是

解脫菩薩而白佛言尊者一切衆生若有我
者若有心者以何法覺令彼衆生出離斯縛
佛言善男子若有我者難九令觀十二三因緣十二
因緣本從因果因果所起興於心行心尚不
有何況有身若有我者令滅有見若無我者
令滅無見若心生者令滅生性若心滅者令
滅滅性滅是見性即入實際何以故本生不

滅本滅不生不滅不生不生不滅一切法相亦復如是

解脫菩薩而白佛言尊者若有衆生見法生時令滅何見見法滅時令滅何見佛言菩薩若有衆生見法生時令滅無見見法滅時令滅有見若滅是見得法真源無入決定性決定無生

解脫菩薩而白佛言尊者令彼衆生住於無生是無生也佛言住於無生即是有生何以故無住無生乃是無生菩薩若生無生以生

滅生生滅俱滅本生不生心常空寂空寂無住心無有住乃是無生

解脫菩薩而白佛言尊者心無有住有何修學為有學耶為無學耶佛言菩薩無生之心無出入本如來藏性寂不動亦非有學亦非無學無有學不學是即無學非無有學是為所學

解脫菩薩而白佛言尊者云何如來藏性寂不動佛言如來藏者生滅慮知相隱理不顯是如來藏性寂不動

解脫菩薩而白佛言尊者云何生滅慮知相
佛言菩薩理無可不若有可不即生諸念千
思萬慮是生滅相菩薩觀本性相理自滿足
千思萬慮不益道理徒爲動亂失本心王若
無思慮則無生滅如實不起諸識安寂流注
不生得五法淨是謂大乘菩薩入五法淨心
即無妄若無有妄即入如來自覺聖智之地
入智地者善知一切從本不生知本不生即
無妄想
解脫菩薩而白佛言尊者無妄想者應無止

息佛言菩薩妄本不生無妄可息知心無心
無心可止無分無別現識不生無生可止是
則無止亦非無止何以故止無止故
解脫菩薩而白佛言尊者若止無止止即是
生何謂無生佛言菩薩當止是生止已無止
亦不住於無止亦不住於無住云何是生
解脫菩薩而白佛言尊者無生之心有何取
捨住何法相佛言無生之心不取不捨住於
不心住於不法
解脫菩薩而白佛言尊者云何住於不心住

於不法佛言不生於心是住不心不生於法
是住不法善男子不生心法即無依止不住
諸行心常空寂無有異想譬彼虛空無有動
住無起無作無彼無此得空心眼得法空心
五陰六入悉皆空寂善男子修空法者不依
三界不住戒相清淨無念無攝無放性五等金
剛不壞三寶空心不動具六波羅蜜
解脫菩薩而白佛言尊者六波羅蜜者皆是
有相有相之法能出世耶佛言善男子我所
說六波羅蜜者無相無爲何以故善入離欲

心常清淨實語方便本利利人是檀波羅蜜
至念堅固心常無住清淨無染不著三界是
尸波羅蜜修空斷結不依諸有寂靜三業不
住身心是羸提波羅蜜遠離名數斷空有見
深入陰空是毗梨耶波羅蜜具離空寂不住
諸空心處無住不住大空是禪波羅蜜心無
心相不取虛空諸行不生不證寂滅心無出
入性常平等諸法實際皆決定性不依諸地
不住智慧是般若波羅蜜善男子是六波羅
蜜者皆獲本利入決定性超然出世無礙解

脫善男子如是解脫法相皆無相行亦無解
不解是名解脫何以故解脫之相無相無行
無動無亂寂靜涅槃亦不取涅槃相解脫善
薩聞是語已心大欣懌得未曾有欲宣義意
而說偈言

大覺滿足尊	為衆敷演法	皆說於一乘
無有二乘道	一味無相利	猶如太虛空
無有不容受	隨其性各異	皆得於本處
如彼離心我	一法之所成	諸有同異行
悉獲於本利	滅絕二相見	寂靜之涅槃

亦不住取證	入於決定處	無相無有行
空心寂滅地	寂滅心無生	同彼金剛性
不壞於三寶	具六波羅蜜	度諸一切生
超然出三界	皆不以小乘	一味之法印
一乘之所成		

爾時大衆聞說是義心大欣懌得離心我入釋九
空無相恢廓曠蕩皆得決定斷結盡漏
無生行品第三
爾時心王菩薩聞佛說法出三界外不可思
議從座而起叉手合掌以偈問曰

如來所說義 出世無有相 可有一切生
皆得盡有漏 斷結空心我 是則無有生
云何無有生 而得無生忍
爾時佛告心王菩薩言善男子無生法忍法
本無生諸行無生非無生行得無生忍即為
虛妄
心王菩薩言尊者得無生忍即為虛妄無得
無忍應非虛妄佛言不也何以故無得無忍
是則有得有得有忍是則有生有生於得有
所得法並為虛妄

心王菩薩言尊者云何無忍無生心而非虛
妄佛言無忍無生心者心無形段猶如火性
雖處木中其在無所決定性故但名但字性
不可得欲詮其理假說為名名不可得心相
亦爾不見處所知心如^是是則無生心善男子
是心性相又如阿摩勒果本不自生不從他
生不共生不因生不無生何以故緣代謝故
緣起非生緣謝非滅隱顯無相根理寂滅在
無有處不見處所住決定性故是決定性亦
不一不異不斷不常不入不出生不生不滅離

諸四謗言語道斷無生心性亦復如是云何說生不生有忍無忍若有說心有得有住及以見者即爲不得阿耨多羅三藐三菩提是爲長夜了別心性者知心性如是性亦如是是無生行

心王菩薩言尊者心若本如無生於行諸行無生生行不生不生無行即無生行也佛言善男子汝以無生而證無生行也心王菩薩言不也何以故如無生行性相空寂無見無聞無得無失無言無說無知無相無取無捨

云何取證若取證者即爲諍論無諍無論乃無生行佛言汝得阿耨多羅三藐三菩提也心王菩薩言尊者我無得阿耨多羅三藐三菩提何以故菩提性中無得無失無覺無知無分別相無分別中即清淨性性無間雜無有言說非有非無非知非不知諸可法行亦復如是何以故一切法行不見處所決定性故本無有得不得云何得阿耨多羅三藐三菩提佛言如是如是如汝所言一切心行不過無相體寂無生所有諸識亦復如是何以

故眼眼觸悉皆空寂識亦空寂無有動不動
相內無三受三受寂滅耳鼻舌身心意意識
及以末那阿梨耶亦復如是皆亦不生寂滅
心及無生心若生寂滅心若生無生心是有
生行非無生行內生三受三行三戒若寂滅
生心則不生心難九常寂滅無功無用不證寂滅
相亦不住於無證可處無住總持無相即無
三受三受等三悉皆寂滅清淨無住不入三
昧不住坐禪無生無行
心王菩薩言禪能攝動定諸幻亂云何不禪

佛言菩薩禪即是動不動不禪是無生禪禪
性無生離生禪相禪性無住離住禪動若知
禪性無有動靜即得無生無生般若亦不依
住心亦不動以是智故故得無生般若波羅
蜜
心王菩薩言尊者無生般若於一切處無住
於一切處無離心無住處無處住心無住無
心心無生住如此住心即無生住尊者心無
生行不可思議不思議中不可說佛言如
是如是心王菩薩聞如是言歎未曾有而說

偈言

滿足大智尊

廣說無生法

聞所未曾聞

未說而今說

猶如淨甘露

時時乃一出

難遇難思議

聞者亦復難

無上良福田

最上勝妙藥

為度眾生故

而今為宣說

爾時眾中聞說此已皆得無生無生九般若

本覺利品第四

爾時無住菩薩聞佛所說一味真實不可思議從遠近來親如來坐專念諦聽入清白處身心不動爾時佛告無住菩薩言汝從何來

今至何所無住菩薩言尊者我從無本來今至無本所佛言汝本不從來今亦不至所汝得本利不可思議是大菩薩摩訶薩即放大光遍照大千界而說偈言

大哉菩薩 智慧滿足 常以本利 利益眾生

於四威儀 常住本利 導諸羣庶 不來不去 爾時無住菩薩而白佛言尊者以何利轉而轉眾生一切情識入唵摩羅佛言諸佛如來常以一覺而轉諸識入唵摩羅何以故一切眾生本覺常以一覺覺諸眾生令彼眾生皆

得本覺覺諸情識空寂無生何以故決定本性本無有動

無住菩薩言可一切識皆緣境起如何不動佛言一切境本空一切識本空空無緣性如何緣起

無住菩薩言一切境空如何言見佛言見即為妄何以故一切萬有無生無相本不自名悉皆空寂一切法相亦復如是一切眾生身亦如是身尚不有云何有見
無住菩薩言一切境空一切身空一切識空

覺亦應空佛言可一覺者不毀不壞決定性故非空非不空無空不空

無住菩薩言諸境亦然非空相非無空相佛言如是彼可境者性本決定決定性根無有處所

無住菩薩言覺亦如是無有處所佛言如是覺無處故清淨清淨無覺物無處所故清淨清淨無色

無住菩薩言心眼識亦復如是不可思議佛言心眼識亦復如是不可思議何以故色無

處所清淨無名不入於內眼無處所清淨無見不出於外心無處所清淨無止無有起處識無處所清淨無動無有緣別性皆空寂性無有覺覺則為覺善男子覺知無覺諸識則入何以故金剛智地解脫道斷斷已入無住地無有出入心處無在決定性地其地清淨如淨瑠璃性常平等如彼大地覺妙觀察如慧日光利成得本如大法雨入是智者是入佛智地入智地者諸識不生無住菩薩言如來所說一覺聖力四弘智地

即一切衆生本根覺利何以故一切衆生即此身中本來滿足佛言如是何以故一切衆生本來無漏諸善利本今有欲刺為未降伏無住菩薩言若有衆生未得本利猶有採集云何降伏難伏佛言若集若獨行分別及以十染迴神住空窟降伏難調伏解脫魔所縛超九然露地坐識陰般涅槃無住菩薩言心得涅槃獨一無伴常住涅槃應當解脫佛言常住涅槃是涅槃縛何以故涅槃本覺利覺利本涅槃涅槃覺分即本覺分

覺性不異涅槃無異覺本無生涅槃無生覺
本無滅涅槃無滅涅槃本故無得涅槃涅槃
無得云何有住善男子覺者不住涅槃何以
故覺本無生離衆生垢覺本無寂離涅槃動
住如是地心無所住無有出入入唵摩羅識
無住菩薩言唵摩羅識是有入處處有所得
是得法也佛言不也何以故譬如迷子手執
金錢而不知有遊行十方經五十年貧窮困
苦專事求索而以養身而不充足其父見子
有如是事而謂子言汝執金錢何不取用隨

意所須皆得充足其子醒已而得金錢心大
歡喜而謂得錢其父謂言迷子汝勿欣懌所
得金錢是汝本物汝非有得云何可喜善男
子唵摩羅者亦復如是本無出相今即非入
昔迷故非無今覺故非入

無住菩薩言彼父知其子迷云何經五十年
十方遊歷貧窮困苦方始告言佛言經五十
年者一念心動十方遊歷遠行遍計
無住菩薩言云何一念心動佛言一念心動
五陰俱生五陰生中具五十惡

無住菩薩言遠行遍計遊歷十方一念心生
具五十惡云何令彼衆生無生一念佛言令
彼衆生安坐心神住金剛地靜念無起心常
安泰即無生一念

無住菩薩言不可思議覺念不生其心安泰

註九

十一

即本覺利無有動常在無無有不無不
無不覺覺知無覺本利本覺覺者清淨無染
不變不易決定性故不可思議佛言如是無
住菩薩聞是語已得未曾有而說偈言
尊者大覺尊 說生無念法 無念無生心

心常生不滅 一覺本覺利 利諸本覺者
如彼得金錢 所得即非得
爾時大衆聞說是語皆得本覺利般若波羅
蜜

入實際品第五

於是如來作如是言諸菩薩等本利深入可
度衆生若後非時應如說法時利不俱順不
順說非同非異相應如說引諸情智流入薩
婆若海無令可衆挹彼虛風悉令彼庶一味
神乳世間非世間住非住處五空出入無有

取捨何以故諸法空相性非有無非無不無
不無不有無決定性不住有無非彼有無凡
聖之智而能惻隱諸菩薩等若知是利即得
菩提

爾時衆中有一菩薩名曰大力即從座起前

白佛言尊者如佛所說五空出入九無有取捨

云何五空而不取捨佛言菩薩五空者三有

是空六道影是空法相是空名相是空心識

義是空菩薩如是等空空不住空空無空相

無相之法有何取捨入無取地則入三空

大力菩薩言云何三空佛言三空者空相亦
空空空亦空所空亦空如是等空不住三相
不無真實文言道斷不可思議

大力菩薩言不無真實是相應有佛言無不
住無有不住有有之法不即住無不無之
相不即住有非以有無而詮得理菩薩無名
義相不可思議何以故無名之名不無於名
無義之義不無於義

大力菩薩言如是名義真實如相如來如相
如不住如如無如相相無如故非不如來衆

生心相相亦如來衆生之心應無別境佛言
如是衆生之心實無別境何以故心本淨故
理無穢故以染塵故名爲三界三界之心名
爲別境是境虛妄從心化生心若無妄即無
別境

大力菩薩言心若在淨諸境不生此心淨時
應無三界佛言如是菩薩心不生境境不生
心何以故所見諸境唯所見心心不幻化則
無所見菩薩內無衆生三性空寂則無已衆
亦無他衆乃至二入亦不生心得如是利則

無三界

大力菩薩言云何二入不生於心心本不生
云何有入佛言二入者一謂理入二謂行入
理入者深信衆生不異真性不一不共但以
客塵之所翳障不去不來凝住覺觀諦觀佛
性不有不無無已無他凡聖不二十金剛心地
堅住不移寂靜無爲無有分別是名理入行
入者心不傾倚影無流易於所有處靜念無
求風鼓不動猶如大地捐離心我救度衆生
無生無相不取不捨菩薩心無出入無出入

心入不入故故名爲入菩薩如是入法法相
不空不空之法法不虛棄何以故不無之法
具足功德非心非影法爾清淨

大力菩薩言云何非心非影法爾清淨佛言
空如之法非心識法非心使所有法非空相
法非色相法非心有爲不相應法非心無爲
是相應法非所現影非所顯示非自性非差
別非名非相非義何以故義無如故無如之
法亦無無如無有無如非無如有何以故根
理之法非理非根離諸諍論不見其相菩薩

如是淨法非生之所生生非滅之所滅滅
大力菩薩言不可思議如是法相不合成不
獨成不羈不絆不聚不散不生不滅亦無來
相及以去相不可思議佛言如是不可思議
不思議心亦如是何以故如不異心心本
如故衆生佛性不一不異衆生之性本無生
滅生滅之性性本涅槃性相本如如無動故
一切法相從緣無起起相性如如無所動因
緣性相相本空無緣緣空空無有緣起一切
緣法惑心妄見現本不生緣本無改心如法

理自體空無如彼空王本無住處凡夫之心
妄分別見如如之相本不有無有無之相見
唯心識菩薩如是心法不無自體自體不有
不有不無菩薩無不無相非言說地何以故
真如之法虛曠無相非二乘所及虛空境界
內外不測六行之士乃能知之
大力菩薩言云何六行願為說之佛言一者
十信行二者十住行三者十行行四者十迴
向行五者十地行六者等覺行如是行者乃
能知之

大力菩薩言實際覺利無有出入何等法心
得入實際佛言實際之法法無有際無際之
心則入實際

大力菩薩言無際心智其智無崖無崖之心
心得自在自在之智得入實際如彼凡夫輒
心衆生其心多喘以何法御令得堅心得入
實際佛言菩薩彼心喘者以內外使隨使流
注滴瀝成海大風鼓浪大龍驚駭驚駭之心
故令多喘菩薩令彼衆生存三守一入如來
禪以禪定故心則無喘

大力菩薩言何謂存三守一入如來禪佛言
存三者存三解脫守一者守一心如入如來
禪者理觀心如如是地即入實際

大力菩薩言三解脫法是何等事理觀三昧

從何法入佛言三解脫者虛空解脫金剛解

脫般若解脫雜九理觀心者心如理淨無可不心

大力菩薩言云何存用云何觀之佛言心事

不二是名存用內行外行出入不二不住一

相心無得失一不一地淨心流入是名觀之

菩薩如是之人不住二相雖不出家不住在

家故雖無法服不具持波羅提木叉戒不入
布薩能以自心無爲自恣而獲聖果不住二
乘入菩薩道後當滿地成佛菩提

大力菩薩言不可思議如是之人非出家非

不出家何以故入涅槃宅著如來衣坐菩提

座如是之人乃至沙門宜應敬養佛言如是

何以故入涅槃宅心越三界著如來衣入法

空處坐菩提座登正覺一地如是之人心超

二乘何況沙門而不敬養

大力菩薩言如彼一地及與空海二乘之人

為不見也佛言如是彼二乘人味著三昧得
三昧身於彼空海一地如得酒病昏醉不醒
乃至數劫猶不得覺酒消始悟方修是行後
得佛身如彼人者從捨闡提即入六行於行
地所一念淨心決定明白金剛智力阿鞞跋
致度脫衆生慈悲無盡

第九

十七

大力菩薩言如是之人應不持戒於彼沙門
應不敬仰佛言為說戒者不善慢故海波浪
故如彼心地八識海澄九識流淨風不能動
波浪不起戒性等空持者迷倒如彼之人七

六不生諸集滅定不離三佛而發菩提三無
相中順心玄入深敬三寶不失威儀於彼沙
門不無恭敬菩薩彼仁者不住世間動不動
法入三空聚滅三有心

大力菩薩言彼仁者果滿於足德佛如來藏
佛形像佛如是佛所而發菩提心入三聚戒
不住其相滅三有心不居寂地不捨可衆入
不調地不可思議爾時舍利弗從座而起前
說偈言

具足般若海 不住涅槃城 如彼妙蓮華

高原非所出 諸佛無量劫 不捨諸煩惱
 度世然後得 如沈華所出 如彼六行地
 菩薩之所修 如彼三空聚 菩提之真道
 我今住不住 如佛之所說 來所還復來
 具足然後出 復令諸衆生 如我一無二
 前來後來者 悉令登正覺
 爾時佛告舍利弗言不可思議汝當於後成
 菩提道無量衆生超生死海爾時大衆皆悟
 菩提諸小衆等入五空海
 金剛三昧經卷上

音釋

恢 枯回切 挹 於汲切 羈 居宜切 絆 持受切
 喘 昌充切 駭 下楷切

九 十八

金剛三昧經卷下

難十

出北涼錄失譯師名

真性空品第六

爾時舍利弗而白佛言尊者修菩薩道無有名相三戒無儀云何攝受為衆生說願佛慈悲為我宣說佛言善男子汝今諦聽為汝宣說善男子善不善法從心化生一切境界意言分別制之一處衆緣斷滅何以故善男子一本不起三用無施住於如理六道門柱四緣如順三戒具足

舍利弗言云何四緣如順三戒具足佛言四緣者一謂作擇滅力取緣攝律儀戒二謂本利淨根力所集起緣攝善法戒三謂本慧大悲力緣攝衆生戒四謂一覺通智力緣順於如住是謂四緣善男子如是四大緣力不住事相不無功用離於一處則不可求善男子如是一事通攝六行是佛菩提薩婆若海舍利弗言不住事相不無功用是法真空常樂我淨超於二我大般涅槃其心不繫是大力觀是觀覺中應具三十七道品法佛言如

永樂北藏

金剛三昧經

第五〇册

是具三十七道品法何以故四念處四正勤
四如意足五根五力七覺分八正道等多名
一義不一不異以名數故但名但字法不可
得不得之法一義無文無文相義真實空性
空性之義如實如如如之理具一切法善
男子住如理者過三苦海

舍利弗言一切萬法皆悉言言言文之相即
非為義如實之義不可言說今者如來云何
說法佛言我說法者以汝衆生在生說故說
不可說是故說之我所說者義語非文衆生

說者文語非義非義語者皆悉空無空無之
言無言於義不言義者皆是妄語如義語者
實空不空空實不實離於二相中間不中不
中之法離於三相不見處所如如說如無
無有無有於無如無有無有無於有有無不
在說不在故不在於如如不有如不無如說
舍利弗言一切衆生從一闍提闍提之心住
何等位得至如來如來實相佛言從闍提心
乃至如來如來實相住五等位一者信位信
此身中真如種子為妄所翳捨離妄心淨心

清白知諸境界意言分別二者思位思者觀
諸境界唯是意言意言分別隨意顯現所見
境界非我本識知此本識非法非義非所取
非能取三者修位修者常起能起起修同時
先以智導排諸障難出離蓋纏四者行位行
者離諸行地心無取捨極淨根利不動心如
決定實性大般涅槃唯性空大五者捨位捨
者不住性空正智流易大悲如相相不住如
三藐三菩提虛心不證心無邊際不見處所
是至如來善男子五位一覺從本利入若化

衆生從其本處

舍利弗言云何從其本處佛言本來無本處
於無處空際入實發菩提心而滿成聖道何
以故善男子如手執彼空不得非不得

舍利弗言如尊所說在事之先取以本利是
念寂滅寂滅是如^{註十}總持諸德該羅^三萬法圓融
不二不可思議當知是法即是摩訶般若波
羅蜜是大神呪是大明呪是無上呪是無等
等呪佛言如是如是真是如空性性空智火燒
滅諸結平等平等覺三地妙覺三身於九

識中皎然明淨無有諸影善男子是法非因
非緣智自用故非動非靜用性空故非有非
無空相空故善男子若化衆生令彼衆生觀
入是義入是義者是見如來

舍利弗言如來義觀不住諸流應離四禪而
超有頂佛言如是何以故一切法名數四禪
亦如是若見如來者如來心自在常在滅盡
處不出亦不入內外平等故善男子如彼諸
禪觀皆爲想空定是如非復彼何以故以如
觀如實不見觀如相諸相已寂滅寂滅即如

義如彼想禪定是動非是禪何以故禪性難
諸動非染非所染非法非影難諸分別本義
義故善男子如是觀定乃名爲禪

舍利弗言不可思議如來常以如實而化衆
生如是實義多文廣義利根衆生乃可修之
鈍根衆生難以措意云何方便令彼鈍根得
入是諦佛言令彼鈍根受持一四句偈即入
實諦一切佛法攝在一四偈中舍利弗言云
何一四句偈願爲說之於是尊者而說偈言
因緣所生義 是義滅非生 滅諸生滅義

是義生非滅

爾時大衆聞說是偈僉大歡喜皆得滅生滅
生般若性空智海

如來藏品第七

爾時梵行長者從本際起而白佛言尊者生
義不滅滅義不生如是如義即佛菩提菩提
之性則無分別無分別智分別無窮無窮之
相唯分別滅如是義相不可思議不思議中
乃無分別尊者一切法數無量無邊無邊法
相一實義性唯住一性其事云何佛言長者

不可思議我說諸法爲迷者故方便導故一
切法相一實義智何以故譬如一市開四大
門是四門中皆歸一市如彼衆庶隨意所入
種種法味亦復如是

梵行長者言法若如是我住一味應攝一切
諸味佛言如是如是何以故一味實義如一
大海一切衆流無有不入長者一切法味猶
彼衆流名數雖殊其水不異若住大海則括
衆流住於一味則攝諸味

梵行長者言諸法一味云何三乘道其智有

異佛言長者譬如江河淮海大小異故深淺殊故名文別故水在江中名為江水水在淮中名為淮水水在河中名為河水俱在海中唯名海水法亦如是俱在真如唯名佛道長者住一佛道即達三行

梵行長者言云何三行佛言一隨事取行二隨識取行三隨如取行長者如是三行總攝衆門一切法門無不此入入是行者不生空相如是入者可謂入如來藏入如來藏者入不入故

梵行長者言不可思議入如來藏如苗成實無有入處本根利力利成得本得本實際其智幾何佛言其智無窮略而言之其智有四何者為四一者定智所謂隨如二者不定智所謂方便摧破三者涅槃智所謂慧除電覺四者究竟智所謂入實具足道長者如是四大事用過去諸佛所說是大橋梁是大津濟若化衆生應用是智長者用是大用復有三大事一者於三三昧內外不相奪一者於大義科隨道擇滅三者於如慧如定以悲俱利

如是三事成就菩提不行是事則不能流入
彼四智海為諸大魔所得其便長者汝等大
衆乃至成佛常當修習勿令暫失

梵行長者言云何三三昧佛言三三昧者所
謂空三昧無相三昧無作三昧如是三昧

梵行長者言云何於大義科佛言大謂四大
義謂陰界入等科謂本識是為於大義科梵
行長者言不可思議如是智事自利利人過
三界地不住涅槃入菩薩道如是法相是生
滅法以分別故若離分別法應不滅爾時如

舉欲宣此義而說偈言

法從分別生 還從分別滅 滅諸分別法

是法非生滅

爾時梵行長者聞說是偈心大欣懌欲宣其

義而說偈言

諸法本寂滅第十 寂滅亦無生六 是諸生滅法

是法非無生 彼則不共此 為有斷常故

此則離於二 亦不在一住 若說法有一

是相如毛輪 如飲水迷倒 為諸虛妄故

若見於法無 是法同於空 如盲無目倒

說法如龜毛	我今聞佛說	知法非二見
亦不依中住	故從無住取	如來所說法
悉從於無住	我從無住處	是處禮如來
敬禮如來相	等空不動智	不著無處所
敬禮無住身	我於一切處	常見諸如來
惟願諸如來	為我說常法	

爾時如來而作是言諸善男子汝等諦聽為
 汝眾等說於常法善男子常法非常法非說
 亦非字非諦非解脫非無非境界離諸妄斷
 際是法非無常離諸常斷見了見識為常是

識常寂滅寂滅亦寂滅善男子知法寂滅者
 不寂滅心心常寂滅得寂滅者心常真觀知
 諸名色唯是癡心癡心分別分別諸法更無
 異事出於名色知法如是不隨文說心心於
 義不分別我知我假名即得寂滅若得寂滅
 即得阿耨多羅三藐三菩提爾時長者梵行
 聞說是語而說偈言

名相分別事	及法名為三	真如正妙智
及彼成於五	我今知是法	斷常之所繫
入於生滅道	是斷非是常	如來說空法

遠離於斷常	因緣無不生	不生故不滅
因緣執為有	如採空中華	猶如石女子
畢竟不可得	離諸因緣取	亦不從他滅
及於己義大	依如故得實	是故真如法
常自在如如	一切諸萬法	非如識所化
離識法即空	故從空處說	滅諸生滅法
而住於涅槃	大悲之所奪	涅槃滅不住
轉所取能取	入於如來藏	
爾時大衆聞說是義皆得正命入於如來如來藏海		

總持品第八

爾時地藏菩薩從衆中起至于佛前合掌胡跪而白佛言尊者我觀大衆心有疑事猶未得決今者如來欲為除疑我今為衆隨疑所問願佛慈悲垂哀聽許佛言菩薩摩訶薩汝能如是救度衆生是大悲愍不可思議汝當廣問為汝宣說地藏菩薩言一切諸法云何不緣生爾時如來欲宣此義而說偈言

若法緣所生 離緣可無法 云何法性無而緣可生法

爾時地藏菩薩言法若無生云何說法法從心生於是尊者而說偈言

是心所生法 是法能所取 如醉眼空華 是法然非彼

爾時地藏菩薩言法若如是法則無待無待之法法應自成於是尊者而說偈言

法本無有無 自他亦復爾 不始亦不終 成敗則不住

爾時地藏菩薩言一切諸法相即本涅槃涅槃及空相亦如是無是等法是法應如佛言

無如是法是法是如

地藏菩薩言不可思議如是如相非共不共意取業取即皆空寂空寂心法俱不可取亦應寂滅於是尊者而說偈言

一切空寂法 是法寂不空 彼心不空時 是得心不有

爾時地藏菩薩言是法非三諦色空心亦滅是法本滅時是法應是滅於是尊者而說偈言

法本無自性 由彼之所生 不於如是處

而有彼如是

爾時地藏菩薩言一切諸法無生無滅云何不一於是尊者而說偈言

法住處無在 相數空故無 名說二與法 是則能所取

爾時地藏菩薩言一切諸法相不住於二岸九

亦不住中流心識亦如是云何諸境界從識之所生若識能有生是識亦從生云何無生

識能生有所生於是尊者而說偈言
所生能生二 是二能所緣 俱本各自無

取有空華幻 識生於未時 境不是時生

於境生未時 是時識亦滅 彼即本俱無

亦不有無有 無生識亦無 云何境從有

爾時地藏菩薩言法相如是內外俱空境智

二衆本來寂滅如來所說實相真空如是之

法即非集也佛言如是如實之法無色無住

非所集非能集非義非文一本科法深功德

聚

地藏菩薩言不可思議不思議聚七五不生

八六寂滅九相空無有空無有無空無有如

尊者所說法義皆空入空無行不失諸業無
我我所能所身見內外結使悉皆寂靜故諸
願亦息如是理觀慧定真如尊者常說寔如
空法即良藥也佛言如是何以故法性空故
空性無生心常無生空性無滅心常無滅空
性無住心亦無住空性無爲心亦無爲空無
出入離諸得失陰界入等皆悉亦無心如不
著亦復如是菩薩我說諸空破諸有故
地藏菩薩言尊者知有非實如陽燄水知實
非無如火性生如是觀者是人智也佛言如

是何以故是人真觀觀一寂滅相與不相等
以空取以修空故不失見佛以見佛故不順
三流於大乘中三解脫道一體無性以其無
性故空空故無相無相故無作無作故無求
無求故無願以是業故淨心以心淨故見佛
以見佛故當生淨土菩薩於是深法三化勤
修慧定圓成即超三界
地藏菩薩言如來所說無生無滅即是無常
滅是生滅生滅滅已寂滅爲常常故不斷是
不斷法離諸三界動不動法於有爲法如避

火坑依何等法而自訶責入彼一門佛言菩薩於三大事訶責其心於三大諦而入其行地藏菩薩言云何三事而責其心云何三諦而入一行佛言三大事者一謂因二謂果三謂識如是三事從本空無非我真我云何於是而生愛染觀是三事為繫所縛飄流苦海以如是事常自訶責三諦者一謂菩提之道是平等諦非不平等諦二謂大覺正智得諦非邪智得諦三謂慧定無異行入諦非離行入諦以是三諦而修佛道是人於是法無不

得正覺得正覺智流大極慈已他俱利成佛菩提

地藏菩薩言尊者如是之法則無因緣若無緣法因則不起云何不動法得入如來爾時如來欲宣此義而說偈言

一切諸法相	性空無不動	是法於是時
不於是時起	法無有異時	不於異時起
法無動不動	性空故寂滅	性空寂滅時
是法是時現	離相故寂住	寂住故不緣
是諸緣起法	是法緣不生	因緣生滅無

生滅性空寂	緣性能所緣	是緣本緣起
故法起非緣	緣無起亦爾	因緣所生法
是法是因緣	因緣生滅相	彼則無生滅
彼如真實相	本不於出沒	諸法於是時
自生於出沒	是故極淨本	本不因衆力
即於後得處	得得於本得	
爾時地藏菩薩聞佛所說心地快然時諸衆		
等無有疑者知衆心已而說偈言		
我知衆心疑	所以殷因問	如來大慈善
分別無有餘	是諸二衆等	皆悉得明了

我今於了處 善化諸衆生 如佛之大慈
 不捨於本願 故於一子地 而住於煩惱
 爾時如來而告衆言是菩薩者不可思議恒
 以大慈扶衆生苦若有衆生持是經法持是
 菩薩名即不墮於惡趣一切障難皆悉除滅
 若有衆生持此經者無餘雜念專念是經如
 法修習爾時菩薩常作化身而為說法擁護
 是人終不暫捨令是人等速得阿耨多羅三
 藐三菩提汝等菩薩若化衆生皆令修習如
 是大乘決定了義

爾時阿難從座而起前白佛言如來所說大
乘福聚決定斷結無生覺利不可思議如是
之法名為何經受持是經得幾所福願佛慈
悲為我宣說佛言善男子是經名者不可思
議過去諸佛之所護念能入如來一切智海
若有衆生持是經者則於一切經中無所希
求十二是經典法總持衆法攝諸經要是諸經法
法之繫宗是經名者名攝大乘經又名金剛
三昧又名無量義宗若有人受持是經典者
即名受持百千諸佛如是功德譬如虛空無

有邊際不可思議我所屬累唯是經典

阿難言云何心行云何人者受持是經佛言
善男子受持是經者是人心無得失常修梵
行若於戲論常樂靜心入於聚落心常在定
若處居家不著三有是人現世有五種福一
者衆所尊敬二者身不橫夭三者辯答邪論
四者樂度衆生五者能入聖道如是人者受
持是經

阿難言如彼人者度諸衆生得受供養不佛
言如是人者能為衆生作大福田常行大智

權實俱演是四依僧於諸供養乃至頭目髓腦亦皆得受何況衣食而不得受善男子如是人者是汝知識是汝橋梁何況凡夫而不供養

阿難言於彼人所受持是經供養是人得幾第十所福佛言若復有人持以滿城金銀而以布施不如於是人所受持是經一四句偈不可思議善男子令諸衆生持是經者心常在定不失本心若失本心即當懺悔懺悔之法是爲清涼

阿難言懺悔先罪不入於過去也佛言如是猶如暗室若遇明燈暗即滅矣善男子無說悔先所有諸罪而以爲說入於過去

阿難言云何名爲懺悔佛言依此經教入真實觀一入觀時諸罪悉滅離諸惡趣當生淨土速成阿耨多羅三藐三菩提佛說是經已爾時阿難及諸菩薩四部之衆皆大歡喜心得決定頂禮佛足歡喜奉行

金剛三昧經卷下

音釋

懌
悅羊益切
也

永樂北藏

金剛三昧經

第五〇册

永樂北藏

金剛三昧經

第五〇册

觀佛三昧海經卷第一

量一

東晉天竺三藏法師佛陀跋陀羅譯

六譬品第一

如是我聞一時佛住迦毗羅城尼拘樓陀精舍爾時釋摩男請佛及僧供養三月七月十五日僧自恣竟爾時父王閱頭檀佛姨母憍曇彌來詣僧房供養衆僧禮拜既畢奉上楊枝及澡豆已呼阿難言吾今欲往至世尊所爲可爾不爾時阿難即宣此言以白世尊佛告阿難父王來者必問妙法汝行遍告諸比

丘僧及往林中命摩訶迦葉舍利弗目犍連迦旃延阿那律等彌勒菩薩跋陀婆羅十六賢士一時來會如此音聲遍至諸方爾時天主夜叉主乾闥婆主阿脩羅主迦樓羅主緊那羅主摩睺羅伽主龍主等及諸眷屬皆悉已集爾時父王及釋摩男三億諸釋入佛精舍當入之時見佛精舍如玻瓈山爲佛作禮未舉頭頃即見佛前有大蓮華衆寶所成於蓮華上有大光臺父王見已心生歡喜歎未曾有遶佛三匝却坐一面是時父王即從座

起白佛言世尊佛是吾子吾是佛父今我在
世見佛色身但見其外不觀其內悉達在宮
相師皆見三十二相今者成佛光明益顯過
踰昔日百千萬倍佛涅槃後後世衆生當云
何觀佛身色相知佛光明常行尺度惟願天
尊今當爲我及後衆生分別解說爾時世尊
入遍淨色身三昧從三昧起即便微笑諸佛
笑法有五色光時五色光化五百色從佛口
出照父王頂從父王頂照光明臺從光明臺
照于精舍遍娑婆界還入佛頂爾時世尊告

父王言諦聽諦聽善思念之如來當說來世
衆生得見佛法父王白佛唯然世尊我今願
聽佛告父王閻浮提中有師子王名毗摩羅
其師子法滿四十年牝牡乃會一交會已跳
踉鳴吼宛轉自撲體無損傷其師子子在胎
之時如父獸王等無有異大王當知欲使胎
中便能鳴吼飛落走伏未有斯事父王白佛
獸王之子在母胎時頭目牙爪與父相似佛
告大王與父無異但其力能不及其父百千
萬倍佛告父王如是如是未來世中諸善男

子善女人等及與一切若能至心繫念在內
端坐正受觀佛色身當知是人心如佛心與
佛無異雖在煩惱不為諸惡之所覆蔽於未
來世雨大法雨復次父王譬如伊蘭俱與旃
檀生末利山牛頭旃檀生伊蘭叢中未及長
大在地下時芽莖枝葉如閻浮提竹筍衆人
不知言此山中純是伊蘭無有旃檀而伊蘭
臭臭若臙尸熏四十由旬其華紅色甚可愛
樂若有食者發狂而死牛頭旃檀雖生此林
未成就故不能發香仲秋月滿卒從地出成

旃檀樹衆人皆聞牛頭旃檀上妙之香永無
伊蘭臭惡之氣佛告父王念佛之心亦復如
是以是心故能得三種菩提之根復次父王
閻浮提中及四天下有金翅鳥名正音迦樓
羅王於諸鳥中快得自在聖一此鳥業報應食諸
龍於閻浮提日食一龍王及五百小龍明日
復於弗婆提食一龍王及五百小龍第三日
復於瞿耶尼食一龍王及五百小龍第四日
復於鬱單越食一龍王及五百小龍周而復
始經八千歲此鳥爾時死相已現諸龍吐毒

無由得食彼鳥飢逼周憶求食了不能得遊
巡諸山永不得安至金剛山然後暫住從金
剛山直下至大水際從大水際至風輪際為
風所吹還至金剛山如是七返然後命終其
命終已以其毒故令十寶山同時火起爾時
難陀龍王懼燒此山即大降雨澍如車軸鳥
肉散盡惟有心在其心直下如前七返然後
還住金剛山頂難陀龍王取此鳥心以為明
珠轉輪王得為如意珠佛告父王諸善男子
及善女人若念佛者其心亦爾復次大王雪

山有樹名殃伽陀其果甚大其核甚小推其
本末從香山來以風力故得至雪山孟冬盛
寒羅刹夜又在山曲中屏隈之處糞穢不淨
盈流于地猛風吹雪以覆其上漸漸成塹五
十由旬因糞力故此果得生根莖枝葉華實
滋茂春陽三月八方同時皆悉風起消融冰
雪惟果樹在其果形色閻浮提果無以為譬
其形團圓滿半由旬婆羅門食即得仙道五
通具足壽命一劫不老不死凡夫食之向須
陀洹阿那含食成阿羅漢三明六通無不悉

備有人持種至閻浮提糞壤之地然後乃生
高一多羅樹樹名拘律陀果名多勒如五斗
瓶閻浮提人有食之者能除熱病佛告大王
諸善男子及善女人正念思惟諸佛境界亦
復如是復次大王如帝釋樹生歡喜園名波
利質多羅天女見之身心喜悅不自勝持帝
釋見之即生慾想八萬四千諸姝女等即得
樂覺此樹生時曲枝在地即於地下華敷成
果其果金色光明赫奕且其華葉終不萎落
十色具足開現光明有諸樂音至秋八月從

地涌出高三百三十五萬由旬諸天見之喜
悅非恒佛告大王觀佛三昧在煩惱地亦復
如是其出生時如彼寶樹巖顯可觀復次大
王如劫初時火起一劫雨起一劫風起一劫
地起一劫地劫成時光音諸天飛行世間在
水澡浴以澡浴故四大精氣即入身中身觸
樂故精流水中八風吹去墮淤泥中自然成
卵經八千歲其卵乃開生一女人其形青黑
猶如淤泥有九百九十九頭頭有千眼九百
九十九口一口四牙牙上出火狀如霹靂二

十四手手中皆捉一切武器其身高大如須彌山入大海中拍水自樂有旋嵐風吹大海水水精入體即便懷妊經八千歲然後生男其兒身體高大四倍倍勝於母兒有九頭頭有千眼口中出火有九百九十九手八脚海中出聲號毗摩質多羅阿脩羅王此鬼食法唯噉淤泥及蘗藕根其兒長大見於諸天姝女圍遶即白母言人皆佻儷我何獨無其母告曰香山有神名乾闥婆其神有女容姿美妙色踰白玉身諸毛孔出妙音聲甚適我意

今為汝娉適汝願不阿脩羅言善哉善哉願母往求爾時其母行詣香山到香山已告彼樂神我有一子威力自在於四天下而無等倫汝有令女可適吾子其女聞已願樂隨從適阿脩羅時阿脩羅納彼女已心意泰然與女成禮未久之間即便有娠經八千歲乃生一女其女儀容端正挺特天上天下無有其比色中上色以自莊嚴面上姿媚八萬四千左邊亦有八萬四千右邊亦有八萬四千前亦有八萬四千後亦有八萬四千阿脩羅見

以爲瓌異如月處星甚爲奇特憍尸迦聞即遣使下詣阿脩羅而求此女阿脩羅言汝天福德汝能令我乘七寶宮以女妻汝帝釋聞此心生踊躍即脫寶冠持用擬海十善報故令阿脩羅坐勝殿上時阿脩羅踊躍歡喜以女妻之帝釋即以六種寶臺而往迎之於宮闕中有大蓮華自然化生八萬四千諸妙寶女譬如壯士屈伸臂頃即至帝釋善法堂上爾時天宮過踰於前百萬倍釋提桓因爲其立字號曰悅意諸天見之歎未曾有視東

忘西視南忘北三十二輔臣亦見悅意身心歡喜乃至毛髮皆生悅樂帝釋若至歡喜園時共諸姝女入池遊戲爾時悅意即生嫉妬遣五夜叉往白父王今此帝釋不復見寵與諸姝女自共遊戲父聞此語心生瞋恚即與四兵往攻帝釋立大海水踞須彌山頂九百九十九手同時俱作撼喜見城搖須彌山四大海水一時波動釋提桓因驚怖惶懼靡知所趣時宮有神白天王言莫大驚怖過去佛說般若波羅蜜王當誦持鬼兵自碎是時帝

釋坐善法堂燒衆名香發大誓願般若波羅
蜜是大明呪是無上呪是無等等呪審實不
虛我持此法當成佛道令阿脩羅自然退散
作是語時於虛空中有四刀輪帝釋功德故
自然而下當阿脩羅上時阿脩羅耳鼻手足
一時盡落令大海水赤如絳汁時阿脩羅即
便驚怖遁走無處入藕絲孔彼以貪欲瞋恚
愚癡鬼幻力故尚能如是豈況佛法不可思
議佛告大王諸善男子及善女人繫心思惟
諸佛境界亦能安住諸三昧海其人功德不

可稱計譬如諸佛等無有異

序觀地品第二

云何名為觀諸佛境界諸佛如來出現於世
有二種法以自莊嚴何等爲二一者先說卜
二部經令諸衆生讀誦通利如是種種名爲
法施二者以妙色身坐一示閻浮提及十方界令
諸衆生見佛色身具足莊嚴三十二相八十
種隨形好無缺減相心生歡喜觀如是相因
何而得皆由前世百千苦行修諸波羅蜜及
助道法而生此相佛告父王若有衆生欲念

佛者欲觀佛者欲見佛者分別相好者識佛
光明者知佛身內者學觀佛心者學觀佛頂
者學觀佛足下千輻相輪者欲知佛生時相
者欲知佛納妃時者欲知佛出家時者欲知
佛苦行時者欲知佛降魔時者欲知佛得阿
耨多羅三藐三菩提時者欲知如來轉法輪
時相者欲知如來寶馬藏相者欲知如來昇
忉利天爲母摩耶夫人說法時相者欲知如
來下忉利天時相者欲知如來行住坐臥四
威儀中光明相者欲知如來詣拘尸那降度

力士相者欲知如來伏曠野鬼神毛孔光明
相者佛告父王佛涅槃後若四部衆及諸天
龍夜叉等欲繫念者欲思惟者欲行禪者欲
得三昧正受者佛告父王云何名繫念自有
衆生樂觀如來具足身相自有衆生樂觀如
來諸相好中一一相好者自有衆生樂觀如
來隨順相好自有衆生樂觀如來逆相好者
自有衆生樂觀如來光明者自有衆生樂觀
如來行者自有衆生樂觀如來住者自有衆
生樂觀如來坐者自有衆生樂觀如來臥者

自有衆生樂觀如來乞食者自有衆生樂觀
如來初生者自有衆生樂觀如來納妃時者
自有衆生樂觀如來出家時者自有衆生樂
觀如來苦行時者自有衆生樂觀如來降伏
魔時者自有衆生樂觀如來成佛時者自有
衆生樂觀如來轉法輪時者自有衆生樂觀
如來昇忉利天爲母說法時者自有衆生樂
觀如來降伏曠野鬼神者自有衆生樂觀如
來於那乾訶羅降伏諸龍留影時者自有衆
生樂觀如來在拘尸那城降伏六師尼提賤

人及諸惡律儀殷重邪見人者如是父王我
涅槃後諸衆生等業行若干意想若干所宜
不同隨彼衆生心想所見應當次第教其繫
念如我住世不須繫念譬如日出冥者皆明
唯無目者而無所覩未來世中諸弟子等應
修三法何等爲三一者誦修多羅甚深經典
二者淨持禁戒威儀無犯三者繫念思惟心
不散亂云何名繫念或有欲繫心觀於佛頂
上者或有欲繫心觀佛毛髮者或有欲繫心
觀佛髮際者或有欲繫心觀佛額廣平正相

者或有欲繫心觀佛眉間白毫相者或有欲
繫心觀佛眉間者或有欲繫心觀佛牛王眼
相者或有欲繫心觀佛脩直鼻相者或有欲
繫心觀佛鷹王背相者自有衆生樂觀如來
鬚鬢如蝌蚪形流出光明者自有衆生樂觀
如來脣上齟際者自有衆生樂觀如來脣色
赤好如頻婆果者自有衆生樂觀如來下脣
如鉢頭摩華莖者其色紅赤上入頻婆果色
中者自有衆生樂觀如來口四十齒相者自
有衆生樂觀如來齒白齊密相者自有衆生

樂觀如來齒上印文相者自有衆生樂觀如
來齒畫界者自有衆生樂觀如來上齟相者
八萬四千畫了了分明自有衆生樂觀如來
下斷如優曇鉢華莖色者自有衆生樂觀如
來咽喉如瑠璃筒狀如累蓮華相者自有衆
生樂觀如來廣長舌相蓮華葉形上色五畫
五彩分明舌下十脉衆光流出舌相廣長遍
覆其面者自有衆生樂觀如來咽喉節中有
三相者自有衆生樂觀如來咽齶相如金翅
鳥眼者自有衆生樂觀如來頸相者自有衆

生樂觀如來八萬四千髮相者自有衆生樂
觀如來毛右旋者自有衆生樂觀如來一
毛孔一毛旋生者自有衆生樂觀如來頭皮
者自有衆生樂觀如來肉髻骨者自有衆生
樂觀如來腦者自有衆生樂觀如來耳垂
墜者自有衆生樂觀如來耳輪郭相者自有
衆生樂觀如來耳旋生七毛相者自有衆生
樂觀如來缺盆骨滿相於彼相中旋生光臺
者自有衆生樂觀如來腋下滿相於其相中
懸生五珠如摩尼珠上柱佛腋者自有衆生

樂觀如來臂臑纖圓如象王鼻者自有衆生
樂觀如來肘骨如龍王髮宛轉相著文彩不
壞節頭蟠龍不見其迹手指參差不失其所
於指節端十二輪現自有衆生樂觀如來赤
銅爪其爪八色了了分明自有衆生樂觀如
來合縵掌相張時則見斂指不見如真珠網
了了分明勝閻浮檀金百千萬倍其色明淨
過於眼界於十指端各生萬字萬字點間有
千輻輪衆相具足如和合百千蓮華自有衆
生樂觀如來掌文圓成如自在天宮其掌平

正人天無類當於掌中生千輻相於十方面
開摩尼光於其輪下有十種畫一一畫如自
在天眼青白分明然後入掌相中自有衆生
樂觀如來手背毛上向靡如紺瑠璃流出五
色光入網縵中者自有衆生樂觀如來手足
柔輦如天劫貝自有衆生樂觀如來手內外
握者自有衆生樂觀如來曾德萬字印相三
摩尼光相者自有衆生樂觀如來齋如毗楞
伽寶珠自有衆生樂觀如來脇肋大小正等
宛轉相著者自有衆生樂觀如來諸骨支節

蟠龍相結其間密緻者自有衆生樂觀如來
鈎鎖骨卷舒自在不相妨礙者自有衆生樂
觀如來骨色鮮白玻瓈雪山不得爲譬上有
紅光間錯成文凝液如脂自有衆生樂觀如
來伊尼延鹿王膺相者自有衆生樂觀如來
蹠相者自有衆生樂觀如來足趺平正相者
自有衆生樂觀如來足趺上色間浮檀金色
毛上向靡足指網間如羅文彩於其文間衆
彩玄黃不可具名者自有衆生樂觀如來赤
銅爪相於其爪端有五師子口自有衆生樂

觀如來脚脂端螺文相如毗紐羯摩天所畫之印自有衆生樂觀如來足下平滿不容一毛足下千輻輪相轂軻具足魚鱗相次金剛杵相者足跟亦有梵王頂相衆螺不異如是名樂順觀者自有衆生樂逆觀者從足下千輻輪相從下觀至足指上一一相一一好一一色從下至上了了逆觀是名逆觀法自有衆生樂觀如來金色佛生閻浮提故作金色中上色如百千日耀紫金山不可得具見自有衆生樂觀如來巨身丈六者自有衆生樂

觀如來圓光一尋者自有衆生樂觀如來舉身光明者自有衆生樂觀如來說法時瑞應相者自有衆生樂觀如來齊上向相下向相者
觀相品第三之一

佛告父王云何名觀如來頂如來頂骨團圓猶如合蓋拳其色正白若見薄皮則爲紅色或見厚皮則金剛色髮際金色腦玻璃色有十四脉衆畫具足亦十四光其光如脉分明了了於腦脉中旋生諸光上衝頭骨從頭骨

出乃至髮際有十四色圍遶衆髮髮下金色
亦生衆光八十四色中是名如來生王宮中
頂腦肉髻唯其頂上五大梵相生時摩耶及
佛姨母皆悉不見其五梵相開現光明至於
梵世復過上方無量世界化成雲臺諸佛境
界十地菩薩之所不見今爲父王說生頂相
若有聞者應當思惟佛勝頂相其相光明如
三千界大地微塵不可具說後世衆生若聞
是語思是相者心無悔恨如見世尊頂勝相
光閉目得見以心想力了了分明如佛在世

雖觀是相不得衆多從一事起復想一事想
一事已復想一事逆順返覆經十六返如是
心想極令明利然後住心繫念一處如是漸
漸舉舌向齶令舌正住經二七日然後身心
可得安隱復當繫心還觀佛頂觀佛頂法光
隨毛孔入佛告父王及勅阿難諦聽諦聽善
思念之如來今者頭上有八萬四千毛皆兩
向靡右旋而生分齊分明四觚分明一一毛
孔旋生五光入前十四色光中昔我在宮乳
母爲我沐頭時大愛道來至我所悉達生時

多諸奇特有人若問我汝子之髮為長幾許
我云何答今當量髮知其尺度即勅我伸髮
母以尺量長一丈二尺五寸放已右旋還成
螺文欲納妃時復更沐頭母復勅言前者量
髮正長一丈二尺五寸今當更量即伸量之
長丈三五寸我出家時天神捧去亦長丈三
五寸今者父王欲看髮相不父王白言唯然
天尊樂見佛髮如來即以手伸其髮從尼拘
樓陀精舍至父王宮如紺瑠璃繞城七匝於
佛髮中大衆皆見若干色光不可具說是一

一光普照一切作紺瑠璃色於瑠璃色中有
諸化佛不可稱數現是相已斂髮卷光右旋
宛轉還住佛頂即成螺文是名如來真實髮
相若有比丘及比丘尼諸優婆塞優婆夷等
欲觀佛髮當作是觀不得他觀若他觀者名
為邪觀名為狂亂名為失心名為邪見名顛
倒心設得定者無有是處如是父王佛真髮
相事實如是觀髮相已次觀髮際如赤真珠
色宛轉下垂有五千光間錯分明皆上向靡
圍繞諸髮從頂上出繞頂五匝如天畫師所

作畫法團圓正等細如一絲於其絲間生諸
化佛有化菩薩以爲眷屬諸天八部一切色
象亦於中現色如日輪不可具見是名觀佛
髮際如此觀者名爲正觀若異觀者名爲邪
觀佛告父王此名如來髮際實觀云何觀如
來額廣平正相額廣平正相中有三相一者
所謂白毛相佛初生時王與夫人將太子詣
阿私陀仙令相太子仙人披氎初見太子眉
間白毛旋生於白毛邊有諸輪郭隨白毛旋
相師舒毛見毛長大即取尺度量其長短足

滿五尺如瑠璃簫放已右旋如玻瓈珠顯現
無量百千色光是名菩薩初生時白毫相光
至年八歲姨母復觀悉達年大其眉間毛亦
隨年長今試看之即舒白毛其毛正直如白
瑠璃簫於其毛端出五光明還入毛孔母甚
憐念情無已已告語諸人我子毛相十一乃至如
此諸人見已如前右旋甚可愛念是名菩薩
童子時白毫毛相云何名菩薩納妃時白毫
毛相耶輸陀羅父自遣相師來相太子見三
十二相炳然如畫唯於白毫其心不了相師

即言地天太子其餘衆相同金輪王唯此白
毛流出衆光非我所明今欲舒看爲可爾不
太子告言隨汝所欲爾時相師以手伸毛其
毛流出如牛王乳射相師眼其眼明淨即於
毛中見百千轉輪聖王七寶千子皆悉具足
相師驚愕白言地天太子我伸白毛欲觀長
短不知何意如牛王乳來射我眼爲是寶見
爲是夢見爲是狂亂今者悉忘太子相好一
切都盡唯見百千轉輪聖王七寶千子及四
種兵從四面起我心歡喜如婆羅門得梵世

樂語已放毛右旋宛轉還復本處爾時相師
名牢度跋多見此事已五體投地禮於太子
太子衆相不可具見如我相法見一相者王
四天下快得自在今太子相如摩醯首羅自
在神力不可記錄當云何知太子告言吾不
達此汝自歸家往白汝王爾時相師即還本
國以如上事具向王說王聞是語駕乘名象
導從百千詣迦毗羅城到淨飯王宮以水澡
太子手持女上之因爲作禮地天太子願受
我女可備灑掃相師所見上妙毛相我今欲

見爲可爾不太子告言隨意看之爾時耶輸陀羅父以手伸太子白毛見其白毛如玻瓈幢節節相當於衆節間見有無量百千梵王釋提桓因諸勝天子與宮殿俱了了而見如於明鏡自觀面像見已歡喜尋復放捨如前右旋還住眉間光明赫奕四面布散入輪郭中不可悉說是名菩薩納妃時白毫相佛告父王佛涅槃後四部之衆其中欲觀菩薩爲童子時及納妃時白毫相者當作是觀如此觀者是名正觀若異觀者是名邪觀佛告父

王云何名如來出家時白毫相我欲出家時父王及母遣諸婢女常以衛護門施關鍵開闔有聲如師子吼於窓牖間密懸諸鈴金鎖相鉤龍鬼夜叉無從得入爾時四天王虛空中遙發聲言地天太子日時已至宜當學道我今欲往供養太子恐殿有聲無緣得入爾時太子以手伸毛至四天王所色如天繒柔軟可愛時四天王見心甚愛敬以愛敬故即於毛中見化菩薩結跏趺坐形如太子一一菩薩復有無量諸大菩薩共爲眷屬此相現

時無量諸天龍夜叉等俱時得入勅語車匿
汝往後廢鞍健陟來車匿白言今此地中若
舉足時此地振吼如大象聲云何得往爾時
太子復伸白毛令車匿見猶如蓮華葉葉相
次其白如雪車匿見已心眼即開於其葉間
見化菩薩結跏趺坐猶如微塵不可稱數是
諸化人眉間白毛亦復如是爾時車匿見宮
中地如玻璃色表裏堅實猶如金剛躡之無
聲疾至後廢鞍馬金鞍牽至殿前車匿白太
子言諸天顛顛合掌叉手住在空中同聲讚

歎出家功德太子宜時速乘疾馬爾時太子
復舒白毛持擬諸女令諸侍女身心悅樂猶
如比丘得第三禪爾時此毛宛轉右旋還入
眉間諸天復見太子眉間有百千光譬如乳
河周流一切於乳河中有化菩薩乘化蓮華
皆共讚歎出家功德一一化菩薩眉間乳河
流出光明亦復如是佛告父王是名菩薩出
家時白毛種種瑞應若佛滅後諸四部衆
欲觀如來出家時白毛相者當作是觀若異
觀者是名邪觀佛告父王云何名苦行時白

毫毛相如我踰出宮城已去伽耶城不遠詣
阿輸陀樹吉安天子等百千天子皆作是念
菩薩若於此坐必須坐具我今應當獻於天
草即把天草清淨柔輓名曰吉祥菩薩受已
鋪地而坐是時諸天諦觀菩薩身相可愛復
見白毛圍如三寸量一右旋宛轉有百千十七色流入
諸相是諸天子觀白毫時各作是念菩薩今
者惟受我草不受汝草時白毛中有萬億菩
薩結跏趺坐各取其草坐此樹下一一天子
各見白毫中有如此相是時吉安天子而讚

歎言善哉勝士修大慈悲慈悲力故得大人
相於其相中無量變現能滿諸天一切善願
不生諍訟起菩提心釋梵諸天見於菩薩坐
此樹下各獻甘露持用供養菩薩是時為欲
降伏彼六師故不受彼供天令左右自生麻
米菩薩不食諸天皆曰此善男子不食多日
氣力憊然餘命無幾云何當能成辦菩提菩
薩是時入滅意三昧三昧境界名寂諸根諸
天啼泣淚下如雨勸請菩薩當起飲食作是
請時聲遍三千大千世界菩薩不覺有一天

子名曰悅意見地生草穿菩薩肉上生至肘告諸天曰奇哉男子苦行乃爾不食多時喚聲不聞草生不覺即以右手伸其白毛其毛端直正長一丈四尺五寸如天白寶中外俱空天見毛內有百億光其光微妙不可具宣於其光中現化菩薩皆修苦行如此不異菩薩不小毛亦不大諸天見已歎未曾有即放白毛右旋宛轉與光明俱還復本處爾時諸天諦觀白毛目不暫捨見白毛中下生五甯從面門入流注甘露滴滴不絕從舌根上流

入于身表裏清徹如瑠璃山千百萬億諸大菩薩於身內現諸天見已合掌歡喜前言愚癡言此大人命不云遠今見是相必當成佛了了無疑無上慧日照世不久作是語已遶百千匝各還宮殿如此音聲聞六欲天佛告父王佛滅度後若四部眾欲觀如來^{十八}苦行時白毫相者當作是觀如此觀者是名正觀若異觀者名為邪觀

觀佛三昧海經卷第一

音釋

牝牡 牝莫後切 牡忍切 跳 跳田切 踉 踉呂切 隆 隆江切

切屏隈 屏烏補切 隈永切 曲 曲郭蔽切 僂 僂抗口浪切

伉 伉匹 瓌 瓌姑回切 螭 螭糾苦未切 糾 糾糾當切

逆各切 齋 齋於容切 臍 臍丑容切 綴 綴直利切 臙 臙市

切腓 腓足骨也 韍 韍古祿切 鞞 鞞文紡切 鞞 鞞徒東切

巨偃切 鞞 鞞平義切 捷 捷渠馬切 陟 陟馬名 顛 顛

魚容切 顛 顛馬也 瘳 瘳株劣切 日 日捷馬切 陟 陟馬名 顛 顛

體貌敬順也 瘳 瘳株劣切 日 日捷馬切 陟 陟馬名 顛 顛

永樂北藏

觀佛三昧經

第五〇册

永樂北藏

觀佛三昧經

第五〇册

觀佛三昧海經卷第二

量二

東晉天竺三藏法師佛陀跋陀羅譯

觀相品第三之二

佛告父王云何名菩薩降魔時白毫相光
王波旬遙以天眼觀閻浮提見釋迦子棄國
如唾坐道樹下肌骨枯槁形體羸瘦如久病
人唯有金色光明益顯其眼陷黑如井底星
骨節相拄失蟠龍文波旬喜曰瞿曇體羸骨
如腐草雖有光色餘命無幾及道未成宜往
敗之瞋目大怒勅諸夜叉速集軍眾吾今欲

行下閻浮提往征瞿曇是時魔子名薩多羅
長跪白父淨飯王子其生之時萬神侍御光
徹眾天其人慈悲普覆一切今為羣生坐於
道樹父王云何與惡逆意魔即怒曰汝幼無
知乃言瞿曇有勝道德瞿曇身羸如枯骨人
竟何所能而言慈悲子復白言瞿曇體羸不
食故爾觀其光色如金剛山紫焰流出恬坐
六年心不傾搖觀其面貌曾無畏色惟願大
王且住天宮不願往攻波旬復言汝但默然
何須多云時夜叉主名曰翅陀即至魔所頭

面著地爲魔作禮白言天王何所勅令波旬
告曰汝以我聲徧勅六天告下鬼王并諸八
部及曠野鬼十八地獄閻羅王神一切皆集
往瞿曇所是時諸鬼猶如雲起從四面集或
有諸鬼首如牛頭有四十耳於其耳中生諸
鐵箭赤焰上起高一由旬有十八角角端擎
山山上有龍銜熱鐵丸復有諸鬼首如狐頭
有十千眼眼睫長大如霹靂燄頂上有口口
吐熾火身上諸毛猶如劔樹復有諸鬼倒住
空中有十二脚於其足跟有千刀輪頭如太

山於其頭上五百劔樹樹頭火起復有諸鬼
宛轉腹行負鐵圍山穹脊而至復有諸鬼一
頭多頭口有千舌於其舌上生棘刺樹毛鬣
上衝毛端兩血吐刺疾走騰虛而至毗舍闍
鬼發大惡聲氣涌如雲雨熱鐵丸倏忽而到
鳩槃荼鬼蹲踞土埵現其醜形富單那鬼其
形黑瘦頭戴大鑊盛熱鐵丸手執刀輪左脚
躡狗右脚踏狼奔走而至諸羅刹王背黑如
漆胷白如月眼如盛火頭髮鬣亂如縛刺束
狗牙上出狀如矛劔手十指爪利如鋒銚脚

有十爪縱橫如劍以鐵羈頭疾走而至曠野鬼神大將軍等一頸六頭曾有六面膝頭兩面舉體生毛狀如箭鏃奮身射人張眼赤爛血出流下與諸兇類疾走而到復有諸鬼首如虎頭有十二眼鼻如象鼻有十三鼻左肩擔山右肩負火手捉利劍脚躡師子哮吼而至復有諸鬼其形如雲霹靂火起如團雲頭於團雲邊有百千萬龍不見其身但見吐毒於十方面一切惡事如雲而集鬼子母神將其諸子各執一石辟方十里巖岬可畏競馳

而至復有諸鬼蹠脊挾尾以鼻嗅地鼻出諸火火焰上化化生諸鬼掩面而走是時魔王顧視夜叉告令諸鬼今者鬼兵既已雲集瞿曇善人或能知呪當興四兵以魔王珠化作四兵象馬車步列杖如林甚可怖畏直從空下至道樹邊重二魔復更念如此軍衆重三或不能掩降伏瞿曇復脫寶冠持擬地下其冠光明徑至下方當閻羅王化人宮上高聲大呼告勅諸鬼汝等獄卒及閻羅王阿鼻地獄刀輪劍戟火車鑪炭一切都舉向閻浮提欲滅瞿曇

擲置其中阿鼻地獄縱廣正等八千由旬七
重鐵城下十八隔四面劔林亦十八行東方
復有十八小地獄以爲圍遶南方十八隔以
爲圍遶西方十八隔以爲圍遶北方十八隔
以爲圍遶地下自然有熾猛火燒然鐵城鐵
網俱熾一切熱焰周迴還旋下過十八隔若
有衆生犯五逆者身滿其中受如此苦晝夜
不息間無空缺劫欲盡時四門自開是諸罪
人見東門外一切劔林如清涼林從下隔起
至第二隔第二隔起至第三隔乃至於上走

趣東門羅刹獄卒以熱鐵又逆刺其眼睛如
融銅流出于地即時躄倒徧滿十八隔中其
心迷悶滿一小劫爾乃還起復向南門如是
四方如前無異晝夜受苦經一大劫劫盡更
生餘小地獄其餘衆獄形狀大小受報輕重
形類好醜一切雜報慈三昧中當復廣說時
諸獄卒城東八千三方亦爾一一獄卒頭髮
如山生刀輪劔戟耳如驢耳有百千種一一
耳中烟焰俱起脣口牙齒過於羅刹百千萬
倍角如牛角角端生劔五方異見身體赤黑

如癩病狗有四百尾於其尾頭膿血涕屎有
鐵嘴蟲纏其身體手捉鐵叉脚下蹋輪刀輪
上刺直徹心髓駛疾如風各以鐵叉又罪人
腰直上而走阿鼻地獄如影隨形逐罪人來
俄頃之間到道樹邊一時雲集欲興惡逆菩
薩是時儼然不動入勝意慈魔王併張奮武
振吼勅諸兵眾汝等速疾逼害瞿曇上震天
雷雨熱鐵丸刀輪武器更相加積交橫空中
四面諸鬼同時俱作然其火箭不近菩薩是
時菩薩徐舉右臂伸眉間毛下向用擬阿鼻

地獄令諸罪人見白毛中流出衆水澍如車
軸雨大火上大火漸滅唯烟氣在令受罪人
心得小悟自憶前世百生千生百千萬生所
作諸罪諸獄卒等持大鐵叉又舉起罪人盡其
身力不能得動忽然自見大鐵叉頭如白銀
山龕室千萬有白師子蟠身爲座於其座上
生白蓮華有妙菩薩入勝意慈如是莊嚴如
須彌山放又擲地有七寶華生又根下有白
色光明照諸地獄及獄卒身令閻羅王及諸
獄卒作白銀山猶如電光暫時得見諸受罪

人六情諸根猛火速起節頭火然筋脉生釘
暫得一起合掌叉手向白毫相即時心開見
白毛中人如已無異坐蓮華牀以水澆灌諸
罪人頂令心熱惱暫得清涼即皆同時稱南
無佛以是因緣受罪畢訖直生人中諸情完
具正見出家既出家已破二十億洞然之結
成須陀洹魔見是相憔悴懊惱却卧牀上魔
有三女長名悅彼中名喜心小名多媚時魔
三女至父王前長跪叉手為父作禮啓言父
王今日何故愁悴乃爾其父答言沙門瞿曇

結誓深重今坐道樹要壞我民是故愁耳女
白父言我能往亂願父莫愁即自莊飾著雜
寶冠容媚挺特過踰魔后百千萬倍眄目作
突現諸妖冶瓔珞晃曜光翳六天乘羽葆車
安施寶帳垂諸天華於華鬚頭諸化玉女手
執樂器鼓樂弦歌聲萬種音見在世人之所
喜樂一一玉女從五百女以為侍御繒蓋幢
旛如雲而下身毛孔中香烟芬馥有百千色
玄黃煜爚甚適人目安詳徐步至菩薩所下
車合掌禮敬菩薩旋遶七帀白菩薩言太子

生時萬神侍御七寶來臻何棄天位來此樹
下我是天女盛羨無比顏貌紅暉六天無雙
今以微身奉上太子供給左右可備灑掃我
等善能調身按摩今欲親附願遂下情太子
坐樹身體疲懈宜須偃息服食甘露即以寶
器獻天百味太子寂然身心不動以白毛擬
令天三女自見身內膿囊洩唾九孔筋脉一
切根本大腸小腸生藏熱藏於其中間迴伏
宛轉涌生諸蟲其數滿足有八萬戶有九
億諸小蟲等蟲遊戲時走入小腸皆有四口

張口上向六蟲遊戲入大腸中從大腸出復
入胃中冷病起時胃脘閉塞蟲不得入故食
不消脾腎肝肺心膽喉龍肺腴肝膈如是中
間復生四蟲如四蛇合上下同時啞食諸藏
滓盡汁出入眼為淚入鼻為涕聚口成唾放
口成涎薄皮厚皮筋髓諸脉悉生諸蟲細於
秋毫數甚衆多不可具說其女見此即便嘔
吐從口而出無有窮盡即自見身左生蛇頭
右生狐頭中首狗頭頭上化生九色死屍如
九想觀九想觀者一者新死想或見死人身

體正直無所復知想我此身亦當復爾與此無異故曰新死想二者青淤想或見死人一日至于七日身體青胙淤黑想我所愛身亦當復爾與此無異故曰青淤想三者膿血想或見死人身已爛壞血塗流漫極為可惡不可瞻視我所愛身亦當復爾故曰膿血想四者絳汁想或見死人身體縱橫黃水流狀似絳汁我所愛身亦當復爾故曰絳汁想五者食不消想或見死人為烏鳥所食蟲狼所啖為蠅所蛆其肉欲盡或半身在我所愛身

亦當復爾故曰食不消想六者筋纏束新想或見死人皮肉已盡止有筋骨相連譬以束薪由是得成而不解散我所愛身亦當復爾故曰筋纏束新想七者骨節分離想或見死人筋已爛壞骨節縱橫不在一處我所愛身亦當復爾故曰骨節分離想八者燒焦可惡想或見死人為家火所燒野火所焚焦縮在地極為可惡不可瞻視我所愛身亦當復爾故曰燒焦可惡想九者枯骨想或見久昔乾骨若五十歲至百歲二百歲三百歲時骨還

變白日曝徹中火從骨上燄燄而起火燒之後風吹入地還歸于土是名略說九想是為菩薩始在樹下初開不淨觀門時魔三女自見背上復負老母髮白面皺脣口喎僻手脚繚戾顏色津黑猶如僵尸曾前復抱一死小兒於六竅中流出諸膿膿中生蟲正似蝟蟲諸女見此愕然驚號却行而去低頭視齋齋生六龍龍吐水火耳出諸風體堅如鐵自見女形醜狀鄙穢乃當如是其於鄙處有諸小蟲蟲有四頭二上二下啗食女身口出五毒

毒有五脉上至心下乃至咽喉從六根中生諸脉根九十有九直下流注至諸蟲頂共相灌注徹諸蟲心諸女人等從無數世造諸邪行惡業因緣獲得如是不淨醜身復有諸蟲如手臂釧團欒相持而有衆口口生五毒啖食女根諸女人等先世之時邪淫行故獲是臭惡身以為莊嚴諸女見已心極酸苦如箭入心却行之時匍匐而去如羸馳步初舉足時節節火起其髮黃黑如荆棘林以自纏身呼嗟歎息至魔王前魔王心怒奮劍豎色即

欲直前魔子諫曰父王無辜自招瘡疣菩薩
行淨難動如地云何可壞作是諫時菩薩復
以白毫光擬令魔眷屬身心安樂譬如比丘
入第三禪餓鬼見白毛毛端皆有百千萬億
諸大菩薩是諸菩薩亦入勝意慈心三昧各
以右手拵左指頭爪端出乳灑滅猛火猛火
滅已即得清涼自然飽滿身心踊悅發菩提
心因是心故捨餓鬼苦是諸鬼等自見其身
如似白玉似瑠璃山似玻瓈山似黃金山似
碼碯山身諸毛孔似真珠貫眼目明淨似明

月珠身諸烟焰如雜寶雲所執刀杖似七寶
臺七寶臺內重鋪綉縱安置丹枕左右自然
有化梵王見化菩薩坐於花臺各各異說諸
罪人報汝等前世坐作惡業故獲如此可惡
之形說是語時是諸鬼神有發無上菩提心
者有種聲聞辟支佛因緣者有於來世當生
人天勝樂處者是時魔王忽然還宮白毫隨
從直至六天於其中間無數天子天女見白
毛孔通中皆空團圓可愛如梵王幢於其空
間有百千萬恒河沙微塵諸寶蓮華一一蓮

華無量無邊諸妙白色以爲其臺臺上有化菩薩放白毫大人相光亦復如是諸菩薩頂有妙蓮華其華金色過去七佛在其華上是諸化佛自說名字與修多羅等無差別復有諸天宿善根者見化菩薩一毛孔中生一菩薩菩薩頂上皆有化佛如前不異時諸化佛眉間出華百寶莊嚴諸天世間無色可比有化光臺臺上化佛如前不異諸化菩薩身毛孔中化出一切十方衆生所希見事化人足下有化光臺生諸天宮勝過六欲魔王宮殿

勝大梵嚴身之宮諸梵頂相從化菩薩足下輞間生如是白毛上至無色徧照一切無量無邊諸天世界皆如白寶玻璃明鏡諸天見此勝瑞相已不樂天樂發菩提心魔王八萬四千天女視波旬身狀如死狗亦似樵木但瞻菩薩白毫相光心意悅樂無以爲譬怒恚波旬前所爲事規欲壞他返自敗勦作是語時百千無數天子天女復發無上菩提道意佛告大王如是種種諸勝相事但從菩薩眉間白毛而生此耳不勞其餘身分功德佛滅

度後諸四部衆若能暫時捨離散亂繫心正觀菩薩降魔白毫相者滅無數劫黑業惡障亦除十惡諸煩惱障能於現世見佛影像了了分明如是種種觀相境界不可具說如來滅後欲觀如來降伏魔時白毛相者當作此觀如是觀者名爲正觀若異觀者名爲邪觀云何名爲如來成佛時大人相覺人相不動人相解脫人相光明人相滿智慧人相具足諸波羅蜜相首楞嚴等諸三昧海相菩薩摩訶薩從勝意慈三昧起入滅意定從滅意定

起還入首楞嚴從首楞嚴起入慧炬三昧從慧炬三昧起入諸法相三昧從諸法相三昧起入光明相三昧從光明相三昧起入師子音聲三昧從師子音聲三昧起入師子奮迅三昧從師子奮迅三昧起入海意三昧從海意三昧起入普智三昧從普智三昧起入陀羅尼印相三昧從陀羅尼印相三昧起入普現色身三昧從普現色身三昧起入法界性三昧從法界性三昧起入師子吼力王三昧從師子吼力王三昧起入滅諸魔相三昧從

滅諸魔相三昧起入空慧三昧從空慧三昧起入解空相三昧從解空相三昧起入大空智三昧從大空智三昧起入徧一切處色身三昧從徧一切處色身三昧起入寂心相三昧從寂心相三昧起入菩薩摩訶薩金剛相三昧從金剛相三昧起入金剛頂三昧從金剛頂三昧起入一切三昧海從一切三昧海起入一切陀羅尼海三昧從一切陀羅尼海起入一切佛境界海三昧從一切佛境界海起入一切諸佛解脫解脫知見海

三昧從解脫解脫知見海三昧起然後方入無量微塵數諸三昧海門從諸三昧海門起入寂意滅意三昧從入寂意滅意三昧起入金剛譬大解脫三昧相門爾時道場地化似金剛滿八十里其色正白不可具見此相現時菩薩眉間白毫相光端潔正直矗然東向長一丈五尺有十楞現彌迦女人同類五女無數萬億天龍鬼神彌勒賢劫諸菩薩等跋陀波羅等無量無邊阿僧祇微塵數諸大菩薩亦見此相現時佛菩提樹白毛力故

根下自然化生寶華縱廣正等四十由旬其華金色金剛為臺佛眉間光照此華臺其光直下至金剛際於金剛際自然化生二金剛座互相振觸聲震三千大千世界令此大地六種震動其金剛座上衝蓮華至蓮華根其蓮華根亦是金剛三種金剛共相振觸直還下過至金剛際往旋十返白毫光明圍繞十帀令金剛座磴然不動佛坐此座消除三障成菩提道佛心境界說不可蓋若廣說者一切衆生至十地菩薩亦不能知亦非所解是

故於此白毫相中隱而不說如是白毛光明力故令菩提樹金剛為莖根亦金剛鬚七寶成鬚上生光各各有七佛圍遠佛身化成寶縵樹葉金色華白寶色華上有光百千寶色諸天寶光不得為譬果白寶色夜摩天上微妙白寶不得為比其果光明化摩尼網彌覆樹上於其網間猶若白霓宛轉下垂化成寶鈴鈴四角頭有大寶臺其臺高顯過於上方無量世界過是界已復更化成諸大寶臺一一寶臺不可具說高顯微妙譬如和合百千

萬億諸須彌山於其臺上有天寶蓋純金剛
成雜色間錯微妙光明光明下垂化成旛帳
於旛帳中雨寶蓋雲寶蓋雲中雨幢幡雲幢
旛雲中雨妓樂雲妓樂雲中雨寶光雲寶光
雲中雨諸香雲諸香雲中雨師子座雲師子
座雲中雨華鬚雲華鬚雲中雨華鬘雲華鬘
雲中雨妙音雲妙音雲中雨偈頌雲偈頌雲
中雨諸珍寶供養具雲如是等種種供具皆
從菩提樹白毫相光明中出時白毛光下垂
照地令道場邊金剛地上化作七池池生七

水水有七色七色分明色有千光上照樹王
其池四岸眾寶合成一岸百寶所共合成一
寶流出百億光明池底純是金剛摩尼以爲
底沙水生諸華純黃金葉葉上千光化成光
輪池有一渠水自涌出池中生華葉葉相次
於蓮華鬚流出諸水如瑠璃珠映徹分明於
渠兩邊列生諸華八萬四千眾寶嚴飾此渠
中水更相灌注當水流時光亦隨轉映菩提
樹此樹光中一一葉上生寶蓮華其華徧布
一切世界於其華上化百寶臺徧至十方無

量世界其白毫光從佛眉間生寶蓮華園圓
正等滿一由旬如是相次過於上方無量無
邊不可算數不可算數微塵世界華華相次
一一華上見一佛坐身黃金色方身丈六結
跏趺坐坐蓮華臺其金剛座及菩提樹如上
所說等無有異乃至十方亦復如是於白毫
中復出寶華勝前寶華百億萬倍華上有佛
如釋迦文等無有異一華鬚頭復有一佛身
長丈六入深禪定心不傾動如是光明照於
東方無量無數百千世界令諸世界皆作金

色彼衆生見化佛毛孔開現光明復出無量
百千寶光一一光中復有無量百億化佛時
諸天龍鬼神夜叉乾闥婆等覩此光明遶佛
千匝照十方國見十方國高下大小了了分
明如執明鏡自見面像是諸大衆波旬眷屬
八萬億衆及諸鬼神天龍夜叉等各見白毫
端直丈五十方悉見映蔽衆目如萬億日不
可具見但於光中見無量無數百億千萬化
釋迦文眉間白毛正長丈五一一毛中出無
量光一一光中無量化佛化佛眉間亦復如

是是白毫光輪郭之中流出衆光上至佛額
顯發額廣平正之相額上諸毛毛皆上靡其
毛根下梵摩尼色適衆生心毛端流光如融
紫金光相上靡入於髮際宛轉垂下至耳輪
邊然後布散上入髮間圍繞螺文數百千而
從頰骨生如金蓮華葉日照開敷蓮華葉間
及蓮華鬚如帝釋臺了了分明衆色異現於
其色間無量化佛一佛七大菩薩諸天以爲
侍者手執寶華白中白者華有五光五色分
明隨從化佛不失其所此名如來初成佛時

白毫相光因白毫光初生頂光生王宮時此
光如日見不了了圓光一尋別自當說時諸
八部覩白毫光所見不同有見白毛猶如諸
佛有見白毫如諸菩薩有見白毛如已父母
一切世間可尊敬事悉於毛端了了得見見
已歡喜有發無上菩提心者有發聲聞緣覺
心者如是諸鬼見白毛者自然慈心無諸惡
意佛告父王如來白毛自從初生乃至成佛
於其中間微細小事可得觀見旣成佛已白
毫光明衆相具足諸修多羅中佛已廣說白

毫相光究竟之處十地菩薩爾乃得見先說
小者隨應世間此事易見佛告父王及勑阿
難諦聽諦聽善思念之汝語後世諸弟子等
皆令得知若我滅後諸比丘等若問是事此
白毫相菩薩本昔修何行得汝當答言佛白
毫相從無量劫捨心不慳不見前相不憶財
物心無封著而行布施以身心法攝身威儀
護持禁戒如愛雙目然其心內豁然虛空不
見犯起及捨墮法心安如地無有動搖設有
一人以百千刀屠截其身設復有人以諸棘

刺鞭撻其身菩薩初無一念瞋恚設復有人
頭有千舌舌出千言種種異辭罵辱菩薩顏
色不變如淨蓮華心無所著身心不懈無疲
倦意如救頭然如身毛孔生邪利瘡求覓良
醫晝夜精進心無染汙如留璃珠表裏俱淨
攝身歛意閉目又手端坐正受其心十五如海湛
然不動如金剛山不可沮壞雖作是意不隨
禪生灰心滅智無所適莫亦無覺觀非不觀
法心智猛利攝諸方便不見有法若大若小
有細微相如是衆多名波羅蜜亦從三十七

助善提法復從十力四無所畏大慈大悲三
念處諸妙功德得此白毫若我滅後佛諸弟
子捨離諸惡去憤鬧想樂少語法不務多事
晝夜六時能於一時中分爲少分少分之中
能須臾間念佛白毫令心了了無謬亂想分
明正住注意不息念白毫者若見相好若不
得見如是等人除却九十六億那由他恆河
沙微塵數劫生死之罪設復有人但聞白毛
心不驚疑歡喜信受此人亦却八十億劫生
死之罪若諸比丘比丘尼優婆塞優婆夷犯

四根本罪不如等罪及五逆罪除謗方等如
是衆人若能懺悔晝夜六時身心不懈譬如
人在深草中行四面火起猛風吹來欲燒其
身此人作念若火燒我未死之間支節解散
我當云何得滅此火若不設計命必不濟誰
有智者多諸方便能救我命設命全濟於彼
人所無所憐惜作是思惟已如太山崩五體
投地號泣雨淚合掌向佛讚歎如來種種德
行作是讚已誦懺悔法繫念在前念佛眉間
白毫相光一日至七日前四種罪可得輕微

三七日時罪相漸滅七七日後然後羯磨事
在他經若比丘犯不如罪觀白毫毛闇黑不
現應當入塔觀像眉間一日至三日合掌啼
泣一心諦觀然後入僧說前罪事此名滅罪
前五種罪念白毫光經八百日然後復有別
星二
羯磨法佛告父王如來有無量相好一一相
十六
中八萬四千諸小相好如是相好不及白毫
少分功德是故今日為於來世諸惡衆生說
白毫相大慧光明消惡觀法若有邪見極重
惡人聞此觀法具足相貌生瞋恨心無有是

處縱使生瞋白毫相光亦復覆護暫聞是語
除三劫罪後身生處生諸佛前如是種種百
千億種諸觀光明微妙境界不可悉說念白
毫時自然當生如此觀者名為正觀若異觀
者名為邪觀云何名觀額廣平正額廣平正
相二輪光明光明輪郭千輻轂輞成摩尼珠
形如毗紐羯磨天畫於畫畫中流出上妙金
色之光來入白毫遠毫七而上入額上諸毛
孔中乃至髮際諸色相中宛轉下垂至于耳
輪上散入髮遠髮七而從頰骨出遠前蓮華

相團圓七市七畫分明畫有七色色生七華
華有一佛有七菩薩以為侍者恭敬圍遶右
旋而轉如是額廣平正三相髮際相頭諸毛
孔相腦中相腦中亦有十四光現諸脉中中
外俱徹明顯可愛涌出白光紅紫間錯其色
微細從頰骨出亦遶前者三市一畫間有
一佛坐有二菩薩以為侍者益更明顯勝前
數倍云何觀如來眉相左右二眉形如月初
遶生諸毛稀稠得所隨月形轉其色豔紫毛
端紺青溜滴妙光色無與比眉光兩靡散入

諸髮既入髮已上至髮杪其光螺起蜂翠孔
雀色無以類猶如聚墨比瑠璃光亦復下垂
從頰骨出右旋宛轉遶光四市一畫中出
一化佛有二菩薩及二比丘翼侍左右皆悉
住立蓮華鬚上明顯可愛勝前數倍眉下三
畫及眼眶中旋生四光青黃赤白上向豔出
入眉骨中出眉毛端亦如前法從頰骨出遶
光四市四色分明黃色化佛身黃金色白色
化佛身白銀色青色化佛身金精色赤色化
佛身磔磔色如是右旋益更明顯勝前數倍

云何觀如來眼睫相如來眼睫上下各生有
五百毛柔軟可愛如優曇華鬚於其毛端流
出一光如玻璃色入前眾相光明色中遶頭
一帀從頰骨出圍遶前光純生微妙諸青蓮
華蓮華臺上有青色蓋有梵天王手執是蓋
此相現時佛眼青白白者過於白寶百億萬
倍青者勝青蓮華及紺瑠璃百億萬倍上下
俱瞬如牛王眼眼雙背頭旋出二光如青蓮
華極爲微細遠髮一帀從頰骨出映飾諸華
令華開敷光明益顯如是勝相無量功德名

如來眼若有欲觀如來眼者當作此觀作此
觀者減損諸惡閉目端坐正觀佛眼一日至
七日於未來世常得見佛終不盲冥亦不生
於邊地邪見無佛法處慧眼恒開不生愚癡
佛告父王是故智者爲除盲冥當觀佛眼佛
有五眼第二此觀法中先說肉眼明淨光顯觀眼十八
心利傍生境界不可具說諦觀佛眼於少時
間及觀像眼未來世中經五生處眼常清淨
眼根無病除却七劫生死之罪佛告阿難勅
諸四眾勤觀佛眼慎勿休廢觀佛眼者必獲

無量微妙功德髮際額廣及髮螺文眼眶眼
 脣眼睫眼畫如是等衆相光明若能暫見除
 六十劫生死之罪未來生處必見彌勒賢劫
 千佛威光所護心如蓮華而無所著終不墮
 於三塗八難若坐不見當入塔觀入塔觀時
 亦當作此諸光明想至心合掌胡跪諦觀一
 日至三日心不錯亂命終之後生兜率天面
 見彌勒色身端嚴應感化導既得見已身心
 歡喜入正法位佛告父王如是觀者名為正
 觀若異觀者名為邪觀

永樂北藏

觀佛三昧經

觀佛三昧海經卷第二

音釋

槁苦浩切 睫即涉切 鬣力涉切 蹲踞尊且切
居式方切 銍乃端也 𠵼山崖也 踳達員切 躄房益切
御切 駛疾士切 𠵼斜視也 煜爚煜余六切 躄房益切
也 唼聚食也 滓壯仕切 嘔於口切 蛆子余切

重二

十九

第五〇册

永樂北藏

觀佛三昧經

第五〇册

各切	莫未	物觸	除庚	切統	統委	喝
也	也	也	切	縱	遠也	口非切
也	以	以	以	坐	切	蛸
也	磨	磨	磨	傳	也	中蛸
也	切	切	切	也	然	源切
也	王	王	王	勸	勸	也
也	切	切	切	事	則	人
也	皆	皆	皆	業	歷	腹
也	才	才	才	也	切	捋
也	計	計	計	也	也	手
也	切	切	切	適	昌	活切
也	切	切	切	莫	六	也
也	切	切	切	適	切	統
也	切	切	切	丁	切	縱
也	切	切	切	切	切	振

觀佛三昧海經卷第三

量三

東晉天竺三藏法師佛陀跋陀羅譯

觀相品第三之三

佛告父王云何觀佛耳佛耳普垂睡旋生七毛輪郭衆相及生王宮初穿耳時令兩耳孔內外生華此蓮華中及耳七毛流出諸光有五百支支五百色色出五百化佛佛五菩薩有五比丘以為侍者遠光右旋其數五而上下正等映照佛耳佛耳可愛如寶蓮華懸處日光佛在世時一切大眾咸見是相是名佛

永樂北藏

觀佛三昧經

耳色相光明佛告父王若四部衆遠離憤鬧正念思惟佛耳相者此人生處耳根清淨無諸穢惡耳常得聞無上微妙十二部經聞已信解如說修行除滅八十劫生死之罪若不見者如前入塔諦觀像耳一日至十四日亦得如向所說功德是故智者當勤修集正觀佛耳勿使廢失若病苦時倚側偃卧亦當觀佛清淨耳相如是觀像耳如前所想心不懈退後身生處亦常得與陀羅尼人以為眷屬聞法憶持譬如貫珠如是觀者名為正觀若

第五〇册

異觀者名爲邪觀云何觀如來方頰車相如來頰上六畫中左右正等有妙光色輝豔倍常閻浮檀金光色遍照令佛面相如淨金色譬如和合百千日月是名如來方頰車相佛滅度後佛諸弟子繫念思惟作是觀者除滅百劫生死之罪面見諸佛了無疑如是觀者名爲正觀若異觀者名爲邪觀云何觀如來師子欠相佛張口時如師子王口方正等口兩吻邊流出二光其光金色過逾前光百千萬倍上入耳光圍繞諸髮從頰骨出繞前

圍光一一畫間有三化佛一一化佛有二梵王以爲侍者是名如來師子欠相佛滅度後四部弟子作是觀者除滅十劫生死之罪後身生處口中恒有優盞華香有所宣說人皆信受譬如帝釋重三三十三天一切信用如是觀者是名正觀若異觀者名爲邪觀云何名觀如來鼻相如來鼻高脩而且直當于面門如來鼻端如鷹王背鼻孔流光上下灌注上者上入眼眉白毫相髮際如是直入頂肉髻骨譬如金幢從頰骨出變成衆華華上皆有天

諸樂神手執樂器遍入一切諸化佛間以爲
導從遶光十帀下者直至入佛髭中圍遶髭
毛令髭毛根有華開敷如稊米粒流入脣齶
至諸齒間映飾咽喉下至佛胃成光明雲表
裏清淨無諸塵翳如瑠璃器盛金光豔是名
如來真淨鼻相佛滅度後佛諸弟子如是觀
者除滅千劫極重惡業未來生處聞上妙香
心意了了不著於香常以戒香爲身瓔珞如
是觀者名爲正觀若異觀者是名邪觀云何
觀如來髭諸髭毛端開敷三光紫紺紅色如

是光明直從口邊旋頸上照圍繞圓光作三
種畫其畫分明色中上者一一畫間生一寶
珠其珠光明有百千色珠下白華莖莖相拄
滿三帀已然後彼光還入髭中是名如來髭
毛光相佛滅度後作是觀者除二十劫生死
之罪後身生處身諸毛孔有自然光心不樂
著家居眷屬世間之樂常樂出家修頭陀行
如是觀者名爲正觀若異觀者名爲邪觀云
何觀如來脣色赤好如頻婆果相於上下脣
及與斷齶和合出光其光團圓猶如百千赤

眞珠貫從佛口出入於佛鼻從佛鼻出入於白毫從白毫出入諸髮間從髮間出入圓光中映飾諸華口四十齒印上生光其光紅白光光相照照四十齒令四十齒朗然齊白如玻璃璧上下齊平無參差者齒間文畫流出諸光亦紅白色如是衆色佛在世時映耀人目佛滅度後當以心眼觀見此色佛諸弟子作此觀者除二千劫生死之罪後身生處脣口微妙齒不踈缺得色中上色雖得是色心不貪著常見諸佛聲聞緣覺爲之說法令心

不疑如是觀者名爲正觀若異觀者名爲邪觀云何觀如來廣長舌相如來舌者是十波羅蜜十善報得其舌根下及舌兩邊有二寶珠流注甘露滴舌根上諸天世人十地菩薩無此舌相亦無此味舌上五畫如寶印文如此上味入印文中流注上下入瑠璃甯諸佛笑時動其舌根此味力故舌出五光五色分明繞佛七帔還從頂入佛出舌時如蓮華葉上至髮際遍覆佛面舌下亦有衆雜色脉如此上味流入脉中其味力故變成衆光有十

四色一一光上照無量世界一一光間有一
光臺其色衆妙不可具名一一光臺龕室無
數一一龕中無量化佛結跏趺坐聲聞菩薩
一切大衆皆悉圍遶過於上方無量世界化
爲一佛佛身高顯如須彌山如是諸佛其數
無量皆出舌相亦復如是一一光下照至阿
鼻獄令阿鼻獄如黃金色佛舌力故令受苦
人暫得休息自慨前世所作惡事如是下過
無量世界一一界中化寶華樹葉如佛舌舌
相放光光相照變成化佛其化佛身純白

銀色身相具足一一化佛出廣長舌舌相光
中有諸化佛如是化佛其數無量化佛光明
成一銀山其山高大無量無邊於其山間純
生銀樹金華銀果樹下皆有白玉蓮華華上
復有白玉化人玉人齋中化生六龍其龍口
黑龍色純白是化玉人其數無量復更下過
照無量界見白玉樹從下方出至娑婆界復
更翳鬱至三界頂枝條扶踈其葉有色色九
十八一一樹葉遍覆三界其諸葉間復有龍
象虎狼師子毒蟲惡獸狸猫鼯鼠無事不有

其餘境界坐者自見見一光照東方令東方地皆作金色山河樹木一切火燒火光金光各不相障於金光端有諸化佛佛相次乃至東方無量世界譬如稻麻間無空缺一佛皆有無量菩薩以爲侍者是諸菩薩亦出舌相與佛正等如是舌相無量光明五化成光雲於光雲中如微塵等無量化佛結跏趺坐如是光明其數無量時火燄端有五夜叉手執利劍頭有四口吸火而走如是諸鬼其數無量乃至東方亦復如是一光照南方無量世

界令其世界作瑠璃色瑠璃地上生黃金華黃金華上生碼碯華碼碯華上生磔磔華磔磔華上生玫瑰華玫瑰華上生琥珀華琥珀華上生珊瑚華珊瑚華上生金精華金精華上生金剛華金剛華上生摩尼光華摩尼光華一一光間有無量色百億寶華一一華鬚有無量釋迦文尼結跏趺坐菩薩大衆以爲圍遶時諸大衆身毛孔中亦出此華一一華上現希有事亦如上說是諸化佛出廣長舌相開現光明倍勝是相百千萬倍於諸華間

有妙寶座高顯可愛如梵王牀一一牀上有
大菩薩身相端嚴猶如彌勒亦出廣長舌相
其舌光明作摩尼網覆諸化佛及與大衆摩
尼網間出大寶華其寶光端復有無量無邊
化佛一一化佛各有無數比丘侍從時諸比
丘坐金蓮華身黃金色安禪合掌入念佛定
身諸毛孔出金色光此一一光化成化佛猶
如金山圍遶比丘有化比丘亦圍遶佛如是
衆多數不可說一光照西方令西方地作玻
璃色玻瓈地上有金剛雲金剛雲中有白寶

雲白寶雲中有赤真珠雲赤真珠雲中有白
真珠雲白真珠雲中有紫真珠雲紫真珠雲
中有綠真珠雲綠真珠雲中有紅真珠雲紅
真珠雲中有閻浮檀金沙雲閻浮檀金沙雲
中有金剛摩尼微塵雲金剛摩尼微塵雲中
有一切寶色微塵雲如是量三一一雲中有五十
六億色微妙鮮好過於眼界惟有寂心可與
此合如是諸相復有無量微塵化佛一一化
佛無量微塵諸化弟子諸塵不大諸佛不小
端嚴微妙如釋迦文亦出舌相一一光照北

方令北方地作磳磳色磳磳地上有金剛塔
一一佛塔百千妙塔以爲圍遶其數無量塔
極小者高五十億那由他由旬一一塔中復
有百億塵數龕窟一一窟中無量無邊諸寶
色水自然涌出是諸水上有大蓮華開現光
明其光現時香氣微妙勝海此岸栴檀之香
百千萬倍是香變爲微妙光明諸光明中有
諸化佛身色微妙寶中上者一切衆寶從舌
相出時一一窟無量光明一一光明無量化
佛一一化佛復出舌相光明無量亦成香塔

過於北方無量世界不可窮盡但從念佛三
昧海生一光照東南方令東南方其地碼碯
色碼碯色地上有琥珀山琥珀山上生七寶
林七寶林間有十泉水水十寶色水色放光
普照東南方無量世界光所照處有大寶山
一一山間一一樹下生曼陀羅華^{量三}摩訶曼陀
羅華於華臺上有一化佛純瑠璃色內外清
徹不可具名雜寶色光繞身千帀一一光中
無量化佛一一化佛無量大衆皆瑠璃色以
爲圍繞一一化佛出舌相光明化成寶山如

是寶山復過東南方無量世界一光照西南方無量世界令西南方地純珊瑚色珊瑚地上生碧玉樓極下者高五十億由旬樓一億柱此一柱百億寶色一一寶放無數光此一光化為無量千億寶樹一一樹下有六泉水其水從樹板入從樹條出流出之時有六寶色一一水中生一蓮華其華鮮白華上復有一白化佛其身極白過踰一切白色之上有五百色微妙光明圍遶佛身一一光明化無數佛一一化佛有無數菩薩樓閣諸

柱皆放光明一一光中無數化佛青色化佛在於珊瑚地上經行白色化佛在於青玉樓上經行樓閣龕室皆有如是無數化佛亦出舌相放大光明其光微妙照西南方無量世界不可窮盡一光照西北方令西北方作琥珀地琥珀地上生真珠山真珠山上有珊瑚樹白玉葉摩尼華黃金果金精鬚樹下自然有大師子其身七寶師子眼中放大光明照琥珀地令琥珀地生一大蓮華其華圍圓無量無邊一一華上有光明雲其雲紫色雲上

有網綠真珠色真珠網間生金蓮華金蓮華
上有一化佛身紫金色青黃赤白五色光明
以為圍繞一一光中無數化佛一一化佛無
量大眾是諸化佛出廣長舌相亦復如是如
是遍照西北方無量世界舌相光明不可窮
盡一光照東北方令東北方地純金剛色金
剛地上生華七寶合成華上生幢閻浮金色
幢頭有華其華無量百千寶色有無數華一
一華葉化為無量百千寶帳一一帳角有七
寶幢一一幢頭有七寶蓋其蓋彌覆東北方

地一切世界蓋有五簷純黃金成幡有萬億
無量寶鈴鈴出妙音讚歎佛名讚歎禮佛讚
歎念佛讚歎懺悔出是聲已寶帳下地大光
涌出其光微妙無數千億一一光中無量化
佛結跏趺坐坐寶帳內復有涌身住虛空中
東涌西沒西涌東沒南涌北沒北涌南沒邊
涌中沒中涌邊沒或現大身滿虛空中大復
現小身如芥子於虛空中行住坐卧身上出
水身下出火身下出水身上出火履地如水
履水如地水中生華大如車輪華上有佛結

跏趺坐如是化佛無量無邊同時見佛躡身
空中作十八變火上生一金須彌山星宿日
月七寶莊嚴諸龍夜叉及大海水如是衆多
須彌山左右一切諸有皆悉出現如是衆山
其數無量山頂有佛亦出舌相舌相光明遍
照量三東北方無量世界不可窮盡一光上照從
閻浮提四天王宮令四天王皆見釋迦文尼
世尊人中之日乘七寶臺與諸大衆往彼天
上諸天見已發菩提心乃至無色界一切諸
天皆見是相了了分明心不謬亂令無色天

不謗涅槃起菩提想一光下照諸阿脩羅諸
夜叉等諸乾闥婆諸迦樓羅諸緊那羅諸摩
睺羅伽諸龍諸羅刹諸富單那諸金毗羅諸
噉人精氣鬼諸鳩槃荼諸吉遮諸曠野鬼諸
餓鬼諸食吐鬼諸食泆唾鬼諸食膿血鬼諸
食屎尿鬼諸山神諸樹神諸水神如是等若
千百千諸鬼神等其身暫時作天身色柔軟
悅樂譬如比丘入第三禪是諸鬼等各隨業
行自發三種菩提之心諸餓鬼等舌光現時
猶如冷水滅節間火火既滅已融銅墮地直

陷入地時諸餓鬼皆悉張口唱言飢飢於千萬歲不曾見水今遇此水除熱清涼是誰力耶空中聲曰愚癡餓鬼有佛世尊放舌光明其光照汝令汝苦毒悉得休息作是語已一鬼前見一慈母坐蓮華臺譬如慈母抱持嬰兒與乳令飲使鬼飽滿既飽滿已發菩提心既發心已一一慈母化成一佛時一一佛亦放舌相救諸餓鬼佛攝舌相此光千色繞佛千帀光有千佛從佛頂入入已佛身嚴顯三十二相八十隨形好皆悉明耀遍體流光

晃晃煜煜勝於百千無數億日佛告父王如來舌相及舌功德觀舌境界其事如是佛滅度後念佛心利觀佛舌者心眼境界如向所說作是觀者除却百億八萬四千劫生死之罪捨身他世值遇八十億佛於諸佛所皆見諸佛廣長舌相放大光明亦復如是然後得受菩提道記佛告阿難汝持佛語莫令忘失告諸弟子正身正意端坐正受觀廣長舌者如我在時等無有異若有衆生聞此說者心不驚疑不生誹謗不惱念佛者勸進念佛者

供養恭敬尊重讚歎如是等人雖不念佛以
善心故除却百劫極重惡業當來生處值遇
彌勒乃至樓至佛於千佛所聞法受化常得
如是觀佛三昧佛告父王如是觀者名為正
觀若異觀者名為邪觀云何觀如來頸相缺
瓮骨滿相曾臆字相卍字印相是衆字間出
生圓光頸臚圓相如瑠璃甯懸好金幢咽喉
上有一點分明猶如伊字一一點中流出二
光其一光繞前圓光足滿七而衆畫分明
一一畫間有妙蓮華其蓮華上有七化佛一

一化佛有七菩薩以為侍者一一菩薩二手
皆執如意寶珠其珠金光青黃赤白及摩尼
色皆光明足如是圍繞諸光畫中是名佛頸
出圓光相曾臆字文卍字印中缺瓮滿相腋
下珠相是諸相中一一勝相有五百色雜色
光明共相映發各不相妨一一色光圍繞頸
光足五百而一一畫中五百化佛一一化佛
五百菩薩以為侍者五百比丘手執白拂侍
立左右諸化佛光化菩薩光化比丘光於衆
光中皆悉顯現大須彌山四天王宮諸天宮

殿日月星辰龍宮神宮阿脩羅宮十寶山神
四海水神及諸水性乾闥婆等諸婆羅門所
尊敬事九十五種神仙異術父母所親歷世
因緣如是等神於佛光中悉皆顯現復有百
億無量鬼神影現圓光爲閻浮提人說孝養
事此影化人見衆人時皆自說言我是汝父
我是汝母無量世中汝字某甲我名某甲如
是衆多無量大衆皆是衆生所尊敬事於佛
圓光了了如畫如鏡見面如是衆相名爲圓
光圍繞佛頸上亦一尋下亦一尋左亦一尋

右亦一尋足滿八尺於圓光中流出化佛一
切衆生所希有事悉於中現了了分明於圓
光上有金色焰如摩尼珠嚴顯可愛摩尼燄
間化生華樹其樹金色百千萬億閻浮檀金
不可爲比一一樹下有寶蓮華華上化佛真
黃金色如瑠璃蓋以覆佛上顯發金顏分齊
分明如是化像其數無量佛在世時世尊行
時此光照地前一由旬純黃金色後一由旬
純黃金色左一由旬純黃金色右一由旬純
黃金色有人近佛左右行者其人臭穢皆悉

不現人遠望之同爲金色佛坐樹下此光赫
弈如衆金華散祇樹間有人諦觀佛項光者
前行看者見佛在前從後看者見佛在後左
邊看之見佛在左右邊看之見佛在右八方
人來遙見項光各作是言瞿曇沙門在金山
中遊行自在來向我所如是衆人各各異見
是名項光見此光時佛頂肉髻生萬億光光
光相次乃至上方無量世界諸天世人十地
菩薩亦不能見其髮右旋上妙螺文蜂翠孔
雀色不得比有千光明赫奕而起此光起時

佛肉髻骨及佛頭中一切妙相皆悉映現滿
足面相光明可愛人天淨國報得妙華不得
爲譬佛面光明益更明顯佛頸佛脅及以佛
臂勝前數倍光更明顯佛膝出光其光白色
分爲四支隨身上轉化作白華入項光下齋
出五光光有二支支有五色入脅骨中如白
玉簫盛衆色水從兩肩後自然涌出如金摩
尼燄燄相拄諸摩尼光有妙蓮華一一蓮華
上有七化佛如畫如印隨佛身轉不相障礙
鹿王躡鈎鎖骨蟠龍結間如是中間出諸金

光此一光從一節出入一節間如是和合
成一大光如金摩尼住佛肘後焰至項光赤
銅爪足指縵網各各有光其光赫弈瑠璃玻
瓊備七寶色從佛足趺副稱佛身如摩尼珠
亦如前光上至圓光是下輪相及長足跟各
生一華其華微妙世三猶如淨國優鉢羅華佛足
跟出圍繞諸光滿足十而華華相次一一華
中有五化佛一一化佛五十菩薩以為侍者
一一菩薩其頂上生摩尼珠光此相現時佛
身毛孔一一孔中旋生八萬四千微細諸小

光明嚴飾身光極令可愛如是種種雜色名
為常光名適意光亦名隨諸衆生所樂見光
亦名施衆生眼光此光一尋其相衆多瞿師
羅觀佛此光隨小乃至他方諸大菩薩觀佛
之時此光隨大如雜華說佛白父王及勅阿
難吾今為汝悉現具足身相光明作是語已
佛從座起告阿難言汝諸比丘并諸釋子皆
悉起立合掌向佛諦觀如來從項光明下至
足光從頂肉髻下至足下平滿之相復勅比
丘復從足下平滿相上乃至肉髻亦觀如來

身光項光復勅從佛一一毛孔盡一身分一
一事觀皆令了了如人執鏡自觀面像若生
垢惡不善心者若有毀犯佛禁戒者見像純
黑猶如炭人釋子眾中五百釋子見佛色身
猶如炭人比丘眾中有一千人見佛色身如
赤土人優婆塞眾中有十六人見佛色身如
黑象脚優婆夷眾中二十四人見佛色身猶
如聚墨如是四眾各各異見比丘尼眾中有
比丘尼見佛色身如白銀色優婆夷眾中有
優婆夷見佛色身如藍漆青色如是四眾觀

佛色身所見不同時諸四眾聞佛是語啼哭
兩淚合掌白佛我等今者不見妙色五百釋
子自拔頭髮舉身投地鼻中血出佛生我家
佛初生時眾人皆見純金色唯有我等恒
見佛身猶如炭人亦如羸瘦諸婆羅門我等
宿世有何罪咎十三惟願佛日為我解說說是語
已自拔頭髮啼哭如前宛轉自撲爾時慈父
出梵音聲安慰諸釋及諸四眾善男子等如
來佛日出現世間正為除滅汝等罪咎汝等
還起佛自知時當為汝說爾時大眾從地起

已遶佛三匝禮世尊足五百釋子詣阿難所
禮敬阿難白言尊者我之與汝俱生釋家汝
獨聰明總持佛語猶如瀉水置於異器我宿
罪故不見佛身何況聞法說是語已對阿難
哭爾時如來以梵音聲告諸釋子及勅大眾
諸兄弟等勿復號哭過去有佛名毗婆尸如
來應供正徧知出現於世教化衆生度人周
訖般涅槃後於像法中有一長者名日月德
有五百子聰明多智廣知世間一切文藝星
宿曆數無不貫練其父長者信敬佛法常爲

諸子說觀佛心亦說甚深十二因緣諸子聞
已疑惑不信言父老耄爲諸沙門之所誑惑
我諸書籍都無是義父今何處求覓得此時
父長者愍諸子故隱匿佛法不爲宣說是時
諸子同遇重病父觀諸子命不支久到諸子
所一一兒前泣淚合掌語言汝等邪見不信
正法今無常刀割切汝身汝心煩悶爲何所
怙有佛世尊名毗婆尸汝可稱之諸子聞已
敬其父故稱南無佛父復告言汝可稱法汝
可稱僧未及三稱其子命終以稱佛故得生

天上四天王處天上壽盡前邪見業墮大地
獄地獄受苦獄卒羅刹以熱鐵叉刺壞其眼
受是苦時憶父長者所教誨事以念佛故從
地獄出還生人中貧窮下賤尸棄佛出亦得
值遇但聞佛名不覩佛形毗舍佛出亦聞佛
名拘樓孫佛出亦聞其名拘那含牟尼佛出
亦聞其名迦葉佛出亦聞其名以聞六佛名
因緣故與我同生雖生此處我今身相端嚴
乃爾汝見我身如羸婆羅門我身金色閻浮
檀金色不得比汝見我色猶如炭人佛告諸

釋子汝今可稱過去佛名爲佛作禮并稱汝
父禮過去佛亦稱我名敬禮於我未來有佛
號曰彌勒亦當敬禮說汝先世邪見之罪今
佛現世沙門大衆一切雲集汝當向諸大德
衆僧發露悔過隨順佛語懺悔諸罪佛法衆
中五體投地如太山崩向佛懺悔心眼得開
見佛色身端嚴微妙如須彌山光顯大熾旣
見佛已心大歡喜白佛言世尊我今見佛三
十二相八十種好身黃金色一一相好無量
光明作是語已尋時得道成須陀洹白父王

言我等今者欲於佛法出家學道父王告言
汝自白佛佛聽汝不即往佛所白言世尊我
欲出家佛告釋子善來比丘鬚髮自落即成
沙門身所著衣化成法服合掌禮佛稱南無
佛未舉頭頃成阿羅漢三三明六通皆悉具足
佛告父王大王今者見諸釋子懺悔除罪成
阿羅漢不父王白佛唯然已見佛告父王是
諸比丘前世之時以惡心故謗佛正法但為
父故稱南無佛生生常得聞諸佛名乃至今
世遭值我出世見佛色身及見衆僧聞佛所

說懺悔衆罪因懺悔故諸障消除諸障除故
成阿羅漢佛告阿難我涅槃後諸天人若
稱我名及稱南無諸佛所獲福德無量無邊
況復繫念念諸佛者而不滅諸障礙耶佛告
諸比丘汝等所以見佛色身如赤土者汝等
前世於然燈佛末法之中出家學道既出家
已於師和尚起不淨心然其和尚得羅漢道
知弟子心告言法子汝於和尚及衆僧所莫
起疑意若起疑意於諸淨戒未無得理時諸
比丘聞和尚說心生瞋恨是時和尚知弟子

心漸漸自制不爲其說時千弟子隨壽脩短
各欲命終和尚猶存而不涅槃是時和尚到
弟子所而說是言汝諸比丘初受法時疑師
疑戒虛食信施汝等今者欲何所怙諸人聞
是心驚毛豎白言和尚爲我說法和尚告曰
汝今事切不宜餘處教汝懺悔汝今但當稱
然燈佛如來應供正遍知十號具足爾時諸
比丘用和尚語咸皆稱言南無諸佛旣釋佛
已尋即命終乘善心故得生天上上生勿利
封受自然畢天之壽下生世間坐前世罪虛

食信施墮餓鬼中洋銅灌咽壽命長遠八萬
四千歲餓鬼罪畢生畜生中畜生罪畢還生
人中貧窮下賤以爲莊嚴旣生人中聞諸佛
名因於前世出家力故信心內發如前宿識
稱南無佛以稱佛名因緣功德八千世中常
值佛世而眼不覩諸佛色身況復聞法乃至
今日遭值我世見我身體狀如赤土佛告諸
比丘汝等先世於不疑處橫生疑見於可信
處橫生不信以是罪故不見諸佛不聞正法
如我今者現生王宮我色真正色中最上汝

見赤土時諸比丘聞佛此語各自悔責偏袒
 右肩合掌向佛而作是言我於前世無量劫
 時邪見疑師虛受信施此因緣故墮地獄中
 今雖得出於無量世不見諸佛但聞其名今
 見世尊身赤土色正長五尺是時世尊被僧
 祇支示曾臆字令比丘讀誦得字已知佛功
 德智慧莊嚴於卍字印中說佛八萬四千諸
 功德行比丘見已讚歎佛言世尊甚奇特但
 於曾字說無量義何況佛心所有功德說是
 語已向佛懺悔五體投地如太山崩悲號兩

淚對佛啼哭是時世尊輒言安慰令諸比丘
 心得歡喜既歡喜已猶如風吹重雲四散顯
 發金顏三十二相炳然觀現既見佛已心大
 歡喜發菩提心佛告父王此千比丘慙懃求
 法心無懈怠於未來世過算數劫當得作佛
 號南無光照如來應供正徧知十八十號具足其
 作佛時地純金色七寶行樹妙寶樓閣以為
 莊嚴其土眾生皆是慙愧懺悔之徒純是菩
 薩發無上意如是千佛次第出世亦如賢劫
 千菩薩等次第成佛佛告大王是諸比丘疑

師疑僧獲大重罪如向所說稱南無佛所得果報今於我世現前受記何況正念思惟佛者諸比丘尼見佛銀色從座而起偏袒右肩為佛作禮白言世尊如來今者自說身色除諸衆生無量重罪我等何故從生出家乃至今日見佛銀色銀華銀光諸莊嚴具悉皆是銀我等云何不見如來金光赫燄亦不見佛三十二業果報功德是時如來聞諸尼語即便微笑有金色光從面門出繞佛銀身足滿十布此光現時諸尼見佛身紫金色三十二

相光明顯照不可具說諸尼見已觀眉間白毫右旋宛轉見已歡喜應時即成阿羅漢道三明六通具八解脫諸比丘尼自識宿命曾於前世無量劫時有佛出世亦名釋迦文彼佛滅後有諸弟子出家學道僧中一人遊行教化見五百童女在山澤中歡娛自樂時彼比丘攝持威儀安詳徐步至諸女所敷尼師壇在地而坐諸女見已各各歡喜而作是言此空闕處神仙所遊忽然有此勝士比丘來在此坐必非凡人我宜供養各脫銀鐶散比

丘上比丘精進德行純備後必成佛願我見之時女所散鏤汝等貪著銀寶色故生生常在白銀山中受銀山神寶女之身以禮沙門奉獻銀鏤今遭我世沐浴清化成阿羅漢爾時比丘則我身是時諸女者汝身是也汝於前世供養沙門禮諸佛故從是已來恒值諸佛佛告父王佛人中寶祐利處多若聞名者禮拜供養獲大重報何況繫念思佛正顏優婆塞衆中見佛世尊如黑象脚者即從座起偏袒右肩合掌向佛而作是言我生此國我

國王子出家成佛阿私陀仙見三十二相即爲我說地天太子成佛無疑我聞是語歸依於佛從是已來恒隨佛後受三歸依受持八齋受五戒法然我罪咎但聞佛聲不見佛形每見佛時如黑象脚何酷之甚說是語已舉手椎胸號泣躄地是時如來以梵音聲猶如慈父安慰其子告諸優婆塞言法子還坐佛當爲汝除斷疑悔滅諸障礙說是語已告諸優婆塞汝等先世無量劫時於閻浮提各作國王王領諸國快得自在有諸沙門爲利養

故為汝邪說不順佛教法說非法非法說法
汝等諸人皆信用之是人以此諸惡教故命
終之後墮阿鼻地獄汝等隨順惡友教故命
終亦墮黑闇地獄由前聞法善心力故今遭
我世受持五戒法汝今應當佛法僧前說汝
邪見邪友所教誠心懺悔諸優婆塞聞佛此
語稱南無佛稱南無法稱南無僧說諸罪咎
誠心懺悔時佛即放眉間大人相光照諸人
心心意開解同時即得須陀洹道諸優婆塞
既得道已見佛色身端嚴微妙世間無比求

永樂北藏

觀佛三昧經

佛出家成阿羅漢優婆夷眾中見佛色身猶
如聚墨者即從座起合掌向佛兩淚號哭悲
不能言舉手拍頭氣絕躡地是時世尊見是
事已以梵音聲安慰諸女告言諸女何故愁
憂乃至如是是時諸女聞佛語聲諸情根開
即起合掌白世尊言佛日出世普照一切眾
人皆見如月盛滿唯我不見佛說法時諸人
皆聞八種音聲我獨不聞如生聾人尊者舍
利弗為我受戒乃聞其說有五戒法每至佛
會見佛世尊猶如聚墨惟願天尊以大慈悲

第五〇册

故除我罪咎令我得見是時世尊於師子座
還坐伸脚出千輻輪相以此示諸女諸女但
見眾妙蓮華從輪相出華上化佛猶如墨人
復更合掌向佛作禮白言世尊為佛弟子已
經多時惟有今日見妙蓮華見諸化佛猶如
墨塗宿有何罪眼闇乃爾佛告諸女諦聽諦
聽善思念之如來今者為汝分別過去久遠
無量世時時世有佛號一寶蓋燈王如來應
供正遍知彼佛滅後於像法中有諸比丘入
村乞食執盃持錫杖威儀不犯至淫女家時

諸淫女取比丘盃盛滿盃飯戲比丘言汝釋
種子顏色可惡猶如聚墨身所著衣狀如乞
人汝之可惡天下無比自言無欲誰當念汝
爾時比丘聞此語已擲盃空中飛騰而去諸
女見已慙愧懺悔而作是言我等今者施沙
門食願於來世身得自在猶如沙門佛告諸
女爾時諸女飯羅漢者今汝等是汝以善心
施比丘食二千劫中常不飢渴坐前惡罵姪
怒因緣六十小劫墮黑闇地獄由前發願善
心不滅今遭我世得受五戒乃是供養阿羅

漢故見舍利弗不見我身爾時世尊說是語
已即於齋中出大蓮華其大蓮華化成光臺
其光臺中有百千無數聲聞比丘如舍利弗
目捷連等於佛光臺神通自在作十八變諸
女見已心生歡喜應時即以智慧大火燒二
十億洞然之結得須陀洹道諸優婆夷既得
道已見佛色身端嚴微妙唯不見佛白毫相
光佛告父王戲弄惡口乃至得道所見不明
是故諸人當勤護口專心正意觀佛三昧以
見佛故獲無量福是時世尊欲令大眾見佛

色身了了分明佛即化精舍如白玉山高妙
大小猶如須彌百千龕窟於眾龕窟影現諸
像與佛無異時佛前地有大蓮華其華千葉
葉有千光千化佛佛千弟子以為侍者佛
告阿難佛滅度後佛諸弟子若能割損諸事
捐棄諸惡繫念世三思惟佛常光者佛不現在亦
名見佛以見佛故一切諸惡皆得消滅隨其
所願於未來世當成三種菩提之道佛告阿
難如此觀者是名正觀若異觀者名為邪觀
觀佛三昧海經卷第三

音釋

頰吉協切 吻武粉切 斷斷魚片切 耄莫莫莫
夾而旁也 口邊也 各切 斷斷魚片切 斷斷魚片切 斷斷魚片切
肉 鼯小鼯也 瓮蒲奔切 躄腓市充切 耄莫莫
也 忘也 盃北未切 盃食器也 盃食器也

觀佛三昧海經卷第四

量四

東晉天竺三藏法師佛陀跋陀羅譯

觀相品第三之四

佛告父王云何觀如來放常光相如來今者為未來世諸凡夫人當現少光彼諸凡夫當學是觀如是觀者亦如今日見佛光相無有異也爾時世尊放肉髻光其光千色色作八萬四千支一一支中八萬四千諸妙化佛其化佛身身量無邊化佛頂上亦放此光光光相次乃至上方無量世界於上方界有化菩

薩如雲微塵從空而下圍遶諸佛此光現時十方微塵世界諸佛亦悉得見此光直照諸佛頂上諸佛放光其光亦照釋迦文頂佛告阿難衆生欲觀釋迦文佛肉髻光明當作是觀作是觀者若心不利夢中得見雖是心想能除無量百千重罪如是觀者現身必見諸大菩薩見菩薩故聞其說法聞說法故得陀羅尼其陀羅尼名旋憶持如是觀者名為正觀若異觀者名為邪觀佛告父王云何名為觀於如來眉間光明如來今者為此後世諸

衆生故當少現於白毫相光作是語時時佛
眉間即放白毫大人相光其光分爲八萬四
千支支亦八萬四千色遍照十方無量世界
一一光色化一金山一一金山無量龕窟一
一窟中有二化佛結跏趺坐入深禪定聲聞
菩薩百千大衆以爲眷屬時佛窟中有諸化
佛皆放白毫大人相光亦照十方無量世界
皆如金色金色地上有金蓮華金蓮華上皆
有化佛亦皆同號名釋迦文諸佛眉間亦放
此光其光遍照十方世界猶百千億須彌山

王共合一處諸須彌山映現諸佛佛身高顯
與山正等是等化佛眉間光明繞諸化佛滿
七布已還入釋迦牟尼眉間此光入時佛身
毛孔一毛孔中有一化像一一化像身毛孔
中化成八萬四千妙像皆是三千大千世界
一時衆生所希見事是名如來八十好中一
好光明如是八十隨形好光說不可盡如來
少現白毫光時父王所將衆中有八千人遠
塵離垢得法眼淨佛告阿難如來白毫相光
諸修多羅中佛已廣說如是妙光唯佛見佛

十地菩薩見不明了是故此中少分而說說
少分者為凡夫人佛滅度後如是觀者名為
正觀若異觀者名為邪觀此光除罪如向所
說唯見光者心得了了見百億佛見白毛者
是心想見云何觀如來額廣平正相如來面
上三輪相髮際相如是眾相一一相中皆出
金光其金色光化成金牀一一牀上有千菩
薩拘樓孫馱為始下逮樓至是千菩薩皆放
光明坐金牀上如是百億千萬菩薩百億千
萬金牀其金牀上皆有寶帳一一寶帳有千

光明一一光明成千寶幢一一幢上千萬寶
蓋眾寶蓋下有諸寶幡諸寶幢中無量化佛
是諸化佛皆說苦空無常無我說此偈時一
切化佛亦皆說此釋迦文佛方身丈六在行
者前舉其右手而作是言善哉善哉善男子
汝今能觀諸佛相好我等先世行菩薩道與
汝無異汝今能觀諸佛境界此境界者但是
汝心妄想所生作是語已即滅不現額上諸
光復更明顯其光流出有百千億一一光明
照寶牀上諸菩薩面彼菩薩面亦出光明照

釋迦文此相現時行者真觀佛面了了無疑
佛告阿難佛滅度後佛諸弟子能如是觀真
見佛面與我住世等無有異作此觀者除却
一億劫生死之罪後身生處面見諸佛生諸
佛家諸佛菩薩以為眷屬如是觀者名為正
觀若異觀者名為邪觀云何觀如來鼻出光
明鼻出光明分為四支上入佛眼佛眉佛睫
出大光明其光鬣鬣如龍象形遍照十方無
量世界入諸佛眼此相現時十方大明是時
行者見十方界地及虛空諸佛滿中一一佛

眼眉睫鼻孔放大光明亦復如是佛眼兩光
其明遍照入諸佛眼於虛空中化成光臺其
光臺上純是光雲光雲青白世界無比於青
光中有青色化佛於白光中有白色化佛此
青白佛左右分明百寶色光以為其雲如神
通人飛騰雲間身諸毛孔猶如華樹一一華
樹上至梵世諸華葉間有百千億聲聞比丘
一一比丘著千納衣千納千色一一色中百
千化佛皆純金色是諸比丘涌身雲中亦隨
佛後如龍象行其子隨從佛告阿難佛滅度

後佛諸弟子若能正心觀佛眼光即於現世
重障得除於當來世常得觀佛不離佛日雖
處母胎常入三昧在母胎時見十方佛皆放
眼光來照其身胎殼中時常受妙法況出於
外如是觀者名為正觀若異觀者名為邪觀
鼻出二光其光遍照十方世界其一光化
成大水其水住空流入諸光此水入時一切
光明唯更明顯一一光間生玻璃山玻璃山
間生七寶華其華臺上湧出眾水其水金色
猶如金幢其金幢內有百千萬無量化佛一

一化佛方身丈六身毛孔中八萬四千上妙
寶色諸寶色中復放光明其光微妙有恒沙
色佛告阿難佛滅度後佛諸弟子作是觀者
除却千劫極重惡業後世生處心無所著不
處胞胎恒常化生既化生已身光具足不離
諸佛如是觀者名為正觀若異觀者名為邪
觀云何觀如來面門光明其光白色猶如寶
山內外俱淨於寶山內無量化佛真金精色
時諸化佛面門出光其光五色徧照十方入
諸佛面門此相現時行者行住坐卧恒聞如

來說四念處身受心法并說境界令行者聞
聞已憶持閉目思惟此光力故即得四念處
法時十方佛及釋迦文於三昧中各申右手
摩行者頂而作是言善哉善哉善男子汝能
真實行念佛定如是觀者名為正觀若異觀
者名為邪觀云何觀如來耳耳出五光其光
千色色千化佛佛放千光如是光明遍照十
方無量世界化成一華其華甚大量不可知
除佛心力無能知者是蓮華中百千萬億無
量佛刹皆於中現百千萬億諸大菩薩坐一

華鬚華鬚不大菩薩不小亦不相妨如是菩
薩耳普垂埵如金蓮華懸處日光亦於耳中
旋生五光此相現時佛耳中毛如帝釋樹衆
所喜見佛告阿難佛滅度後佛諸弟子作是
觀者常聞百億千佛及諸菩薩說深妙法不
壞耳根如是觀者名為正觀若異觀者名為
邪觀云何觀如來頸相頸相出二光其光萬
色遍照十方一切世界有諸衆生善根熟者
遇斯光明悟十二緣成辟支佛此光照諸辟
支佛頸此相現時行者徧見十方一切諸辟

支佛擲盃虛空作十八變諸辟支佛一一足
下皆有文字其字演說十二因緣無明緣行
行緣識識緣名色名色緣六入六入緣觸觸
緣受受緣愛愛緣取取緣有有緣生生緣老
死憂悲苦惱一字一光一光十二音一音說
苦空無常無我一音演說十二因緣如是辟
支佛足下光中皆有是字逆順往返凡十二
遍是名生死之根本也此光照諸辟支佛已
還入佛頸作此觀者不生人中生兜率天值
遇一生補處菩薩為說妙法既聞法已身心

歡喜學諸菩薩觀緣起法如是觀者名為正
觀若異觀者名為邪觀云何觀如來缺髑骨
滿相滿相光明遍照十方作琥珀色若有眾
生遇此光者自然興發聲聞道意是諸聲聞
見此光明分為千支一支千色十千光明光
有化佛一一化佛有四比丘以為侍者一一
比丘皆說苦空無常無我分別四諦說八人
義說四果相說三三昧令彼眾生于此法中
求出家法出家不久成阿羅漢如是光明遍
照十方諸羅漢頂照頂之時如人執瓶灌藥

入頂其狀色貌猶如醍醐從頂入已貫徹表裏爾時行者身心安隱其心恬然無有惡想不見諸使及結相貌如是霍然成阿羅漢此光復變作金色蓋其數無量一一蓋中百千七佛一一七佛有四比丘以為侍者一一比丘入四大定四大定中遍現一切結使相貌八萬戶蟲宛轉而出小蟲種類亦皆隨從此相現時火大先起火大起者初如芥子從毛孔生後漸漸長遍燒諸身身如火聚諸蟲鳴吼如師子聲此聲出時行者心怖迷悶躡地

出定見身如野火行傍樹為焦此相現時復當起心作一藥想先作身想身想既成開頂令空作梵王想作帝釋想作諸天手持寶瓶想持藥灌想藥入頂時遍入四體及諸脉中見脉及身如瑠璃^五簫但見諸蟲如萎死華爾時諸脉更相流注^五唯有衆水水至之處火則隨滅是時行者節節水出如人仰射水至梵際水水相次至于梵天見身中水如四大海但見諸蟲頭萎摧^五如手折脚戾惟心生火分為十支火入衆水不相消滅水光上衝火光

隨逐水火二光皆從心出互相交錯上極三界頂下至阿鼻獄盡一世界際純見水火流東西南北火亦隨走爾時心端自然生一黑毛於其毛端出大黑風其風四色隨心根起如旋嵐風狀如烟燄其風遍吹一切諸水其水波動沫聚成積火亦入中得火力故沫堅如冰復有風來吹諸塵穢九十八種惡不淨物持置冰上冰力弱故隨不淨物著處即解此冰解時八人執刀斫冰段取各持而去塵土塗汙心悶而卧風火水等合聚一處火力

大故燒壞衆物有四惡蛇含一寶珠從火燄出凌雲飛逝有六大龍迎四小螭吞吸而走龍頂生樹至無色界有一小草細若秋毫色正金色從樹楷生下入樹根從樹根生上入樹莖從樹莖生散入枝葉其華白色亦有紅赤其果欲熟猶作四色至八月半純黃金色如此光明照諸聲聞變化無量百千境界如是觀者名爲正觀若異觀者名爲邪觀若有比丘入此定時身如芭蕉無有堅實出定之時身體支節悉皆疼痛若不服藥發狂而死

應當隨時衆藥消息作是觀者除無數劫生死之罪如大水流不久當得阿羅漢道佛告阿難汝持佛語真實莫忘爲諸比丘當廣宣說說是語時五百比丘得四大定同時皆得四沙門果云何觀如來曾臆字卍字相腋下摩尼珠皆放光明其光紅紫中有金華其華開敷化爲無量百千萬億無數衆華一一華上有無量佛是諸化佛各有千光光一化佛其光五色若有衆生遇此光明狂者得正亂者得定病者得愈貧窮者自然得寶盲者得

視聾者得聽瘖者能言癱跛疥癩皆得除愈遍入十方諸佛頂上入已諸佛曾中有百千光從卍字生一一光中歌百千偈演說檀波羅蜜如是衆光演說六波羅蜜其偈無量行者正坐聞無量佛皆說是法一一化佛遣一化人端嚴微妙狀如彌勒安慰行者而作是言善哉善哉善男子汝繫念故見諸佛光諸佛光中說無相說無相戒說無相忍說無相精進說無相定說無相慧汝聞此法慎勿驚怖過去諸佛繫念思惟亦聞是法亦解是

相解是相已不畏生死處大地獄阿鼻猛火
火不能燒雖處地獄如遊天宮是故卽字名
實相印諸佛如來無量無邊阿僧祇劫學得
此印得此印故不畏生死不染五欲佛告阿
難佛滅度後佛諸弟子見佛曾相先者除却
十二萬億劫生死之罪至四若不能見曾相大分明
者入塔觀之如是觀者名為正觀若異觀者
名為邪觀云何觀如來寶臂臍纖圓如象王
鼻相手指合縵掌千輻輪各各皆放百千
光明一一光明分爲千支純作紅色如是衆

光遍照十方無量世界照世界已化成金水
金水之中有一妙水如水精色餓鬼見者除
熱清涼畜生見者自識宿命狂象見者爲師
子王師子見之爲金翅鳥諸龍見之爲金翅
鳥王是諸畜生各見所尊心生恐怖合掌恭
敬以恭敬故命終生天衆人見者如梵天王
或如日月星辰見已歡喜命終生梵率天行
者見之心眼即開時十方界滿中化佛一一
化佛手出光明入行者眼閉目開目恒見諸
佛自觀身相如妙寶瓶中有不淨如是見者

雖未得通遍至十方歷侍諸佛見一一佛出
 手光明亦復如是如是觀者名為正觀若異
 觀者名為邪觀云何觀如來齋相如來齋中
 有萬億寶華一一寶華萬億那由他葉一一
 葉萬億那由他色一一色萬億那由他光此
 相現時一切大衆見佛心相如來心者如紅
 蓮華金華映蔽妙紫金光以為間錯妙瑠璃
 甯懸在佛曾見佛身內萬億化佛是諸化佛
 遊佛心間佛齋出光其光熾然如須彌山眾
 山中間有無量寶山如須彌山此眾華上皆

有化佛嚴顯可觀如須彌山其光千種有十
 千色分為十億億支照上方億億支照下方
 億億支照上方億億支照東方億億支照南方
 億億支照西方億億支照北方億億支照東南
 方億億支照西南方億億支照西北方億億支
 照東北方如是十方各有諸華華極小者猶
 如百億須彌山大一須彌山有百億萬諸大
 菩薩身極小者如須彌山諸化菩薩齋中各
 生一大蓮華其諸蓮華遍覆三千大千世界
 一一華間有金色光其光猶如閻浮檀金一

一金光化微塵數釋迦牟尼一一釋迦齋中
光明亦復如是如是衆光合成光臺其衆光
臺亦有無量微塵恒沙諸大化佛佛佛相次
放齋光明其光大盛直照上方無量世界復
過是界如是衆界數如三千大千世界無量
微塵是世界中皆有瑠璃玻瓈億寶以爲佛
窟是衆窟中各有萬億無量諸佛諸佛齋中
各各皆生一大蓮華與前無異是諸光明照
諸一切十地菩薩是諸菩薩遇斯光已即入
微妙首楞嚴門復得入於金剛譬定諸天遇

者深發無上正真道意心眼開明見諸佛相
如此光明照菩薩已令諸菩薩身諸毛孔一
毛孔中出阿僧祇諸供養雲及衆供具蓋極
小者覆閻浮提如是衆多雜寶供具不可悉
說此諸供具從首楞嚴海生佛告阿難若善
男子善女人作是思惟時如是憶想者夢見
此事者生生之處恒常值遇普賢文殊是法
王子爲衆行者夢中恒說過去未來三世佛
法說首楞嚴三昧般舟三昧亦說觀佛三昧
以爲瓔珞覺已憶持無所忘失此人現世功

德天女以爲給使除却十萬億劫生死之罪如是觀者名爲正觀若異觀者名爲邪觀億億光照下方令下方地如閻浮提水色於衆水中有恒沙寶樓衆寶樓下有一寶城如捷閻婆城於寶樓上有大寶樹其樹枝葉一切火起其火光燄上下俱燒燒此衆水化成瑠璃瑠璃地上復生諸樹樹有四龍其龍頂上有如意珠其珠光明遍照龍身令龍及樹純黃金色其龍奮迅諸龍毛孔出金色光其光直照下方無量世界復過下方復照無量世

界令下方地皆作金色金色地上有金剛華金剛華上有金天女一天女百千天女以爲眷屬是諸天女皆讚慈心三昧海從下方出直至上方迦毗羅城其聲如雷讚說慈心說是語時諸龍毛端出諸寶雲一一雲中有恒沙佛刹一一刹中塵數化佛一一化佛出此光明此光現時下方世界有百萬金山於其巖間百億寶窟如雲涌起是衆窟中純諸白佛白妙菩薩及聲聞衆以爲侍者金精寶光在佛左右猶如斷山衆寶映錯有妙寶蓋

如須彌山無量寶成一寶間百億光明迴
旋宛轉於衆光中有百億師子座一一師子
座上有百億那由他菩薩大衆結跏趺坐時
彼菩薩身毛孔中有阿僧祇光一一光中有
一化佛其身脩圓如須彌山是諸化佛以百
千偈讚說不殺慈爲根本慈是妙藥除生死
患慈爲淨目導諸天人是諸化佛讚歎慈已
各作變化爲瑠璃山於其山內百億菩薩一
一菩薩有萬梵王以爲侍者到行者前於寶
山內異口同音皆說是法告言善男子汝於

念佛海應修慈心諸佛菩薩以慈心故得佛
大慈汝今應當修不殺戒行大慈心爾時亦
有天龍八部一切衆生遇此光者聞是語者
命終之後必生梵世佛告阿難汝持此語慎
勿忘失告諸比丘令行是事佛滅度後佛諸
弟子若聞是語思是法者有正念者有正受
者三昧不動者心不懈退者發大乘者當知
是人恒於夢中見此光明亦聞化佛說慈心
法覺已憶持深解義趣思其義故即得慈定
如是觀者名爲正觀若異觀者名爲邪觀佛

滅度後佛諸弟子思是法者持是法者當知
是人其心清淨如諸佛心除却億劫生死之
罪常生梵世值遇諸佛請轉法輪既聞法已
發菩提心於未來世必成佛道億億光照東
方乃至東方無量世界令東方地白如雪山
於眾山上有白寶雲其白寶雲狀如寶臺眾
寶羅網寶鈴萬億眾鈴網間有一億白光是
諸白光化成金臺一金臺上有四化佛一一
化佛四億菩薩以為侍者佛與菩薩皆說慈
法讚歎不殺凡千億偈如是觀者名為正觀

若異觀者名為邪觀佛告阿難佛滅度後佛
諸弟子如是觀者除半億劫生死之罪億億
光照南方令南方地皆作紅色此紅色光乃
至南方無量世界變成白雲紅白分明於眾
雲間有諸化佛白真珠色毗瑠璃光上妙金
華以為佛座於金華上百億菩薩皆黃金色
百億寶光映蔽白雲一一光中五百化佛是
諸化佛異口同音亦讚不殺及大慈悲如是
觀者名為正觀若異觀者名為邪觀佛告阿
難佛滅度後佛諸弟子聞是法者思是法者

觀是法者此人恒於夢中見釋迦文放齋光明以用照之此光明相如向所說其人生處不處胞胎恒生淨國若生天上自然化生億億光照西方乃至西方無量世界其光雜色如月如星衆星月間有七寶珠一珠出水一珠出火一珠生樹其樹七寶金剛爲果一珠生華於月光中有梵宮殿梵王眷屬及梵衆寶皆悉具足其星光中有摩醯首羅宮及其眷屬一一天宮百萬億梵王一梵王無量無數諸天大衆以爲眷屬摩醯首羅等數不

可知是諸寶珠出瑠璃光瑠璃光內有真金像其真金像坐白寶座頂佩赤真珠光赤真珠光中有綠真珠化佛是諸化佛及諸天衆異口同音讚說不殺勸進行者行大慈悲佛告阿難如是觀者名爲正觀若異觀者名爲邪觀佛滅度後佛諸弟子有憶想者有思惟者如此觀者常於夢中夢見諸佛爲說慈法除却七億劫生死之罪億億光照北方乃至北方無量世界令北方地皆珊瑚色琥珀玫瑰真珠碼瑙玻璃等寶以爲間錯一一寶中

有一億光一一光化作一師子師子背上有
七寶蓋其蓋高妙如須彌山瑠璃為竿雜寶
綵華以為莊嚴一一華上有百億化佛一一
佛面如閻浮檀金色髮紺瑠璃色身百億寶
色臂紅真珠色爪真金色手中相白蓮華色
鹿王踰曇華色足下相毗楞摩尼色從足
下放五色光上至髮際身諸毛孔皆有化光
一毛孔中有一億菩薩一一菩薩齋有一大
蓮華其華高大如須彌山百寶所成華上有
佛其佛高大與華正等亦出齋光此相現時

眾寶師子奮迅若驚師子眾毛一一毛端有
百億佛刹一一佛刹無量百億眾寶蓮華以
為莊嚴其蓮華上亦有百十大菩薩眾是諸
菩薩亦出齋相如上菩薩如是菩薩眾色光
明合成一山其山高顯如真金臺其臺四角
有四梵幢幢端皆有四億佛刹十一刹中有
百千塔塔極小者從閻浮提至於梵世無數
眾妙一切寶像以為莊嚴是諸寶塔及化菩
薩皆共讚歎喜捨二法若有眾生遇斯光者
得大智慧如舍利弗總持不失猶如阿難佛

告阿難佛滅度後佛諸弟子欲見是相者當發慈心修不殺戒普為十方一切衆生行是行者雖不坐禪恒於夢中得見衆色如向所說佛告阿難持是語者即持佛心作是觀者能觀佛心諸佛如來以大慈悲而以為心戒定慧解脫解脫知見而以為身十力四無所畏十八不共法大悲三念處而自莊嚴如是觀者名觀佛心佛告阿難此齋相中略而解之佛心境界後自當說如是觀者名為正觀若異觀者名為邪觀佛滅度後佛諸弟子思

是法者持是法者觀是法者此人現世惡業罪障皆悉清淨億億光照東南方乃至東南方無量世界化成金輪一一金輪七寶隨從一一金輪百億轉輪聖王一一轉輪聖王千子四兵皆悉具足其化珠寶出大光明如烟如雲一一光中有大蓮華華相合華之中出大日光一一日光有金色象菩薩化乘乘象之時萬億瑞應不可宣說諸菩薩光合成一佛其佛金色身量無邊亦出齋相齋相光明亦如上說諸光中人皆讚五戒說十善

法諸轉輪王手執金輪宣十善法佛告阿難
如是觀者名爲正觀若異觀者名爲邪觀佛
滅度後佛諸弟子憶想是者思惟是者觀是
法者却二十萬億劫生死之罪常生天上聞
十善教億億光照西南方乃至西南方無量
世界至彼界已其光如雨似雜色珠一一珠
中出百億光一一光合成寶臺一一臺角有
十二須彌山一一須彌山龕室無量一一龕
中有無量化佛一一化佛有無量菩薩以爲
眷屬是衆化佛及化菩薩亦皆讚歎說十善

法如是觀者名爲正觀若異觀者名爲邪觀
佛告阿難佛滅度後佛諸弟子憶想是者思
惟是者觀是法者除十二億劫生死之罪若
欲往生他方淨刹隨意無礙億億光照西北
方乃至西北方無量世界其光玉色玻璃紅
紫更相映飾一一光中百億寶車白車白馬
紫車紫馬紅車紅馬諸馬毛鬣皆真金色如
是車上有七寶軒軒上皆悉有蓋其蓋十層
於軒蓋中有千光明寶鬘垂下光明隨流迴
入車中化成化佛佛身高顯萬億由旬一一

佛齋出無數光其光遍照無量化佛遇此光者永脫三塗無三惡患此光迴旋正立空中如雲上昇一一雲間百千化佛一一化佛百億弟子如大迦葉勤修十二頭陀苦行心無所著厭離世間如是觀者名為正觀若異觀者名為邪觀佛告阿難佛滅度後佛諸弟子想是法者思惟是法者觀是法者當知此人常見諸佛遠成大乘除却十億劫生死之罪億億光照東北方乃至東北方無量世界其光清淨無諸濁穢如玻璃鏡內外俱現於彼

光中見十方佛皆出齋相一一佛齋光明遍照十方無量諸佛刹土一一佛刹有微塵數化佛一一化佛微塵數菩薩以為眷屬如是菩薩齋相光明猶如金柱其金柱端萬億天衣寶箱寶篋譬如雲臺從空而下一一箱篋萬億光明一一光明合成一佛一佛身中無量微塵無數化光於諸光端有諸化佛猶如芥子此小佛身亦出齋相如上所說此齋光明遍照十方入諸佛齋從諸佛齋出入諸菩薩曾從諸菩薩曾出入諸聲聞頂從諸聲聞

頂出譬如大雲無量金色衆寶間錯入佛足
下入足下已足下千輻相中出大光明其光
如華華華相次繞佛億而從赤銅爪足趺毛
孔乃至頂髻佛身諸毛如蓮華敷一毛孔中
有八萬四千蓮華一蓮華上八萬四千化佛
一一化佛八萬四千諸大菩薩以爲眷屬一
一菩薩眉間衆光出妙音聲讚歎佛色身相釋
迦文佛現此光已告大王言如來色身分別
色相除佛現已其餘境界如向所現佛說是
已爾時父王即從座起整衣服爲佛作禮遶

佛七而胡跪合掌白佛言世尊如來身色一
切都現唯佛心內有何境界有何相貌修行
何事佛心所念爲是何物佛心光明何所像
類是時如來即便微笑其舌相光如上所說
遶佛七而從佛頂入爾時如來入解脫相三
昧令父王見如瑠璃窟成眞金像十八眞金像內
於佛胷中如瑠璃甯從佛咽喉下見如來心
如紅蓮華金華映飾紅華金光不開不團
圓如心八萬四千脉一一脉如天畫師所畫
之脉一一畫中八萬四千光明一一光明八

萬四千種色一一色中無量微塵數化佛一
一化佛坐金剛臺其金剛臺放金色光明其
光無數不可具說一一光中亦有化佛數如
上說是諸化佛皆出廣長舌相上至髮際一
一佛舌有一億光其光合聚為十千段一一
光上有百億化佛結跏趺坐入普現色身三
昧十方諸佛微妙色身入此三昧海中當佛
入此三昧時迦毗羅城及尼拘樓陀精舍并
閻浮提如大寶華於華臺上有玻璃幢玻璃
幢端有玻璃鏡十方無量諸佛淨國皆於中

現時會大眾觀見諸佛或見佛身量同虛空
純黃金色或見佛身如須彌山四寶所成或
見佛身如瑠璃色長十丈者或見佛身作白
銀色長百千丈見釋迦文身故長丈六或見
七尺或見三尺或見遍至梵世或見七寸見
入鉢支諸鬼神等見如微塵見如芥子見如
金粟諸鬼見已小身鬼等皆大歡喜

觀佛三昧海經卷第四

永樂北藏

觀佛三昧經

第五〇册

音釋

穀克角切 萎邑危切 積子智切 癩龍抽切 癩無角切
 穉禾公八切 痺卑利切 癩癩也 癩癩也 癩癩也 癩癩也
 也 篋結叶切 癩癩也 癩癩也 癩癩也 癩癩也 癩癩也

觀佛三昧海經卷第五

量五

東晉天竺三藏法師佛陀跋陀羅譯

觀佛心品第四

爾時佛心如紅蓮華蓮華葉間有八萬四千
諸白色光其光遍照五道衆生此光出時受
苦衆生皆悉出現所謂苦者阿鼻地獄十八
小地獄十八寒地獄十八黑暗地獄十八小
熱地獄十八刀輪地獄十八劍輪地獄十八
火車地獄十八沸屎地獄十八鑊湯地獄十
八灰河地獄十八毒蛇地獄五百億劍林地

獄五百億刺林地獄五百億銅柱地獄五百
億鐵機地獄五百億鐵網地獄十八鐵窟地
獄十八鐵丸地獄十八尖石地獄十八飲銅
地獄如是等衆多地獄佛告阿難云何名阿
鼻地獄阿言無鼻言遮阿言無鼻言救阿言
無間鼻言無動阿言極熱鼻言極惱阿言不
閑鼻言不住不閑不住名阿鼻地獄阿言大
火鼻言猛熱猛火入心名阿鼻地獄佛名阿
難阿鼻地獄縱廣正等八千由旬七重鐵城
七層鐵網下十八鬲周匝七重皆是刀林七

重城內復有劍林下十八鬲鬲八萬四千重
於其四角有四大銅狗其身廣長四十由旬
眼如掣電牙如劍樹齒如刀山舌如鐵刺一
切身毛皆出猛火其烟臭惡世間臭物無以
可譬有十八獄卒頭羅刹頭口夜叉口六十
四眼眼散迸鐵丸如十里車狗牙上出高四
由旬牙頭火流燒前鐵車令鐵車輪一一輪
輞化爲一億火刀鋒刃劍戟皆從火出如是
流火燒阿鼻城令阿鼻城赤如融銅獄卒頭
上有八牛頭一一牛頭有十八角一一角頭

皆出火聚火聚復化成十八輞火輞復變作
火刀輪如車輪許輪輪相次在火焰間滿阿
鼻城銅狗張口吐吞在地舌如鐵刺舌出之
時化無量舌滿阿鼻地七重城內有七鐵幢
幢頭火踴如沸踴泉其鐵流迸滿阿鼻城阿
鼻四門於門間上有八十釜沸銅踴出從門
漫流滿阿鼻城一一鬲間有八萬四千鐵蟒
大蛇吐毒吐火身滿城內其蛇哮吼如天震
雷雨大鐵丸滿阿鼻城此城苦事八萬億千
苦中苦者集在此城五百億蟲蟲八萬四千

觜觜頭火流如雨而下滿阿鼻城此蟲下時
阿鼻猛火其焰大熾赤光火焰照八萬四千
由旬從阿鼻地獄上衝大海沃焦山下大海
水滴如車軸許成大鐵尖滿阿鼻城佛告阿
難若有衆生殺父害母罵辱六親作是罪者
命終之時銅狗張口化十八車狀如金車寶
蓋在上一切火焰化爲玉女罪人遙見心生
歡喜我欲往中我欲往中風刀解時寒急失
聲寧得好火在車上坐然火自爆作是念已
即便命終揮霍之間已坐金車顧瞻玉女皆

捉鐵斧斬截其身身下火起如旋火輪譬如
壯士屈伸臂頃直落阿鼻大地獄中從於上
隔如旋火輪至下隔際身遍隔內銅狗大吼
齧骨咬髓獄卒羅刹捉大鐵叉叉頸令起遍
體火燒滿阿鼻城鐵輞雨刀從毛孔入化閻
羅王大聲告勅癡人獄種汝在世時不孝父
母邪慢無道汝今生處名阿鼻地獄汝不知
思無有慚愧受此苦惱爲樂不耶作是語已
即滅不現爾時獄卒復驅罪人從於下隔乃
至上隔經歷八萬四千隔中擗身而過至鐵

網際一日一夜雨乃周遍阿鼻地獄一日一夜此閻浮提日月歲數六十小劫如是壽命盡一大劫五逆罪人無慚無愧造作五逆五逆罪故臨命終時十八風刀如鐵火車解截其身以熱逼故便作是言得好色華清涼大樹於下遊戲不亦樂乎作是念時阿鼻地獄八萬四千諸惡劍林化作寶樹華果茂盛行列在前大熱火燄化爲蓮華在彼樹下罪人見已我所願者今已得果作是語時疾於暴雨坐蓮華上坐已須臾鐵箭諸蟲從火華起

穿骨入髓徹心穿惱攀樹而上一切劍林削肉徹骨無量刀林當上而下火車爐炭十八苦事一時來迎此相現時陷墜地下從下隔上身如華敷遍滿下隔從下隔起火燄猛熾至於上隔至上隔已身滿其中熱惱急故張眼吐舌此人罪故萬億融銅百千刀輪從空中下頭入足出一切苦事過於上說百千萬倍具五逆者其人受罪足滿五劫復有衆生犯四重禁虛食信施誹謗邪見不識因果斷學般若毀十方佛偷僧祇物淫泆無道逼掠

淨戒諸比丘尼姊妹親戚不知慙愧毀辱所
親造衆惡事此人罪報臨命終時風刀解身
偃卧不定如被楚撻其心荒越發狂癡想見
已室家男女大小一切皆是不淨之物屎尿
臭處盈流于外爾時罪人即作是語云何此
處無好城郭及好山林使吾遊戲乃處如此
不淨物間作是語已獄卒羅刹以大鐵叉擊
阿鼻獄及諸刀林化作寤樹及清涼池火燄
化作金葉蓮華諸鐵脊蟲化為鳧鴈地獄痛
聲如詠歌音罪人聞已如此好處吾當遊中

念已尋時坐火蓮華諸鐵脊蟲從身毛孔噉
食其軀百千鐵輪從頂上入恒沙鐵叉挑其
眼睛地獄銅狗化作百億鐵狗競分其身取
心而食俄爾之間身如鐵華滿十八隔中一
一華葉八萬四千一一葉頭身手支節在一
隔間地獄不大此身不小遍滿如此大地獄
中此等罪人墮此地獄經歷八萬四千大劫
此泥犁滅復入東方十八隔中如前受苦此
阿鼻獄南亦十八隔西亦十八隔北亦十八
隔謗方等經具五逆罪破壞僧祇汙比丘尼

斷諸善根如此罪人具衆罪者身滿阿鼻獄
四支復滿十八隔中此阿鼻獄但燒如此獄
種衆生劫欲盡時東門即開見東門外清泉
流水華果林樹一切俱現是諸罪人從下隔
見眼火暫歇從下隔起宛轉腹行^五擗身上走
到上隔中手攀刀輪時虛空中雨熱鐵丸走
趣東門既至門閻獄卒羅刹手捉鐵叉逆刺
其眼鐵狗齧心悶絕而死死已復生見南門
關如前不異如是西門北門亦皆如此如此
時間經歷半劫阿鼻獄死生寒冰中寒冰獄

死生黑闇處八千萬歲目無所見受大蛇身
宛轉腹行諸情閻塞無所解知百千狐狼牽
掣食之命終之後生畜生中五千萬身受鳥
獸形還生人中聾盲瘖瘂疥癩癰疽貧窮下
賤一切諸衰以為嚴飾受此賤形經五百身
後復還生餓鬼道中餓鬼道中遇善知識諸
大菩薩呵責其言汝於前身無量世時作無
限罪誹謗不信墮阿鼻獄受諸苦惱不可具
說汝今應當發慈悲心時諸餓鬼聞是語已
稱南無佛稱佛恩力尋即命終生四天處生

彼天已悔過自責發菩提心諸佛心光不捨是等攝受是輩慈哀是等如羅睺羅教避地獄如愛眼目佛告大王欲知佛心光明所照常照如此無間無救諸苦衆生佛心所緣常緣此等極惡衆生以佛心力自莊嚴故過算數劫令彼罪人發菩提心佛告阿難云何名十八寒地獄寒地獄者八方冰山山十八隔復有十八諸小冰山如玻璃色此等寒冰滿冰山間如凡蓮華高十八由旬上有冰輪縱廣正等十二由旬如天雨雹從空而下世間

自有無慈心者劫奪無道抄盜剝脫凍殺衆生此人罪報欲命終時一切刀風化為熱火罪人作念我今云何不卧冰上為火所逼作是念時獄卒羅刹手執冰輪如白鶴翔躡虛而至罪人見已除熱清涼心便愛念氣絕命終生冰山上五既生之後十八冰六山如以扇扇一切寒冰從毛孔入十八隔中遍滿一隔割裂劈坼如赤蓮華冰輪上下遍覆其身八方冰山一時俱合更無餘辭但言阿羅羅爾時罪人即作是念我於何時當免寒冰生熱火

中爾時空中有諸鐵鳥口皆吐火從空中下
破冰啄腦罪人即死命終之後獄卒復以鐵
叉打地喚言活活應聲即甦起已思念我今
身上大火猛熾願得前冰以滅此火獄卒復
以冰輪迎接置餘獄中如是十八隔中無不
經歷此寒地獄壽命歲數如四天王日月八
千萬歲罪既畢已生賤人中貧窮鄙陋五百
世中爲人奴婢衣不蔽形食不充口此罪畢
已遇善知識發菩提心佛告阿難云何名黑
闇地獄黑闇地獄者十八重黑山十八重黑

網十八重鐵牀十八重鐵縵一一山高八萬
四千由旬其鐵縵亦厚八萬四千由旬一一
縵間十八重黑鐵圍山羅列如林陰闇此山
世間自有愚癡衆生偷佛法僧燈明偷盜父
母師長和尚謗說法者亦毀世俗論議師等
不忘尊卑不知慙愧量五以此罪故命欲終時眼
有電光睽睽不停即作是念我有何罪常見
是火即閉兩目不願欲見及日月光命欲終
時獄卒羅刹擎大鐵牀張大鐵傘如大隊雲
乘虛而至爾時空中無形有聲此處黑闇汝

欲往不罪人聞聲尋即起心欲往彼所氣絕
命終坐鐵牀上如鷹王翔落黑闇處既入中
已刀輪上下斬剉其身有大鐵鳥觜距長利
從山飛來抓啄罪人痛急疾走求明不得足
下鑊鏢穿骨徹髓如是悻惶經五百萬億歲
亦如四天王日月歲數彼人頭打諸黑闇山
腦流血出獄卒羅刹以鐵叉叉還安眼眶罪
畢乃出爲貧窮人眼目角疎盲冥無見或被
癩病人所驅逐如是罪報經五百身過是已
後遇善知識發菩提心佛告阿難云何名爲

十八小熱地獄十八小熱地獄者如阿鼻獄
亦七重城七重鐵網無量諸惡以爲莊嚴自
有衆生不順師教興惡逆心不知恩養盜師
害師汙師淨食坐師牀座捉師鉢孟藏去不
淨作五種惡云何爲五所謂罵師謗師打師
殺師以諸毒藥持以飲師若沙門婆羅門作
諸非法害師謗師此罪惡人無有慙愧剝像
破塔劫法寶物殺伯叔父母兄弟姊妹如是
罪人命欲終時阿鼻地獄十八獄卒各以鐵
叉擎一隔獄如是衆獄如大寶蓋雨微細雨

雨滴如華此人罪報熱惱入心如火燒已見
雨清涼即作念言願我得坐蔭蓋之下涼雨
灑我不亦樂耶作是語已氣絕命終如擲毬
頃即便坐於大劔牀上百億劔刃刃皆出火
燒刺其身空中寶蓋化為火輪從上而下直
劈其頂其身至五碎裂為數千段上雨銅丸從毛
孔入獄卒羅刹以大鐵叉刺罪人眼或以鐵
箭射其心者悶絕而死須臾還活坐劔牀上
旋嵐猛風吹墮地獄既入獄已時閻羅王與
宮殿俱在虛空中告言獄種汝作衆惡殺師

謗師汝今生處名拔舌阿鼻汝在此獄當經
三劫作是語已即滅不現此獄苦痛如上所
說佛告阿難云何名十八刀輪地獄刀輪地
獄者四面刀山於衆山間積刀如塼虛空中
有八百萬億極大刀輪隨次而下猶如雨滴
自有衆生樂苦惱他殺害衆生命終之時患
逆氣病心悶煩滿心堅如石即作是願得一
利刀削此諸患不亦快乎是時獄卒頂戴刀
輪翳令不現至罪人所卑言遜辭我有利刀
能割重病罪人歡喜即自念言唯此為快氣

絕命終生刀輪上如醉象走墮刀山間是時
四山一時俱合四種刀山割切其身不自勝
持悶絕而死獄卒羅刹驅喊罪人令登刀山
未至山頂刀傷足下乃至肝心畏獄卒故匍
匐而上既至山頂獄卒手執一切刀樹撲殺
罪人未死之間鐵狗齧心楚毒百端鐵蟲咬
食肉皆都盡尋復唱活脚著鐵輪從空而下
一日一夜六十億生六十億死如是衆多凡
十八種此人罪故遂更增劇如四天王壽八
千萬歲罪畢生世墮在畜生五百世中身供

衆口復五百世受早賤形然後乃遇大善知
識發菩提心佛告阿難云何名為劔林地獄
劔林地獄者縱廣正等五十由旬滿中劔樹
其樹多少數如稻麻竹葦一一劔樹高四十
由旬八萬四千劔輪為葉八萬四千劔輪為
莖八萬四千劔輪為果八萬四千沸銅為枝
世間自有愚癡衆生樂殺無厭如此罪人臨
命終時遇大熱病即作念言我今身體時熱
時寒舉身堅強猶如鐵砧即作願言得金剛
劔割却此患樂不可言是時獄卒即自化身

如已父母親友之形在其人前而告之言我有秘法如卿所念當用相遺罪人聞已心甚愛念急急欲得氣絕命終如馬奔走生劔華中無量劔刃削骨破肉碎如豆許復有鐵鳥從樹上下挑眼啄耳有大羅刹手提鉞斧破頭出腦鐵狗來舐死已唱活驅令上樹未至樹端身碎如塵一日之中身經諸樹一夜之中復經諸樹一日一夜殺身如塵不可稱數殺人罪故受如此殃經八萬億歲生畜生中身常負重死復剥皮經五百世還生人中貧

窮短命多病消瘦過是已後遇善知識發菩提心佛告阿難云何名為火車地獄火車地獄者一一銅鑊縱廣正等四十由旬滿中盛火下有十二輪上有九十四火輪自有衆生為佛弟子及事梵天九十六種出家徒衆及在家者誑惑邪命諂曲作惡如此罪人欲命終時風大先動身冷如冰即作是念何時當得大猛火聚入中坐者永除冷病作是念已獄卒羅刹化作火車如金蓮華獄卒在上如童男像手執白拂鼓儻而至罪人見已心生

愛著如此金華光色顯赫照我令熱必除寒
冷若得坐上快不可言作是語已氣絕命終
載火車上支節火然墮火聚中身體焦散獄
卒唱活應聲還活火車轆身凡十八返身碎
如塵天雨沸銅遍灑身體即便還活如是往
返上至湯際下墮鑊中火車所轆一日一夜
九十億死九十億生此人罪畢生貧窮家為
人所使繫屬於他不得自在償利養畢爾乃
得脫由前出家善心功德遇善知識為其說
法心開意解成阿羅漢佛告阿難云何名沸

屎地獄沸屎地獄者八十由旬十八鐵城一
一鐵城有十八隔一一隔中四壁皆有百億
萬劍樹地如刀刃厚三尺於其刃上百千
疾梨不可稱計一一疾梨及劍樹間生諸鐵
蟲其數無量一一鐵蟲有百千頭一一頭有
百千紫背頭皆有百千蝮蟲此諸蝮蟲口吐
熱屎沸如融銅滿鐵郭內上有鐵網鐵鳥世
間自有眾生破八戒齋汗沙彌戒沙彌尼戒
汗式又摩尼戒汗比丘戒汗比丘尼戒自汗
淨戒優婆塞優婆夷戒諸比丘比丘尼優婆

塞及優婆夷沙彌沙彌尼戒式又摩尼如是
七衆及餘一切汙僧淨食汙父母食偷竊先
噉不淨手捉及僧知事以自恃故汙僧淨食
四部弟子以不淨身坐僧祇牀犯偷蘭遮久
不懺悔虛食僧食坐僧衆中與僧布薩如是
衆多無量不淨惡業罪人臨命終時舉身皆
香如麝香子不可堪處即作是念當於何處
不聞此香如此香氣猶如狂風來熏我心作
是念已獄卒羅刹自化已身猶如畫瓶中盛
糞穢至罪人所以手摩觸令彼罪人心生愛

著氣絕命終猶如風吹墮涕屎中墮已糜爛
衆蟲咬食東西走時削骨徹髓飢渴逼故飲
熱涕屎蝨蟲蛆蟲咬其舌根一日一夜九十
億生九十億死罪畢乃出生貧賤家繫屬於
他不得自在設生世時恒值惡王屬邪見主
種種惡事逼切其身瘰癧惡瘡以爲衣服宿
世聞法善因緣故遇善知識出家學道成阿
羅漢三明六通具八解脫佛告阿難云何名
十八鑊湯地獄鑊湯地獄者有十八鑊一一
鑊縱廣正等四十由旬七重鐵網滿中沸鐵

五百羅刹鼓大石炭燒其銅鑊此石火燄燄
燄相承經六十日火不可滅閻浮提日滿十
三萬歲如是鑊沸上涌如星化成火輪還入
鑊中自有衆生毀佛禁戒殺生祠祀爲噉肉
血焚燒山野傷害衆生生燬衆生以火焚燒
如此罪人欲命終時身心煩悶失大小便不
自禁制或熱如湯或冷如冰即作是念得大
溫水入中沐浴不亦樂乎獄卒羅刹化作僮
僕手擎湯釜至罪人所罪人心喜愛樂此釜
氣絕命終生鑊湯中速疾消爛唯餘骨在鐵

永樂北藏

觀佛三昧經

又捺出鐵狗食之嘔吐在地尋復還活獄卒
驅賊還令入鑊畏鑊熱故攀劍樹上骨肉斷
壞落鑊湯中殺生罪故一日一夜恒河沙死
恒河沙生罪畢乃出生畜生中猪羊鷄狗短
命之處無不經歷如是畜身八千萬歲命終
之後還生人中受二種報一者多病二者短
命短命多病以爲眷屬過算數劫遇善知識
受持五戒行六波羅蜜發菩提心佛告阿難
云何名灰河地獄灰河地獄者長二百由旬
廣十二由旬下有利刀岸上劍樹滿中猛火

第五〇册

厚十二丈復有融灰以覆火上厚四十丈世間自有無慙愧衆生偷盜父母偷盜師長偷盜善友兄弟姊妹如是癡人無有慙愧不識恩養心無返復貪利欲得不識殃禍不順師教此人罪報欲命終時氣滿心腹喘息不續五即作是念我心如泥氣滿曾中得一微火暴十三我身者不亦快乎獄卒羅刹應念即至化作妻子手擎火爐微灰覆上至罪人所是時罪人心大歡喜以歡喜故氣絕命終生灰河中諸劍樹間有一羅刹手執利劍欲來傷害言是

人恐怖走於灰河舉足下足刀傷其脚劍樹兩刀從毛孔入羅刹以又又其心出躡地悶死尋復還活是人偷盜師長父母罪因緣故一日一夜五百億生五百億死飢渴逼故張口欲食劍林雨刀從舌頭入劈腹裂心悶絕而死由前聞佛法僧名故罪畢之後得生人中貧窮下賤覺世非常出家學道世無佛時成辟支佛世若有佛成阿羅漢佛告阿難云何爲劍林地獄劍林地獄者八千由旬滿中劍樹有熱鐵丸以爲其果如此劍樹高二十

四由旬自有衆生不孝父母不敬師長作惡口業無慈愛心刀杖加人此人罪報臨命終時心如胡膠處處生著即作此念我心縛著觸事不捨耽酒嗜色身雖遇患心猶不息得一利刀割截此愛獄卒羅刹應聲即至化爲侍者執明鏡示語罪人言汝心多著可觀此鏡觀此鏡時見於鏡中有利劍像即作是念我今體羸不堪欲事得此利劍割斷我心不亦快乎作是念時氣絕命終受餓鬼身諸劍樹間忽然化生生已鐵丸從頂上入從口而

出腸脬焦爛躡地獄卒復以鐵叉打撲驅令上樹上一樹已鐵背蟲噉以恐怖故涌身上樹如是展轉悉經劍林一日一夜八萬生八萬死罪畢之後生饑饉世及疾疫劫爲人卑賤口氣恒臭人所惡見過算數劫遇善知識發菩提心佛告阿難云何名五百億刺林地獄刺林地獄者八千由旬滿中鐵刺一一刺端有十二鉤樹上復有大熱鐵鉗世間自有愚癡衆生惡口兩舌綺語不義語調戲無節誑說是非說經典過毀論義師如此罪報命

欲終時咽燥舌乾即作此念得一利刺刺頸
出血令衆脉間流注衆水不亦快乎作是念
時獄卒羅刹化作父母手執明珠珠頭生刺
持用擬口如水欲滴罪人歡喜我所願者今
已得果作是念已氣絕命終如天電頃生刺
林間既生之後獄卒羅刹手執鐵鉗拔舌令
出八十鐵牛有大鐵犁耕破其舌刺林諸樹
有風吹來撲打其軀一日一夜六百生六百
死過是已後得生人中脣哆面皺語言嘗吃
如此罪人體生諸瘡膿血盈流經五百世人

所惡見過是已後雖有所說人不信受遇善
知識發菩提心佛告阿難云何名五百億銅
柱地獄銅柱地獄者有一銅柱狀如火山高
六百由旬下有猛火火上鐵牀上有刀輪諸
刀輪間有鐵紫蟲鐵烏在傍世間自有愚癡
衆生貪惑滋多染愛不淨犯邪淫行非處非
時行不淨業設有比丘及比丘尼婆羅門等
諸梵行者若於非時非處犯不淨法乃至一
切犯邪行者作不淨業如此罪人臨命終時
舉身反強振掉不定猶如弓身不自勝持即

作此念得一堅大銅鐵柱者縛此身體令不
動搖獄卒羅刹應時即至化作僮僕手執鐵
杖至罪人所白言長者汝今身強餘物皆弱
可捉此杖心即歡喜氣絕命終如弄杖頃生
銅柱頭猛火燄熾焚燒其身驚怖下視見鐵
牀上有端正女若是女人見端正男心生愛
著從銅柱上欲投于地銅柱貫身鐵網絡頸
鐵嘴諸蟲啖食其軀落鐵牀上男女俱時六
根火起有鐵嘴蟲從眼而入從男女根出若
汙戒者別有萬億諸小蟲輩如瘰疽蟲有十

二嘴嘴頭出火啖食其體此邪姪報一日一
夜九百億生九百億死罪畢乃出生鳩鴿中
受鳩鴿身經五百世復生龍中經五百身後
生人中無根二根及不定根黃門之身經五
百世設得為人妻不貞良子不慈孝奴婢不
順過是已後遇善知識發菩提心佛告阿難
云何名五百億鐵機地獄鐵機地獄者有一
鐵牀縱廣正等四百由旬上安諸絀絀閻皆
有萬億鐵弩鐵弩鏃頭百億鋒刃世間自有
愚癡衆生爲貪欲故不孝父母不敬師長不

順善教殺害衆生飢諸奸人此人罪報命欲
終時身體振動身諸六竅汁自流出如此罪
人見自己牀如兜羅綿即生是念何時得一
堅冷之處安身卧眠不亦快耶作是念時獄
卒羅刹以又擎牀敷大毘毘至罪人所罪人
見已心生歡喜欲卧毘毘氣絕命終生鐵機
上萬億鐵縶關從下動鐵縶低昂無量鐵弩
同時皆張一一鐵箭射罪人心一日一夜六
百億生六百億死如是罪人受罪畢已生畜
生中經五百世還生人間貧窮下賤爲人所

使多墮刑獄恒受鞭撻過是已後遇善知識
發善提心佛告阿難云何名鐵網地獄鐵網
地獄者八十九重諸鐵羅網一一網間百億
鐵針一一鐵針施五關縶世間自有虛妄衆
生邪心諂曲妖媚惑人心懷讒賊晝夜惡念
利那利那項成就惡念此人罪報臨命終時
身體瘙癢即作此念得一棘針刺刺疥蟲不
亦樂乎作是念時獄卒羅刹化爲良醫手執
利針唱言治病罪人心喜氣絕命終生鐵網
間揀身下過衆縶皆動無量諸針射入毛孔

如是宛轉諸鐵網間剎那項死剎那項生罪
畢乃出生於邊地無佛法處亦不聞說世間
善語何況正法雖生人中三惡道攝過算數
劫遇善知識雖得聞法心不解了佛告阿難
云何名鐵窟地獄鐵窟地獄者並五餓鬼道中最
上苦法有一鐵山縱廣正等二十五由旬山
上復有五百萬億大熱鐵丸一一鐵丸團圓
正等十三由旬山間復有百千刀劍是時彼
山東向開張有一小孔如摩伽陀井口但出
黑烟世間自有愚癡衆生慳貪縛著心如金

剛但樂求索無有馱足父母妻子悉不給與
師長教授視如糞穢奴婢親友不施衣食如
是慳人不慮無常護惜財物猶如眼目此人
罪報命欲終時諸情閉塞口噤不語心中默
念我死之後是諸惡人食我財物如噉鐵丸
居我屋宅如處閹室作是念已獄卒羅刹化
爲慳人幻收財物至罪人所以火焚之罪人
心喜氣絕命終生火山上猶如融銅鑄鐵窟
中旣入窟中劍蟲刀蟲啗食其軀煙熏其眼
不見火焰周憶惶怖東西馳走頭戴鐵山鐵

九上下從頂而入從足而出一念頃死一念
頃生罪畢乃出生餓鬼中其身長大數十由
旬咽如針筍腹如大山東西求食融銅灌咽
經八千歲乃得苦畢生食唾鬼食膿鬼食血
鬼中罪畢復生廁神豬狗罪畢復生貧窮卑
賤無衣食處遇善知識發菩提心佛告阿難
云何名鐵丸地獄鐵丸地獄者八十由旬滿
中鐵城八十八隔一一隔中有五刀山持用
覆上下有十八大惡鐵蛇蛇皆吐舌舌出鐵
劍劍頭火然世間自有愚癡衆生毀辱布施

言施無報勸人藏積如是癡人向國王大臣
沙門婆羅門及一切衆生說施無因亦無果
報如是罪人臨命終時頸強脉縮迴轉不語
不喜見人低視而卧心中但念我積財寶得
與我俱快不可言獄卒羅刹化作其妻捉熱
鐵丸化作寶器在其人前語言我隨汝死宛
轉相著終不相離氣絕命終生鐵城中東西
馳走鐵蛇出毒纏繞其身節頭火然即作是
念願天愛我降注甘雨應念即雨大熱鐵丸
從頂而入足下而出罪畢乃出爲貧窮孤獨

瘖瘖之人是人歲數如鐵窟說過善知識發
菩提心佛告阿難云何名為尖石地獄尖石
地獄者有二十五石山一一石山有八冰池
一一冰池有五毒龍世間自有愚癡衆生比
丘比丘尼沙彌沙彌尼式叉摩尼優婆塞優
婆夷九十六種諸梵志等法說非法非法說
法或犯輕戒久不懺悔心無慚愧猶如猿猴
此人罪報命欲終時心下氣滿腹脹如鼓飲
食嘔吐水漿不下即作是念得一尖石塞我
咽喉不亦快乎作是念時獄卒羅刹化作良

醫幻捉尖石作大藥丸著其口中告言閉口
心生歡喜氣絕命終生石山間無量尖石從
背上入從胃前出獄卒復以鐵叉叉口以石
內中一日一夜六十億死六十億生此是生
報從此命終墮黑繩地獄黑繩地獄者八百
鐵鎖量五八百鐵山豎大鐵幢兩頭繫鎖獄卒羅
刹驅噉罪人令負鐵山鐵繩上走不勝落地
墮鑊湯中羅刹驅起渴急飲鐵吞石而走一
日一夜經歷是苦九十萬徧罪畢生世為人
僮僕遇善知識為說實法如好白氎易染受

色得阿羅漢三明六通具八解脫佛告阿難云何名十八飲銅地獄飲銅地獄者千二百種雜色銅車一銅車上六千銅丸自有衆生慳貪嫉妬邪見惡說不施父母妻子眷屬及與一切心生慳嫉見他得利如箭入心如是罪人欲命終時多病消瘦昏言寢語口中自說欲得果食作是語時獄卒羅刹化爲銅車滿車載果至罪人所罪人得已心生歡喜即作是念得此美果食不知厭甚適我願歡喜踊躍氣絕命終未經幾時生銅車上不久即

往生銅山間銅車轆頸獄卒羅刹以鉗磔口飲以洋銅飲洋銅已迷悶躄地唱言飢飢尋時獄卒擘口令開以銅鐵丸置其口中吞十八丸節節火然東西馳走經於一日爾乃命終獄卒唱言汝前身時諛諂邪見慳貪嫉妬以是因緣受鐵丸報或曾出家毀犯輕戒久不悔過虛食信施以此因緣食諸鐵丸此人罪報億千萬歲不識水穀受罪畢已還生人中五百世中言語嚅吃不自辯了以宿習故食後噉炭及噉土塊過是已後遇善知識發

菩提心

觀佛三昧海經卷第五

永樂北藏

觀佛三昧經

第五〇册

永樂北藏

觀佛三昧經

第五〇册